



27,422/R

HAMBERGER, G. E.

GEORGII ERHARDI HAMBERGERI

QVONDAM PHILOSOPHIAE ET MEDICINAE DOCTORIS,
PHYSICAE, CHYMIAE ET PRAXEOS PRO-
FESSORIS PVBLICI ORDINARIJ IN ACADEMIA
IENENSI, SERENISSIMORVM SAXONIAE DV-
CVM STIRPIS ERNESTINAE CONSILIARIJ
AVLICI, ACADEMIAE NATVRAE CVRIOSORVM
SODALIS, CONCILII ACADEMICI IE-
NENSIS ADSESSORIS, MEDICI PROVIN-
CIALIS IENENSIS, ET FACVLTATIS
MEDICAE SENIORIS


E L E M E N T A PHYSIOLOGIAE MEDICAE

IN
VSVM PRAELECTIONVM
ACADEMICARVM
CONCINNATA.

CVM FIGVRIS ET INDICE.

I E N A E
SVMT. THEOD. WILH. ERN. GVTH.
M DCC LVII.

312081





LECTORI BENEVOLO

S. D.

D. I. F. F.

En! Beneuole Lector, in lucem et in manus tuas iam exit opusculum, continens supellectilem raram, preciosam, optimarum artis Apollineae veritatum ditissimam, *Elementa* nempe *Physiologiae VIRI*, qui, dum vixit, iure meritoque principibus artis medicae nostri aevi annumerari potuit. Quam insigne enim ipsius ingenii acumen in ruspandis naturae arcanis fuerit, satis superque ex reliquis eius scriptis solidissimis, quae aerae commisit publicae, dudum

)(2 dum

dum innotuit. Verum quidem est, Elementa haec Physiologiae ab ipso beato Autore a capite vsque ad calcem, vt ita loquamur, non esse elaborata, mors enim praematura atque inopinata Summi huius Viri effecit, vt labores hi vltimi a beato autore inchoati exitu exoptato terminari ab ipso non potuerint; interim tamen hoc ingenuè fateri possumus, quod plurima, eaque potiora, quae in hifce Elementis pertractantur, capita, omnino ab ipso beato Praeceptore sint immediate elaborata, quemadmodum illi, qui scripta beati huius Viri norunt, perquam facile intelligere poterunt.

Vt itaque et haec a beato Praeceptore elaborata hominibus omnium seculorum venerabilia efficeremus, simulque eorum commodis

modis quam maxime feruiremus, qui scientiam de fanitate conseruanda et amissa restituenda occupatam, non perfunctorie, sed solide addiscere toto animi ardore cupiunt, dum nempe hac ratione veritates physiologicas solidissimas concatenato ordine propositas in compendio quodam portatili habent, ideo reliqua, quae addere Praeceptor beatus non potuit, vt opusculum hoc fieret completum, suppleuimus, ast satis inuiti ob virium imbecillitatem. Desumpta autem sunt haec supplementa partim, et quidem quam maxime, ex Physiologia Medica beati Praeceptoris, quae paucis abhinc annis typis excusa prodiit, partim ex manuscriptis beati VIRI, quae post mortem fuere inuenta, partim ex ipsis praelectionibus physiologicis

a beato VIRO habitis, et quas reiteratis vicibus, omni, qua fieri potuit, solertia, frequentauimus.

Et sic enata nunc sunt haec, quae iam conspicias, Physiologiae Elementa, quae et docentibus et discentibus admodum erunt proficua, praepremis, si simul in subsidium vocatur ipsa Physiologia Medica a beato Autore olim edita, quippe quae instar commentarii semper esse poterit. Multa quidem sunt, in quibus haec Elementa cum Physiologia Medica b. Autoris conueniunt, si v. c. ordinem capitum, principia physica, mathematica atque anatomica, quibus haec Elementa sunt superstructa, aliaque spectamus, interim tamen valdopere adhuc hocce praesens opusculum differt ab ipsa b. Autoris Physiologia Medica et qui-

quidem in primis partim in eo, quod varia, praesertim quoque mathematica, quae ad doctrinam de respiratione pertinent, et quae concernunt controuersias olim inter Perillustrem de *Haller* atque beatum Praeceptorem agitatae, hic sint addita, quae frustra in Physiologia Medica nostri beati Autoris quaeruntur, partim quoque in eo, quod in praesenti hoc opusculo veritates physiologicae artis medicae tironibus scitu maxime necessariae tantum sint propositae, et quod passim quoque occurrant veritates, quarum demonstrationes dedita opera sunt praetermissae. Vltimum hoc praepositis eum in finem est factum, cum quia harum veritatum demonstrationes in ipsa Physiologia Medica beati Autoris vberius proponuntur, tum, ut et do-

docentes et discentes ingenium suum magis exercere possint, et ut hoc opusculum limites compendii portatilis physiologici non excederet, adeoque ut sic usibus academicis eo melius esset accommodatum.

Tuum nunc est, Lector Beneuole, ut ea, quae in his Elementis sunt tradita, sine fastu aut praeiudicio rite perpendas et ad veritatis trutinam examines. Quod si feceris, certissime confidimus, fore, ut hanc qualemcunque operam semper aequi bonique consulas, eos enim, qui alienos conuellendo labores auare precium suis statuunt laboribus, plane non curamus. Vale. Dedi in Academia Ienenfi d. 3. Febr. 1757.



I. N. I.

ELEMENTORVM
PHYSIOLOGIAE MEDICAE
CAPVT I.

DE

PARTIBVS EX QVIBVS MASSA
SANGVINEA CONSTAT ET EIVSDEM
TEMPERIE.

Inter fluida, ex quibus corpus humanum, tanquam vna parte integrante, constat, istud, quod rubicundum est, et in vasis flexilibus, tam maioribus quam minoribus, etiam sensum nudorum oculorum fugientibus, haeret, *massa sanguinea* nominatur.

§. 2. Vasa ista sunt auriculae cordis, cor, arteriae et venae. Haec durante

Elem. Physf.

A

vita

vita nunquam sunt vacua, quamquam arteriae majores post mortem parum sanguinis contineant.

§. 3. Massa sanguinea ipsa in omnibus vasis majoribus corporis viui, in quibus haeret, experientia teste est fluidum

- 1) pressum; ex transversim enim vulneratis iisdem cum impetu profilit, majori tamen ex arteriis quam ex venis; vnde quoque magis pressum erit fluidum in arteriis quam in venis;
- 2) calidum;
- 3) rubicundum, cinnabarinum in arteria magna et ejus ramis, fuscum in uena caua ejusque ramis;
- 4) ex globulis rubicundis, et alio fluido pellucido, cui immixti sunt globuli, compositum;
- 5) galatinosum: extra vasa delatum
- 6) specificè grauius reperitur aqua, ita quidem, vt sanguinis canini venosi grauitas specifica sit ad aquam vt, $106\frac{1}{2}$ ad 100, sanguinis arteriosi canini vero vt $108\frac{1}{2}$ ad 100: et in homine

mine sanguinis venosi ad aquam vt 106 $\frac{1}{4}$ ad 100.

7) si premitur in canali a vi comprimente externa, quamuis pondere aëris ambientis duplo maiore, ad minus spatium comprimi nequit;

8) sanguis ergo arteriosus specificè grauior, ergo et magis condensatus est quam venosus (nro. 7.);

9) breui tempore, postquam ex vena laesa prodiit in vase quodam collectus sanguinis, sponte in duas sese diuidit partes, quarum altera fundum petit, rubicunda quidem manet, sed fluiditatem amittit et *sanguis stricte sic dictus*, itemque *pars massae sanguineae solida*, vel *rubicunda*, vel *grumosa* vocatur, altera superiorem occupat locum, fluida quidem manet itemque gelatinosa, sed pellucida euadit et alba, quamquam, mox post subsidentiam rubicundae partis, sit adhuc dilute rubra et paulo post dilute flaua; eadem haec pars, aquae feruidae injecta, coagulatur vti albumen oui. Vocatur haec massae sanguineae pars *serum*.

§. 4. Massa sanguinea ergo est fluidum ex duobus heterogeneis corporibus compositum, quorum alterum, sanguis nempe stricte sic dictus, quamuis eius partes sphaericae sint figurae, 1) sibi relictum non est fluidum, sed suam fluiditatem per serum acquirit. 2) est sero specificè grauius; est enim sanguis humanus venosus ad serum vt $409:400$; in vaccis vt $406\frac{1}{2}:400$. in agnis vt $415\frac{4}{5}:400$; in suibus vt $408:400$; in canibus vt $412:400$; in sanguine canino arterioso vt $420:400$; quamquam ex duobus diuersis observationibus BOYLEI alii, contra regulas logicas, concludunt, esse sanguinem stricte sic dictum sero specificè leuiorem, et quidem vt $104:119$.

SCHOLION.

Hos numeros non ideo adduxi, ac si crederem rationem grauitatum specificarum in hisce massae sanguineae partibus esse constantem, sed tantum, vt a) rationem vero proximam exemplo illustrem, b) vt pateret sanguinem diuersorum animalium, quamuis adparenter sit similis, non tamen esse perfecte similem;

§. 5 Ratio quantitatis feri sponte secedentis ad partem rubicundam relictam admodum varia ab autoribus proponitur, HOMBERGIVS asserit esse has quantitates vt $5 : 3$ IOH. TABOR vt $5 : 7$ ipse eandem obseruauit vt $5 : 6$. Sed insignis haec varietas probabiliter maximam partem a tempore, quo durauit separatio, et calore loci pendet. Sanguis enim rubicundus eousque in serum mutatur, quousque in loco stat tepido, ita vt, putredine accedente, fere totus serum fiat. Ex quo patet, sanguinem rubicundum et serum quod ad indolem partium constituentium inter se non differre, sed tantum in combinandi modo et proportionem partium constituentium.

§. 6. Ex sanguine aequae ac fero, lenta exsiccatione in cucurbita, abit fluidum ab aqua simplici nulla qualitate sensibili distinguendum, quod *lymphæ* vocatur. Haec lymphæ maxima est massæ sanguineae pars, est enim ad summam reliquarum massæ sanguineae partium vel vt $6 : 1$ secundum BOERHAAVIUM, vel vt $5\frac{1}{2}$

ad 1, vti ex HOMBERGII experimentis concludi potest, vel, ex propria obseruatione, vt $4\frac{1}{2}$ ad 1. Vbi tamen notandum, me lentum tantum caloris gradum, minime ad feruentis aquae calorem accedentem, adhibuisse.

§. 7. Si examini chimico subjiciatur sanguis, reperitur sal acidum, sal vrinofum, terra, oleum inflammabile et aqua. Ex Hombergii obseruationibus concludo, si acidum massae sanguineae sit $\equiv 1$, esse salis vrinosi quantitatem $\equiv 18$, terrae $\equiv 23\frac{1}{2}$, olei vero $\equiv 30$. Sed nec hanc proportionem pro constante habeo, quia ipse maiorem vrinosi salis quam olei quantitatem obtinui.

SCHOLION.

Salis acidi praesentia in sanguine humano sano etiam ex assumtis, partim acidis, partim acescentibus, quae non statim suas qualitates sensibiles amittunt quando in massam sanguineam deferuntur, itemque ex chylo dulci ex assumtis parato, et ex aciditate phosphori vrinae demonstrari potest; Ex eo vero, quod sanguis sanus acidum vel alcali, nec sapore, nec odore,

nec

nec efferuescentia, aut ebullitione, ab alcalico vel acido liquore affuso, exhibeat, concludi nequit, sal acidum vel alcalicum non esse partem constituentem globulorum massae sanguineae rubicundorum vel ferosorum, eadem enim aderunt phaenomena, si vel omne acidum particulis terreis, sulphureis, vel salinis alcalicis particulis copiosis adhaereat, vel nudum acidum parua admodum quantitate reliquis massae sanguineae partibus sit intermixtum.

§. 8. Vrina quicquid habet ex massa sanguinea obtinuit. Continet vero, praeter aqueas, sulphureas et terrestres partes, etiam ammoniacale, ex acido nitroso et vrinoso sale compositum; tale igitur sal, cum nunquam inter alimenta et potulenta assumatur, in ipsa massa sanguinea quotidie componitur; ergo vt ante compositionem ejus partes componentes nudae in massa sanguinea haeserint necesse est.

§. 9. Nec ex eo, quod vrina sal ammoniacale continet, concludi potest, quod omne sal in vrina contentum sit mediae ammoniacalis naturae: salia

enim ammoniacalia sibi relicta impediunt quidem, nunquam vero inchoant, putredinem, quae tamen in omni vrina, etiam sibi relicta et in vase exacte clauso asseruata, sponte oritur; vnde manifestum est, praeter salia media ammoniacalia, etiam alia non media vrinae inesse. Vnde rursus patet, talia salia etiam in massa haerere sanguinea.

§. 10. Igneas quoque, easque liberas, particulas corpori humano inesse, ex calore corporis humani sani et viui, qui semper calorem aëris ambientis naturalem superat, cognoscimus.

§. 11. Turgescent corpora animalium mollia in spatio ab aëre vacuo; et simili modo turgescent partes molles corporis humani, sub cucurbitulis; vnde vix dubitari potest, id euenturum, vt corpus humanum, simili plane modo ac animalium corpora, sub antlia turgescat. Ex hoc sequitur, vt elasticitas talis, cui aër externus dat aequilibrium, infit corpori humano. Cum igitur solus sanguis calidus

duſ ſub antlia inſigniter turgescat, ebulliat, et innumeras bullas aëreas dimittat, quibus ablatis reliquus sanguis non amplius turgescit, palam est, elasticitatem sanguinis ab aëre esse contento, non vero a reliquis partibus sanguinem constituentibus. Nihil igitur obſtat, quo minus elasticitatem, in toto corpore obſeruandam, eidem tribuamus aëri commixto.

§. 12. Aërem hunc partim inter globulos massae sanguineae, partim in iisdem, tam rubicundis quam albis, haerere, analogia sanguinis et aquae ebullientium, ineptitudo sanguinis post ebullitionem ad coagulum, et turgescencia corporum, durante putredine docet.

§. 13. Omnes hae partes massam sanguineam constituentes acidae, alcalicae, salinae mediae, sulphureae, pingues, aquosae, igneae, aëreae, in quolibet quidem corpore humano sano, omni momento, determinata quadam proportione adſunt, ſed haec proportio, ſalua quamuis ſanitate, omni mo-

mento variat, vti ex ingestis, egestis et diuersis corporis humani et sanguinis ejusdem qualitatibus, in diuersa ejusdem hominis aetate, patet. Magis igitur variabit ista proportio, salua tamen sanitate, in diuersis hominibus, prout temperamentum, sexus, regio, vitae genus et victus variant. Ab hac igitur partium massam sanguineam constituentium proportionem cum, vti in sequentibus patebit, aptitudo tam sanguinis quam solidarum partium ad exercendas actiones sanas dependeat, patet insignis latitudo fundamenti sanitatis corporis humani, et simul summi Numinis summa benignitas.

§. 14. Minime vero sola proportio partium massam sanguineam constituentium, sed et vnio et miscela decens requiritur ad necessarias massae sanguineae conciliandas qualitates, et haec vnio atque miscela in omni animali sanguine praedito eadem esse videtur. Oriuntur enim ex eadem in omnibus dictis animalibus, maximis aequae ac minimis, globuli ejusdem coloris,

loris, rubicundi nempe, et magnitudinis ejusdem, qui adeo exigui sunt, vt secundum IOH. TABOR * 3600, secundum LEVWENHOEK ** vero 1940 diametri globulorum rubicundorum digito sint aequales.

§. 15. Coloris rubicundi globulorum causam partim in grauitate specifica partium globulos constituentium, partim in porositate eorundem haerere, facile quidem ex theoria colorum Newtoniana perspicitur, determinate tamen, minimum hactenus, exponi nequit. LEVWENHOEKII obseruatio, vnum globulum rubicundum in sex resolui globulos albos, etiam si vera sit, ne illustrat quidem coloris causam. VATERI vero et BOERHAAVII obseruationes, experimento tantum docent, lac, cum alcali fixo coctum, acquirere colorem profunde rubrum. Sufficit ad illustrationem vniuersalem istam nosse obseruationem

* Exercitat. med. p. 59.

** Acta eruditorum 1730. mens. febr. p. 67.

uationem, qua scimus, omne corpus salino sulphureum, calore successive aucto, ex albo fieri flauum, ex flauo rubrum, ex rubro fuscum, ex fusco nigrum. Materialiter igitur rubedo globulorum sanguineorum a sale alcalico, sulphure et calore sanguinis pendet.

§. 16. Aër in globulis sanguineis haerens (§. 12.)

1) non partibus solum globulum componentibus reliquis minorem dat cohaesionis gradum, quam si ipsae istae partes proxime sese tangere potuissent, * sed et

2) cum aër in corporibus, etiam fluidis, contentus, aëre exteriori sit magis compressus magisque elasticus,** semper conatu suo sese expandendi ager ad reliquas globulorum partes separandas.

3) Qua-

* Elem. phys. §. 471.

** ibid. §. 497. nro. 6. et Schol.

3) Quatenus igitur ipse est elasticus, globulos quoque sanguineos, hinc totam massam sanguineam, reddit elasticam, ita quidem, vt, aëre externo notabiliter leuiori facto, magis sese expandat, * et hoc facto, atque aëris externi pondere redeunte, ad priores rursus terminos comprimatur, a colore quoque crescente majus occupet spatium, eodem vero decrecente, tam ab aëre externo magis comprimatur, quam ex propria suarum partium cohaesione ad minus redeat spatium. **

4) Vtroque denique modo (nro 1 et 2.) aër globulis sanguineis commixtus efficit, vt isti, a quacunque vi in istos agente et ad eos resoluen- dos apta, tanto facilius resolui queant.

§. 17.

* Elem. physic. §. 282. 316. nro. 3. §. 317.
nro. 3. §. 320. 321.

** ibid. §. 414. nro. 9.

§. 17. Elasticitatem globulorum massae sanguineae rubicundorum a posteriori, ex mutatione figurae eorundem sphaericae in oualem et oualis rursus in sphaericam concludimus. Obseruatur vero haec mutatio in laertis morientibus, ope microscopiorum, si globuli in quodam vasis loco colligantur et dein sigillatim ex loco obstructo abeant. Quamquam vero haec figurae globulorum mutatio et incrementum molis sanguineae a calore crescente, vel cohaesione per putredinem imminuta, elasticitatem sanguinis aperte doceant, sanguis tamen ex vasis suis dimissus, a vi, pondere aëris duplo majore, vna cum aëre externo simul agente, plane comprimi nequit. Merito igitur dubitari potest sanguinem suis vasis inclusum, ab hisce comprimi posse.

§. 18. Igneae partes, vti semper aqueis dant fluiditatem; sic quoque in corpore humano

1) aqueas feri partes fluidas conseruant;

2) re-

2) reliquis quoque massae fanguineae partibus, quatenus iisdem tanquam specificè leuiiores interponuntur, minorem dant cohaesionis gradum; *

3) aëreas vero, quatenus igneae sunt in motu et calorem exhibent, reddunt magis elasticas; **

4) Non solum igitur utroque modo (nro. 2 et 3.) globulos sanguineos expandunt et ad resolutionem reddunt magis aptos, sed et

4) quatenus igneae, calorem dantes, sunt in motu, ex adhaesione in contiguos globulos penetrant, et nouas igneas, in iisdem contentas, a cohaesione liberant, *** atque ipsos globulos ex parte resoluunt * unde quoque vi oppositorum patet,

6) par-

* Elem. physic. §. 414. nro. 4. et 5. et §. 415.

** ibid. §. 400. et 401.

*** ibid. §. 540. nro. 9. et 10.

* ibid. §. 232. nro. 2. §. 414. nro. 5. §. 415. et 430. nro. 2.

6) partibus igneis deficientibus, globulos sanguineos non, vti decet, resolui, tam ob vim resoluentem deficientem, quam ob resistantiam, per cohaesionem non satis imminutam, auctam.

§. 19. Experientia docet

- 1) conclauia, quamuis frigida, si multis repleantur hominibus, calefieri,
- 2) eandem experientiam stabula pecorum, pecoribus repleta, confirmant;
- 3) vestimenta mollia, itemque puluina frigida, corpori humano applicata, ad breue quidem tempus corpus humanum refrigerant, mox vero calefiunt, et dein calorem corporis humani conseruant.

§. 20. Haec experimenta docent,

- 1) calorem ex corpore humano viuo abire in aërem non aequè calidum, ergo, vi oppositorum;
- 2) calorem non transire ex aëre in corpus humanum viuum, quousque hoc isto est calidius, id quod etiam leges desiderant physices, * ergo
- 3) calo-

* Elem. physic. Schol. ad §. 268. nro. 1. et 2.

-
- 3) calorem aëris ambientis moderatum, transitu suo in corpus humanum, calorem huius naturalem non producere,
- 4) calorem tamen aëris ambientis, quo maior est, eo magis minuire, quo minor est, eo magis augere transitum caloris humani in aërem ambientem; (§. 19. nro. 3.) *
- 5) causam ergo caloris humani, quatenus hic maior est calore aëris ambientis, in ipso haerere corpore humano. (nro. 3.)
- 6) Cum omni momento calor ex corpore humano in aërem ambientem transeat, (§. 19.) nec tamen calor corporis humani sani in aëre temperato decreascit, vt omni momento tantum caloris in corpore humano sano producat, quantum ex eodem, in aëre temperato, isto momento abit, necesse est.
-

* ibid. nro. 3.

§. 21. Ratio transitus caloris, siue ignearum liberatarum particularum, in aërem vnice in grauitate specifica, gradu caloris & contiguitate aëris cum corpore humano haeret: * ratio ergo tantum liberationis ignearum in nostro corpore est indaganda.

§. 22. Corpora solida trita calefiunt. Etiam globuli plumbei in saeco triti incalescunt. Quousque homo viuit, in eius vasis fluida motu gaudent progressiuo, ergo fit quaedam tritura fluidorum ad parietes vasis. Si sanus homo subito suffocatione moriatur, cessat quidem motus humorum progressiuus, proportio vero partium massae sanguineae non mutatur, cadaueris tamen calor omni momento decrescit, et nunquam in eodem singulari indiuiduo redit, nisi externe calor adplicetur.

§. 23. Ex his phaenomenis si quis analogice concludat; ergo vnica causa, qua calor in corpore humano produ-
ducitur,

* Elem. nro. 4. et §. 260.

ducitur, est affrictus fluidarum particularum, tam inter se, quam cum parietibus, ex motu progressiuo ortus; minus rite concludit. Nam

- 1) a phaenomenis solidorum ad phaenomena fluidorum analogice minus rite concluditur;
- 2) microscopicae obseruationes docent, raro, si vnquam, globulos massae sanguineae maiores, seu rubicundos, durante motu sanguinis progressiuo, inter se, vel cum parietibus, ad contactum peruenire, sed ab intermixtis lymphaticis particulis separatos conseruari, nullo vero dato contactu nullus datur affrictus:
- 3) etiam solidorum corporum calor ex affrictu minuitur, si aquae constanter affluunt, vnde in molendinis riuulus aquae ad axes rotarum deriuatur:
- 4) calor in animalibus mortuis, in quibus nullus plane adest motus sanguinis progressiuus, non solum

conseruatur, sed et amissus restituitur, modo magnus eorum numerus acruatim cumuletur.

SCHOLION.

Experimentum aliquoties institui centum et triginta coruis, statim post mortem in cumulum collectis; interni enim manebant calidi vsque ad putredinem finitam. Alio tempore, ante collectionem coruorum in cumulum, singulos, mense Aprili, nocte admodum frigida, pauiamento imposui, et altero die rigidos et frigidos factos in cumulum conieci; post tres dies interni vix ad contactum deprehendebantur frigidi; sequentibus diebus, ante manifesta putredinis signa internorum calor quotidie crescens percipi poterat, et, durante putredine, etiam corui in superficie cumuli iacentes magis quam in statu naturali erant calidi.

§. 24. Non dubito, si centum vel plures homines, violento modo necati, in vnum conjicerentur cumulum, similia plane fore phaenomena. Ex quibus patet

- 1) calorem in corpore animato absque vlllo motu sanguinis progressi-
uo

uo conseruari et produci posse;
ergo

2) affricum ex motu sanguinis progressiuo, nec vnicam, nec proximam esse causam caloris animati;

3) accumulationem coruorum non esse causam efficientem caloris, alias etiam lapides et alia corpora sicca accumulata calida euaderent, cui tamen quotidiana contradicit experientia, sed id tantum efficere, vt, si calor in singulis producat coruis, ex causa quacunque interna, tanta quantitas caloris ex aceruo in aërem abire nequeat, quanta in eodem producit: maior enim est ratio superficiei cumuli ad vnus corui superficiem, quam cumuli ipsius ad vnum coruum.

§. 25. Cum ipse calor, quatenus inest in corpore quodam, nil sit quam motus particularum ignearum,* aliter calor in corpore produci nequit, quam vel inferendo nouas partes igneas in

B 3

motu

* Elem. phys. §. 251.

motu constitutas corpori, vel eas, quae insunt corpori et ex cohaesione cum reliquis corporis partibus quiescunt, separando a contactu, id quod liberatio dicitur ignearum. Calorem nostrum non produci per igneas particulas ex aëre in nostrum corpus transeuntēs §pho 20. nro. 3. probauimus; nec istas igneas in motu constitutas, quae cum cibis assumuntur calidis, nostrum dare calorem, partim ex eo patet, quia quantitas illatarum ignearum est relatiue ad nostrum corpus nimis parua, partim quia calidissima animalia, immo homines maximo caloris gradu praediti, vel nunquam, vel raro calidos assumunt cibos: Ergo calor in nostro corpore producitur liberatione ignearum, partibus reliquis nostri corporis adhaerentium.

§. 26. Duplex iam oritur quaestio, a quibusnam nostri corporis partibus, solidis nempe aut fluidis, separentur igneae? et quo modo? Ex eo, quod isti nostri corporis artus, quorum maxima pars sunt ossa, e.g. pedes extre-
mi

mi et manus, non magis calent, quam isti, quorum minima pars ossea est, vt femora et abdomen, et quod ossa, tempore corruptionis, non fiunt magis calida, quam partes molles, sequitur, vt ossa non sint istae nostri corporis partes, in quibus originetenus igneae liberantur, et in reliquas molles partes transeunt; ne dicam vlllo exemplo probari posse, corpus solidum ficcum vnquam sine tritura violenta externa, vel igne externe adplicato, calorem acquisiuisse. Viscerum quoque maxima pars cum sit fluida, minime verosimile est, paucas fibras solidas magnae fluidorum copiae calorem dare. Istae vero contra partes, in quibus sanguis stagnat et accumulatur, minime vero vbi lymphæ stagnat et colligitur, cum calorem acquirant maiorem, quam in statu naturali, sanguis et serum, quippe quae fluida destillata copiosum dant oleum inflammabile, et quae omnibus partibus solidis, etiam minimis, sunt intermixta, istae erunt partes nostri corporis, in quibus igneae originetenus liberantur, et quae reliquis dant calorem.

§. 27. Cum animalia mortua frigida, modo in cumulum colligantur fat magnum, denuo calefiant, (§. 23. nro. 4. et schol.) adeoque igneae ex sanguine quiescente animalium actu tanta quantitate liberentur, vt non omnes in aërem abire queant, sed re-manentes corpus animale reddant calidum, necessarium quoque est, dari modum, quo igneae ex sanguine, in nullo progressiuo motu constituto, liberantur.

§. 28. Vti salia acida inter aliorum corporum terrestrium et salium alcalicorum vel vrinosorum particulas, vrinosa vero inter sulphureas particulas ex adhaesione penetrant, sic et acida massae sanguineae salia inter partes eiusdem terreas et vrinosas, et salia vrinosa massae sanguineae inter sulphureas eiusdem penetrabunt: et hoc perinde fiet, siue salia haereant in fluido lymphatico, globulos ambiente, siue in ipsis globulis tanquam partes constituentes haereant, nam et haec salia a particulis aquae intermixtis sunt

sunt soluta, ergo ad penetrationem inter partes contiguas crassiores apta. Quodsi igitur aut salibus penetrantibus, aut particulis terreis vel sulphureis, inter quas salia penetrant, aut vtrisque simul, adhaereant igneae, hae durante penetratione, necessario liberantur, et liberatae versus contingentes alias agunt, ita nempe, vt iis vel adhaereant tantum, vel in interstitia, vel inter partes earundem, cum motu penetrent, i. e. initium caloris producant.

§. 29. Quo plura salia sic inter alias particulas, quibus igneae adhaerent, penetrant, itemque quo citius penetrant, et quo plures igneae particulis penetrantibus, vel iis inter quas penetrant, adhaerent, eo maior, caeteris paribus, fiet calor. Ex quo patet quare massa sanguinea

- 1) copiosa habet salia, praecipue vrinosa,
- 2) copiosiores sulphureas,
- 3) paucas aquae partes, tanquam constituentes globulorum,
- 4) fluida esse debeat.

§. 30. Iuuant penetrationem salium, adeoque liberationem ignearum,
 1) ipsae igneae reliquis partibus, globulos constituentibus, intermixtae, quatenus istae his adhaerent, * et non, nisi minorem, admittunt cohaesionem :

2) aquae partes intermixtae, quatenus itidem sulphurearum et terrearum contactum et cohaesionem maiorem, ergo resistantiam, quam salia penetrantia superare debent, minuunt.

3) aëreae, quae sunt partes globulorum constituentes; perpetuo enim suo sese expandendi conatu minuunt cohaesionis maiorem gradum istarum particularum, inter quas haerent. **

4) igneae liberatae; tam quatenus ipsae in motu constitutae alias igneas, in quas impingunt, liberant, quam quatenus aërearum inclusarum elasticitatem augent, ***

5) omnis

* Elem. Phys. §. 414. nro. 4. et 7. §. 430. nro. 2.

** ibid. §. 471.

*** ibid. §. 400. et 401.

5) omnis vis externa globulos massae sanguineae premens vel mouens. *

§. 31. Eadem hac salium et ignearum liberatarum actione in globulos,

1) resoluuntur integri globuli, sic destruuntur, et ad vltiorem ignearum liberationem fiunt inepti;

2) salia in iisdem contenta simul liberantur, fiunt magis actiua, soluantur a lympa ambiente, in globulos nondum resolutos ab extra penetrant, adeoque internorum salium effectum augent;

3) tam salia, quam igneae particulae, adhaerent globulorum particulis, inter quarum partes penetrare nequeunt, qua adhaesione istae adhaerentes minimum minus fiunt actiuae, ** si non plane cessent agere, quatenus sunt minimae;

4) dum tali adhaesione combinantur acida salia cum alcalicis vrinosi,

* Elem. Phys. §. 207. nro. 4. §. 235. nro. 2.

** ibid. §. 207. nro 2. et schol.

sis, fit sal ammoniacale, quod sulphureas non amplius resoluit, nec terrestres, et, dum cohaeret cum terreis, fit sal quoddam medium, dum vero cum sulphureis cohaeret, manet quidem sal acidum vel alcalicum, aliter tamen fit determinatum, generatim minus actiuum, primario, ob magnitudinem per combinationem auctam, secundario, ob grauitatem specificam, minimum in superficie, mutatam.

§. 32. Igneae quoque, ac salinae liberatae, particulae

1) transeunt in lympham ambientem; qua miscela vtraeque partes diluuntur, i. e. minus fiunt concentratae, seu, quod idem, in maius distribuuntur spatium, vnde paucae tantum in paruas particulas agere queunt, i. e. minus fiunt actiuae, &

2) partim sibi relictæ, partim vna cum aqueis, partim cum sulphureis cohaerentibus, abeunt in aërem corpus humanum ambientem; quo transitu, vna cum quantitate partium agentium, ipsius quoque actio-

actionis quantitas minor fit quam fuisset, si istae particulae in corpore remanissent. Variabit tamen

3) transeuntium particularum, speciatim ignearum, quantitas, pro varietate caloris et grauitatis specificae corporis ambientis; aquearum vero et salinarum, pro gradu ficcitatis vel humiditatis aëris ambientis, vtraeque vero pro magnitudinis superficiei, per quam transeunt, diuersitate.

§.33. In omnibus, a §pho 28. huc vsque, expositis, considerauius sanguinem vti agit ex miscela suarum particularum heterogenearum. Cum igitur haec eadem fit in corpore viuo ac in corpore recens mortuo, iidem quoque in vtroque aderunt modi agendi, actiones & effectus, quamquam gradu non sint aequales. Vti enim effectus motus intestini longe sunt minores in animalibus singularibus, quam in cumulis animalium, (§. 22. §. 23. nro 4 et schol.) sic etiam iidem erunt maiores in corpore viuo, in quo sanguis viribus externis agitur, quam in mortuo. (§.30. nro.5.)

§.34.

§. 34. Ex dictis simul patet, particulas vnius generis partium massae sanguineae constituentium, quantitate et actione sua determinare actiones et effectus actionis quantitatem particularum alterius generis. Nam

1) igneae minori quantitate praesentes aqueis dant fluiditatem, adeoque potentiam ad agendum vt aqua, * maiori vero quantitate praesentes humidum dissipant, ** et sic humidi actiones minuunt: (§. 32. nro 2.)

2) aqueae partes minori quantitate praesentes a) salia soluendo haec reddunt actiua, vnde calor oritur; (§. 28.) b) grauitatem specificam mixti parum minuunt, vt et c) cohaesionem tam globulorum inter se (euaporatis enim aqueis particulis reliquae non dant fluidum, sed spissum vel etiam durum corpus) quam partium globulos constituentium; immo, in interstitiis aliarum

* Elem. Phys. §. 414. nro 7. et 8.

** ibid. §. 477. nro. I.

rum particularum globulos constituentium haerentes, harum cohaesionem augent. * Contra vero maiori quantitate praesentes aquae partes, d) salia diluendo et e corpore educendo, (§. 32. nro 2) horum actionem minuunt, e) igneas quoque particulas e corpore educendo, et f) grauitatem massae sanguineae minuendo, aptitudinem ad acquirendum maiorem caloris gradum, ** vtroque modo ipsum calorem minuunt, g) feri gelatinositatem diluunt, vnde hoc fit specificè leuius, minus eius partes inter se, et cum parietibus vasorum, itemque cum globulis massae sanguineae rubicundis cohaerent. Cum igitur globuli rubicundi non per se constituent fluidum corpus, sed experientia teste cum sero gelatinoso conquassati in fluore tantum conseruentur, manifestum est, hanc globulorum rubicundorum fluidi-

* Elem. Phys. §. 239.

** ibid. §. 271.

fluiditatem minus perfecte conquassando obtineri, si serum sit minus gelatinosum:

3) salia generatim, relative ad reliquas massae sanguineae partes abundantia, quidquid praestant, maiori praestant gradu, et contra, si deficient, minori gradu:

4) salia acida, si relative ad vrinosam quantitatem excedant, horum maiorem quantitatem mutant in ammoniacale sal, qua mutatione liberatio ignearum, ergo calor immittitur, (§. 31. nro 4.) particulae quoque sulphureae, ope alcalicorum, cum quibus cohaerent, in lympham solutae, accedente acido copioso, ab alcalicis secedunt, (id quod chimica docent experimenta) sibi relictae vero a lympham non solvuntur.

5) salia alcalica, si relative ad acida minori adsint quantitate, idem erit status ac in nro. 4. Si vero excedant quantitate relative ad acida, pauca eorum mutari possunt in sal ammoniacale.

ammoniacale: ergo crescit sulphuris destructio et ignearum particularum liberatio, (§. 28.) i. e. calor augetur; humidum dissipatur, ergo siccum fit corpus humanum. Siccitas enim praedicatur de corpore humano, quando humiditatis effectus minori gradu adsunt, quam pro statu sano adesse debebant.

6) sulphureae, si relatiue ad salia minori adsint quantitate, maiori quidem gradu resoluuntur, i. e. calor fit maior, sed ad eo breuius tantum tempus, quo magis salium quantitas sulphurearum quantitatem vltra proportionem consuetam superat, nimis enim cito destruuntur, ex destructis vero sulphureis nullae amplius liberari possunt igneae, ergo nullus producitur vltcrius calor. Contra vero

7) si sulphureae particulae nimis relatiue ad reliquas, speciatim ad salia, abundant, omnium salium magnitudinem, cohaerendo cum iisdem, augent, ergo actionem salium

et suam resolutionem impediunt: minori ergo gradu liberantur igneae, et calor fit minor, omnes vero massae sanguineae partes magis inter se cohaerent, ergo globuli a se minus diluuntur.

8) terrestribus particulis, experientia teste, tam salia, quam sulphureae particulae maximo adhaerent gradu,* ita nempe, ut salinae pariter ac sulphureae vix igne vehementer a terreis liberari queant. Quodsi ergo terreae in massa sanguinea abundant, respectu nempe reliquarum partium constituentium, pauciores quidem igneae liberantur, i. e. calor corporis humani est mitior, magis tamen durabilis, i. e. in aërem paucae quoque transeunt; massa enim sanguinea, ob easdem quoque terreas est specificè grauior, quam ubi terrestres adeo non abundant, unde diutius calorem continet.**

9) ubi

* Elem. Phys. §. 147.

** ibid. §. 430. nro. 6.

9) vbi vero deficiunt terrestres, reliquarum cohaesio longe erit minor, quam esse debebat; facile igitur quidem plus iusto resoluuntur sulphureae particulae, sed gradus caloris inde ortus brevis erit, ob minorem massae sanguineae grauitatem specificam.

§. 35. Ex dictis iam patet,

- 1) quamlibet partium constituentium speciem toti massae sanguineae dare qualitatem seu aptitudinem quandam ad exercendas quasdam actiones determinato quodam gradu:
- 2) qualitatem, quae massae sanguineae competit ex vna particularum specie, determinari per aliam particularum speciem:
- 3) quamlibet qualitatem variare gradu, prout ratio partium constituentium inter se variat. Speciatim ex omnibus simul massa sanguinea fit apta,
- 4) vt eius partes sese vnire queant in globulos diuersae quidem determinatae

minatae tamen magnitudinis, cohaesionis et grauitatis specificae,

5) vt quaelibet globulorum species possit tranfire per vascula corporis humani, minima quidem et diuersa, diametris tamen globulorum ampliora;

6) vt, non obstante cohaesione, partes globulos constituentes motu intestino in se inuicem agere, igneas liberare, adeoque calorem omnimomento nouum producere queant;

7) vt globuli partim adpareant rubicundi, partim nullo calore manifestopraediti:

8) vt, non obstante diuersa globulorum magnitudine et pondere, omnes tamen, ope sufficientis lymphae, possint in fluore conseruari:

9) vt totum mixtum determinato gradu aqua sit specificè grauius, constat enim ex aqua et partibus aqua specificè grauioribus:

10) vt totius mixti partes maiori inter se et cum aliis corporibus cohaereant

haereant gradu, quam aquae, qui cohaesionis gradus gelatinofitas appellatur:

11) vt totum mixtum aptum fit ad productionem, et conseruationem per certum tempus, determinati caloris gradus, quamquam actualis caloris gradus in vnico corpore quodam humano, non vnice ex hac miscela fiat, sed vel motum sanguinis a vi quadam externa et sanguinem vasis inclusum, vel collectionem plurium corporum humanorum in cumulum magnum desideret.

12) vt omnes globuli massae sanguineae adeoque tota massa sanguinea, ob aërem elasticum singulis globulis inclusum, perpetuum exerceant conatum sese expandendi, et actu sese expandant, si aëris externi resistentia auferatur, vel elater aëris inclusi per calorem augeatur. Ob hunc conatum massae sanguineae elasticitas tribuitur, quamquam a vi quadam externa comprimi nequeat.

§. 36. Omnes actiones corporis humani, de quibus praecedente §pho dixi, massam sanguineam ex proportionem, miscela et contactu diuersarum particularum constituentium acquirere aptitudinem ad eas exercendas, ad actuaalem suam in corpore viuo existentiam adhuc alias requirunt vires, v. g. vasorum in quibus fluida haerent, retentionem horum in vasis, motum vel quietem corporis, et aërem externum minimum ratione caloris determinatum; quia tamen a) aliud est aptitudo ad agendum, aliud actio ipsa, b) vires vasorum, vti ipsa vasa, ex fluidis fiunt, et, pro horum varietate, variant, ipsa ista qualitas, qua sanguis aptus est ad dictas actiones (§. 35.) in corpore humano viuo exercendas, non a vasis est deriuanda, sed a miscela et proportionem partium massam sanguineam constituentium.

§. 37. Ista qualitas, quae ex miscela partium heterogenearum ita in vno mixto oritur, vt quaelibet partium

um

um heterogenearum species determinet potentiam ad agendum reliquarum specierum, dicitur *temperamentum*. Massae igitur sanguineae competit temperamentum, idemque toti corpori humano tribuitur, quia sanguineum fluidum per totum corpus humanum est distributum, eiusque maximam constituit partem.

§. 38. Perpetuae tam secretiones quam excretiones huius vel istius speciei partium massae sanguineae, itemque varietas insignis esculentorum et potulentorum, quae per interualla corpori humano inferuntur, docent in nullo individuo humano, ne ad momentum quidem, proportionem partium massam sanguineam constituentium manere eandem. Si igitur rigorose concludere lubet, temperamentum cuiuslibet individui mutatur omni momento; in plerisque tamen individuis actiones ex temperamento deriuandae, non nisi post plures annos diuersae obseruantur.

§. 39. Insignis varietas hominum generantium, regionum in quibus

homines generantur et educantur, tempestas varia, alimentorum, vitae generis, aetatum et sexus differentia, non possunt non cuilibet individuo humano peculiare dare temperamentum; ut adeo tot diuersa sint temperamenta, quot homines. Haec vero diuersitas ne chimica quidem arte determinari poterit. Ad cognoscendam ergo temperamentorum diuersitatem, istae corporis humani sunt eligendae qualitates, quae in sensus incurrunt et miscelam partium massam sanguineam constituentium sequuntur, inter quas calor et renitentia partium solidarum primariae sunt. Cum igitur nulla pars solida exsiccata corporis humani sit mollis vel flexilis, sed rigida, dura, erit mollities signum humidarum particularum, uti calor signum ignearum liberatarum, ergo sulphurearum et salinarum in se inuicem agentium.

§. 40. Vti igitur ex qualitatibus corporis humani sensibilibus temperamenta cognosci possunt, duo tantum

tum dantur temperamenta simplicia, calidum nempe et humidum, ita quidem, vt *calidum* dicatur temperamentum, vbi calor non deficit, *humidum* vero, vbi humiditas non deficit: pro mensura vero sumitur iste calor istaque fibrarum mollities, quæ in ple-
risque iuuenibus obseruantur.

§. 41. Omni homini viuo et sano, experientia teste, compositum competit temperamentum; ergo quatuor dantur temperamenta humana composita,

- 1) *calidum et humidum*, in quo nempe nec calor nec humidum deficit; veteres *sanguineum* adpellabant,
- 2) *calidum et siccum*, in quo nempe calor non deficit, humidum vero est in subdominio; veteribus *cholericum* dictum,
- 3) *frigidum et humidum*, in quo calor quidem, non vero humidum deficit; veteres *phlegmaticum* nominabant,

4) *frigidum et siccum*, in quo et calor et humidum deficiunt, *melancholicum* veteres vocant.

§. 42. Secundum dicta igitur §pho 34. temperamentum sanguineum a tali dependet proportionem partium massam sanguineam constituentium, qua salium alcalicorum actio et penetratio in sulphureas nec ab acidis, nec a terreis, nec a sulphureis, nec ab aqueis admodum impeditur, ita tamen per easdem particulas, partim ipsis particulis alcalicis liberatis, partim, et quidem primario, sulphureis adhaerentes, determinatur, ut humidum moderate tantum exhalet, et tantum remaneat, quantum ad perfectam sanguinis fluiditatem requiritur, itemque ut grauitas massae sanguineae non fiat per leuiiores humidas abundantes vel deficientes iusto minor vel maior.

§. 43. Signa huius temperamenti sunt

1) color faciei rubicundus cum cute alba,

2) ha-

- 2) habitus corporis nec gracilis nec obefus,
- 3) agilitas quidem ad omnes actiones cum motu, ineptitudo vero ad labores continuatos omnes,
- 4) sudor post motum corporis paululum vltra consuetudinem auctum,
- 5) viuida perceptio omnium rerum sensibilibum, ergo a calore aequae ac frigore facile alterabile corpus,
- 6) aetas praecipue iuuenilis, quamquam idem temperamentum, in quibusdam subiectis, iam in puerili adfit aetate, et ad sexagesimum aetatis annum duret.

§.44. Temperamenti cholericici causa maior est, praë sanguineo, salium alcalicorum et partium sulphurearum copia, qua calor maior, adeoque humidi maior dissipatio, maior sanguinis grauitas specifica, cohaesio, aptitudo ad caloris diuturniorem durationem, et robur fibrarum maius producitur.

§.45.

§. 45. Signa huius temperamenti sunt,

- 1) color cutis ad flavedinem inclinans, raro rubicundus, frequentius pallidus,
- 2) habitus corporis gracilis vel carnosus,
- 3) agilitas corporis sat magna, et non solum aptitudo ad labores continuatos, sed et quietis impatiens,
- 4) sudor rarus, transpiratio vero insignis,
- 5) corpus frigus commodius, quam calorem aëris ferens,
- 6) aetas potissimum virilis et senilis, ad septuagesimum fere annum.

§. 46. Temperamenti phlegmatici causa in maiori partium lymphaticarum copia relative ad omnes reliquas consistit, quam et cohaesio reliquarum particularum, et actio salinarum in omnes reliquas, totius massae sanguineae grauitas specifica et renitentia fibrarum, minor necessario sequuntur.

§. 47. Signa ergo temperamenti phlegmatici erunt,

1) color faciei et totius cutis pallidus,

2) habitus corporis obesus vel potius tumidus,

3) tarditas ad omnes actiones, et ineptitudo ad omnes actiones magnas vel continuatas, amor potius quietis,

4) pronitas ad sudorem, transpiratio vero insensibilis parua,

5) corpus frigoris impatiens, calorem vero etiam maiorem sine noxa ferens, et ad contactum molle,

6) somnus longus, et aetas infantilis atque puerilis, quamquam etiam, raro tamen, in iuuenili et virili aetate adhuc occurrat.

§. 48. Causa denique temperamenti melancholici, ex salinis acidis et terreis abundantibus, lymphaticis vero deficientibus, relatiue nempe ad alia temperamenta, facile perspicitur. Massa sanguinea ergo in hoc temperamento

ramento erit specificè grauior, magis cohaerens, adeoque minus fluida, minus resolubilis, et a frigore aëris minus alterabilis, quam in reliquis temperamentis.

§. 49. Cognoscitur ergo temperamentum melancholicum

- 1) ex colore faciei et cutis liuido,
- 2) habitu corporis gracili, interdum carnofo,
- 3) tarditate quidem in omnibus actionibus, aptitudine tamen et durabilitate in omnibus continuatis laboribus, etiam ad vitæ genus sedentarium,
- 4) ex cute sicca rarissime sudante et perspiratione insensibili parua,
- 5) ex aptitudine diu sine incommodo ferendi frigus et famem, ineptitudine vero ad ferendum calorem aëris, vel parum maiorem,
- 6) ex robore denique corporis magno, somno breui et aetate senili, quamquam etiam hoc, minus tamen frequenter, in aetate iuuenili et virili obseruetur.

CAPVT II.

DE

MASSAE SANGVINEAE ET
FLVIDI CORPORIS HUMANI
QVANTITATE.

§. 50. Praeter massam sanguineam (§. 1.) adhuc alia fluida, partim sub forma fluida, vt saliuā, bilis, semen, vrina, partim tanquam partes constituentes partium solidarum, in corpore humano reperiri, experientia loquitur anatomica. Alia ergo erit quantitas massae sanguineae, alia fluidorum omnium corporis humani. Illa minus rite ex haemorrhagia per vulnus lethale, optime vero ex haemorrhagiis lentis, praecipue non lethilibus, atque ex aliis morbis, quibus corpus humanum consumitur, haec vero exsiccatione partium solidarum, commode determinatur.

§. 51. THOMAS BARTHOLINVS * refert, ex naribus *Francisci Vrsati* spatium

* Anatom. p. 375. edit. 5.

tio trium dierum, 48. fere libras sanguinis effluxisse, et in Actis eruditorum Lips. * sequens legitur observatio. *Iuuenis annos circiter 25. natus, gracilis habitu, natura biliosus, post varios animi motus, in eam incidit haemorrhagiam, ut, tametsi fluxus per aliquot horas subinde inducias haberet, decem dierum decursu, quinque supra septuaginta sanguinis pondo e naribus emiservit. Circa finem decimi diei totum aegroti corpus nigris conspersum maculis adparuit, eodemque tempore pulsus omnino defuisse visus est. Nihilominus, adhibitis convenientibus remediis, tandem sanguinis fluxus quieuit, ac ex eo tempore firma valetudine, vegetisque viribus homo fruitur, vivitque ab omni corporis aegritudine immunis, cum antea bis terve quotannis morbo aliquo affligi consuevisset.*

§. 52. Vitam conseruauit hic aeger, ergo post insignem hanc haemorrhagiam, tantum adhuc sanguinis retinuit

* anno 1688. p. 205.

retinuit, quantum ad vitae conseruationem erat necessarium. Ponamus 5 tantum libras remansisse, et isto decem dierum decursu decem libras sanguinis ex assumptis restitutas esse, quamquam nulla harum sumtionum sit verosimilis, patebit tamen, ante morbum sexaginta sanguinis libras in eius fuisse corpore.

§. 53. Exsiccatione minorum partium animalium in loco vmbroso, vel etiam iuxta fornacem, discimus,

- 1) arteriarum partem tantum quartam,
- 2) cordis quintam circiter partem,
- 3) medullae spinalis modo sextam, modo quartam partem,
- 4) ossium dimidiam partem tantum esse solidam.

Quodsi igitur ex his variis rationibus eligamus mediam, quod nempe in mixto pars fluida sit ad solidam, vt 3. ad 1, ergo mixtum ad partem solidam vt 4 ad 1, et a pondere corporis humani 160 librarum subtrahamus 60. libras pro massa sanguinea tota fluida, inter residuas centum li-

bras, tanquam pondus omnium partium solidarum, 25 tantum erunt pondus partium solidarum sine humido, fluidarum vero 75. Ergo fluidi corporis adulti humani quantitas minimum 135 libris est aequalis.

CAP V T III.

DE

VASIS CORPORIS HVMANI SANGVIFERIS EORVMQVE EXTREMITATIBVS.

§. 54. Cor esse corpus

- 1) musculosum quidem, ab omni reliqua corporis humani carne tamen peculiari densitate diuersum,
- 2) irregulariter conoideum, ita
- 3) in cauitate pectoris situm, vt basis eius in medio fere thoracis verticaliter quidem, simul tamen paululum oblique haereat, corpus diaphragmati incumbat, et partim sternum, partim cartilaginibus costarum verarum, praecipue inferiorum, sinistri lateris adcumbat, apex vero extremitatem sextae costae verae attingat,

4) dua-

- 4) duabus cauitatibus, seu ventriculis praeditum, quorum anterior dexter, posterior sinister nominatur,
- 5) in cuius basi quatuor sunt aperturae siue orificia, duo inferiora, in plano horizontali sita, duo in plano verticali superiora,
- 6) sacco cuidam inclusum, qui pericardium nominatur, inferius diaphragmati cohaeret, et in extremitate dextra cum septo pectoris, seu mediaestino, ita cohaeret, vt hoc ibi, vbi pericardium attingit, fiat bifurcatum,
- ex anatomia notum est.

§. 55. Parietes cordis omnes, i. e. substantiam eius musculosam ex stratis constare fibrarum carnearum, omnibus quidem, qui cor coctum semel viderunt, notum est, sed ordinem stratorum et nexum eorundem exponere est labor difficillimus, vnde pauci tantum, ex propria obseruatione, de cordis musculo scripserunt autores, et qui de

hoc scripserunt, non plane inter se conueniunt. LANCISII * tamen et WINSLOWII ** descriptiones cum ea, quam nunc dabo, satis conueniunt.

§. 56. Tria cordis sunt fibrarum muscularium strata; Extimum in basi cordis, a tendine orificia, primario inferiora, (§. 54. nro. 5.) cingente oritur; breui ab ortu intervallo, in margine nempe baseos, incuruatur, abhinc istae fibrae, quae ventriculo anteriori incumbunt, fere in lineis rectis decurrunt vsque ad finem huius ventriculi, istae vero, quae ad ventriculum posteriorem pertinent, peculiari quidem, pro diuersa tamen superficiei cordis curuatura, varie obliqua directione ad apicem decurrunt. Totum hoc stratum tenue est, circa apicem tamen cordis crassescit.

§. 57. Tertium stratum, seu intimum, est continuatio extimi. Manifeste

* de motu cordis. prop. 31. p. 49. et 50.

** Expos. Anatom. Tom. IV. §. 46. ad 57.

nifeste enim fibrae strati extimi partim in apice cordis, partim in fine ventriculi anterioris, incuruantur introrsum, et in ventriculis colliguntur, speciatim in posteriore ventriculo in duas columnas carneas, quae ex apice versus basin adscendunt, circa apicem sunt latae, sed minus crassae et parum in ventriculo eminent, quo magis vero adscendunt, eo magis fiunt cylindricae et in cauo prominentes, et cum parietibus ventriculi proxime cohaerent, tandem basi quadam circulari lata, basi cordis fere parallela, in distantia tertiae vel quartae partis longitudinis cordis a basi, subito desinunt esse carneae.

§. 58. Simili plane modo stratum fibrarum extimum ventriculi cordis anterioris fit intimum eiusdem, et in tres quidem columnas carneas, minus tamen quam in ventriculo posteriore crassas, mutatur, quarum duae septo cordis, tanquam parieti interno conuexo anterioris ventriculi, tertia cauitati parietis externi flexilis proxi-

me ita adhaeret, vt, quando externus paries ad internum accedit, haec tertia columna medium inter duas reliquas occupet locum.

§. 59. Ex qualibet basi harum quinque columnarum carnearum prodeunt plura fila alba tendinea, tenuia quidem, robusta tamen. Omnia haec fila extrorsum vergunt, ita, vt cum columna, ex qua oriuntur, angulos obtusos extrorsum includant.

§. 60. Quilibet filorum fasciculus, ex vna prodiens columna, in vnam concrescit membranam albam, robustam, basi cordis superius, speciatim ambitui vnus, ex duobus inferioribus, (§. 54. nro. 5.) orificii cordis adhaerentem, caeteroquin pendulam, ita quidem, vt fila superficiei membranae externae inferantur, vnde haec aspera adparet, cum interna polita sit. Tres igitur tales membranae in ventriculo reperiuntur anteriore, (§. 58.) et *valvulae* nominantur *tricuspidales*, duae vero tantum in ventriculo posteriore, et *valvulae mitrales* dicun-

dicuntur. Totus ambitus orificii cordis inferioris et anterioris trium valuularum tricuspidalium basi lata cingitur, et duae bases latae valuularum mitralium cum toto fere ambitu inferioris et posterioris orificii cordis cohaerent: spatiola ista parua, vbi vtrunque valuularum mitralium extremitates se non contingunt, duas paruas valuulas triangulares habent connexas, quae vero nullo gaudent peculiari nomine.

§. 61. Inter haec fibrarum muscularium cordis strata secundum decurrit, cuius fibrae spirales nominantur. Multo crassius est hoc fibrarum spiraliū stratum duobus reliquis iunctis sumtis, et manifestum est, ex tota basi cordis oriri fibras spirales, quae dein finistrorsum decurrunt; num vero

1) eadem totum ambient ventriculū posteriorem, et dein oblique finistrorsum rursus adscendant ad basin, aut

2) num eadem fibrae, quae finistrorsum

strorsum adscendere videntur, sint
peculiare stratum dextrorsum de-
scendens, et

3) num omnes fibrae spirales ex ba-
si cordis oriantur, aut

4) an non etiam ex aponeurosi ista,
quae vtrunque in superficie cordis
ibi decurrere videtur, vbi ventri-
culi dextri parietes cum parietibus
sinistri connectuntur, quaedam ori-
antur et desinant fibrae spirales,
item

5) num fibrae, inter externum et in-
ternum stratum anterioris ventri-
culi mediae, sint tantum arcuales,
et mox, post miscelam cum fibris
posterioris ventriculi, finiantur,
an vero

6) sinistrum ventriculum vna cum
dextro ambient, et sic verae sint
spirales,

determinare non audeo, sed potius
diligentiae Anatomicorum com-
mendo.

§. 62. Figura ventriculi antero-
ris

ris cuneum irregularem vnguiformem incuruatum, figura vero ventriculi posterioris, conum irregularem refert. Capacior quoque in omni homine sano ventriculus anterior reperitur posteriore, idque modo, quod ad sui sextam, modo quod ad quintam partem. Consentientibus HIPPOCRATE, COLUMBO, HELVETIO, NICOLAI, SALTZMANNO, WINSLOWIO, HEISTERO, multisque aliis viris celeberrimis.

§. 63. Parietes vtriusque ventriculi, praecipue, qui non sunt pars septi, in superficie ventriculorum ex copiosis columnis, seu lacertulis carneis, ab apice ad basin, quamuis non semper via recta, decurrentibus, sunt compositi, et hi lacertuli, aequae ac columnae carneae maiores, continuatio strati externi musculosi esse videntur; minimum ad stratum pertinent fibrarum internum.

§. 64. Orificiorum istorum, in basi cordis obseruandorum et verticaliter sibi incumbentium, (§. 54. nro. 5.) inferius

ferius ad ventriculum pertinet posteriorem, superius vero ad anteriorem. Cuilibet horum duorum orificiorum tres connectuntur sacculi, quorum apertura extrorsum spectat, et quorum dimidii parietes sunt membranae subalbidae satis quidem robustae, minime tamen tensae, leui enim flatu possunt agitari. Hae membranae, quia in linea semicirculari cum parietibus vasis ibi cordi connexi cohaerent, *valvulae semilunares* nominantur. Ex duplici constant membrana, inter quas tenerrimae fibrae musculosae, tam ex strato cordis interno, secundum longitudinem cordis, quam ex strato secundo transuersim decurrunt.

§. 65. Cor esse vas quoddam sanguiferum ex eo scimus, quia cor, ad ventriculos vsque vulneratum, copiosum fundit sanguinem. Vt vero eius actiones ex haecenus exposita eius structura perspicere queamus, quaedam, quae partim per experientiam constant, partim ex mechanicis desumpta sunt, praemonenda erunt.

§. 66.

§. 66. Per experientiam constat

1) omnem fibrā muscularem, im-
mo et reliquas membranaceas, tam
in vitio, quam recens mortuo cor-
pore, determinato quodam et fle-
xilitatis et elasticitatis gaudere gra-
du, quem *tonum* vocant. Non enim
discissae solum, sed et magis, quam
in statu ordinario extensae, immi-
nuta vel cessante vi extendente, se-
se contrahunt. Vi huius toni non
solum constanter ad contractionem
tendunt, sed et omni vi, istas ex-
tendenti, resistunt:

2) omnem muscūlū corporis ani-
mati, dum agit, breuiorem fieri,
quod ad suā partem carneam, non
vero, quod ad tendineam:

3) eundem quoque crassiores eo-
dem fieri tempore:

4) magis quoque tunc eundem ru-
bere, minus vero quando non agit;
id quod videri potest, si canis, vel
morientis, vel vix mortui, muscu-
lus rectus abdominis lateraliter cul-
tro, vel alio corpore solido, tangi-
tur;

tur; pars enim huius musculi irritata, inter duas eius insertiones tendineas haerens, fit breuior, crassior, quasi corrugata, et magis rubicunda.

5) Speciatim cor animalis viui, quod ad latitudinem et profunditatem angustari, id quod *systolen* vocant *cordis*; eodem tempore cor pallescere, et sequenti momento rursus ampliari, id quod *diastolen cordis* adpellant, istoque tempore rubicundum seu subfuscum rursus acquirere colorem:

6) Nondum vero experimentis certo cognitum esse, vtrum in vlla harum mutationum cordis quoque longitudo mutetur.

7) Corda ranarum atque foetuum canis, e corporibus viuis breui ante resecta et tabulae imposita, si corpore acuto tangantur, *systolen* aequae ac *diastolen*, per certum temporis spatium exercere:

8) Actiones cordis non mutari pro
volun-

voluntate animae, licet tempore adfectus augeantur, vel minuantur:

9) Basis cordis longitudinem et latitudinem nec in systole, nec in diastole cordis mutari.

§. 67. Experientia quoque cognitum perspectumque habemus, cuius rationem infra reddemus, quousque nerui atque arteriae, ad musculum sanum in corpore viuo abeuntes, sunt integri, fibras musculares et totum musculum, si ab alia causa prius irritentur, vel sufficienter extendantur, conatum insignem ad contractionem exercere, et, nisi vis resistens quaedam maior obftet, actu sese contrahere. Huius contractionis causam, quia in corpore humano et in aliis quoque animalibus breui post mortem cessat, *vim* adpellabimus *vitalem*, vt istam distinguamus ab ista vi sese contrahendi, quae etiam partibus non musculosis competit, et in corpore mortuo adhuc adest, atque ex elasticitate (§. 66. nro. 1.) fluit, quam in sequentibus *vim physicam* dicemus. Ipsum

Ipsū conatū sese contrahendi, qui actū determinato gradu exercetur, ex quacunque fiat causa, *vim* vocabimus *absolutam*.

§. 68. Ex mechanicis suppono

1) si fibra recta ab , ad sui contractionem tendens, per vim externam cd ita mutetur, ut fibra fiat curvilinea vel in puncto quodam e, f vel g inflexa, erit conatus fibrae redeundi ad priorem statum rectilineum, manente eadem vi absoluta contrahente, tanto maior, quanto maior est curvatura, vel flexura fibrae. Sic maiori vi ad sui restitutionem in statum rectilineum agit fibra agb , quam afb , et haec maiori vi agit, quam aeb , plane nullam vero vim, secundum directionem dc exercet fibra recta ab , quacunque vi conetur sese contrahere; ergo etiam cedit vi minimae agenti secundum directionem cd .

2) Vim igitur determinatam, agentem secundum directionem lineae cd , non posse incurvare fibram rectam

etiam tensam $a\ b$, nisi ad determinatum quendam gradum.

3) Si igitur, vti infra cap. XIII. Sect. I. patebit, vis musculorum vitalis, sit vis quaedam fibras musculares incuruans, tanto maior requiritur vis vitalis, ab obtinendam eandem vim absolutam, quanto magis fibra muscularis iam est contracta, et contra. Ergo

4) si duae fibrae musculares ita sint connexae, vt, quaecunque harum se contrahat, alteram extendat, maior semper erit vis absoluta fibrae non contractae, quam contractae, itemque fibrae minus contractae, quam magis contractae, si aequaliter vis vitalis in vtramque agat: non contracta ergo sese contrahet, et contractam extendet. *

5) Fibram circularem, vel aliam curuilineam, aream quandam includentem, quando sese contrahit, coarctare, i. e. minorem reddere aream contentam,

6) dum

* Elem. phys. §. 25.

6) dum vero hoc fit, vim coarctantem in fibra circulari, i. e. summam conatum omnium particularum fibrae, quibus versus centrum tendunt, esse ad vim contrahentem, siue absolutam, vt peripheria ad diametrum, i. e. quam proxime vt $3\frac{1}{7}$ ad 1.

7) Cum igitur vis absoluta, manente eadem vi vitali, decrescat, quo magis fibra contrahitur, (nro. 3.) vt etiam coarctans vis in fibra circulari, constanter, dum sese contrahit, decrescat necesse est: posita eadem vi vitali.

§. 69. Ex haftenus dictis concludere licet,

1) cum basis cordis non mutetur, (§. 66. nro. 9.) et cordis longitudo, quod ad sensum semper sit eadem, (ibid. nro. 6.) si muscoli cordis spirales sese contrahant, columnas carneas interne parietibus cordis adhaerentes, itemque reliqua fibrarum muscularium strata, a basi

- a basi ad apicem, vel contra decurrentia, siue externa, siue interna,
- a) pelli interiora versus, flecti, incuruari, et
 - b) simul magis elongari adeoque tendi, simul vero
 - c) ad contractionem stimulari, (§. 67.)
 - d) ventriculos coarctari, (§. 68. nro. 5.)
immo, ope situs et naturae columnarum tam maiorum (§. 57. 58.), quam minorum, (§. 63.) cauum eorum, minimum quod ad tres partes quartae longitudinis, ab apice initio computationis facto, (§. 57.) plane repleri et aboleri;
 - e) valuulas quoque tricuspidales et mitrales trahi introrsum, (§. 59. et 60.) adeoque propius ad se inuicem accedere,
 - f) valuulas semilunares extrorsum moueri et stringi; (§. 64.) et sic cordis fieri systolen:
 - g) vim absolutam et coarctantem musculorum spiraliū tunc esse minimam (§. 68. nro. 3. et 7.)
 - h) contra vero strati muscularis ex-
- Elem. Physiol.* E terni

terni et interni vim absolutam esse maximam (ibid.).

Sequenti igitur momento

2) haec duo strata actu sese contrahunt, (§. 68. nro. 4.) et, dum hoc fit,

a) omnes fibrae primi et tertii strati cordis, per totam suam longitudinem extrorsum mouentur, exceptis extremis punctis in basi et apice haerentibus, ergo

b) caua cordis restituuntur et ampliantur,

c) valuulae tricuspidales et mitrales extrorsum trahuntur et a se mutuo recedunt,

d) valuulae contra semilunares interiora versus trahuntur, (§. 64.) adeoque sibi adpropinquantur, (§. 64.)

e) fibrae spirales omnes vtriusque ventriculi simul extenduntur, stratum enim internum et externum est vnicus tantum musculus, (§. 57.) ergo

f) simul quoque ad futuram contractionem stimulantur, et sic diastole fit

fit cordis. Quia vero stratum internum hac sua contractione ex figura flexa abit in rectilineam,

g) eius vis absoluta durante contractione semper decrescit, (§. 68. nro. 4.) multo magis vero vis, qua stratum internum stratum spirale extendit, haec enim in statu rectilineo stratorum interiorum et exteriorum plane nulla est. (§. 68. nro. 1.)

3) Manente ergo vi vitali, sequenti momento denuo spirales et arcuales fibrae sese contrahunt, vtrumque ventriculum simul coarctant, stimulantur enim simul ad contractionem, (nro. 2. f) et longitudinales extendunt. Ergo

4) diastole cordis est aequae actioni musculi cordis ac eius systole, et

5) vtraque fieri potest, quamquam in ventriculis cordis nullus haereat sanguis.

§. 70. Cum limbo quolibet istorum duorum orificiorum, quae in basi cordis verticaliter sibi incumbunt, (§. 54. nro. 5.), et cum quibus valvulae

lae cohaerent semilunares, (§. 64.) arcte connectitur vas quoddam amplum, figurae cylindricae, cuius parietes sunt densi quidem et decimam fere pollicis partem craffi, flexiles tamen. Quodlibet in progressu ramos ex se dimittit, qui non solum trunco sunt angustiores, sed et ipsius trunci diameter post ramorum dimissionem fit minor, atque parietes fiunt minus craffi. Vocantur haec vasa *arteriae*, et in corpore viuo semper sanguine sunt repleta; vnde secundum constituunt vasorum sanguiferorum genus.

§. 71. Communes arteriarum harum proprietates, praeter iam commemoratas, sunt

1) quod parietes earum ex quinque consistunt tunicis, quarum extima, *membranosa* dicta, non semper est eadem, est enim pars istius membranae, quae ventrem corporis, per quem transit arteria, cingit, nec semper totam inuoluit arteriam:

altera, *cellulosa* dicta, innumeris arteriis est repleta, nec in omni arteriae ramo ostendi potest;

tertia,

tertia, *tendinea* dicta, densa et alba est;

quarta ex aliquot stratis fibrarum muscularium annularium constat, *musculosa* adpellatur, et nec in cranii cauitate, nec in aliis ramis minimis adest;

quinta intima tenuis pellucida lubrica alba, *neruea* nominatur.

2) quod inter duo loca, ex quibus rami abeunt, figurae sint cylindricae, non conicae;

3) quod, quamquam rami et truncus, post locum ex quo abiit ramus, sigillatim considerati minorem habeant diametrum, quam truncus ante ramorum ortum, coniunctim tamen considerati capaciores sint isto truncus ex quo orti sunt, ut adeo arteria tanquam vas, ex breuibus admodum cylindricis compositum, cuius capacitas diuisione in ramos minores constanter crescit, sit consideranda;

4) quod vltimi rami adeo sint exigui, ut quidem globulos rubicundos vna cum sero vel lymphâ transmittant,

nudorum tamen oculorum sensum plane fugiant;

5) quod hae extremitates arteriosae immediata anastomosi connectantur cum tertio vasorum genere, quod venosum nominatur;

6) quod sanguis in arteriis sit fluidum pressum: ex vulnerata enim arteria cum imperu prodit.

7) quod ex iis circa extremitates oriantur vascula, quae in statu sano sanguinem non continent;

8) quod in homine viuo, tempore minuto secundo minore, alternatiue expandantur et coarctentur.

§. 72. Tertium vasorum sanguiferorum genus *venas* comprehendit, quorum communia sunt,

1) tanquam vas minimum cum extremis arteriis connecti, adeoque ex his quasi continuatis oriri;

2) duas vel plures minimas vniri in vnum truncum, singulis vnitis capaciorem;

3) horum trunculorum aliquot rursus vniri in truncum maiorem;

4) quemlibet truncum sibi relictum angu-

angustiores esse omnibus istis ramis, ex quibus confluit, iunctim sumtis;

5) parietes venarum maiorum longe tenuiores esse arteriarum tunicis;

6) venas semper quidem sanguine presso esse repletas,

7) longe tamen minus pressum esse sanguinem in venis, quam in arteriis;

8) venas quidem secunda vel tertia post prandium hora, vel post vini potum, vel post corporis motum, vel in aëre calido, capaciores esse, quam alio tempore, vel sub contrariis circumstantiis, breui tamen tempore non alternatiue dilatari et coarctari;

9) omnes venas visibiles arteriis esse fere contiguas et plerumque parallelas;

10) vltimum venarum truncum accedere quidem ad cor, non tamen immediate cordi vniri.

§. 73. Ista arteria, quae ex supremo cordis orificio, ventriculi nempe cordis anterioris, oritur, vnice in

pulmones abit, vnde etiam *arteria pulmonalis* nominatur. Proprium ipsius est

- 1) vna cum vena pulmonali et ramo quodam bronchiorum capsulae cui-dam cellulosa esse inclusam, et sic horum trium vasorum ramos visibiles per totum pulmonem parallela directione distributos esse
- 2) quemlibet ramum visibilem sua contigua vena esse ampliorem,
- 3) extremitates istius minimas tortuosa seu serpentina directione interduplicaturas membranarum pulmonalium progredi, vnde etiam *retis mirabilis MALPIGHII* nomen obtinuerunt;
- 4) ex iisdem vix aliud vasculorum genus, quod nempe sanguinem non vehat, oriri, praeter ductulos excretorios, qui lympham in pulmonum cellulas deponunt;
- 5) sanguinem, quem continet arteria pulmonalis, esse fuscum seu obscure rubrum.

§. 74. Altera arteria ex medio in basi cordis obseruando orificio, quod
in

in ventriculum cordis posteriorem spectat et tribus valuulis semilunari-
bus praeditum est, oritur, mox ma-
gno arcu sursum dein sinistrorsum ac
tandem deorsum incuruatur, et omni-
bus corporis partibus, ne corde qui-
dem et pulmone exceptis, suos por-
rigit ramos, vnde etiam *arteriae ma-
gnae*, vel *aortae* nomen obtinuit.

§. 75. Propria eius sunt

- 1) quemlibet eius ramum sua vena
contigua esse minus amplum;
- 2) ex eius extremitatibus oriri istam
arteriarum speciem, quae sangui-
nem in statu sano non admittunt, sed
vel serum, vel lympham, vel liquo-
rem peculiaris naturae, vehunt, vn-
de etiam *arteriae serosae*, *arteriae
lymphaticae*, *vascula secretoria*, vel
excretoria nominantur; quamquam
vero simile sit, ex arteriis serosis
oriri arterias lymphaticas, et ex his
vascula excretoria;
- 3) sanguinem, quem continet arte-
ria magna, esse coloris alte rubicun-
di, cinnabarini, et sanguine suarum

venarum specificè grauiorem, (§. 3. nro. 6.) atque minus resolubilem.

§. 76. *Vena*, quae ex extremitatibus arteriae pulmonalis oritur, vocatur *pulmonalis*, nec, praeter dicta §pho 72. omnibus venis communia, et §. 73. nro. 1. et 2., quicquam habet peculiare, quam quod sanguinem contineat cinnabarinum, sanguini arteriae magnae similem, (§. 75. nro. 3.) et omnes eius rami vniantur circa cor in vnum truncum cylindricum, cuius parietes sunt musculosi, qui *sacculus venae pulmonalis* adpellatur.

§. 77. *Venae*, quae ex arteriae magnae diuersis oriuntur ramis, variis adpellantur nominibus, vna enim *coronaria*, altera *caua superior*, tertia *caua inferior*, quarta *vena portae* nominatur. His praeter generalia (§. 72.) nihil commune est, quam sanguinem vehere fuscum, seu obscure rubrum, sanguine suae arteriae specificè leuiorem et facile resolubilem.

§. 78. *Venae coronariae* propria sunt,

1) ortus

- 1) ortus vnice ex extremitatibus arteriae coronariae,
- 2) quod non sit ramus alterius cuiusdam venae, sed eius truncus,
- 3) in basi cordis proxime ad orificium inferius et anterius finiatur, et valvulam vna vel altera tali, quali vena caua gaudet (§. 79. nro. 2.) sit munitus,
- 4) quod quidam eius ramuli, et quidem sat multi, in cauum ventriculi anterioris, pauci in cauum ventriculi posterioris, sub nomine *orificiorum venarum THEBESII*, hient.

§. 79. *Vena caua superior*

- 1) oritur ex extremitatibus istarum trium arteriarum, quae ex curvatura magna arteriae magnae supra cor prodeunt,
- 2) si istos eius exceperis ramos, qui in capite et collo sunt, reliqui in iis locis, vbi rami truncis connectuntur, valvulas habent semilunares ita constitutas, vt saccum forment apertum versus truncum ampliolem, clausum versus truncum adhuc

adhuc angustiores, seu, quod idem,
versus extremitates venae,

3) truncum suum maximum, iuxta
cor, quod ad dimidium circiter am-
bitum, ita vnit trunco venae cauae
inferioris, vt ambo trunci vna vi-
deantur esse vena continuata.

§. 8c. *Vena portae*

1) oritur ex extremitatibus istarum
trium arteriarum, quae in infimo
ventre, ex arteria magna, sub no-
mine arteriae coeliacae, meseraicae
superioris et inferioris, ad lienem,
ventriculum, omentum, pancreas,
mesenterium et totum intestinorum
canalem abeunt;

2) singuli quidem eius rami, ex di-
ctis visceribus abeuntes, peculiari
gaudent nomine, omnes tamen
iunctim sumti, ante quam, iuxta
portam hepatis, in vno concurrunt
trunco, *radices venae portae* adpel-
lantur;

3) truncus modo dictus extra hepar
vix digiti habet longitudinem, et
truncus venae portae nominatur.

4) Continuat hicce truncus, sub ea-
dem

dem amplitudine, adhuc per aliquot digitos, in sinu quodam hepatitis, sub *sinus venae portae* nomine.

5) Ex hoc sinu venae portae multi, partim maiores partim minores, rami in hepar abeunt, qui, perpetua diuisione, in alios ramos minores abeunt, qui omnes *rami venae portae* nominantur, donec tandem minimi venae portae rami anastomosi proxime connectuntur cum minimis extremitatibus quorundam ramorum superiorum venae cauae inferioris, qui, quousque in hepate haerent, *venae hepaticae* nominantur.

6) In tota vena portae nullae inveniuntur valuulae.

§. 81. *Venae cauae inferioris extremitates*

1) oriuntur ex omnibus reliquorum ramorum arteriae magnae extremitatibus, quorum hactenus nec nomina nec descriptionem dedimus,

2) abeunt successiue in venas maiores, quae

3) in iis locis, vbi inter se combinantur,

nantur, valuulis, sacculos, versus truncos apertos versus ramos clausos, formantibus, sunt munitae, et 4) omnes abeunt in vnum truncum, iuxta basin cordis haerentem, et cum venae cauae superioris trunco dicto modo (§.79.nro.3.) connexum.

§. 82. Ex arteriarum structura concludimus, istas, ob parietes flexiles dilatari, ob parietes vero musculosos et tendineos, (§.71.nro.1.), tam ex vitalitate, quam ex elatere, magna conatu sese coarctare posse. Venae autem, ob parietes magis flexiles, et, quantum scimus, non musculosos, facilius quidem quam arteriae dilatantur, non vero, nisi ex elatere, et debili conatu sese contrahere possunt.

§. 83. Vltimum et quartum vasorum sanguiferorum genus sunt duo sacculi lati depressi, figuram coni truncati irregularis exhibentes; alterius basis minor aperta cohaeret cum toto limbo orificii anterioris et inferioris in basi cordis, ad ventriculum dextrum pertinentis, (§. 54. nro. 5.) et ipse sacculus *auricula cordis anterior*, vul-

vulgo *dextra*, et ab hac ipsum istud orificium *auriculare anterius*, adpellatur. Simili modo alter faccus cum limbo orificii inferioris et posterioris, ad ventriculum sinistrum pertinentis, cohaeret, et *auricula cordis posterior*, vulgo *sinistra*, ipsum istud vero orificium *auriculare posterius* nominatur.

§. 84. Auriculae dextrae lateri posteriori et inferiori vtriusque venae cauae trunci sunt connexi. Sacci vero venae pulmonalis (§. 76.) cauum cauo auriculae sinistrae est continuum.

§. 85. De auriculis adhuc notandum est,

- 1) auriculam anteriorem semper esse capaciore[m] posteriore, etiam si huius capacitati addas capacitatem sacci venae pulmonalis;
- 2) vtriusque auriculae caua septo quodam, vti cordis ventriculi, seiuncta esse;
- 3) parietes vtriusque auriculae ex meris lacertulis, seu cylindrulis, carneis, reticulari vero modo inter se connexis, conflatos esse, et
- 4) membranam extimam, quae auriculas,

riculas, vna cum corde, proxime obducit, in auriculis non vbiuis cum lacertulis cohaerere;

5) basin maximam auriculae conicae, tunc, quando auricula non est repleta, basi cordis fere esse parallelam, et orificium cordis auriculare fere tegere;

6) angulum, quem basis maxima cum lateribus auriculae conicae, et haec latera cum cordis basi includunt, esse, quantum propter lacertulorum carneorum crassitiem fieri potuit, maxime acutos.

§. 86. Ex hac auricularum structura

1) speciatim, quod parietes non ex stratis carneis, sed ex lacertulis sunt conflati, sequitur, vt basis magna secundum longitudinem et latitudinem extendi queat, absque lacertulorum elongatione, ergo absque notabili resistentia.

2) speciatim ex figura conica truncata, angulis acutis, quos latera cum cordis et auricularum basibus includunt, (§. 85. nro. 6.) et parietum flexibilitate

xilitate sequitur, vt mutatio angulorum acutorum in maiores, et basis planae in conuexam, sine vlla fibrarum elongatione, adeoque sine vlla resistentia sensibili fieri, capacitas vero auricularum in decuplum, immo vigecuplum augeri queat.

3) cum parietes sint carnei, vt hi sese contrahendo, capacitatem quidem auricularum minuere, nullo modo vero augere queant.

4) systole igitur auricularum, quae in animalibus viuus dissectis obseruatur, est quidem actio parietum auricularum, non vero diastole.

CAPVT IV.

DE

CIRCVLATIONE SEV MOTV PROGRESSIVO SANGVINIS.

§.87. Necessitatem motus sanguinis, immo ipsum motum, omnes agnouere veteres medici, hunc vero motum esse circulatorium, ita quidem, vt sanguis per arterias abeat ex corde, ad totum corpus, et ex eodem ad cor

Elem. Physiol.

F

per

per venas redeat, primus scripto indicavit HARVAEVS, anno 1628. Neque enim SERVETI, nec COLUMBI, nec CAESALPINI scripta probant, hisce autoribus totum et verum circulum cognitum fuisse.

§. 88. Multum quidem tunc temporis de veritate huius inuenti disputatum est, hodie vero

- 1) ex tumore arteriae ligatae inter cor et ligaturam,
- 2) ex detumescencia arteriae ligatae inter ligaturam et arteriae extremitates,
- 3) ex venarum ligatarum tumore inter ligaturam et extremitates,
- 4) ex detumescencia venae ligatae inter cor et ligaturam,
- 5) ex observationibus microscopicis in caudis pisciculorum, lacertarum, et intestinis ranarum, huius motus actualis praesentia facile probatur, eius vero necessitas mechanica et hydraulica
- 6) ex structura et connexione omnium quidem vasorum sanguiferorum, primario tamen ex cordis et auri-

auricularum structura facile demonstratur.

§. 89. Ex structura enim arteriarum patet

- 1) posse sanguinem moueri a trunco versus et per extremitates; hae enim immediata anastomosi connectuntur cum venarum extremitatibus: (§. 71. nro. 5.)
- 2) non vero posse moueri ab extremitatibus versus truncum, valuularum enim trium semilunarium caua (§. 64.) tunc replerentur, qua repletionem parietes earum flexiles ita sibi adprimuntur, vt omnem ingressum in cor impediant.

§. 90. Ex venarum cauarum et coronariae valuulis (§. 78. nro. 3. §. 79. nro. 2. §. 81. nro. 3.) concludimus,

- 1) sanguinem in hisce non posse moueri a trunco versus extremitates, quamquam has valuulas non tanquam actuale impedimentum huius motus consideremus;
- 2) contra vero nihil plane obstare, quo minus sanguis in venis ab ex-

tremitatibus versus truncum moueatur.

§. 91. In auriculis nihil plane impedit, quo minus sanguis aequè libere ab anastomosi venarum versus orificium cordis auriculare, et ab hoc versus anastomoses truncorum venarum moueri queat. Immo nihil obstat, quo minus sanguis aequè libere ex venis in auriculas, ac ex auriculis in venas transeat, si in his spatium, in quod se recipiat, detur.

§. 92. Ex auriculis per orificia auricularia sanguis in cordis ventriculos intrare potest; pellerentur enim tunc valuulae tricuspidales et mitrales (§. 60.) versus parietes cordis, vnde sanguini ingressus conceditur, si cauum ventriculi sit apertum. Immo isto ipso tempore, quo cauum ventriculi sit apertum, i. e. quo cor est in diastole, trahuntur dictae valuulae extrorsum, et a se mutuo recedunt. (§. 69. nro. 2. c.)

§. 93. Contra vero, si ventriculus cordis sanguine sit repletus, et eius fiat systole, (§. 66. nro. 5.) non solum

lum valuulae mitrales, et tricuspidales trahuntur introrsum, vnde propius ad se inuicem accedunt, (§. 69. nro. i. e.), sed et a sanguine, inter dictas valuulas et parietes cordis haerente, et, quia ibi, propter spatium clausum, cedere nequit, pressio, versus se, ad mutuum vsque contactum, pelluntur. Per orificium igitur auriculare, cum, ob cohaesionem cum columnis carneis, (§. 60.) propelli valuulae nequeant; et sic orificium auriculare claudant, sanguis transire nequit.

§. 94. Eodem isto systoles tempore sanguis in ventriculo pressus, tendit quidem quaqua versus, ob ventriculum vndique clausum, vnice vero per orificium arteriosum in arterias transire potest: valuularum enim huius orificii semilunarium membranae mobiles, tunc stringuntur, fiunt plana rectilinea, vt sic orificium ipsum fiat prisma triangulare apertum, et nullam sanguini in corde pressio det resistantiam. Si igitur nihil aliud obstat, potest sanguis ex ventriculo abire in arterias.

§. 95. Si fluidum actu sit in motu, et secundum vnicam directionem tantum moueri potest, secundum oppositam vero non, iste tantum motus actu fiet, qui fieri potest. Ergo sanguis actu mouetur

1) ex ventriculo cordis sinistro in arteriam magnam (§. 94.) et omnes eius ramos, (§. 89. nro. 1.) ne quidem arteriis cordis coronariis exceptis, orificia enim harum siue haereant supra valuulas semilunares, siue post easdem, ab hisce non occluduntur; sanguis enim in arteria semper plena (§. 70.) et semper pressus, (§. 71. nro. 6.) et figura plana rectilinea valvularum, (§. 94.) quam tunc adquirunt, hoc non permittit;

2) ex arteria magna in venarum omnium excepta pulmonali origines (§. 72. nro. 1.) et ex his in truncos venarum cauarum et venae coronariae, (§. 90. nro. 2. et §. 77.)

3) ex truncis venarum cauarum et venae coronariae in auriculam dextram, (§. 84. et 91.)

4) ex

- 4) ex auricula dextra in ventriculum cordis dextrum, (§. 83. et 92.)
- 5) ex ventriculo dextro in arteriam pulmonalem, (§. 64. 73. et 94.)
- 6) ex arteria pulmonali per rete mirabile in venam pulmonalem, (§. 76.)
- 7) ex vena pulmonali in saccum venae pulmonalis, (§. 76.) et auriculam finistram, (§. 84. et 91.)
- 8) ex auricula denique finistra in ventriculum finistrum, (§. 83. et 92.) ex quo prodierat.

§. 96. Sanguis, qui per arterias coronarias ex aorta ad cor fluit, ex parte quidem eundem ordinem sui motus seruat, quatenus nempe per truncum venae coronariae auriculam dextram intrat, ex parte vero, et quidem duplici modo, ab isto ordine recedit, nempe ista pars sanguinis, quae per orificia venarum THEBESII ventriculum dextrum intrat, non tanta auricula dextra suum absoluit circulum, ista vero exigua sanguinis pars, quae per orificia venarum THEBESII in finistrum redit ventriculum, auriculam dextram, ventriculum dex-

F 4

trum,

trum, arteriam et venam pulmonalem atque ipsam auriculam sinistram non attingit.

§. 97. Consideratis iam viis et ordine viarum, in quibus sanguis mouetur, vires quoque mouentes, resistentiae superandae, ordo virium mouentium, tempus vnius circuli, celeritas motus progressiui et inaequalitas huius celeritatis in diuersis visceribus et pulsationis arteriarum requisita sunt consideranda.

§. 98. Vis, quae sanguinem ex ventriculo sinistro pellit, vnice est vis coarctans, qua fibrae sinistri cordis ventriculi spirales sese contrahendo agunt in sanguinem. (§. 68 nro. 6 et §. 61. nro. 1. d.) Crassities huius strati fibrarum insignis docet, vim absolutam (§. 67.) eiusdem esse iam in se spectatam admodum magnam, vis tamen coarctans plus, quam triplo maior erit hac vi absoluta. (§. 68. nro. 6.) Mouetur per hanc vim coarctantem totius corporis massa sanguinea, omnia enim vasa constanter sunt repleta, excepta ista parte, quae in ventriculo
dex-

dextro, arteria, et vena pulmonali atque auricula sinistra continetur. Haec enim pars massae sanguineae a coarctante vi fibrarum arcualium, quae stratum secundum parietis mobilis dextri ventriculi constituunt, (§. 61. nro. 6.) mouetur. Est vero tamvis absoluta, quam coarctans huius strati longe minor, quam in sinistro ventriculo, vti ex tenuitate et breuitate strati, et quod arcus tantum, non vero fibrae integrum cauum ambientis figuram exhibeat, probari potest.

§. 99. Resistentias, quas stratum fibrarum spiraliū sinistri ventriculi simul superare debet, dant

- 1) columnae eiusdem ventriculi carneaе, tam duae maiores, quam reliquae minores, (§. 57. 63.) et harum continuationes, stratum nempe externum; (§. 69. nro. 1. h) hae enim omnes per coarctationem ventriculi extenduntur; (§. 69. nro. 1. b)
- 2) maxima pars Massae sanguineae (§. 98.) ratione massae suae, siue haereat in arteria magna eiusque ramis omnibus, siue in venis cauis

eiusque ramis, siue in vena portae et coronaria,

3) istae massae sanguineae partes, quae separantur, quando sanguis ex trunco in ramos transit, cohaesione sua inter se. In transitu sanguinis ex trunco in ramos maiores haec resistentia parca est, tam quia cohaesio duarum particularum fluidarum in se spectata est actio parua, quam quia paucarum tantum fluidarum particularum cohaesio, in transitu ex truncis maioribus in ramos maiores, tollitur, et quia numerus ramorum maiorum paruus est; quia vero a) duarum particularum minimarum alicuius fluidi cohaesio trigesies vel quadragesies milles maior est pondere earundem, * b) in transitu sanguinis in vasa minima, omnes fere globuli ferrosi et particulae lymphaticae a contactu separantur, ergo c) omnes fere particulae eo momento, quo in
mi-

* dissert. mea adscensus vaporum causas sistens
§. 33. nro. 4.

minima penetrant vascula, cohaesione sua resistunt, d) numerus vasculorum minimorum (ad quae iam non sanguifera solum, sed et serosa et lymphatica pertinent) est fere infinitus, summa harum resistentiarum erit quolibet momento temporis satis magna;

4) elasticitas et vis vitalis parietum arteriosorum, quando et quatenus arteriae dilatantur.

§. 100. Caderet haec quarta resistentia, nisi tertia adesset. Cum enim arteria tota cum omnibus suis vasis considerata sit vas, cuius capacitas a trunco diuisione in ramos constanter creuit, (§. 71. nro. 3.) motus sanguinis in arteriis fit semper ex spatio minori in maius, adeoque si mathematice tantum hunc motum consideres, sanguis in motu per arterias nullam inuenit resistentiam, ergo nullibi erit fluidum pressum, nisi vbi antecedens sequenti ex pondere resistit, aut vbi, ob directionem vasis mutatam, in parietes impingit, ergo non ageret quaquaversus; ergo parietes quoque arteriarum

teriarum non extenderet. Sanguis igitur in arteriis vnice ex hac causa fit fluidum pressum arterias extendens, quia omnes arteriarum extremitates sunt vascula minima, in quae sanguis penetrare nequit, nisi accedat vis, quae maior sit summa omnium cohaesionum omnium particularum minimarum, quae a priori suo contactu separantur, quando in minora et minima penetrant vascula.

§. 101. Cum stratum fibrarum cordis spiralium coarctatione sua sanguinem moueat, quamquam omnes hae resistentiae simul adsint, omnes dictas (§. 99.) resistentias simul superat; ergo vis coarctans cordis maior est omnibus dictis resistentiis iunctim sumtis; ergo adhuc maior est qualibet dictarum resistentiarum figillatim sumta.

§. 102. Quamprimum systole cordis peracta est, cor non amplius est causa mouens, ergo quiesceret sanguis, quia resistentiae sunt constantes, et vis mouens subitaneae cessat. Nec omnis sanguis, qui, durante systole
cor-

cordis finistri, in arteriam magnam semper repletam eiectus est, per extremitates transiit in venas; hoc enim si factum esset, arteriae, magnitudine obseruabili praeditae, non potuissent dilatari. Tantum ergo de quantitate sanguinis ex corde proiecta in arteriis, ordinaria sua sanguinis quantitate iam repletis, remansit, quantum capacitas arteriarum, durante systole cordis, est aucta; sanguis enim comprimi nequit. (§. 3. nro. 7.) Hac arteriarum dilatatione fibrae annulares arteriarum ad contractionem non solum stimulantur, (§. 67.) sed et vis absoluta, tam ex vi vitali, (§. 68. nro. 3.) quam elasticitate, ergo et vis eius coarctans, fit maior. Agunt ergo arteriae, cauum suum coarctando, post systolen cordis, tanquam vnica causa mouens in sanguinem arteriosum, qui, cum comprimi et in cor redire nequeat, quia, valuulas semilunares replendo, sibi ipsi viam praecludit, per extremitates transire debet in venas, si systole arteriarum sufficit ad resistentias superandas.

§. 103. Est quidem haec vis coarctans arteriarum longe minor, quam vis coarctans cordis sinistri, (§. 101.) sed duae quoque resistentiae, (§. 99. nro. 1. et 4.) quas cor superare debet, iam desunt; modo igitur arteriarum vis coarctans tanto maior fit ea resistentia, quam sanguis ex cohaesione dat, quanto maior est vis cordis sinistri coarctans, summa trium resistentiarum, (§. 99. nro. 1. 3. et 4.) eodem impetu et eadem celeritate sanguinem per extremitates arteriarum pellere poterit, qua systole cordis id effecit. Experientia quoque hanc aequalitatem differentiarum inter vires mouentes et resistentes, tam in systole cordis, quam in systole arteriarum docet. Microscopiorum enim ope sanguinis celeritatem in extremis animalium vasis; durante systole et diastole cordis, obseruamus eandem; vnde admodum vero simile est, eandem aequabilitatem motus etiam in extremis arteriis humanis adesse. Hinc patet, dimidiam tantum partem sanguinis e corde eiectionis tempore systoles cordis in
venas

venas transire, alteram vero partem dimidiam tempore systoles arteriarum sequi: tempora enim sunt aequalia.

§. 104. Hisce duabus causis, alternatiue quidem, sine intermissione tamen et aequabiliter, sanguinem per arteriarum extremitates in venas pel-
lentibus sese iungit tertia, adhaesio nempe sanguinis ad parietes vasorum extremorum. Non solum enim ex physicis notum est, fluida specificè leuiora vnice ex adhaesione in vascula penetrare capillaria, * sed et experientia docti scimus, arteriam magnam animalium et hominum suffocatorum vacuam deprehendi, omnemque fere sanguinem in venis cauis haerere, ex quo aperte sequitur, sanguinem etiam post mortem, i. e. eo tempore, quo nec cor nec arteriae premunt vel premere possunt sanguinem, ex arteriis in venas transire.

§. 105. Cum sanguis non per interualla, vti ex corde in arterias; sed
motu

* Elem. physic. §. 167. nro. 3. et Schol. 2. et 3. nro. 5.

motu aequabili, in venas transeat, nisi hic motus sanguinis ad truncos venarum aliquam sentiat resistantiam: nullam in venis dabit diastolen; ergo nec systolen. Est quidem orificium auriculare dextrum, minimum tempore systoles cordis clausum, adeoque ibi reuera motus sanguinis venosi ad istud momentum sistitur; quia vero venae cauae suum sanguinem non immediate ad orificium auriculare, sed in auriculam deferunt, huius vero cauum sine sensibili resistantia insigniter augeri queat, (§. 86. nro. 2.) ista resistantia, quam dat orificium cordis auriculare, motum sanguinis ex venis cauis in auriculam sistere vel impedire nequit, sed tantum diastoles auriculae est causa occasionalis.

§. 106. Hoc sapientissimo artificio mechanico, quod in figura auricularum conoidea, in structura parietum earundem, et, in homine, etiam in situ verticali baseos auriculae haeret, effecit Summum Numen, vt

- 1) istae tres vires, quae sanguinem per arteriarum extremitates pellunt,

lunt (§. 103. 104.) sufficerent pro obtinendo motu sanguinis per ambas venas cauas. Omnis enim resistentia, quam haec vis superare debet, est massa, non pondus, istius sanguinis, qui in venis haeret. Pondus enim sanguinis venosi situm aequilibrium habet a pondere sanguinis arteriosi, qui, cum venoso sit specificè grauior, (§. 3. nro. 8.) etiam inter causas mouentes sanguinis venosi referri potest. Cohæsiō quoque sanguinis venosi nullam motui eiusdem dare potest resistentiam, quia ex vasis angustis in ampla transit; et resistentia in auriculis longe minor est, quam venarum.

2) in venis nulla sit systole vel diastole, nisi quod pro quantitatis, rarefactionis et pressionis ex pondere varietate, pro situ corporis vel artuum mutato, venae vel omnes, vel quaedam modo sint capaciores, modo minus amplae.

3) venarum parietes potuerint esse tenues et debiles

4) vires mouentes et resistentes in

corpore humano sint quidem in diuersis partibus diuersae, sibi tamen semper proportionatae.

§. 107. Cum paries auriculae dextrae a) sit debilior parietibus ventriculi dextri b) non continuus, sed ex lacerulis singularibus, hic illic tantum cohaerentibus, compositus, c) parum sanguini venoso resistat, (§. 105.) ergo d) parum ab hoc tendatur, nisi quod sanguis venae cauae superioris pondere suo efficit, ergo e) parum ad contractionem irritetur, nunquam poterit contractione sua parietem ventriculi dextri, vi vitali fibrarum suarum arcualium, nunquam cessante, septo cordis adplicatum, ab hoc separare. Ab auricula ergo sola ventriculus dexter sanguine repleti et dilatari nequit. Nec sanguis per venas refluus id efficere valet, quia eius impetus maior esse nequit actione auriculae dilatatae. Et si auriculae potentia tanta esset, vt ventriculi resistantiam superare posset, citius et facilius venarum, ventriculo debiliorum, resistantiam superaret, venas ergo, non ventriculum, dilataret, quia

quia fluidum pressum tendit quidem quaque versus aequaliter, mouetur vero versus eum locum, vbi minor est resistentia.

§. 108. Dilatatur potius ventriculus anterior per contractionem sui strati externi et interni, et simul valuulae tricuspidales a contactu diducuntur, (§. 69. nro. 2. a b c) omnis igitur resistentia, quae sanguini, in auricula a dictis viribus (§. 104. et 107.) pressa, fit, momentanee in orificio auriculari et dextro ventriculo et plenarie tollitur, ergo sanguis momentanee influat, praecipue cum sanguis a basi auriculae tunc conuexa directe versus orificium auriculare pellatur. Sanguis ergo ab auricula in systole constituta pulsus non fit fluidum pressum, quia in ista plaga, quam versus pellitur, nullam habet resistentiam, ergo nec lateraliter in sanguinem venosum agit, eiusque motum impedit, ipse potius sanguis venosus, tempore systoles auricularum, ob resistentiam in corde plane abolitam, minimum in

auriculam, si non in ventriculum cordis, influit.

§. 109. Cum sanguinis in venis a radice versus truncum motus neque diastoles auriculae (§. 106. nro. 1.), neque systoles eiusdem tempore vllum inueniat impedimentum, in statu sano, nullo tempore, tantum versus radices venarum conatum acquirere potest, qui maior esset ista vi, quae sanguinem venosum a radicibus versus truncum mouet: ergo nunquam in statu sano iste adest casus, in quo valuulae motum sanguinis a trunco venarum versus radices impedire deberent, ergo valuulae ad impediendum hunc motum, minimum in statu sano, non sunt datae. Roboris potius venarum causa tantum datae sunt valuulae; nam

- 1) duplicati ibi sunt parietes, vbi valuulae sunt,
- 2) sanguis, quamquam sursum prematur, et a tali pressione moueatur sursum, semper tamen pondere suo premit deorsum, sanguinem inferiorem mutat in pressum hic ergo

ergo premit quaquauerfum, et parietes venarum conatur dilatare, idque tanto maiori impetu, quanto maior est sanguinis prementis altitudo. Haec igitur altitudo cum per valuulas in venis adscendentibus diuidatur in plures minores partes, et per valuulas pars ponderis semper sustentetur, nimia dilatatio inferiorum venarum per valuulas euitari poterat. Ibi igitur defunt valuulae, vbi altitudo venarum non est magna, vt in capite, collo, pulmonibus et vena portae, vel vbi parietes sunt robusti, vt in arteriis.

§. 110. Fibrae arcuales dextri cordis ventriculi, motu columnarum internarum et strati externi extrorsum, itemque ab impetu sanguinis irruentis extensae, irritatae, et quod ad vim absolutam auctae, cum cesser tunc columnarum vis extendens, sese contrahunt, (§. 69. nro. 2. et 3.) et, eodem modo ac sinister, (§. 98.) minori tamen impetu, (ibid.) sanguinem in arteriam pulmonariam iam repletam pellunt. Resistentiae hic numero qui-

dem sunt eadem, ac in ventriculo sinistro, (§. 99.) quantitate tamen omnes sunt minores. Stimulantur simul arteriae pulmonalis parietes, aequae vt arteria magna, (§. 102.) et sese contrahendo sanguinem per rete mirabile MALPIGHII in venam pulmonalem et auriculam sinistram mouent et hanc expandunt, (§. 105.) nulla noua accedente vi. Quando denique sinister cordis ventriculus, a suo strato fibrarum interno et externo, per systolen praecedentem irritato, (§. 69. nro. 1. c) expanditur, auricula sinistra et arteriarum pulmonalium systole sanguis in ventriculum pellitur sinistrum, cuius irruentis impetu irritatio spiraliau augetur. Vt hae cordis et auricularum actiones sine notabili dislocatione, affricu et impedimento fieri queant, cor, vna cum auriculis, pericardio est inclusum; sic enim cor, ope mediastini, in suo loco conseruari, et liquor pro lubricatione sufficiente quantitate asseruari poterat.

§. III. Exponendo hactenus vires mouentes et resistentes, simul quoque docuimus,

1) systolen cordis sinistri et diastolen tam arteriae magnae, quam auriculae dextrae fieri eodem tempore,

2) systolen cordis dextri et diastolen arteriae magnae atque auriculae sinistrae itidem esse motus synchronos.

3) cum igitur systole vtriusque cordis ventriculi fiat simul, (§.69.nro.3.) erit

4) systole vtriusque ventriculi motus synchronus tam cum omnis arteriae, quam cum vtriusque auriculae diastole.

§. II2. Systolen omnem finitam sequitur immediate diastole eiusdem vasis, experientia teste, et diastolen alicuius vasis sequitur proxime systole eiusdem; quorum igitur systoles sunt motus synchroni, eorum etiam diastoles fient simul, et si vnius vasis systole sit motus synchronus cum alterius

diastole, erit etiam huius systole motus synchronus cum diastole istius. Ergo

1) diastole vtriusque ventriculi fit simul (§. III. nro. 3.)

2) systole omnium arteriarum et vtriusque auriculæ fit simul (ibid. nro. 4.) et

3) systole omnium arteriarum atque vtriusque auriculæ est motus synchronus cum diastole vtriusque ventriculi. (ibid.)

§. 113. Ex his adparet, duo tantum esse tempora admodum brevia, et se se proxime sequentia, quibus omnes vires sanguinem mouentes, et alternatiue agentes, suas absoluunt actiones, primo nempe vnice cordis fit systole, arteriarum vero et auricularum diastole, altero vero arteriarum et auricularum systole, et simul cordis diastole. Videtur quidem, ac si tempus omnium actionum in tres partes esset diuidendum, quorum primo systole cordis, altero systole arteriarum, tertio vero auricularum systole absolueretur, quia diastole auricularum incipit quidem vna cum diastole, non vero

vero absoluitur ; tempore enim diastoles arteriarum dimidium tantum sanguinis e corde sinistro eiectioni, alterum dimidium vero tempore systoles arteriarum demum in venas et auriculas transit : (§. 103.) atque, cum systole auricularum motui sanguinis in venis nullam plane det resistantiam, (§. 108.) minime erat necessarium, ut omnis sanguis, qui ex sinistro cordis ventriculo vno actu abiit, et vno quoque actu ventriculum dextrum intrare debet, ante introitum in cor, diastolen auriculae efficiat, potest enim secundum dimidium sanguinis, quod tempore systoles arteriae in venas demum transit, eodem isto tempore, i. e. tempore systoles auriculae, vna cum primo dimidio, quod auriculam dilatauerat, in cor penetrare. Nulla ergo ratio suadet, ut tria assumamus tempora, nec experientia ista docet.

§. 114. Venae cordis coronariae truncus fere totus sub limbo auriculae dextrae latitat, unde, cum basis cordis, cui incumbit, non cedat, tempore systoles auriculae ab hac compri-

G 5

mitur,

mitur, ergo alterum dimidium sanguinis, quod isto momento per truncum venae coronariae in ventriculum dextrum penetrare debuisset, (§. 113.) in suo motu impeditur; ne igitur stagnet, orificia Deus dedit venarum THEBESII, per quae sanguis venae coronariae, tanquam fluidum pressum, in ventriculum sese tunc dilatantem, ergo non resistantem, penetrat.

§. 115. Celeritas sanguinis, tam in arteriis, quam in venis, in omni suarum viarum loco est alia, adeoque motus sanguinis per totum vasorum systema est inaequabilis. Si enim hanc vnicam consideres circumstantiam, quod in venis aequae ac in arteriis capacitas summae omnium ramorum ex trunco quodam ortorum vel in eundem coeuntium, capacitate trunci maior sit, (§. 71. nro. 3. §. 72. nro. 4.) mo-
uetur sanguis, per totum arteriarum systema, ex canali angusto in capaciorem, ergo motu retardato, in venis vero ex vase amplo in angustius, ergo

go motu accelerato.* Tardiffimus ergo sanguinis est motus in extremis, celerrimus circa cor.

§. 116. Sed praeter hanc capacitatem vasorum, in progressu vel crescentem vel decrescentem, multae adhuc aliae dantur causae, quae celeritatem motus progressiui sanguinis, modo in toto, modo in hac vel ista parte nostri corporis, mutare valent. In toto enim celeritatem motus augment, et vires mouentes auctae et resistentiae imminutae. Huc pertinent,

1) compressiones tam arteriarum quam venarum alternatiuae, a partibus hisce vasis adiacentibus, v. g. musculis.

2) elasticitas sanguinis ex quacunque causa aucta;

3) contractio vasorum maiori impetu, v. g. in ira, gaudio etc.

4) quantitas sanguinis antea deficiens iam decenti gradu restituta,

5) capacitas vasculorum extremorum aucta, siue quod ad diametrum tantum, siue quod ad numerum,

6) gela-

* Elem. phys. §. 111.

6) gelatinofitas sanguinis imminuta.

§. 117. Minuitur contra celeritas motus sanguinis progressiui in toto, tam decremento virium mouentium, siue in numero, siue in quantitate, quam incremento virium resistentium.

v. g.

1) si corpus, adeoque muscoli vasis sanguiferis adiacentes, quiescunt,

2) sanguinis elasticitas imminuta ex quacunque causa,

3) quantitas sanguinis vel nimia vel non sufficiens,

4) robur vasorum physicum vel nimium vel nimis paruum,

5) vis vitalis ex quacunque causa imminuta,

6) spissitudo sanguinis et humorum nimia

7) capacitas vasculorum extremorum imminuta, siue quod ad diametrum, siue quod ad numerum.

§. 118. Causae, quae celeritatem motus progressiui in hac vel ista corporis humani parte mutant, sunt

1) directio ramorum relatiue ad truncum; in istis enim ramis, qui
ad

ad angulos rectos trunco iunguntur, longe tardior est motus, quam in iis, qui acutum angulum cum trunco includunt, et in his tardior est motus, quam in trunco directo, reliquis positis iisdem, id quod hydraulica quoque experimenta docent :

2) varia proportio inter capacitatem trunci et ramorum, in diuersis nostri corporis visceribus; quo magis enim dictarum capacitatum ratio ab aequalitatis ratione recedit, eo magis decrescit celeritas, si ex trunco in ramos, et eo magis crescit, si ex ramis in truncos abit sanguis :

3) varia diuersorum extremorum vavorum apertura; quo minus enim sunt angusta, eo plures globuli simul intrant, eo pauciores ergo a contiguis, pro introitu in vas angustum obtinendo, sunt separandae, ergo eo minor erit resistentia ex cohaesione : (§. 99. nro. 3.)

4) varius gelatinositatis vel visciditatis gradus, quo fluidae partes praeditae sunt, quae, vel eodem tempore in diuersis locis, vel diuerso tempore

pore in eodem loco, per extremitates transire debent; tanta enim non datur homogeneitas in mundo, vt partes quod ad sensus homogeneae sint perfecte tales.

5) Cum, pro vario corporis situ, modo quaedam vasa comprimantur, modo minus, itemque sanguis modo pondere suo agat contra vires mouentes, modo harum impetum augeat, non potest non ex aucta vi mouente maior, ex aucta vero resistentia, minor in hac vel ista parte oriri celeritas.

119. Distantia a corde mihi saltem in corpore humano celeritatem motus ita mutare non videtur, vt celeritas sanguinis in pedibus ideo minor sit, quam in pectore, quia pedes magis a corde tanquam principio mouente sunt remoti, quam pectus. Quamquam enim non negem, si vis mouens liquorem, amplitudo canalis, per quem mouetur, atque luminis ex quo prodit liquidum, itemque directio canalis horizontalis semper maneant eadem, minori celeritate liquidum fluere,

fluere ex lumine, si canalis, inter lumen et vim mouentem medius, sit longus, quam si sit brevis: maior enim massa liquidi ab eadem vi mouente est mouenda in canali longo, quam in breui, minime tamen credo hanc veritatem hydraulicam ad corpus humanum adplicari posse. In corpore enim humano

- 1) omnes rami, longi aequae ac breues, ex vnico prodeunt trunco arterioso, et
- 2) fluidum in iisdem omnibus est fluidum a systole cordis, tanquam vi externa, pressum, ergo versus omnes plagas tendit aequaliter,
- 3) ergo versus nullum vas extremum, siue cordi sit vicinum, siue ab eodem remotum, maior vel minor erit tendentia, modo extrema vasa sint aequalia; cum igitur
- 4) sub eadem hypothese resistentiae quoque ibidem sint aequales, erit etiam celeritas motus aequalis:
- 5) insuper cor non est vnica vis mouens sanguinem in arteriis, sed systole quoque ipsarum arteriarum eun-

eundem mouet ; haec vero vis a nullo corpore per ipsam mouendo magis distat, quam ab altero. Si igitur verum esset, sanguinem, quatenus a corde mouetur, tardius moueri in pedibus, quam in pectore, sanguis tempore systoles cordis tardius per vasa extrema transire deberet, quam tempore systoles articularum, id quod tamen est contra analogiam experientiarum in animalibus. (§. 103.)

§. 120. Quamquam vero celeritas, qua sanguis homogeneus per vasa arteriosa extrema aequalia fluit, vbiuis sit eadem, et longitudo vasis celeritatem non mutet, ex eadem tamen sanguinis aequali celeritate fluit, vt breuiora vasa breuiori tempore percurrat. Ista ergo partes massae sanguineae breuissimo tempore suum absoluunt circulum, quae arterias coronarias intrant, et per orificia venarum THEBESII ad ventriculum sinistrum redeunt, reliquae vero partes semper longiori tempore, et quidem sequenti circiter ordine, ad cor redeunt; quae

quae per orificia venarum THEBESSII, quae per truncum venae coronariae redeunt, quae per arterias musculares colli, bronchiales, intercostales superiores, carotides, intercostales inferiores, renales, lumbares, spermaticas, iliacas, radiaceas, cubitaeas, crurales, popliteaeas, furales et tibiales abeunt. De motu sanguinis per arteriam coeliacam et meseraicas, tanquam tardissimo, in doctrina de secretionem bilis dicam.

§. 121. Si igitur accurate rem consideres, nullum determinari poterit tempus, quo vna absoluitur circulatio, in quibusdam enim locis duo, tres, quatuor fiunt circuli, antequam in aliis vnus finitur. Quodsi tamen istud tempus pro vna habere velimus circulatione, qua sexaginta librae sanguinis (§. 53.) e corde sinistro eiiciuntur, tempus vnus circulationis facile determinatur. Experientia enim HELVETII* et NICOLAI** constat, ventri-

Elem. Physiol.

H

tri-

* Mem. de l'acad. des sciences an. 1718.
p. m. 281.

** de directione vasorum p. 51.

triculum finistrum, hominum adultorum, modo 20, modo 17, modo 15 sebi drachmas recipere: cum igitur sanguis arteriosus seuo sit specificè grauior, pro calculo formando assumere liceat, 18 drachmas sanguinis vna systole, seu pulsatione, e corde sinistro proiici; cum igitur sexaginta librae 7680. drachmis sint aequales, post 427. pulsationes arteriae vna circulatio erit absoluta. Experientia teste in homine adulto tempore vnus minuti primi 84., ergo vna hora 5040 numerantur pulsationes, ergo vna hora 115. absoluuntur circulationes.

§. 122. Si quae igitur, per circulum humorum, in globulis massae sanguineae fiat mutatio, quaecunque denum ista sit, et si vel maximo, qui esse potest, gradu essent homogenei, non tamen omnes simul aequali gradu et eodem tempore mutarentur, sed successiue modo hi, modo alii, in quo magnum latitat fundamentum durabilitatis tam massae sanguineae, quam virium corporis humani, vti in sequentibus patebit.

§. 123. Arterias totius corporis tempore systoles cordis, per sanguinem e corde eiectum dilatari, easdemque propria elasticitate atque vi vitali sese contrahere, supra (§. 100. et 102.) probauimus. Vocatur haec mutatio status arteriae, quae vna eiusdem diastole atque vna systole absoluitur, pulsatio vna. Est haec pulsatio actio quaedam vitalis, et, cum sine vita corpus humanum nullam exerceat actionem, quam tanquam corpus humanum exercere deberet, facile patet, pulsationem esse talem actionem, a qua omnes reliquae, saltem ex parte, pendent. Si igitur haec actio rite a medico cognoscitur, magnum habebit fundamentum iudicii, num corpus humanum sit in statu sano vel morbofo.

§. 124. Dum LOMMIVS* pulsum describit naturalem, dicit; *optimum censei eum pulsum, qui medius inter magnum est, et paruum, inter celerem et tardum, inter crebrum et rarum, inter*

H 2

vehe-

* obseru. medicin. libr. 3.

vehementem et languidum, inter mollem et durum, inter plenum et vacuum, quique bonam ictuum inter se proportionem, aequalitatem, ordinemque retinet. Cum pulsus sit actio quaedam cum motu, facile perspicitur, magnitudinem, celeritatem, crebritatem et vehementiam, quippe praedicata actionis, etiam pulsui competere; molli- ties vero et plenitudo cum idea actionis combinari nequeunt; quia vero sunt praedicata arteriae, tanquam subiecti pulsationis, etiam de pulsu abusive praedicantur.

§. 125. Magnitudo pulsus est spatium, quo arteria tempore diastoles crescit et tempore systoles suae decre- scit. Variat haec magnitudo etiam in subiectis sanis, tam in diuersis, quam in eodem indiuiduo, variantibus aeta- te, quiete et motu. Solo igitur fre- quenti tactu pulsus diuersorum homi- num sanorum discere potest medicus, quae magnitudo pulsus sana dici queat. Quamquam vero omnis pulsus certa gaudeat magnitudine, iste tamen tan- tum pulsus dicitur *magnus*, qui natu- rali

rali maior est, *paruus* vero, qui naturali minor est.

§. 126. Ex causis igitur systoles et diastoles arteriarum facile perspicitur, omnem pulsum magnum requirere,

1) ventriculum sinistrum relative ad arteriarum capacitatem satis magnum,

2) eiusdem ventriculi plenariam repletionem et euacuationem, ergo

3) nullum impedimentum in corde,

4) eius fibras flexiles quidem, magna tamen vi, tam physica, quam vitali, praeditas,

5) easdem qualitates (nro. 4.) arteriae,

6) sanguinem nec spissum, nec fluxilem nimis, relative ad extremitatum arteriae amplitudines,

7) eiusdem quantitatem, nec excessivam, nec deficientem,

8) liberum eiusdem influxum in ventriculum et per pulmones.

9) Causae adductis contrariae dant pulsum naturali minorem, i. e. parvum.

§. 127. Celeritas pulsus mensura-

tur ex tempore, quo vna systole et diastole absoluitur. Decens hocce tempus vnice frequenti obseruatione discitur; quando hocce tempus iusto breuius est, dicitur pulsus *celer*, si iusto longius, *tardus*.

§. 128. Quamquam ordinarie duo sint modi, quibus celeritas motus augetur, augendo nempe vim motricem, vel minuendo resistantiam, vix tamen ex adductis (§. 99.) resistantiis alia, quam quae in gelatinositate fluidi et apertura extremorum vasorum haeret, pulsum, per plures ictus subsequentes, celerem dare potest; aut saltem, si quae alia resistantia imminuta celeritatis pulsus fiat causa, pulsus simul rarus erit. Plerumque igitur vis motrix aucta dabit pulsum celerem, siue haec sit irritatio quaedam, siue motus musculorum, siue turgescentia sanguinis.

§. 129. Contra vero tardum pulsum tam vis motrix imminuta, quam quaeuis resistantia aucta dabit. Quies ergo musculorum, rarefactionis sanguinis eiusque caulae decrementum, vis vitalis,

lis, vel physica imminuta, quantitas sanguinis iusto maior, spissitudo eiusdem maior quidem, quam in statu naturali, talis tamen, vt a vi cordis et arteriarum, vna pulsatione, sanguis e corde eiectus per arteriarum extremitates pelli queat. Si enim transire nequit sanguis, accumulatur in arteriis, fit causa cor et arterias stimulans, et sub viribus sat firmis dat pulsum celerem.

§. 130. Pulsationes in statu hominis sano, quieto et ieiuno, non solum sunt sibi similes, sed et tempora, inter initia antecedentium et consequentium pulsationum, sunt aequalia. Variant quidem haec tempora tam in eodem indiuiduo, mutato corporis statu, quam in diuersis hominibus, maxime tamen in aetate infantili, puerili et adulto. In puella enim quinque annorum, centum et quindecim, in puero trium annorum, centum et decem, in puero octo annorum, centum et duo, in adultis octoginta quatuor plerumque, intra vnum minutum primum temporis numeravi pulsationes.

sationes. Haec tempora sunt mensura, secundum quam crebritas pulsus aestimatur, ita quidem, vt iste pulsus dicatur *creber*, vbi intra vnum minutum primum plures, *varius* vero, vbi pauciores numerantur pulsationes, quam in statu naturali.

§. 131. Si tempus inter duas pulsationes breue est, etiam systoles et diastoles arteriae tempus breue erit: ergo omnis pulsus creber est etiam celer. (§. 127.) Cum igitur nulla resistentia imminuta pulsum celerem dare queat, quae eundem non simul rarum redderet, ista excepta, quae in gelatinositate imminuta vel apertura vasorum extremorum aucta consistit, (§. 128.) etiam nulla alia resistentia imminuta pulsum crebrum dare potest, quam modo dicta. Irritatio ergo fibrarum cordis et arteriarum erit frequens crebri pulsus causa. Qua praesente, et simul vi vitali, vna cum resistentia circa vasa extrema, imminuta, erit pulsus creber, celer et debilis, qui a quibusdam *frequens* nomi-

§. 132. Omnis pulsus tardus rarus quoque esse debet, et in hoc casu causa pulsus tardi, (§. 129.) est etiam causa pulsus rari. Quia vero etiam pulsus celer et rarus esse potest, si nempe post systolen arteriae non statim sequatur eius diastole, facile perspicitur, causam huius pulsus celeris et rari, in istarum virium, quibus cor dilatatur et constringitur, haerere inaequalitate, ita nempe, ut vis vitalis dilatatoris cordis iusto minor sit.

§. 133. Arteria aut ideo mollis tactu deprehenditur, quia eius fibrae decenti gradu non sunt strictae, aut quia eius cauum non decenter est repletum. In priori casu arteria simul est magna, in posteriori parua. Contra arteria non potest esse dura, nisi parietes eius sint stricti, vel a causa quadam irritante, vel a nimia repletionem. In priori casu arteria et pulsus erunt iusto minores, in posteriori vero arteria quidem magna, pulsus vero parvus et tardus erit. Ipsa vero tam molities quam durities arteriae ab istis tantum cognoscitur, quibus naturalis

arteriarum renitentia frequenti tactu est cognita. Iste enim pulsus dicitur *mollis*, cuius arteria digito tangenti minorem, quam arteria sanorum, dat resistantiam, si vero arteria maiorem, quam arteria sanorum dat renitentiam, pulsus nominatur *durus*. (§. 124.)

§. 134. *Plenus* dicitur pulsus, quando arteria in systole eam fere retinet magnitudinem, quae sanis arteriis in diastole competit: *vacuus* vero appellatur pulsus, quando arteria in diastole digito tangenti quasi evanescit, et etiam in diastole leni vi comprimi potest. Causa igitur pulsus pleni erit sanguis vel massa vel mole abundans; pulsus vero vacui, sanguis deficiens, non satis gelatinosus et arteria non satis stricta.

§. 135. *Proportio ictus* mihi est relatio diastoles arteriae ad systolen eiusdem, in eadem pulsatione. Possunt vero hae actiones inter se comparari, tam ratione magnitudinis, (§. 125.) quam celeritatis, (§. 127.) et vehementiae. (§. 133.) Bona ergo proportio erit,

vbi

vbi hae tres pulsus qualitates parum vel nihil a statu recedunt naturali et in systole aequae ac diastole, vel perfecte vel quam proxime sunt aequales, tales enim in statu naturali esse solent.

§. 136. Cum omnis quantitas actionis ex massa et celeritate sit aestimanda*, et pulsus dicantur magni, qui non sunt vehementes, nullus pulsus *vehemens* esse potest, qui non simul sit magnus et celer. *Languidus* vero esse potest tam parvus et tardus simul, quam parvus et non celer, et celer quidem, sed admodum parvus. Cum igitur vehemens aequae ac languidus sint pulsus compositi, eorum causa ex ante dictis (§. 126. 128. 129.) facile perspicitur.

§. 137. Aequalitas ictuum de diuersis pulsationibus est intelligenda, et aequalitatem magnitudinum, celeritatum, crebritatum, vehementiarum, mollitiei, plenitudinum et proportionum,

* Elem. phys. §. 68.

num, in sese excipientibus pulsationibus requirit.

§. 138. Si pulsus non sint aequales, diuersitas pulsuum consequentium aut erit similis, aut dissimilis. Prius si sit, *ordinatus* erit pulsus, in posteriori casu *inordinatus* adpellatur. Ordinati tamen etiam pulsus constanter aequales dici possunt, quia diuersitas eorundem, quamuis nulla sit, semper tamen est similis. *Bonus* erit *ordo*, si ex consequentibus pulsibus ad vim vitalem incrementem et ad statum corporis naturalem redeuntem concludere liceat: *Malus* vero dicitur *ordo*, si ex consequentibus pulsationibus ad vim vitalem physicamque imminutam, et statum sanguinis peiorem factum concludere valeat.

CAPVT V.

DE

MOTV SANGVINIS PER PULMONES ET RESPIRATIONE.

§. 139. Considerauimus hactenus motum sanguinis et intestinum et pro-

progressuum. Cum igitur omnis fluidi motus intestinus ab accedente eiusdem motu progressiuo augeatur, noua enim accedit vis priorem augens, nullum plane dubium est, quin etiam sanguinis motus intestinus eiusdemque effectus, per motum sanguinis progressuum insigniter augeantur.

§. 140. Tres vero motus intestini sunt effectus, liberatio nempe particularum ignearum, ergo calor; atque resolutio globulorum massae sanguineae, et, ante quam hi plane in partes diuiduntur minores, globulorum atque totius massae sanguineae turgescentia. (§. 28. ad 31.)

§. 141. Istius gradus caloris, qui in quolibet sano indiuiduo homine adest, causam in motu intestino per motum progressuum determinato haerere, adeoque sine motu progressiuo talem non esse, cessatio caloris in hominibus sanis suffocatis docet; horum enim corpora mortua a viuis sola absentia motus sanguinis progressiui, et istarum actionum, quae a motu sanguinis

guinis progressiuo pendent, differunt. Cum igitur calor, i. e. igneae in motu constitutae particulae, ipse non solum cohaesionem tam globulorum, quam partium eorundem constituentium minuat, sed et aëris contenti elasticitatem augeat, patet, etiam resolutionem et praecedentem turgescen-
tiam globulorum, talem, qualis actu est in quolibet indiuiduo, pro sua causa determinante agnoscere motum sanguinis progressium, quatenus intestinum determinat.

§. 142. Quamquam vero motus progressiuus, aequè ac intestinus, in omni parte tam arteriarum, quam venarum fiat, et calor quoque in omni parte vasorum actu producat, ipsa tamen expansio et turgescencia globulorum nec in corde nec in arteriis fieri potest, ob nimium horum vasorum robur, ergo incipit demum turgescencia in extremitatibus minimorum vasorum, continuat vero in venis ipsis et auricula dextra; et vero simile non est, hanc turgescen-
tiam per
cordis dextri et arteriae pulmonalis
vim

vim minui posse, cum sanguis venosus a vi longe maiore comprimi nequeat.

§. 143. Mutationem quandam post transitum sanguinis ex arteria magna in venam cauam in minimis eiusdem globulis, speciatim rubicundis, factam esse, color sanguinis arteriosi cinnabarinus mutatus in fusco rubrum venosum, (§. 3. nro. 3.) aperte docet. Hanc vero mutationem in turgescencia globulorum consistere, grauitas specifica maior sanguinis arteriosi prae venoso (§. 3. nro. 8.) probat.

§. 144. Ex his patet ratio,

1) quare venarum tunicae longe sunt tenuiores et flexiliores arteriarum tunicis, vt nempe globuli sese expandere queant; quamquam non negem alteram huius tenuitatis rationem esse, quia venae sanguinem mouere non debebant, et vt diuersis temporibus diuersa fluidi quantitas, vel eadem quidem quantitas, sub diuersa tamen mole in vasis haerere queat;

2) quare rami aequae ac trunci venae
cauae

cauae ramis arteriae magnae contiguus, et truncó huius arteriae sunt ampliores;

- 3) quare ventriculus cordis dexter sinistro est capacior. Cum enim vterque cordis ventriculus simul sit in systole et in diastole, (§. 69. nro. 3.) continuatio circuli sanguinis necessario requirit, vt tantum pondus sanguinis, qualibet diastole, intret in ventriculum dextrum, quantum systole cordis praecedente ex sinistro ventriculo abiit in arterias. Si enim minus reciperet cor dextrum, quam sinister proiecit, reliquum breui tempore arterias pariter ac venas ita replet, vt cor sese vltius euacuare non posset; si vero plus reciperet, breui tempore arteria magna et vena caua forent euacuatae; ergò in vtroque casu circulus sanguinis cessaret. Cum igitur idem pondus sanguinis venosi turgescientis maius occupet spatium, quam arteriosi nondum turgidi, ventriculus dexter tantum capacior esse debebat sinistro, quantum sanguis

guis venosus magis turgidus est sanguine arterioso eiusdem ponderis.

§. 145. Videtur quidem ex dictis sequi, grauitatem specificam sanguinis venosi et arteriosi esse inuerse, vt capacitates ventriculorum: nec dubito, si sanguinis grauitates durante vita et in ipsis vasis mensurari possent, fore easdem in ratione dicta. Cum vero

1) hae sanguinis grauitates specificae non nisi extra vasa mensurari queant,

2) sanguis arteriosus, ob resistenciam per arteriotomiam ablatam, aequae sese expandere debeat, ac si in venas minus resistentes transisset, contra

3) sanguis venosus ex vena dimissus suum ex parte amittat calorem expandentem, adeoque sese ex parte coarctet; insuper

4) sanguis venosus, ex ramo quodam dimissus, pauciores longe serofas et lymphaticas partes leuiiores habeat commixtas, quam arteriosus, (vti infra cap. VII. Sect. 2. et 3. demonstrabitur); mirum non est

sanguinem venosum parum tantum arterioso inueniri leuiorem, (§. 3. nro. 7.) quamquam ventriculi dextri capacitas sit ad capacitatem finistri, modo vt 6 ad 5, modo vt 5 ad 4. (§. 62.)

§. 146. Ex hac sanguinis turgescencia facile perspicitur, nisi sanguis, ante quam suum absoluat circulum, i. e. ante quam secundum suum subeat circulum, rursus condensetur et maiori rursus particulae eiusdem globulos constituentes inter se cohaereant gradu, breui tempore plenariam sequi debere globulorum destructionem, et saluum omnium liberationem et actiuitatem summam.

§. 147. Actu, dum sanguis per extremitates arteriae pulmonis, seu recte mirabile MALPIGHII transit, globulorum statum mutari, cognoscimus

1) ex colore fusco eiusdem in arteria pulmonali, cinnabarino vero in vena pulmonali; hanc vero status mutationem

2) in condensatione totius massae, in
venis

venis pulmonalibus haerentis, ergo et globulorum eiusdem, consistere, ex diametro venarum pulmonalium relative ad contiguas arterias, auricula sinistra relative ad dextram, et potissimum ex ventriculo cordis sinistro minore, quam dextro, tuto concludimus. Cum enim ventriculus sinister non saepius repleatur, quam dexter, nisi tantum pondus sanguinis qualibet diastole in se recipiat, quantum dexter proiicit, id quod remanet, in pulmonibus manet, et breui pulmonem replebit. Si enim quavis pulsatione tres tantum drachmae sanguinis remanerent, (§. 121. et §. 62.) tempore dimidiae horae tota massa sanguinea (§. 52.) in pectore haereret, si fieri posset. Non potest vero minor sinister cordis ventriculus tantum sanguinis in se recipere, quantum dexter maior proiecit, nisi tantum in pulmonibus rursus condensetur sanguis, quantum durante motu ex ventriculo sinistro in dextrum est rarefactus.

§. 148. Facile quoque concipitur modus, quo condensatio fieri potest. Cum enim globulorum partes inter se adhuc cohaereant, i. e. conatum, ad occupandum minus spatium, constanter exercent, et causa turgescientiae globulorum vnice in elasticitate aëris inclusi per calorem aucta, et in resistentia globulorum per calorem imminuta consistat, non potest non, imminuto calore, elasticitas aëris imminui*, cohaesio vero partium globulos constituentium,** ergo etiam conatus coeundi ad minus spatium, augeri. Cum igitur nihil resistat, refrigerio facto, actu minus globuli occupant spatium, et sic omnes, qui maiorem dextrum repleuerant cordis ventriculum, etiam in sinistrum minorem intrare poterunt.

§. 149. Duplici corpora refrigerantur modo, aut si igneae particulae, adhaerendo partibus constituentibus, quiescant,*** aut si in ambientia corpora,

* Elem. phys. §. 401.

** ibid. §. 414. nro. 7. et §. 415.

*** ibid. §. 430. et Schol. ad §. 312.

pora, maiori quam qua in iisdem liberantur copia, transeunt.* Prior modus refrigerandi in sanguine pulmonali locum non habet, quia sanguis pulmonalis aequè a corde dextro et arteria pulmonali agitatur ac sanguis in arteria magna, ergo refrigerium sanguinis in pulmonibus fieri debet per transitum caloris in aliud corpus minus calidum.**

§. 150. Vt vero vniuersale et sufficiens fiat refrigerium et condensatio, hoc corpus sanguine minus calidum, debet

- 1) ad omnes globulos, quantum fieri potest, proxime
- 2) constanter
- 3) sufficiente, nec excedente, nec deficiente, quantitate et
- 4) vario tempore interdum diuersa quantitate vel qualitate, accedere.

§. 151. Prius modo dictum obtinetur, si sanguis tempore refrigerii per minima fluit vascula, ad quorum

I 3

parie-

* Elem. phys. Schol. ad §. 612.

** ibid. §. 260.

parietes corpus refrigerans proxime accedit; alterum, si corpus refrigerans est corpus fluidum et constanter ex loco refrigerii abit, et novum in eius succedit locum; tertium, si a) sanguis refrigerandus per vasa fluit tortuosa, b) cavitas, quae corpus refrigerans continet, est relative ad quantitatem sanguinis in parietibus caui haerentis sat magna, c) si idem paries ad duas pertinet cavitates corpus refrigerans continentes, d) si gravitas specifica corporis refrigerantis est sanguine longe minor, et eius gradus frigoris non nimis magnus, * quartum denique, si partim motus fluidi refrigerantis pro voluntate hominis accelerari et retardari, partim magnitudo caui, in quo haeret fluidum refrigerans, aequae ac gradus frigoris eiusdem, mutari potest.

§. 152. Omnia haec requisita in aëre, pulmonibus et pectore observantur. Aër enim

1) est fluidum semper nostrum corpus

* ibid. §. 273.

pus ambiens, * adeo specificè leue, vt nunquam a radiis solaribus tantum caloris gradum acquirere possit, qui gradu caloris humani non sit inferior,** et cuius elater, et expansio per calorem crescit,*** vnde aër magis calidus minus calido est specificè leuior; *

2) experientia teste tempore vnus minuti primi vigesies circiter per nares, vel os intrat et alternatiue es iisdem cauis prodit. Cum igitur cauitates narium et oris semper aëre sint repletæ, et priorum magnitudo, ob parietes osseos, plane mutari nequeat, posterior vero, experientia teste, neque quando aër intrat, neque quando prodit, mutetur, nec aër per oesophagum semper constrictum, et ab aëre externo collum ambiente semper compressum descendere queat, aliorsum, I 4 quam

* ibid. §. 273.

** ibid. §. 271.

*** ibid. §. 400. nro. 4.

* ibid. §. 476. nro. 5.

quam per laryngem in asperam arteriam, bronchia et cellulas pulmonales abire nequit: sunt enim cauitates communicantes semper apertae, et vsque ad cellulas parietes habent cartilagineos, qui comprimi nequeunt.

§. 153. Vocatur ingressus aëris externi per nares vel os in pulmones, *inspiratio*, egressus eiusdem *expiratio*, vtraque actio coniunctim respiratio.

§. 154. Aër, qui prodit, semper est in statu sano calidior eo, qui intrat, ergo transit calor ex partibus nostri corporis in aërem, et quidem primario in cellularis pulmonalibus ex sanguine, qui per rete mirabile MALPIGII, in cellularum parietibus haerens, transit. Id probant

- 1) exiguitas cellularum, ergo
- 2) magnitudo superficierum earundem,
- 3) tenuitas parietum,
- 4) copia vasorum et sanguinis calidi in iisdem,
- 5) directio tortuosa vasculorum minimorum,

6) ab-

6) absentia sanguinis in cartilaginibus, et membranis bronchiorum asperae arteriae et laryngis.

§. 155. Refrigerat ergo aër in bronchiis haerens omnes globulos sanguineos per pulmones transeuntes. Quia vero aër in cellulis calefactus ad momentum tantum refrigerat, * vti omni momento nouus sanguis per rete mirabile transit; sic quoque omni momento nouus aër minus calidus in cellulas penetrare, et prior calidus ex iisdem prodire debet.

§. 156. Efficitur hic motus vnice ista aëris qualitate, qua per calorem fit magis elasticus, sese expandit, et fit specificè leuior. Ob elasticitatem enim ex cellulis calefactus prodit, et minus calidus ex bronchiis in cellulas penetrat: magis calidus in bronchiis conicis iuxta parietes superiores ascendit, iuxta parietes inferiores descendit, iste enim est specificè leuior, hic grauior. ** Durat hic circulus

I 5

ex

* Elem. phys. Schol. nro. 1. ad §. 268.

** ibid. Schol. 1. nro. 2. ad §. 139. et §. 414. nro. 6.

ex cellulis per bronchia vsque in laryngem et ex larynge per bronchia in cellulas pulmonis constanter, causa enim eius constanter adest, tam durante inspiratione, quam expiratione, et calidus aër in larynge et superiori asperae arteriae parte colligitur, donec tempore expirationis per glottidem prodeat, et sequenti inspiratione, nouus aër minus calidus per glottidem intret, et laryngem vna cum parte superiore asperae arteriae repleat.

§. 157. Causa quidem introitus aëris semper est eius pondus vel elasticitas ponderi aequalis, si homo versetur in spatio vbiuis clauso: alternantis vero introitus et exitus causa, in alterna mutatione ponderis, vel elateris aëris haerere nequit, quia haec est contra experientiam; possunt enim duobus hominibus, sibi facie contiguus, vnus inspirare eodem tempore, quo alter expirat. In ipso igitur pectore, vt causa alternantis motus aëris ita haereat necesse est, vt tempore inspirationis pulmo ponderi aëris minus

nus resistat, tempore expirationis vero aër a pulmonibus maiori vrgeatur vi ab omni plaga comprimente, quam cui pondus aëris naturale resistere posset.

§. 158. Quilibet, cui structura pulmonis nota est, perspiciet, semper quidem membranas pulmonales agere elasticitate sua aërem in cellulis premendo, in ipso tamen pulmone nihil haerere, quod hunc pulmonum conatum modo augere, modo vero minuire queat. Pari modo sese habet cum aëre pulmones inter et pleuram haerente. Ergo causa alternantis motus in pectoris parietibus haerere debet, ita quidem, vt modo magis a pulmone recedant, modo magis ad eosdem accedant; sic enim quando recedunt a pulmone, spatium inter pulmones et pleuram fit maius, ergo aër ibi haerens sese expandit, et fit minus elasticus,* ergo minus agit in parietes pulmonum, ergo aër in cellulis cellulas, adeoque totum pulmonem, eousque expandit, donec aër inter pulmonem
et

* Elem. phys. §. 297.

et pleuram denuo ad priorem gradum fit compressus, et eum rursus acquisiuerit elasticitatis gradum, qui, vna cum gradu elasticitatis membranarum pulmonalium, ponderi aëris externi sit aequalis. Ex quo patet, aërem, qui inter pleuram et pulmones haeret, semper aëre externo esse minus compressum minusque elasticum.

§. 159. Contra vero, quando parietes pectoris propius ad pulmonum superficiem accedunt, magis premitur aër inter pulmones et pleuram haerens, magis igitur comprimitur et magis fit elasticus, ergo magis ab extra premit pulmones, vnde statim aër in cellulis cedit. Tres igitur potentiae simul ad expirationem concurrunt, elasticitas tam membranarum pulmonalium, quam aëris inter pleuram et pulmones haerentis, quae duò cum pondere aëris externi sunt in aequilibrio, et approximatio parietum pectoris ad pulmones, quae proprie, quamquam non proxima, est vis mouens.

SCHOLION I.

Acriter mecum cel. HALLERVS de existentia aëris thoracici et mechanismo pectoris, quamquam hic sit necessitatis geometricae, disputauit. Cum igitur realis existentia alicuius corporis haud aliter quam per experientiam probari queat, et iis saltem, qui in mathesi sunt hospites, commodum est a posteriori discere, quae a priori perspicere nequeunt, liceat frequenti testimonio ea, quae disputata sunt, confirmare.

Hierdurch bezeugen Wir Endes Vnterschriebene, dass, am 5ten Aug. 1752. Nachmittags 4. Vhr in dem Auditorio des Hrn. Hofr. Hambergers

1) *in unserer Gegenwart ein großer starker Fleischer Hund, durch Zuziehung des Halses mit einem Strick, halb todt gemacht auf ein Bret gebunden worden.*

2) *Nachdem in diesem Zustand die Haut, das Fett und die æußern musculi, nemlich der pectoralis magnus, der rectus und*

und der oblique descendens, auf der rechten Seite separiret worden, der Hund, nach Auflockerung des Stricks am Halse wieder ordentlich, doch starck Othem zu holen angefangen, und damit wohl eine viertel Stunde fortgefahren.

3) Bey jedem aufsteigen der Rippen die perpendiculair distanz derselben grösser gewesen, als wenn die Rippen niedergestiegen waren.

4) Nachdem die æußern musculi intercostales auch separiret waren, und man die darunter liegenden, zwischen der fünften und sechsten, auch zwischen der sechsten und siebenden Rippe befindlichen, musculos intercostales internos deutlich sehen konnte, die æußersten puncte derer Fibern der muscutorum intercostalium internorum, bey jeder erhabenen Lage der Rippen, um den 10ten Theil eines Zolles weiter von einander entfernt gewesen, als wenn die Rippen wieder gestiegen waren.

5) Dafs der Hund darauf, durch Zuziehung des Strickes, vöellig getödet, und

in

in eine Wanne mit Wasser gelegt worden.

6) Dafs, wenn gleich die Brust des Hundes gedruckt worden, dennoch keine Blase aus der rechten Seite der Brust im Wasser in die Höhe gestiegen;

7) nachdem aber beyde muscoli intercostales, zwischen der vierten und fünften Rippe, unter dem Wasser, behutsam von der pleura abgesondert waren, die pleura auch ohnverletzt zu sehen war, und diese endlich behutsam zerschnitten wurde, sogleich verschiedene Blasen aus der Wunde im Wasser in die Höhe stiegen, derer auch noch mehrere und grössere nachfolgeten, wenn die Brust von aussen zusammen gedruckt wurde.

8) Dafs in der Lunge keine Verletzung zu sehen war,

9) auch die Lunge, so lange der Strick am Halse gezogen war, nicht zusammen fiel,

10) wel-

10) welches aber geschah, nachdem der Strick vom Halse losgemacht war.

11) dass, nachdem die Luft-Rœhre am Halse geöfnet, und mit einer gläsernen Rœhre so starck hinein geblasen wurde, dass ein groser Theil der Lunge aus der Brust heraustrat, dennoch keine Luft Blasen weiter hervorgekommen, ohnerachtet der Hund, auch dessen Brust und Lunge gantz mit Wasser bedeckt waren.

Carl Friedrich Kaldschmied D.

Iohann Christian Stock D.

Iohann Bernhard Wiedeburg Math. P. O.

Iohann Georg Daries D.

Basil. Christian Bernhard Wiedeburg
Phil. P. P. E.

Iohann Iustus Fick Med. D.

Georg August Fuchs Phil. et Med. D.

Eman. Wundsch Med. Ddus.

M. Iohann Christian Blasche.

Iob. Theoph. Trogmayr M. C.

Paul Lanyi M. C.

Christ. Friedr. Lampert Berol. M. C.

Eben dieselbigen experimenta habe ich gleich darauf an einem andern Hunde nachgemacht, und ebenfalls also befunden

Christian

Christian August Færtſch M. C.

H. L. Dreyhaupt M. C.

Den 9ten Iulii dieſes Iabres haben Wir oben erwehnte experimenta an einem Hund mittler Græſe gemacht, und ebenſals ſelbige alſo gefunden, wie ſie hier angegeben worden, welches hierdurch bezeugen

Paul Lanyi M. C.

I. Th. Trogmayr M. C

SCHOLION II.

*Quae contra hoc testimonium, omni exceptione maius, monuit Ill. Hallerus in denen Gættingiſchen Anzeigen, cum adhuc Goettingae eſſet, tanquam effectus dolorum poſt partum conſideraui. Speraui quoque cum eius abitu in Heluetiam totam controuerſiam finitam fore, vnde nihil monui. Extant vero in parte 39. huius anni, vbi Halleri opuscula pathologica, partim re-
cuſa, partim inedita, quibus ſectiones cadauerum morboſorum potiffimum continentur, et quibus acceſſerunt experimenta de reſpiratione quarta parte auſta, recenſentur, haec verba:*

*Der andre Theil gehært zum Hambergeriſchen
Elem. Phyſiol. K*

gerischen Streite übers Athemholen. Er begreift erstlich die drey schon in den opusculis anatomicis abgedruckten Schriften etwas hin und wieder gemildert und ausgebessert: der vierte Theil aber ist neu, und begreift die seit 1750. angestellten und den Kesslerischen entgegen gesetzten 47 Erfahrungen, die in lebendigen Thieren gemacht worden sind. Der Herr v. Haller hat sie in drey Classen eingetheilt. In der ersten stehn diejenigen, wodurch die zwischen der Lunge und dem Brustfelle angeblich befindliche Luft wiederlegt wird. Der Hr. v. H. zeigt, was den Herren Ienen-fern etwa zur Erblickung der aus der Brusthæle steigenden Blasen geholfen haben mag. Es können diese zwischen den trocknen Haaren des Thieres heraufgequollen seyn. Es ist möglich, dass man das Thier mit der durchbohrten Brust etwas aus dem Wasser hebe, dass alsdenn die Luft hinein trete, und bey wiederholtem Eintauchen aus der Wunde in das Wasser gehe. Endlich kann man auf einer Seite die Brust öf-

nen,

nen, denn mit allerley grüblen das Mittelfell zerreißen, und verursachen, daß die durch die Wunde der einen Seite hereingelassene Luft aus der andern hervordringe. In allen andern Fällen, wo kein Irthum noch Betrug vorgehet, zeigt sich niemals eine Luftblase, wenn man die Brust unterm Wasser æfnet. Die zweyte Classe der Erfahrungen gehöret zu der Wirckung der innern Muskel zwischen den Rippen. Sie sind den obigen in den obern Zwischenräumen gleichförmig. In den mittlern, die man eben in Iena entblößt hat, und wo die Rippen mehrentheils gleich lang, und gleich feste sind, ist der Unterscheid der Größe des Zwischenraums der Rippen im Athemholen kaum mercklich; doch sieht man die innern Muskeln im Athemholen arbeiten und zugleich mit den æußern sich zusammenziehen. In den untern Zwischenräumen geschieht endlich wiederum eine große Verkürzung, und die Wirckung der innern Muskeln ist sehr offenbar die nemliche mit der Wirckung der æußern.

Das erwürgen endlich macht eine Verwirrung und eine gesuchte Vndeutlichkeit.

Forsitan nescit Ill. Hallerus, testimonia Halleri propria in propria causa nihil valere contra testimonium a viris eruditis in arte versatis, Hallero partim affinibus, et ab ipso, vt testimonium perhiberent, publice prouocatis, datum.

Forsitan nescit viros istos honestos et celeberrimos sine graui iniuria non posse nominari deceptores et deceptos; id quod vel ex hoc colligi potest, quod grauissimas iniurias in me effusas in ephemeridibus Gœttingensibus ironias nominauit.

Forsitan non legit adductum testimonium, alias perspicere potuisset, modos deceptionis, quos tanquam posibles adduxit, in experimento a me instituto fuisse impossibiles. Sed haec omnia, tanquam ingenio Halleriano conformia, non miror, hoc vero miror, directores *der gœttigischen Anzeigen* permisisse, vt cum eorum beneuolo consensu Professores ce-
leber-

leberrimi nostrae academiae inter de-
ceptos referrentur, et ego ipse im-
pstoris ignominia afficerer. Retulit mi-
hi vir doctus et honestus, se tunc, cum
in confessu academiae scientiarum
Göttingensis experimenta ab Hallero
instituerentur, iisdem interfuisse, se-
que testari posse et velle, se nullum
aërem ex pectore animalis erumpen-
tem vidisse, ex ea quidem ratione,
quia animal et Halleri et duorum
aliorum experimentatorum capitibus
ita fuerit tectum, vt illud ab auditori-
bus ne videri quidem potuerit.

§. 160. Parietes pectoris sunt dia-
phragma, costae musculi intercostales,
sternum cum suo musculo sterno - co-
stali, atque vertebrae dorsi, et proba-
tionis non eget, vertebrae dorsi, sal-
tim respirationi conformiter suam a
pulmone non mutare distantiam.

§. 161. Cum diaphragma sit cor-
pus musculosum, versus thoracis ca-
uum conuexum, versus abdomen
concauum, cuius limbus inferior obli-
que a sterno retrorsum et deorsum
descendit, et vbiuis annulo cartilagi-

neo, ex cartilagine xyphoidea atque cartilagineis costarum extremitatibus conflato, et in parte infima postica vertebrae lumborum adhaeret, non potest non

1) tanquam corpus musculosum sese contrahere, et,

2) cum annulus cartilagineus atque ossa vertebralia introrsum non cedant, deorsum et antrorsum a pulmonibus recedere, ergo

3) inspirationem efficere, (§. 158.) et simul

4) viscera abdominis antrorsum et deorsum mouere;

5) omnes vero abdominis musculos extendere, et ad contractionem stimulare,

6) minime vero, in statu hominis erecto, propria sua vi vitali, elasticitate vel pondere, ad priorem locum adscendere.

§. 162. Actu vero hunc descensum diaphragmatis tempore inspirationis fieri, et inspirationem efficere, docet intumescencia abdominis antrorsum, quae omni inspirationis tempore, in quo-

quouis homine sano, obseruatur. Cum igitur musculus oblique descendens vtriusque lateris cum musculo oblique adscendente oppositi lateris, et vtrique transuersales inter se, constituent tres musculos curuilineos biuentres, et vna cum recto, minimum tempore inspirationis incuruato, abdomen inuoluant, non possunt non, dum sese irritati constringunt, viscera abdominis, vna cum diaphragmate, sursum pellere, hoc pulmonibus adpropinquare, ergo, cauitatem pectoris minuendo, expirationem efficere, (§. 159.) simul autem diaphragma extendendo, hoc ad nouam constrictionem irritare.

§. 163. Videtur quidem, ac si mediastinum, cum diaphragmate cohaerens, descensum diaphragmatis non admitteret, ast cum mediastinum in sua parte anteriore sit bifurcatum, totum enim pericardium inter suas lamineas continet, et in parte posteriore oblique cum diaphragmate cohaereat, hoc simplici artificio effecit summum Numen, vt et media dia-

phragmatis pars a pulmonibus recedere queat.

§. 164. Experientia in hominibus gracilibus omnibus, maxime vero si vel abdomen sit constrictum, vel ventriculus cibus repletus, (sub quibus conditionibus diaphragmatis motus impeditur) vel aliam ob causam quamcunque magna fieri debet respiratio, docet, totum sternum oblique sursum et antrorsum, omnes costas vero vna cum clauicula, parte sua anteriore et media adscendere, tempore inspirationis; contra vero tempore expirationis parte sua anteriore et media descendere, et sternum simul retrorsum et deorsum moueri, et quidem sterni partem inferiorem vtrumque motum ad maius perficere spatium, quam superiorem.

§. 165. Ex his obseruationibus manifestum est, recedere parietes pectoris anteriores magis a pulmonibus tempore inspirationis, accedere vero ad eosdem tempore expirationis. Ergo motus costarum sursum, sterni motus

(§. 155. 159. 161. 162.)

K 5

steriore

steriore, magis comprimitur, et sic magis elasticus factus ad partem pectoris posteriorem ex parte redit, et posteriores quoque pulmonum partes magis comprimit.

§. 167. Omnes quidem Physiologi musculos intercostales tanquam instrumentum mouens costas consideratauerunt, nullus tamen veram perspexit pectoris mechanicam; in nullo enim scripto mechanico expositum est, posse duos vectes ab vnica chorda, quae alterum vectem deorsum, alterum sursum trahit, simul eleuari, et, situ chordae mutato, simul deprimi, vnde quidam

1) in collo quaesierunt punctum fixum, contra rationem sufficientem, et sic alios musculos, ad collum, scapulam et brachium pertinentes, tanquam musculos pectus eleuantes considerarunt:

2) alii clauiculam et sterni partem superiorem, contra autopsiam, immobiles fingunt;

3) haud pauci docuerunt, omnes musculos intercostales, externos aequae

aeque ac internos, pectus eleuare, elasticitati vero cartilaginum atque paucis musculis, vt ferrato postico inferiori et quadrato lumborum, officium costas deprimendi demandarunt;

4) omnes denique verum sterni vsum ignorarunt.

§. 168. Cum igitur tantus fit dissensus, inter viros magnae famae et eruditionis, in doctrina de motu parietum pectoris, theoriam de motu duorum vectium per vnicam chordam, inter istos mediam, sese contrahentem, hic tradere liceat, sine qua summa sapientia, qua benignissimum Numen pectus construxit, perspici nequit. Probe quidem scio, hanc theoriam mere mechanicam huc non pertinere, et multos iuuenes, qui physiologiam discere cupiunt, in mathesi non ita esse versatos, vt proponendas demonstrationes capiant, quia tamen nullibi haec theoria mechanica de duobus vectibus est proposita, iis saltem, qui apti sunt, inferuire cupio, alii, quibus haec non placent, ea praeter-

terminare possunt, et vel testimonio Spho 160. allegato credant, vel propria experientia veritatem discant.

Fig. 2.

§. 169. Sint duo vectes ab et bs circa puncta fixa a et b mobiles, deorsum inclinati, antequam corpori tertio mobili bs ita iuncti, ut anguli b et s sint mutabiles, et eius directio continuata supra punctum fixum a concurrat cum corpore fixo ba continuato, in quacunque distantia in s . Adplicetur dictis vectibus chorda cn ita, ut etiam haec continuata concurrat cum corpore fixo continuato in puncto quodam e minus a puncto a fixo remoto quam f . Dico abbreviationem seu contractionem chordae cn , vtrumque vectem, vna cum corpore mobili, eleuare.

DEMONSTRATIO.

- 1) Dicatur conatus, quo chorda cn sese contrahit, et quo tam punctum e versus n , quam punctum n versus c trahit, P.
- 2) Dicatur conatus puncti b versus s , ex contractione chordae ortus, V, et

et conatus puncti f versus b , ex eadem contractionem ortus, R.

3) Ducantur ex a et b ad corpus mobile $b f$, vel eius continuationem $b f$, perpendiculares ag et bk , et erunt inter se parallelæ, ag vero distantia conatus V a puncto fixo a , et bk distantia conatus R a puncto fixo b .

4) Ducantur ex iisdem punctis quietis a et b perpendiculares ad et bm ad chordam cn , vel eius continuationem ce , et erunt etiam hæc inter se parallelæ, et ad erit distantia conatus P a puncto quietis a , bm vero distantia eiusdem conatus a puncto quietis b .

5) Erit igitur secundum notas leges vectis

$$P:V = ag:ad$$

$$R:P = bm:bk \text{ ergo}$$

$R:V = ag.bm:ad.bk$. i. e. in ratione composita ex directa $ag:bk$ et inuersa $bm:ad$. Cum igitur $ag:bk = fa:fb$, itemque $bm:ad = eb:ea$, erit, facta substitutione rationum aequalium,

$$R:V = fa.eb:fb.ea.$$

6) Vt

6) Vt igitur cognoscamus, quisnam ex his duobus conatibus sit altero maior, substituatur loco fa eius aequale $fe \dagger ea$, loco eb eius aequale $ea \dagger ab$, loco fb eius aequale $fe \dagger ea \dagger ab$, et erit

$fa. eb = fe. ea \dagger fe. ab \dagger ea. ea \dagger ea. ab$, atque $fb. ea = fe. ea \dagger ea. ea \dagger ea. ab$, adeoque

7) cum prior summa factorum, altera, quod ad factum $fe. ab$, maior sit, erit non solum in corpore mobili bs potentia R sub datis conditionibus semper maior conatu V in eodem corpore mobili, sed et tanto maior, quanto maior est fe , i. e. distantia istorum punctorum, in quibus chorda cn et corpus mobile sb continuata cum corpore immobili ab continuato concurrunt.

8) Semper ergo adscendet corpus mobile vna cum duobus vectibus ab et bs , quando chorda cn sese contrahit.

Fig. 3. §. 170. Sint omnia vt in priori casu, (§. 169.) nisi quod chorda cn ita

ita adplicetur, vt eius directio continuata cum corpore immobili ab deorsum continuato infra vectes concurrat in puncto e . Dicantur conatus atque ducantur lineae, vti §. 169. nro. I. ad 4, et erit

$$P:V = ag:ad, \text{ atque}$$

$$R:P = bm:bk \text{ ergo}$$

$R:V = ag.bm:ad.bk$, vel, quia $ag:bk = fa:fb$ et $bm:ad = eb:ea$, $R:V = fa.eb:fb.ea$. Cum igitur $fa < fb$ et $eb < ea$, erit etiam semper sub adductis conditionibus $fa.eb < fb.ea$, et $R < V$. Quando igitur chorda dicto modo adplicata sese contrahit, descendit corpus mobile hf , et vna cum hoc vterque vectis.

§. 171. Possunt eadem veritates a Fig. 4. posteriori confirmari, constructo quadrilatero ex quatuor regulis ligneis, in a, b, f, b , ope cylindrulorum connexis. Firmatis enim in c, o, a et r cylindrulis capitatis, adplicetur chorda en , immobilis fiat regula ab , (id quod manu quoque fieri potest) et, con-

torta

torta digitis chorda *cn*, regulæ *ab*, *bs*, *bs*, adscendent: adplicata vero chorda in *a* et *r* atque contorta, eadem tres regulæ descendent.

§. 172. Si demonstratas veritates ad pectus adplicare lubeat. facile perspicitur *ab* esse duas vertebrae dorsi, *ab* costam quandam superiorem, *bs* costam priorem inferiorem, *bs* partem sterni, *cn* (fig. 2. et 4.) fibram musculi intercostalis externi, *cn* vero (fig. 3.) fibram musculi intercostalis interni. Sic igitur patet, nullo puncto fixo extra pectus assumpto, omnes tamen costas, vna cum sterno, adscendere debere, quando intercostales musculi externi sese contrahunt, et contra omnes costas vna cum sterno descendere debere, contrahentibus sese musculis intercostalibus internis.

§. 173. Quod inter duas costas externi praestant musculi intercostales, idem efficit subclavius inter claviculam et costam primam, similis enim est situ et connexione intercostalibus externis, et clavicula aequè ac costa prima sterni iunguntur. Levatores quo-

quoque costarum breues et longi costas eleuant, infracostales vero VERHEYENII deprimunt costas.

§. 174. Valet vero haec mechanica non solum de septem costis veris, sed etiam de tribus superioribus spuriis. Quamquam enim hae sternum non attingant, cartilagines tamen harum costarum tam cum cartilagine septimae verae, quam inter se, vel ope cartilaginis intermediae, vel proxime, connectuntur; hac vero connexionem idem, quod per sternum, obtinetur, nempe vt vires contrariae costarum in se inuicem agere queant. Sine hac conditione enim, adeoque sine sternum, vel alio intermedio, vel contactu proximo, nunquam costae nec simul eleuari, nec simul deprimi possunt.

§. 175. Costae

- I) alium plane motum, quam vt ascendant atque descendant, obtinere nequeunt, quia ad vertebrae, circa partem suam posteriorem, tanquam circa axin voluuntur, cuius situs est horizontalis, et altero suo extremo iuncturae duarum vertebra-

rum, altero apophysi transuersae vertebrae est contigua;

2) situm debent obtinere versus horizontem inclinatum, absque hoc situ enim sternum adscendendo a pulmonibus recedere et descendendo ad eosdem accedere haud potuisset.

3) Cum igitur sternum, ne diaphragmatis descensus impediretur, breue et costis tamen veris iunctum esse deberet, haec iunctura sine costarum inflexione sursum versus obtineri haud poterat.

4) Inferiores costae, quamquam longiores sint et plures habeant musculos intercostales, adeoque maiorem ad adscensum exercent conatum, quam superiores, altius tamen sternum, quam prima costa eleuare non possunt, quando vero angulus, quem pars costae descendens cum adscendente cartilagine includit, maior euadere potest, sterne quaelibet pars inferior, a costa quauis inferiore, tanto magis antrorsum moueri poterat, quanto longior

gior est, et quanto maiori adscendit gradu.

§. 176. Hinc ratio patet

- 1) quare pars costarum anterior sit cartilaginea, anguli enim, tam isti, quos pars descendens costae cum adscendente, quam pars adscendens cum sterni includit, sic absque magno adparatu erant mutabiles:
- 2) quare anguli, quos partes costarum descendentes cum suis adscendentibus includunt, tanto minores sunt, quanto costae sunt inferiores: pars enim quaelibet sterni inferior magis sic antrorsum moueri potest, quam superior:
- 3) quare tam sterni, quam extremitatis costae osseae substantia sit spongiosa et succulenta? sic enim cartilaginea substantia etiam in senectute conseruari poterat.

§. 177. Quia vero cartilagines magis quoque mutationi angulorum resistunt, quam articulatio, etiam spatia inter cartilagines musculis repleta sunt, qui contractione sua cartilagines eleuant, id quod vel geometrica tantum

consideratione patet. Quamquam enim hi muscoli simili, cum intercostalibus internis, gaudent directione, ideoque ab Anatomicis tanquam pars musculorum intercostalium internorum considerantur, situ tamen non solum, sed et officio sunt externi, i. e. eleuant cartilagine, vnde istos nomine *intercartilagineorum* ab externis et internis intercostalibus distinguo. Habent etiam hi suos antagonistas, musculos nempe sterno-costales VERHEYENII, qui, quamquam in multis punctum ad sternum altius sit, quam punctum mobile ad initium cartilaginis, cartilagine tamen deprimunt, punctum enim fixum musculi semper inferius est isto puncto, quo cartilago sterno connectitur. Vnde cartilaginis xyphoideae simul ratio patet.

§. 178. Ne vero in infantibus cartilaginum resistentia vi musculorum debiliorum maior sit, vel sterni figura musculorum actione deturpetur, in aetate infantili verus articulus in medio cartilaginis proxime ad sternum latitat, qui in puerili aetate abest.

§. 179.

§. 179. Aër externus tanto impetu constanter premit pectus istudque coarctare conatur, quanto agit ad dilatandos pulmones. Ne igitur vllibi, tempore, quo recedunt parietes pectoris a pulmonibus, iidem parietes introrsum premi possint, nulla pars magna eorundem, praeter diaphragma, flexilis, i. e. membranacea vel musculosa esse debebat. Ex hac ratione

- 1) superiores costae paruae et collo fere contiguae,
- 2) interstitia inter costas parua,
- 3) spatia vtrunque a costa vera vltima vsque ad locum, vbi tendines diaphragmatis spinae dorfi cohaerent, costis spuriiis, anterieus inter se connexis, vel crassa carne tectis, repleta esse debebant, et,
- 4) si simul magnitudinem pectoris, necessario quantitati sanguinis refrigerandi et aëris ad hoc refrigerium necessarii proportionatam, itemque liberi diaphragmatis descensus necessitatem, consideres; ratio magnitudinis costarum verarum constanter auctae, spuriarum

vero imminutae, et totius pectoris figurae irregulariter conoideae oblique sectae patebit.

§. 180. Pulmones in situ hominis erecto non solum semper pondere suo, sed et aëris pondere, deorsum premuntur, actu ergo, tempore descensus diaphragmatis, descenderent, nec expanderentur, nisi laryngis descensus per musculos mylo-hyoideos, stylo-hyoideos, hyo-thyroideos, et dilatatores laryngis impediretur.

§. 181. Ex supra exposita mechanica pectoris patet quoque, non posse sese contrahere musculos vel intercostales externos, vel intercartilagineos, vel diaphragma, quin simul extendantur intercostales interni, sterno costales et omnes muscoli abdominis; itemque contra modo nominatos constrictores pectoris non posse sese contrahere, quin simul antecederent nominati extensores pectoris extendantur. Cum igitur extensio musculi, praecipue constanter agentis, sit irritatio, quam proxime sequitur irritati musculi contractio, (§. 67.) sequitur,

tur, vt inspiratio et exspiratio semper fiant alternatiue, etiam nobis non de ea instituenda cogitantibus.

§. 182. Vt vero idem frigoris in aëre gradus diuerso caloris sanguinei gradui temperando sufficiat, modo hoc non sit constanter crescens, tria in nostro corpore a benignissimo Numine nobis sunt concessa media, nempe

1) immissio aëris per os; sic enim magis frigidus ad laryngem accedit, quam si per nares intrasset;

2) quod diaphragmatis, itemque pectoris, a pulmonibus recessus et accessus ad eosdem, possit pro lubitu augeri atque minui, sic enim modo maior, modo minor aëris refrigerantis quantitas pulmones intrat;

3) quod inspiratio aequè ac exspiratio pro lubitu possint accelerari vel retardari, vnde patet necessitas musculorum pectoris animae imperio esse subiectos. Hisce

4) accedit, quod tam aëris frigus per artem saepe possit augeri, vel etiam homo sese ex loco calido in minus calidum transferre.

§. 183. Etiam ex diuersis gradibus caloris, vel frigoris aëris, modo non sint nimis magni, vel nimis diu continuati, moderata tamen sanguinis temperies obtineri potest, partim iisdem quatuor modis, (§. 182.) partim, in frigore maiore, respirando per spongiam naribus admotam et aceto humectatam.

§. 184. Non equidem nego, contenta in aëre salia sulphureasque particulas sanguini in pulmonibus misceri, sed, etiam aëris elasticas particulas ex pulmonibus in sanguinem transire, plane non perspicio,

1) quia nulla adest huius miscellae necessitas; chylus enim in intestinis tantum ex cibis retinet, forsitan etiam ex aëre intestinali assumit aëris, quantum retinere et assumere potest; nec ullus in toto corpore datur locus, in quo aër, aliis partibus non commixtus, ex sanguine secederet.

2) quia aëris vis adhaerendi, ex eius grauitate specifica diiudicanda, *
quae

quae est primaria vis, qua fluida in vascula minima penetrant,* est nimis parua,** ad repellendum humidum in iisdem vasculis haerens, noua vero vascula, aërem tantum absorbentia, in tunicis retis mirabilis MALPIGHII fingere, mihi temerarium videtur.

- 3) quia sanguis pulmonalis venosus, qui aërem commixtum contineret, magis expansus esse deberet, quam arteriosus pulmonalis, id quod demonstratae condensationi eiusdem (§. 147. nro. 2.) contradicit.

§. 185. Nec dici potest, sanguinem in pulmonibus a pondere vel elatere aëris conteri, si enim maior est imperus aëris, quam cordis, compri- met vascula sanguifera minima in pulmonibus, ergo tollit circulum per pulmones, id quod est contra experientiam; minor ergo cum sit pressio aëris, quam cordis, ista tantum resistentiam

L 5

* Elem. phys. §. 167. nro. 3. eius Schol. 2.
§. 171. nro. 4.

** ibid. §. 305.

tiam dat vi cordis, ergo contritio, si quae fit in pulmonibus, a vi cordis et arteriarum fiet, non vero ab aere neque quatenus intrat pulmones, neque quatenus ex iisdem prodit.

§. 186. Cum sanguis per respirationem non conteratur; nec chylus sanguini commixtus ab aëre respirato conteri potest. Condensatur potius aequae ac sanguis. Aliam vero nullam mutationem chylus in pulmonibus obtinet, quam non in toto etiam subiret corpore. Alio ergo sensu pulmones non sunt primarium sanguificationis organon, quam quod primum sunt, in quo chylus magis exacte, quam antea cum sanguine miscetur.

CAPUT VI.

DE

SECRETIONE IN GENERE.

§. 187. Reperiuntur in corpore humano fluida, quae partim in peculiaribus mouentur vasis, partim in peculiaribus reperiuntur folliculis, quae, quamvis aliunde, quam ex massa sanguinea

guinea esse nequeant, vel eidem misceantur, ab hac tamen, et inter se, qualitatibus sensibilibus maxime differunt. Talia sunt liquor ventriculorum cerebri, humor aqueus et vitreus oculorum, saliuæ, liquor oesophagi, pericardii, ventriculi, pancreatis, intestinorum, lymphæ, bilis, chylus, mucus ventriculi, intestinorum, viarum vrinariarum, vteri, vaginae et tubarum eiusdem, parietibus adhaerens, liquor prostaticus, urethrae, tunica vaginalis testium et tendinum, articulorum, humor, cui foetus innatat, pinguedo tunicae cellulosae, et medullae ossium.

§. 188. Similia relative ad massam sanguineam (§. 187.) corpora partim fluida, partim spissa ex corpore nostro abeunt, quae quoque pro varietate loci ex quo abeunt, inter se differunt. Huc pertinent fluidum perspirabile et sudor, quae ex omni prodeunt cute, humidum perspirabile ex pulmonibus, lachrymae et humor oculorum externus, cerumen aurium, materia sebacea tam ex glandulis sebaceis

ceis MEIBOMII, quam ex cryptis in cute nasi, mucus narium, faucium, vrina, sordes sub praeputio.

§. 189. Omnia haec fluida, quamquam cum massa sanguinea, et plurima etiam inter se comparata, sint heterogenea, quodlibet tamen in se spectatum, quod ad sensus est homogeneum, quamvis ex diuersissimis, aequabiliter tamen inter se mixtis, et iis particulis, ex quibus massa sanguinea est conflata, simillimis constet, et dicuntur secreta ex massa sanguinea.

§. 190. Erit igitur secretio in corpore animato separatio fluidi ad sensum homogenei ex alio fluido heterogeneo.

§. 191. In hac igitur doctrina exponendus est

- 1) modus, quo particulae massae sanguineae diuiduntur in partes minores et haec rursus inter se, alia tamen proportionem, combinantur:
- 2) locus, vbi haec fit resolutio et combinatio,
- 3) modus, quo ex massa sanguinea abeunt, et

4) vis

4) vis mouens vel mutans fluidum secretum.

§. 192. Cum in primo capite iam sit demonstratum, omnem resolutionem sanguinis in nostro corpore fieri per motum intestinum, a motu tamen fluidorum progressiuo determinatum, et vnio partium minimarum in vno fluido simul praesentium, alio modo fieri nequeat, quam quatenus sese contingunt, et earum cohaesio, ex contactu oriunda, neque per intestinum, neque per progressiuum fluidi motum impeditur; sequitur, vt partes omnis fluidi, ex massa sanguinea secernendi, simili plane modo, adeoque vel per resolutionem tantum, vel simul per subsequentem cohaesionem, orientur.

§. 193. Variabunt partes dictis modis ortae, prout variat motus intestinalis. Hic vero variabit

1) pro varietate proportionis et cohaesionis partium constituentium fluidi in motu intestino constituti

2) pro varietate motus progressiui eius-

eiusdem, motum intestinum determinantis

§. 194. Varietatem proportionis et cohaesionis non solum dant salinae sulphureae et terrestres partes, sed et aqueae igneae et mox demonstrandae spirituosae. Motum verum progressuum mutant,

- 1) vis vitalis et physica cordis et arteriarum,
- 2) quantitas sanguinis relative ad vasa modo maior, modo minor,
- 3) vitae genus sedentarium vel actiuum,
- 4) visciditas sanguinis,
- 5) proportio inter capacitatem trunci et ramorum iunctim sumtorum,
- 6) angulus, quem rami cum trunco includunt,
- 7) diameter vasorum extremorum.

§. 195. Hae igitur vires et circumstantiae cum in omnibus visceribus, diuersa fluida secernentibus, varient, in omnibus dictis visceribus diuersis, diuersus erit sanguinis et fluidorum motus progressius, ergo et diuersus intestinalis, si vel maxime sanguis in
omni-

omnibus sit perfecte, quantum nempe fieri potest, quod ad partes constituentes similis. Magis vero motus intestinus erit diuersus, si ipse sanguis, in diuersis visceribus secernentibus haerens, quod ad partium constituentium proportionem, a reliquo sanguine differat.

§. 196. Ex dictis igitur patet, totum quidem corpus humanum esse locum, in quo fluida ex sanguine, pro futura secretionem, praeparantur,

1) in quolibet tamen viscere, tanquam in peculiari loco, peculiarem fieri praeparationem, si dicta (§. 194. nro. 1. §. 6. et 7.) variant.

2) etiam in toto corpore, eiusdem indiuidui, variam diuersis temporibus, fieri praeparationem, si dicta (§. 194. nro. 1. 2. 3. 4.) variant.

§. 197. Omnem motum intestinum, quo qualitates sensibiles mixti mutantur, *fermentationem* veteres nominauerunt, eiusque causam determinantem *fermentum*. Cum igitur causae determinantes in diuersis visceribus, adeoque in diuersis locis, sint diuersae,

uersae, dantur omnino in corpore humano *diuersa fermenta localia*. Parum igitur honorificum est quibusdam autoribus recentioribus, post mutatas fermentationis et fermenti definitiones, veterum ridere fermenta localia, cum, mutata definitione, sapientissimae theses risui exponi queant.

§. 198. Minime quidem hactenus licet ex causis, motum intestinum determinantibus, qualitates fluidi, in quolibet viscere elaborandi, a priori determinare, quia nobis nec causae determinantes, nec qualitates particularum minimarum fluidi mutandi, sunt satis determinate, et in omni ad reliquas particulas relatione, cognitae, vnde sola experientia cognoscimus, quale fluidum in quolibet viscere praeparetur et secernetur; generatim tamen affirmari potest

I) non omnes globulos sanguinis vel feri, qui viscus quoddam secernens intrant, posse mutari in fluidum secernendum, quamquam iisdem eadem vires mutantis visceris adplicentur; non enim in omnibus eadem

dem praecise partium constituentium potest esse proportio et vnio, vti infra (§.) patebit, nec omnes aequali gradu sunt turgefacti (§. 120.) aut condensati; (§. 122.)

2) Longe maiorem ergo sanguinis quantitatem in quodlibet viscus secernens intrare debere, quam pro incremento vel conseruatione visceris fuisset necessarium, vel quam est quantitas fluidi secreti;

3) ista viscera, in quibus motus sanguinis progressiuus est magis tardus, quam in aliis, magis esse apta ad producendas particulas secernendas per vnionem, quam per resolutionem;

4) omne viscus secernens venis, sanguinem non mutatum reuehenti-
bus, praeditum esse debere;

5) globulos, qui vno transitu per viscus quoddam secernens in fluidum secernendum non sunt mutati, in isto tamen, aequae ac in reliquo circulo humorum, ad futuram in vi-

scere quodam mutationem, praeparari.

§. 199. Cum in phycis iam obseruemus, fluida in poros aliorum corporum, vel in vasa capillaria, non penetrare, nisi parietibus pororum vel vasorum adhaereant, et tanto minus penetrare, quanto magis pori sunt angusti, * quamquam pori vel vasa ea gaudeant amplitudine, vt multae particulae istius fluidi non penetrantis simul transire queant, et quamquam notabilis vis easdem ad penetrandum vrgeat, multo minus fluida, in viscere praeparata, in vascula fecernentia minima penetrabunt, cum haec vasis capillaribus phycis tenuissimis arte paratis sint longe angustiora, et vis fluidi pressi, quatenus versus haec vascula est directa, sit admodum parua.

§. 200. Nulla ergo particula fluidi ad secretionem praeparata in vas fecernens penetrabit, nisi diametro vasculi fecernentis minor sit, et parietibus

* Elem. phys. §. 171. nro. 4. et 6. et Schol. 2. nro. 2.

tibus eius adhaereat, * adeoque aut minorem, aut aequalem cum parietibus vasorum habeat grauitatem specificam. ** Adhaesio ergo, i. e. conatus, qui oritur ex contactu versus locum contactus, est primaria vis, qua secretio fluidorum in nostro corpore producitur.

§. 201. Duo adhaesionis in physicis sunt requisita, contactus nempe corporum cohaerentium, atque eorundem vis, *** ex relatiua grauitate specifica cognoscenda, ita quidem, vt fluida specificè leuiora, vel grauitate specifica solido aequalia huic adhaereant, (§. 200.) fluida specificè grauiora partibus solidi specificè leuioribus non adhaereant. * Eadem ergo requisita etiam ad negotium secretionis pertinent.

§. 202. Vt omnes partes ad secretionem aptae factae fecerni queant,
M 2 neces-

* Elem. phys. §. 171. nro. 6. §. 167. nro. 3.
et 5.

** ibid. §. 157. 158.

*** ibid. §. 147.

* ibid. §. 161.

necessarium est, ut limbum vasis secernentis attingant; hoc cum in vase amplo fieri nequeat, quia, quo amplius est vas, eo pauciores particulae, fluidi contenti, parietibus vasis sunt contiguae, sequitur, ut etiam ista vasa, ex quorum parietibus vasa secernentia oriuntur, (quae in sequentibus *secretoria* dicam) sint adeo angusta, ac, pro conditione fluidi, quod vehunt et ex quo secernendae particulae abire debent, esse possunt. Quia vero adeo angusta esse nequeunt, ut diameter vasis secretorii diametro vnius particulae fluidae transmittendae sit aequalis, ob nimiam et vndique aequalem particularum fluidarum cum vase cohaesionem, sed diameter vasis secretorii aliquot diametris globulorum transmittendorum iunctim summis aequalis esse debeat, vasa secretoria certam quandam, copiae particularum fluidarum secernendarum proportionatam, debent habere longitudinem, ut multa vasa secernentia ex vno secretorio oriri, et sic particulae secernendae, quae primi
vel

vel secundi vasis fecernentis limbum non attigerunt, cum tertii vel quarti vasis limbo ad contactum peruenire queant.

§. 203. Cum diuersa fluida eidem solido tanto magis adhaereant, quo magis ad grauitatem solidi specificam accedunt, * facile obtinere hac lege potuit Summum Numen, vt non omnes particulae fluidi, quae limbo vasis fecernentis adhaerent, etiam ex hac adhaesione penetrent in vas fecernens, sed istae tantum, quae certo determinatoque adhaerent gradu. Non enim ex simplici adhaesione penetrant fluida in vasa fecernentia, sed motu composito, ex motu fluidi progressiuo in vase secretorio et ex adhaesione simul. Quodsi igitur directio vasis fecernentis eadem sit cum directione diagonalis, quam particula fecernenda ex dicto motu composito percurrere conatur, absque vlllo impedimento penetrabit in vas fecernens, omnis vero alia particula fluidi,

M 3

di,

* Elem. phys. §. 177.

di, quae, ob maiorem vel minorem adhaesionis gradum, diagonalem percurrere conatur, cuius directio cum directione vasis secernentis non est eadem, aut plane non penetrabit, aut saltem maiorem sentit resistantiam, unde tardius penetrat, ergo a fluido per vas secretorium transeunte facile a limbo vasis secernentis rursus remouetur, adeoque non secernitur.

§. 204. Partes fluidae, quae parietibus vasis secretorii vel limbo vasis secernentis sunt specificè grauiiores, cum sensibilibus non adhaereant parietibus, in isto viscere secerni quoque nequeunt. (§. 200.) Regula quidem tertia cohaesionis* non videtur ad doctrinam de secretionem adplicari posse, quia fluida, quae solido non adhaereant, paulo maiori quantitate debent esse collecta, id quod vero de fluido in vase secretorio haerente praedicari nequit, ast cum quantitas paulo maior in regula ideo tantum requiratur, ne ista regula de singularibus, et nullum

* Elem. phys. §. 161. nro. 1.

lum aliud corpus homogeneous vel specificè grauius contingentibus, intelligatur particulis, sed de talibus, quae in vna quidem suae superficiei parte corpus solidum specificè leuius, in aliis vero suae superficiei partibus alias homogeneas tangunt particulas fluidas, facile perspicitur, regulam adhaesionis tertiam omnino ad negotium secretionis adplicari posse, nunquam enim vas secretorium, quocunque gradu sit angustum, vacuum esse potest, ergo particulae, specificè grauiiores parietibus, nunquam in istis sunt solitariae, sed semper antecedentes et consequentes particulas aut homogeneas aut grauitate specifica parum diuersas tangunt, ergo agunt vt particulae fluidae paulo maiori quantitate collectae, i. e. non adhaerent.

§. 205. Vt igitur vna tantum particularum fluidarum species in quolibet viscere secernatur, vasa secretoria aut tota, aut eorum tantum membrana interna, aut minimum limbus vasis secernentis, ex secretorio abeuntis, grauitate specifica non debent esse mi-

nora gravitate specifica fluidi fecernendi. Quo specificè grauiora igitur sunt fluida fecernenda, eo specificè grauiores quoque debent esse parietes vasis secretorii, vel minimum vasa fecernentia et horum limbus in vase secretorio. Ne vero etiam leuiiores particulae nimis fortiter adhaereant parietibus, etiam horum superficies interna non multum superare debet gravitatem specificam particularum fluidi fecernendi.* Semper ergo fluidum fecernendum gravitate specifica quam proxime erit aequale gravitati specificae istarum partium parietum vasis secretorii, quas in loco secretionis tangit.

§. 206. Non potest quidem dictis vasorum fecernentium proprietatibus perfecte impediri, quo minus in istis visceribus, vbi grauiora fecernuntur fluida, etiam leuiiores et subtiliores partes in vas fecernens abeant, quia leuiiores adhaerent grauioribus, et sic, non propria quidem cohaesione cum vase,

* El. Phys. §. 161. nro. 4.

vase, aut cohaesione tamen cum particula grauiori secernenda, simul secernuntur, vel etiam, quia si particulae specificè grauiores secernendae sunt nimis magnae, ergo et vasa secernentia nimis ampla, leuiiores paruae sine adhaesione in vas secernens penetrare possunt. Sed

- 1) experientia quoque docet, nulli in nostro corpore secerni fluidum specificè grauius, cui non etiam partes fluidi specificè leuiiores essent commixtae.
- 2) Talis miscela forsitan momento secretionis erat necessaria, fluidum enim secernendum sine fluido leuiori commixto forsitan fuisset nimis spissum, adeoque ad secretionem ineptum.
- 3) Si talis miscela vsui fluidi secernendi forsitan fuisset contraria, noua quadam secretionem partes leuiiores a grauioribus poterant secerni.

§. 207. Ex haecenus igitur dictis patet, qualitates viscerum secernentium esse

- 1) magnam admittere copiam sanguinis; (§. 198. nro. 2.)
- 2) adeoque sanguinem eo deferri aut per vnum vas magnum, aut per plura minora;
- 3) peculiarem habere proportionem inter truncos et ramos ex truncis abeuntes; (§. 194. nro. 5.)
- 4) peculiari quoque ramos relatiue ad truncos gaudere directione; (ibid. nro. 6.)
- 5) omnes ramos mutari in vascula minima secretoria angusta admodum et interdum longa; (§. 202.)
- 6) haec vasa aut tota, aut quod ad superficiem, aut saltem in eo loco, vbi vas secernens oritur, grauitate specifica esse grauitati specificae fluidi secernendi quam proxime aequalia; (§. 205.)
- 7) habere vasa secernentia itidem grauitate specifica fluidi secernendi grauitati specificae proportionalia, saltem in origine, quae etiam successiue in vnum vas magnum, quod ductus excretorius appellatur, vniri possunt;

7) vasa

7) vasa fecernentia peculiarem angulum cum vasis secretoriis includere; (§. 203.)

8) venis quoque, sanguinem superfluum reuehentibus, praeditum esse. (§. 198. nro. 4.)

§. 208. Omnia dicta (§. 207. nro. 1. 2. 3. 4. 6. 8.) experientia anatomica abunde confirmat. Grauitatem autem specificam partium minimarum (§. 207. nro. 6.) itemque angulos, quos vascula minima cum suis includunt truncis, adeoque etiam, quos vascula fecernentia cum vasculis secretoriis (§. 207. nro. 7.) includunt, haftenus mensurari non posse, cuilibet notum est. De his tamen quoque viscerum fecernentium duabus qualitatibus dubitare non licet;

1) quia cel. RVYSCHIVS, cui nec leges adhaesionis, nec explicatio haec secretionis ex legibus adhaesionis cognitae esse poterant, dictas viscerum qualitates iam obseruauit, * et

* Thes. VI. p. 51. 53. 54. 60. 73. 81. Pro-
drom.

et cel. BOERHAAV confirmavit.*

2) quia

drom. ad dictam Thes. p. 4. nro. 3. Epistol. problem. III. vbi ita loquitur. Cui notum est hoc nostrum artificium, illi quoque aperitur fenestra manifestandi arteriarum extrema, quod scilicet ea in omnibus corporis partibus haud sint eiusdem constitutionis, neque ubique in corpus reticulare facessant; et quod per consequens in sanguinis transitu ex arteriis in venas, diuersitas quaedam exsurgat, prout in hac vel illa parte peragitur.

* Epist. de glandul. structura p. 9. haec extant verba, primo BOERHAVII. Sed cum stupenda tu Dei opera demonstras, quantum admirationem excitas animo contemplantis, in quam venerationem abripis mentes, dum liquido ostendis tot, tamque diuersos penitus adparatus vasculorum. Vno in loco plagas retium exhibes, in alio radios a centro in omnia circumferentiae puncta depingis; hic in glomeris speciem conuoluta extrema commonstras; in penicilli modum collectos alibi canalium fascies euoluis. Cernimus in quibusdam corporis partibus per sinuata canalium volumina, instar reptantium anguium incedere arterias atque in
mille

2) quia viscera, quo specificè magis graue fecernunt fluidum, eo magis sunt

mille flexus hemicyclosque volui, antequam se accingant ad secretiones. In aliis prosequimur in arcum fornicatorum digestam arteriarum curuaturam. Deinde autem pari obseruasti tolerantia, quod extremi hi arteriarum tam diuersarum fines, non modo mire exiles sint, sed quod et euadant adeo molles, vt fere mucosi succolenti pulposi facti euanescent, citoque pereant, nisi materia durescente ceraceae infarcti firmentur; caeterum in aqua macerati, fere in ramenta minima dissoluti liquecant quasi, nisi impletionè sustentati fuerint.

dein p. 69. Ruyschii:

In splene etiam sunt hi acini, sed horum vascula sunt hic multo molliora, et ideo etiam aptiora dissolutioni, quam hepaticorum acinulorum. Rogat aliquis, cur hoc ita fiat? Respondeo, quia aliud hic debent efficere, aliam requirunt fabricam. Ita alia haec in renibus horum vasculorum structura, in intestinis, in cortice cerebri, in cute, in plexu choroideo, in placenta vterina, in pia matre, in ventriculo, in glandulis mesenterii, perpetuo alia. Haec demonstro, non tantum dico.

sunt densa, a densitate vero ad gravitatem verosimilis valde valet consequentia.

3) quia leni calore exsiccatorem viscerum partes minores tanto plures retinuerunt partes grauiiores solidas, quo grauiora sunt fluida quae fecernunt, * si ista exceperis viscera, quae exsiccando in corpus sebaceum vel pingue mutantur, oleosae enim partes, quamuis fluidae sunt, leni calore in aërem non trans-eunt.

§. 209. Fluida secreta mouentur

- 1) a vi fluidi in vasis secretoriis pressi;
 - 2) a conatu nouarum particularum per vires fecernentes (§. 203.) in vascula iecernentia penetrantium; quia vero prima vis admodum est parua, et nullum fluidum, quod ex adhaesione in vas capillare penetrauit, per eandem vim ex vase capillari propelli potest (eadem enim adhaesio in exitu obstat, quae introitum produxit)
- aliae

* Physiol. med. §. 347. ad 357.

aliae adhuc vires mouentes accedere debent, quae vero in diuersis locis sunt diuersae.

§. 210. Sic

1) in quibusdam vnio vasculorum minimorum in maiora, in quibus cohaesio cum parietibus motum progressuum augere non vero imminuere potest, quia in his paucae partes cum parietibus cohaerent.

2) in aliis contiguitas extremitatis vasculi fecernentis cum alio corpore solido,

3) in aliis, deorsum inclinantibus, pondus fluidi secreti,

4) in aliis musculi adiacentes saepe intumescences,

5) in aliis arteriae contiguae pulsantes,

6) in aliis aër contiguus, soluens humidum vel commotus auferens,

7) interdum aliae vires externae praementes. Vbi notandum, si quarta ad septimam sit causa mouens, vasa fluidum secretum vehentia aut conica aut valuulis munita esse debere.

§. 211.

§. 211. Quaedam fluida post secretionem factam adhuc mutantur, id quod fieri potest,

- 1) si aliud fluidum secreto misceatur,
- 2) si leuiiores humidae partes vel per nouam quandam secretionem, vel per exhalationem, ex secreto abeant;
- 3) solo spontaneo motu intestino, si in loco calido aliquandiu quiescat.

§. 212. Totum igitur secretionis negotium his absoluitur actionibus:

- 1) fluida motu intestino, partim proportionem et miscela partium constituentium istius fluidi, ex quo secretio fit, partim motu progressiuo eiusdem, determinato ad futuram secretionem, tam resoluendo partes compositas, quam vniendo resolutas, praeparantur: (§. 192. ad 194.)
- 2) haec praeparatio fit quidem in toto corpore, variat tamen in quolibet viscere, ab aliis visceribus qualitatibus manifestis diuerso; (§. 195. 196.)
- 3) fluidum sic praeparatum, vna cum praeparato, defertur in vascula admodum tenuia secretoria, ex quibus

bus fecernentia angustiora, tanquam rami, oriuntur, et tunc

4) transeunt particulae fecernendae in vasa fecernentia, motu composito, ex progressiuo in vase secretorio, et cohaesione cum limbo vasculi fecernentis, orto.

5) determinatur vero hic motus compositus secundum directionem vasis fecernentis a) celeritate motus progressiui in vase secretorio, adeoque partim visciditate fluidi transeuntis, partim amplitudine et directione vasis secretorii; b) gradu cohaesionis particularum fecernendarum cum limbo vasis fecernentis, adeoque grauitate specifica limbi vasis fecernentis relatiue ad grauitatem specificam fluidi fecernendi; c) apertura satis ampla vasculi fecernentis, relatiue ad magnitudinem particularum fecernendarum:

6) determinatur quantitas fluidi fecernendi, ista nempe, qua omne fecernitur, quod ad secretionem in hoc loco sufficienter est praeparatum, tam per copiam sufficientem

vasorum fecernentium, adeoque partim per magnitudinem sufficientem visceris, partim per longitudinem vasorum secretoriorum, quam per celeritatem motus progressiui in vasculis aequae secretoriis ac fecernentibus, itemque per amplitudinem vasculorum fecernentium.

7) mouetur fluidum post secretionem, partim per vires fecernentes sequentium partium, partim per proprium pondus fluidi secreti, partim per contiguitatem et motum aliorum corporum vasi, fluidum secretum vehenti, contiguorum.

8) mutatur denique interdum fluidum secretum dictis modis (§. 211.)

§. 213. Hoc adhuc notandum, omniquidem secretionem separari partes, quae non solum salua sanitate abesse queunt, sed et quae, si remanerent, noxiae forent, sunt enim omnia secreta corpora actiua, minimum quia sunt minima. Cum igitur sanitas maneat iis secedentibus, manere nequit iis remanentibus. Omnis igitur quidem secretio est etiam depuratio massae sanguini-

guineae, sed non omne fluidum secretum est inutile, quaedam enim fluida secreta certo cuidam vsui sunt destinata, relatiue vel ad indiuiduum, ex cuius massa sanguinea sunt secreta, vel ad genus humanum; quaedam vero ideo tantum excernuntur, vt secedant ex corpore. Priora redeunt in massam sanguineam, ex qua abierunt, vel in aliud corpus humanum, et dicuntur *utilia* vel etiam *alimentaria*, posteriora vero *excrementitia*.

CAPVT VII.

DE

SECRETIONE IN SPECIE.

SECTIO I.

DE

SECRETIONE IN CEREBRO, CEREBELLO
ET MEDVLLA SPINALI.

§. 214. Cerebrum et cerebellum esse organa secretoria dubitare non licet, habent enim omnia viscerum secretientium requisita. (§. 207.) Affluit enim sanguis per quatuor arterias satis

amplas, duas nempe carotides et duas vertebrales; subito horum rami fiunt admodum exiles, & retis in modum distributi, quam primum piam intrant matrem. Dum haec vasa substantiam intrant cerebri corticalem, quae, secundum Ruyschii artificiosas repletiones, nil est nisi complexus vasculorum subtilissimorum flexuose inter se contortorum, et peculiari, eaque mollissima, parietum consistentia praedictorum, mutatur proportio inter capacitatem truncorum et ramorum; vasa enim in pia matre tenue tantum constituunt stratum, in substantia vero corticali stratum quidem aequae longum et aequae latum cum pia matre, at duas lineas crassum exhibent; mutatur quoque directio ramorum, tortuose enim conuoluta sunt in substantia corticali, retis vero in formam expansi in pia matre. Habent igitur haec vasa requisita vasculorum secretoriorum, praecipue cum sint longa, et adeo leuia, ut aqua iisdem vix adhaereat; aqua quoque ista non resoluit, quamvis consistentiae sint tenerrimae.

Venae

Venae quoque copiosae, et arteriis longe maiores, sanguinem ex substantia corticali reuehunt ad duram matrem. Si igitur demonstrari queat abire ex hac substantia cerebri corticali vasa secernentia, fluidum secretum vehentia, indubitatum plane erit, esse cerebrum et cerebellum viscus quoddam secernens.

§. 215. Cohæret, immo intermixta est, substantia cerebri medullaris eius corticali, et consistentia vel grauitate specifica parum vel nihil hae substantiae inter se differunt. Postquam quoque omnis substantia medullaris abiit in medullam oblongatam, ex hac abit eadem substantia in decem paria filamentorum, quae, quando ex cranio prodeunt, membranis quidem durae matris interne et externe obuoluuntur, vnde duritiem acquirunt notabilem, vsque tamen ad minimas fere corporis partes, ad quas omnes abeunt, mollem suam medullarem substantiam retinent.

§. 216. Si ligatura talis neruus constringitur, perit sensus earum partium

atque motus istorum musculorum, ad quos nerui post ligaturae locum abeunt. Ex hoc phaenomeno tuto concludimus,

- 1) sine neruo nec sensum nec motum musculorum fieri posse;
- 2) non concurrere neruum ad productionem sensus et motus, quatenus est corpus solidum, soliditas enim per ligaturam non mutatur;
- 3) nec tanquam vibrans tantum corpus; si enim vibratio per ligaturam tolli potest, multo magis per contactum corporum mollium, neruis in toto corpore adiacentium, tolli deberet, adeoque nulla fieri posset perceptio, id quod tamen est contra experientiam;
- 4) ergo neruus tali qualitate ad sensum et musculorum motum concurrat, quae ligatura tolli potest, manente quamuis neruo. Cum igitur
- 5) ligatura partes solidae sibi magis fiant contiguae, ergo caua intermedia comprimantur, i. e. cauum neruorum tollatur, sequitur

6) vt

6) vt nerui, quatenus caui sunt, ad sensum et musculorum actionem concurrant. Cum igitur

7) cauitas non sit ens vi praeditum, adeoque nullum motum producere, sed tantum motum alius corporis per se admittere queat, vt etiam

8) nerui agant, quatenus corpus per sua transmittunt caua, necesse est.

9) Hoc corpus, quod in neruis mouetur, summe exiles debet habere partes, caua enim, per quae mouentur, non solum omnem oculorum fugiunt sensum, sed etiam hactenus nulla arte possunt repleri.

10) Fluidum ergo vehunt nerui, et cum ipsi cum vasis secretoriis cohaereant, (§. 215.) erit substantia medullaris congeries vasculorum secernentium, et fluidum quod vehunt, erit fluidum in substantia corticali cerebri secretum.

§. 217. Vocatur hocce fluidum, *fluidum nerueum*, itemque *spiritus animales*, vti fluida subtilissima regni mineralis et vegetabilis spiritus minerales et vegetabiles nominantur. Pu-

tant quidam ideo a cessantibus actionibus nervi post ligaturam eiusdem non posse concludi ad fluidum in nervis commotum, quia nervi ligati neque supra neque infra ligaturam intumescerent, vti arteriae et venae ligatae: sed hi non perspiciunt vas ligatum non ideo intumescere, quia fluidum inest, vel quia fluidum contentum mouetur, sed quia impetus fluidi maior est resistentia parietum. Id quod vero in nervis esse nequit, quia impetus fluidi in canali tenuissimo non potest non admodum esse parvus, parietum vero nervosorum robur, per membranas circumductas, est insigniter auctum.

§. 218. Vt igitur totum secretionis spirituum negotium ordine pateat,

1) sanguis ex arteria magna in canales tres adscendentes alius qualitatis non penetrat, quam qualis in trunco arteriae descendit, vel in huius alios ramos abit,

2) nec is, qui in carotidibus adscendit, ullam patitur mutationem futurae

turae spirituum secretioni speciatim fauentem, nisi quod

3) per flexuram, aliquoties reiteratam, arteriae, a cranio vsque ad transitum per duram matrem, sanguinis impetus et celeritas immi-
nuatur, et quod,

4) ope retis mirabilis GALENI, in glandulam pituitariam crassiores lymphaticae partes ex eodem probabiliter secedant;

5) similis depurationis causa forsitan arteriae vertebrales per aphyfes transuersas vertebrarum colli sunt ductae; nulla enim patet ratio, quare Summum Numen adeo periculosam harum arteriarum elegerit viam, cum sine metu compressio-
nis, vel alius noxae iuxta vertebrae adscendere potuissent.

6) Quamprimum carotides et vertebrales per duram transierunt matrem, crassos parietes deponunt, et vtrarumque rami, tam maiores quam minores, sibi frequenter in-
osculantur, qua inosculatone impe-

tus fluidi, quatenus est cum motu adeoque celeritas, insigniter immi-
nuuntur;

7) in ipsa pia matre hae arteriae in
vascula mutantur minima, et innu-
meris praeditae sunt anastomosibus,
quibus impetus et celeritas itidem
quidem imminuuntur, simul ta-
men obtinetur, ne obstructio, in
vno vasculo facta, affluxum sangui-
nis ad cerebrum impediat.

8) Eadem vascula, dum ex pia ma-
tre in substantiam transeunt cerebri,
fieri angustiora, quod ad parietes
specifice leuiora, et vera vasa secre-
toria, §pho 214. ostendimus, et
ex anfractuoso huius corticis pro-
gressu eiusque crassitie notabili,
itemque ipsorum corticis huius vas-
culorum anfractibus tuto conclu-
dere licet, vti iisdem copia vascu-
lorum secretoriorum et fecernen-
tium insigniter augetur, sic et in-
signem spirituum copiam fecerni.
(§. 212. nro. 6.)

9) Cum vero angustissima et quod
ad parietes tenerrima & leuissima
haec

haec vascula fecernentia medullosa sint sulphureae naturae (exficcatum enim cerebrum sebaceum fit) * etiam spirituosae ibi secretae particulae subtilissimae, leuissimae et salino sulphureae naturae esse debent.

10) Partes sanguinis non fatis paruae, nec fatis leues, aut in vascula secretoria aut in fecernentia non penetrant, (§. 204. 200.) sed per venas redeunt ad durae matris sinus.

§. 219. Cum nec cranium nec dura mater, quippe cranio adhaerentes, sese coarctare possint, et fluida in canalibus minimis, ob cohaesionem cum parietibus, ex pondere sese mouere nequeant, alia causa corporea spiritus mouens in capite adesse non videtur, quam ista, quae secretionem ipsam producit, motus nempe sanguinis progressiuus et adhaesio particularum fecernendarum; (§. 209.) his igitur variantibus variabit celeritas motus progressiui spirituum animalium. Ipsa quo-

* Physiol. med. §. 347. 348. 351. 303.

quoque natura cerebri omnem vim externam cerebrum comprimentem ex numero causarum spiritus mouentium excludere videtur, ob nimiam fuorum vasorum angustiam et molliem, quae statim plenarie compriuntur.

§. 220. Spiritus animales in cerebro secretos a spiritibus animalibus in cerebello secretis differre, ex nullo in sensus incurrente dato concludi potest. Magis tamen constans spirituum secretio in cerebello quam in cerebro, et celerior motus spirituum in cerebello secretorium quam in cerebro esse videtur, si rationes quantitatis corticis et medullae in utroque consideres. Ex magna enim corticis cerebelli relative ad medullam quantitate vix aliud magis verosimile concludi potest, quam plura vascula fecernentia, in amplo cortice orta, uniri in vnum vasculum medullosum.

§. 221. Mollis admodum tam cerebri quam cerebelli substantia, nimia vasculorum in iisdem exilitas, et summa eiusdem ad sensum et motum, ergo
etiam

etiam ad vitam necessitas, vt cerebrum et cerebellum cauitatem osseis vbiuis parietibus praeditam integre repleat, necessario requirunt. Ne vero hi ossei parietes nec frigore nec calore nimio cerebro noceant, partibus mollibus et capillis tecti esse debebant.

§. 222. Homo relatiue ad suum corpus maximum habet cerebrum. Ne igitur pars superior pondere suo inferiorem comprimat, Summum Numen triplici durae matris duplicatura tentorium construxit, sub quo tam cerebellum quam medulla oblongata ab omni incumbentis cerebri compressione libera latitant.

§. 223. Venosi sanguinis quoque causa dura mater nobis est data. Vti enim sanguis in toto corpore post transitum per extremitates arteriae magnae turgescit, (§. 143.) sic hoc maxime in cerebro fieri debebat, quia hic sanguis venosus leuiiores spirituofas partes amisit, vnde est reliquo viscidior, et tamen maximo gradu, pro subtilissimorum spirituum praeparatione

tionem, resolutus. Cum igitur, si in vasis maneret tenuibus admodum parietibus et ambitu circulari praeditis, quales venarum parietes esse solent, compressio cerebri euitari haud potuisset, reducendus erat sanguis per vasa robustis parietibus et figura triangulari praedita. Sub hac enim figura laterum expansio tam per chordas WIL-
LISII, quam per obliquum venarum ad breue spatium intra parietes vasorum maiorum decursum, adeoque et cerebri compressio euitari poterat.

§. 224. Vocantur haec vasa maiora triangularia, in duplicaturis durae matris reperiunda, *sinus durae matris*. Accipiunt quidem sanguinem per venas ex substantia corticali redeuntes, sed cum hae admodum sint parvae et in sulcis, quos cerebri anfractus relinquunt, maximam partem decurrant, nulla ex his venis timenda est compressio cerebri.

§. 225. Medulla spinalis a cerebro non nisi loco differt et ordine duarum substantiarum; centrum enim medullae
lae

lae occupant vasa secretoria, et corticem substantia ex vasis secernentibus composita. Forsitan vt secernentia vasa absque impedimento in nervos colligi queant, ordo duplicis substantiae in hac cerebri continuatione per vertebrae est inuersus. Ipsa vero spirituum animalium secretio in hac medulla spinali ex ipsa duplici eius substantia est manifesta. Caeterum nihil habet peculiare.

§. 226. Cum sine spiritibus animalibus nec sensus nec motus fiant in corpore animato, ipsi spiritus ad fluida vtilia alimentaria sunt referenda; (§. 213.) infra vero demum demonstrari poterit, istos partim per nervos misceri cum sanguine, partim per peculiare nervos redire ad cerebrum, quamquam dubitari nequeat, istos, tanquam particulas minimas et leuissimas, cohaerendo cum aliis quae secernuntur et excernuntur particulis, vna cum his secerni et excerni. (§. 206.)

CAPITIS SEPTIMI
SECTIO II.

DE

SECRETIONE SEROSORVM HVMORVM
PER GLANDVLAS.

§. 227. Reperiuntur in plurimis locis nostri corporis partes plerumque minus quam cerebri cortex griseae, interdum nigrae, nunquam rubrae, paulo magis cerebro densae et durae, peculiari membrana cinctae, ad quas arteriae venae et nerui decurrunt, quae ab iniecta materie ceracea totae rubent et glandulae nominantur. Ex quibus patet glandulas esse complexum vasorum leuioris et mollioris longe consistentiae, quam vasa sanguifera esse solent, peculiari tunicae inclusum. Si vnica membrana extus tantum totum complexum inuoluit, dicitur *glandula simplex*, veteribus *conglobata*.

§. 228. Raro lentis vel pisi magnitudinem superant simplices glandulae, saepius minores longe sunt, et vel ductu gaudent breui et angusto excretorio

torio dicto, qui fluidum secretum in aliud transfert cauum, vel cauum vesiculare intus continent poro quodam praeditum pro retentione et exitu fluidi secreti. Tale cauum seu cryptam glandulae BRUNNERI in intestino duodeno habent. Reliquae glandulae simplices sub membrana interna labiorum, oris, narium, faucium oesophagi, ventriculi, reliquorum intestinorum, praecipue circa finem intestini ilei, omnium crassorum et processus vermiformis haerent, et in multis nostri corporis locis aliis reperiuntur, quas in sequentibus nominabo.

§. 229. In haud paucis locis plures glandulae minores in vnam colliguntur maiorem, ita vt non solum singulae conglobatae, sed et summa collectarum peculiari obducantur membrana, vnde ad tactum interdum satis adparent durae, et *conglomeratae* adpellantur. Pleraeque cognito praeditae sunt ductu excretorio, fluidum secretum continente. In quibusdam aliquot reperiuntur ductus excretorii, in aliquot vero glandulis, v. g. thy-

Elem. Physiol. O roidea,

roidea, glandulis colli, glandula dorsif, circa medium oesophagi, glandula Thymus dicta et glandulis ad portam hepatis sitis, glandulis inguinalibus, axillaribus aliisque hactenus ductus excretorii non sunt detecti.

§. 230. Cum nulla glandula in statu naturali rubeat, aut nulli aut paucissimi globuli rubicundi in vascula glandulosa penetrabunt: ergo vascula glandulosa ex arteriis orta sunt vascula fecernentia, et serum tantum admittunt. Cum vero ex nulla glandula serum prodeat, et, tametsi ab injecta materia ceracea tota glandula rubeat, vasa tamen fluidum secretum vehentia materiam ceraceam non admittant, necessario ex prioribus vasculis nova fecernentia oriuntur. Ergo

- 1) vasa prima ex arteriis orta et fecernentia, sunt, relative ad alteram fecernentium vasculorum speciem, secretoria; immo
- 2) praeparantia, i. e. fluidum ex arteriis proxime secretum mutantia,
id

id quod ex eorum subtilitate, longitudine, directione et nervis copiose intrantibus, quorum ratione sensus et motus in glandulis nullus est usus, concludere licet.

3) duplex in iisdem fit secretio.

4) ad primam tamen secretionem nulla alia, quam quae in toto fit corpore, sanguinis fit praeparatio.

§. 231. Quamquam vero sanguis ad glandulas pro secretionem delatus in omnibus sit similis, et secretio duplex in omnibus fiat glandulis, fluidum tamen secretum in istis tantum simile erit, quarum color et consistentia distinguere nequeunt, quamquam loco, magnitudine et figura admodum varient. Experientia quoque docet fluida diuersae indolis in diuersis secerni glandulis. Si ergo a diuersitate fluidi secreti distinguere lubeat glandulas, hoc fluidum erit

1) halituosum, i.e. quod aut in aërem sub vaporis forma transit, aut per vasa venosa rursus absorbetur:

- 2) mucilaginosum, i. e. quod lubricationi et motui duorum corporum contiguorum facilitando interuit et dein rursus absorbetur.
- 3) salivale, quod digestionibus ciborum et praeparationi fecum destinatum est,
- 4) pituitosum,
- 5) ceruminosum et
- 6) sebaceum.

§. 232. Ad glandulas halituosum fluidum secernentes refero

- 1) glandulas durae matris PACHIONI, SANTORINI, piaae matris cel. HEISTERI, quarum fluida a dura matre probabiliter absorbentur;
- 2) glandulam pituitariam, cuius fluidum per infundibulum ad ventriculos cerebri defertur et a venis plexus choroidei absorbetur;
- 3) glandulas lacrymales oculorum et asperae arteriae glandulas internas, quorum priores humidum per peculiare ductus ad partem internam palpebrarum superiorum deponunt,

ponunt, vnde ex adhaesione et pondere ad canthum oculorum internum, abhinc ex adhaesione per puncta lacrymalia ad saccum lacrymalem, ex hoc partim pondere partim adhaesione per ductum lacrymalem ad cavitatem narium deferatur, vbi ab aëre respirato, aequae uti liquor glandularum asperae arteriae, in vapores mutatur et ex corpore educitur;

4) glandulas mediaſtini et pericardii, quae secundum LANCISIVM * liquorem pericardii fecernunt, qui membranam cordis lubricam et flexilem conseruat, et ab hac aequae ac ipso pericardio absorbetur.

§. 233. Absorptio horum fluidorum est necessaria, ne colligantur, caua repleant et putrescant. Fit vero ex adhaesione, uti omnia fluida in vasa penetrant capillaria, et per cohaesionem cum sanguine venoso redeunte. Ipsa fluida debent esse defaecatissima,

* de corde cap. V. Prop. XVIII.

vt absorberi queant et ne membranas, quas tangunt, irritent vel rodant. Causae fluida secreta mouentes sunt praeter vniuersales, (§.209.) particulares omnes, (§.210.) si primam exceperis, quae ab anatomiae perito facile ad casus speciales adplicari possunt.

§. 234. Mucilaginosum fluidum omnes istae secernunt glandulae, quae in cavitatibus articulorum glenoideis reperiuntur, et liquor articulorum nominatur. Vti ipsae glandulae, sic et fluidum suboleosum esse videtur, sic enim melius lubricat et ligamentorum flexilitatem conseruat. Absorberi haecce fluida ex absentia ductuum, per quos ex cavitatibus articulorum abire possunt, concluditur; ipsa vero ossium tritura ad absorptionem aptum fieri videtur, et ossium motu ex glandulis propellitur.

§. 235. Saliuale fluidum secernunt
1) omnes glandulae conglobatae oris, labiorum, linguales, oesophageae, ventriculi, intestini duodeni, et ieiuni;

2) glan-

2) glandulae conglomeratae Parotides, maxillares, sublinguales, linguales, tonsillae, pancreas et mesenterii.

§. 236. Liquor, quem istae, Iex modo recensitis, glandulae, quae ad caput pertinent, secernunt, *saliva* nominatur, reliqui *liquores*, cum addito nomine partis, ad quam glandulae secernentes pertinent, v.g. *liquor oesophagi* dicuntur. Ipsa vero saliva est liquor pellucidus, insipidus, vrina specificè leuior, subuiscidus, maximam partem aqueus, qui quidem saponem ex sale ammoniaco, sale fixo et pauco oleo continet, aquae feruidae tamen iniectus non coagulatur vti ferum, saliva etiam vix octuagesima sunt totius mixti pars. Reliqui liquores dicti a saliva qualitatibus manifestis non differunt, et omnes spiritus animales habent commixtos.

§. 237. Ex situ glandularum (§. 235. nro. 2.) et ductuum earundem excretoriorum facile perspicitur, causas particulares fluidum secretum mo-

uentes esse actiones musculorum maffeterum , pterygeoideorum , biuentrium, linguae, pharyngis, offis hyoidis, motum ipsius maxillae, linguae et offis hyoidis, contiguitatem gingivarum, linguae, et palati cum osculis vasorum excretoriorum, actiones musculorum infimi ventris et diaphragmatis, pulsumque arteriarum meferaicarum : fluidorum vero in glandulis, §. 235. nro. i. descriptis, causas particulares mouentes esse partim motum et contactum linguae, labiorum, buccarum, ciborum mafficatorum , deglutitorum, in ventriculo haerentium, horumque, vt et chyli atque fecum, pondus, ventriculi atque intestinorum motum peristalticum.

§. 238. Augent hae vires particulares quantitatem fluidi saliuualis tam secreti quam excreti enormiter; eadem enim per interualla agunt; quando igitur comprimendo glandulas horum vasa euacuant, prompte nouum fluidum in eadem ex adhaesione penetrare poterit, id quod in repleta fieri

fieri nequit. Experientia quoque hanc thesin confirmat, obseruante enim Ill. HELVETIO * ex dissecto et ita sanato ductu Stenoniano alicuius militis, vt iam saliuā extrorsum fluat, quiescente maxilla paucae tantum saliuæ guttulae fluunt, durante prandio vero in nosocomio tanta profluit saliuæ quantitas, vt aliquot humectet mappas, quibus saliuæ per genas defluxum cohibet. Si tres tantum uncias prodire tunc ponas, facile concluditur, uncias duodecim ex omnibus glandulis saliuæ oris prodire tempore masticationis breui; vnde perspicitur non minorem liquoris pancreatici quantitatem aequali tempore per ductum pancreaticum in intestinum fluere, constanter enim pancreas alternatiue a musculis abdominis et diaphragmate premitur, et magnitudine sua summam glandularum saliuæ superat.

§. 239. Glandulas mesenterii aliquod secernere fluidum, ex arteriis ad istas abeuntibus facile concluditur.

O 5

Ex-

* Mem. de l' Acad. des Scienc. 1719. p. 452.

Exsiccatione glandulae mesenterii fiunt leuiiores quam saliuales, nec pingues adparent, vti parotides et pancreas, fluidum ergo, quod secernunt, est minus sulphureum minusque salinum quam saliuia et liquor pancreaticus; probabiliter tamen magis spirituosum, quia glandulae mesenterii plexibus cinguntur nerueis.

§. 240. Pituitosum fluidum dicitur fluidum aquosum insipidum aqua viscidius et pellucidum. Tale secerni in glandulis membranae pituitariae SCHNEIDERI, in glandulis penis COWPERI, LITTRII, prostaticis virorum et glandulis atque prostaticis mulierum BARTHOLINI experientia docet. Glandulae quoque intestini ilei PEYERI atque intestinorum crassorum huc referendae videntur; cum enim horum fluidum sit excrementitium et vix alium habere usum videatur, quam vt fecum praeparationi inseruiant et harum cum intestinis cohaesionem impediant, admodum probabile est, fluidum in istis secretum esse pituitosae naturae.

§. 241. Diuersitas locorum, in quibus haec fluida pituitosa secernuntur, docet, sanguinem pro hac secretionem non peculiariter praeparari. Ex visciditate ipsa vero eorundem verosimile fit, vascula secernentia esse ampliora, forsitan et densiora reliquarum glandularum vasculis.

§. 242. Mucus narium, qui etiam pituita nominatur, sub hac spissitudine, sub qua ex naribus prodit, ex glandulis membranae pituitariae prodire nequit, quia fluida, quo magis sunt spissa, eo minus ad ingressum et transitum per vasa capillaria sunt apta. Exsiccat ergo per aërem respiratum, aqueas partes ex pituitoso fluido successiue soluentem et auferentem. Accumulatur ergo mucus, donec vel ex pondere descendat, quia, ob continuatam secretionem, parum cum membrana pituitaria cohaeret, vel, si magis accumulatur, ita ut canales narium claudat, impetu aëris, sternutatione vel emunctione fortiter commoti propellatur. Reliqua fluida pitui-

tuitosa mouentur vel a pondere fecum prementium, vel a motu intestinorum peristaltico, vel ab vrina et fecibus prostratas prementibus, vel a genitalibus in aestu venereo tumen-
tibus, et musculis acceleratoribus vrinae.

§. 243. Ceruminosae glandulae nullibi nisi in corpore reticulari denso meatus auditorii reperiuntur. Ipsum cerumen est pingue, acre, amarum et vnguenti consistentia praeditum, sub qua consistentia secerni haud potuit. Sub fluida ergo forma secretum exsiccat ab aëre in meatu auditorio, semper quidem lente tamen commoto. Nulla alia peculiaris adest causa mouens fluidum secretum, nisi quod ex adhaesione totam cutem internam auris externae obducat: colligitur enim in meatu auditorio, et dicta cutis est vinctuosa.

§. 244. Sebacea materia in glandulis sic dictis sebaceis MEIBOMII, in cute nasi atque penis et hinc inde
ali-

alibi deprehenditur. Folliculum seu cryptam adesse, in quo materia sebacea diu latitat, et ex quo non nisi pressa prodit, extradubium est. Probabile tamen est, folliculum peculiari substantia glandulosa cinctum esse, in qua materia ex arteriis secreta lentissimo motu in talem materiam, quae dein, post secundam secretionem, (§. 230. nro. 3.) humido in aërem evaporato, spissam sebaceam consistentiam acquirere potest.

§. 245. Vfus materiae sebaceae glandularum MEIBOMII est, ne palpebrarum limbi concrecant et ne lacrymale fluidum per palpebras descendat. In reliquis locis flexilitatem cutis conseruat. Sordes sub praeputio magis ex muco v'rethrae et vrina inter praeputium et glandem penis ex adhaesione adscendentibus, collectae, quam ex peculiaribus glandulis secretae videntur.

CAPITIS SEPTIMI
SECTIO III.

DE

*LYMPHAE ABSQVE GLANDVLIS ITEM-
QVE DE MVCI INTESTINALIS ATQVE VIA-
RYM VRINARIARVM ET DE PINGVEDI-
NIS SECRETIONE.*

§. 246. Cum lymphæ omnibus fluidis corporis humani sit commixta, ex omnibus quoque absque omni præparatione secerni poterit, nec vlla æget præparatione, ergo nec glandula, sufficit ex isto vase, quod tanquam secretorium lymphæ consideratur, abire vas adeo angustum, ut particula fluida, ex lymphæ aliisque particulis composita, in istud penetrare nequeat, et adeo specificè leve, ut particulae lymphæ specificè grauiorès isti adhaerere nequeant.

§. 247. Possunt igitur talia vascula abire ex arteriis sanguineis, ex arteriis serosis, ex vasis secretoriis secermentis, fluidum secretum vehentibus aut continentibus, si nempe fluidum, secre-

secretionis causa magis dilutum, post secretionem vero, quia certo cuidam vsui est destinatum, magis concentratum requiratur. Ergo lympham ex fero, sanguine, et omni fluido secreto, aut lympham crassiore et specificè grauiore secerni potest.

248. Vasa lympham secretam vehentia maiora, quae nempe visu cognoscuntur,

- 1) sunt valuulosa, vnde lympham in iisdem non nisi secundum vnam directionem vasis moueri potest;
- 2) frequenter duo coeunt in vnum, quod capacius est coeuntibus sigillatim sumtis, et fluidum ex ramis quidem in truncos non vero ex truncis in ramos mouetur et pelli potest, valuulis retrogressum impedientibus;
- 3) copiosissimis valuulis sunt praedita, id quod ad directionem motus obtinendam non erat necessarium, vnica enim id efficere poterat, reliquae igitur roboris causa sunt datae.

4) in

4) in infimo ventre, ad capsulam chyli, in pectore ad ductum thoracicum, in collo vero, et vbi alias talia reperiuntur, in venas suam deferunt lympham; vnde patet, omnia vasa lymphatica maiora esse venis.

§. 249. Immo etiam minora vascula lymphatica ad venas referenda esse putamus, nisi forsitan fiant vel sint vas quoddam excretorium. Nulla enim patet ratio, ob quam in minora adhuc diuiderentur vasa, cum fluidum vehant, ex quo aliud quoddam secerni posset; ipsa enim lymphæ est fluidum simplicissimum, cuius partes vltcrius in non lymphaticas diuidi nequeunt. Si igitur eandem seruant diametrum, cum ad venosum vas rursus abeant, aequè tanquam radices vasis venosi, ac tanquam rami vasis arteriosi considerari possunt.

§. 250. Secernitur vero lymphæ sine glandulis

1) halituosa ex vasis serosis membranarum peritonei, pleurae et menyn-

menyngum, itemque omenti pro coalitu viscerum impediendo, quae omnis rursus per vasa venosa in iisdem membranis latitantia absorbetur, nullibi enim in statu sano colligitur;

2) ex sanguine arterioso, intermediis acinis seu penicillis vasculorum capsulae inclusis, in liene;

3) ex sanguine arterioso et bile secreta in hepate;

4) ex semine masculino tam in testiculis quam vesiculis feminalibus;

5) etiam ex aliis partibus nostri corporis, vti ex repletionibus artificiosis ceraceis vasorum probabile fit, quamquam non vbiuis in vasa colligantur maiora.

§. 251. Causae particulares lympham secretam mouentes sunt modo contactus extremitatum vasculorum excretoriorum cum membranis contiguis, modo ipsa elasticitas vasculorum lymphaticorum, modo pulsatio arteriarum contiguarum, modo pres-

fio viscerum et musculorum, interdum proprium pondus.

§. 252. Cum omnis lymphæ secreta sanguini rursus misceatur venoso, (§. 248. nro. 4. §. 249. §. 250. nro. 1.)

- 1) Lymphæ non est fluidum excrementitium,
- 2) non propter abundantiam secernitur,
- 3) non fluiditatis causa sanguini de-nuo commiscetur, secernitur enim ex minimis vasculis, ubi fluiditas maxime est necessaria, ergo
- 4) secernitur, ut fluidum, ex quo abit, saltem ad certum tempus fiat specificè grauius et salia magis acti-ua, itemque
- 5) ut post secretionem certos præstet usus, saltem in quibusdam locis, (§. 250. nro. 1.) maxime ubi non directe in venas sanguineas, sed in vasa lactea abit. (§. 248. nro. 4.)

§. 253. Mucus intestinalis item-que viarum urinariarum, hanc, quæ præ-

praeditus est, spissitudinem post secretionem non obtinet, loca enim, vbi est, ad dilutionem magis quam ad inspissationem sunt apta. Sub tali igitur spissitudine secernitur, sub qua adparet. Vascula igitur secernentia satis quidem ampla, breuissima tamen erunt, ergo non secernitur per glandulas. Aqua simplex sine adhibita vi externa hunc mucum nec soluit nec diluit, ergo isti parum adhaeret, ergo ratione plurimarum particularum constituentium aqua erit specificè leuior. Vasa igitur eius secernentia vasis lymphaticis debent esse specificè leuiora; si igitur sibi sunt contigua, facile perspicitur, quomodo interna ventriculi, intestinorum et viarum vrinariarum superficies eodem obducantur.

§. 254. Cum aqua eidem non adhaereat, multo minus grauiora salina adhaerebunt fluida, nisi salia copiosis sulphureis leuioribus particulis sint obducta. Vnde vsus eius erit defendere parietes, quos obducit, ab actiui-

tate fluidorum falinorum acriorum. Cum aqua agitata a parietibus abluatur, etiam assumpta alimenta, feces et vrina commota talem separationem efficere poterunt. Vt igitur constanter fecernatur necesse est.

§. 255. Mucus, qui mulierum genitalia obducit, simili plane ut feceretur modo necesse est. Pituitosae quidem magis indolis esse videtur, particulas tamen sulphureas eum continere particulis salinis iunctas, ex foetore genitalium concludere licet.

§. 256. Pinguedo nullibi nisi in tunica cellulosa reperitur. Haec vero non sub cute solum haeret, sed ubiuis fere inter membranas viscerum et strata musculorum decurrit, et adeo tenues habet membranas cellulas formantes, ut glandulae in iis locum habere nequeant. Secretio ergo pinguedinis fit absque glandulis.

§. 257. Materia fecernenda partim qua talis alimenti loco assumitur, partim in corpore animato componitur,

tur, est enim pinguis particula ex sulphureis, salinis, terreis et aqueis composita, et animalia fiunt pingua, quae nullum pingue assumunt, sed solis nutriuntur vegetabilibus. Vascula ergo fecernentia ampliora quidem vasculis lympham fecernentibus, ast longe molliora erunt. (§. 207. nro. 5. et 6.)

§. 258. Cum omnis pinguedo in loco calido constanter haerens breui fiat acris, rancida et viscida, etiam nostra pinguedo diu in cellulis subsistere nequit. Absorbetur igitur semper a venis et sanguini denuo miscetur, ibi motu intestino resoluitur, et ex parte minimum excernitur, noua contra pinguedo semper ex assumtis praeparatur, et in cellulas fecernitur.

§. 259. Vfus pinguedinis est materiam sanguini ad continuationem caloris praebere, fibras molles et flexiles conseruare, pressiones dolorosas impedire, et corpori pulchritudinem conciliare.

CAPITIS SEPTIMI
SECTIO IV.

DE

SEMINIS VIRILIS SECRETIONE.

§. 260. Nullum viscus fecernens, pro ratione molis suae, adeo parum sanguinis, ex quo secretio fieri debet, accipit, et in nullo viscere sanguis per tam breue tempus commoratur, ante quam per venas redeat, ac in testiculis. Id docent exilitas et longitudo arteriarum spermaticarum, et materiae ceraceae in arterias has injectae transitus momentaneus in venas, quam primum materia ad tunicam testiculi albugineam peruenit.

§. 261. Parum igitur ex sanguine in vasa testiculorum fecernentia transit, et id, quod secretum est, neque adeo spissum, album et tali odore praeditum esse potest ac semen. Mutatur ergo pars ex sanguine secreta in ipsis vasculis longissimis testiculorum fecernentibus, motu intestino,
de-

determinato partim motu progressiuo tardissimo, partim separatione partium leuiorum lymphaticarum, (§. 250. nro. 4.) partim miscela spirituosarum partium sufficiente; copiosi enim nervi abeunt ad testiculos, quamquam nec ad sensum nec ad motum sint dati testiculi.

262. Sunt igitur vasa fecernentia testiculorum absque dubio simul prae-
parantia, et probabile est, absque noua quadam secretione materiam prae-
paratam ex his vasis praeparantibus transire in ista vasa, quae *corpus* ap-
pellantur HIGHMORI, et tanquam sex
vascula extra testiculum abeunt, ad
nouum corpus bis flexum, et vascu-
lis, serpentina quidem directione pro-
gredientibus, amplioribus tamen quam
in testiculis, compositum, quod *epi-
didymis* appellatur.

§. 263. Si semen in testiculis iam
decenter esset praeparatum, nullus
plane fuisset epididymidum vsus; for-
sitam nimia angustia vasculorum testi-
culi motum seminis adeo spissi, vti

tempore eiectionis esse debebat, impediuiſſet, hinc vltior praeparatio feminis in vasculis epididymidum amplioribus fieri debebat.

§.264. Materia ſic vltius praeparata per vas deferens, externe ſupra os pubis adſcendens et dein interne ad idem os descendens, deferitur ad ſacculum cylindricum tortuoſe conuolutum et in fine clauſum, inter veſicam et inteſtinum rectum ſub *veſiculae ſeminalis* nomine collocatum. Cauſae mouentes aliae quam vires ſecernentes, adhaeſio ad parietes vaſorum deferentium, et pondus feminis in parte vaſis deferentis ſcendente, non ſunt cognitae, niſi concuſſionem teſticulorum in congreſſu dictis annumerare velimus.

§.265. Duos quodlibet vas deferens habet exitus, alterum anguſtiorum, qui directe ad caput gallinaginis tendit et ibi in vrethram hiat, alterum ampliorem lateralem, in veſiculam ſeminalem hiantem, et in ipſa anguſtia et robore prioris exitus atque

que amplitudine et molliori consistencia vesicularum feminalium ratio haeret sufficiens, quare semen ex vase deferente, extra congressus et pollutionis nocturnae tempus, non in vrethram, sed in vesiculam seminalem abeat eamque extendat.*

§. 266. Nec dubitari potest materiam manifeste salino sulphuream humidam in vesiculis feminalibus haerentem ulterius suum continuare motum intestinum; cum nervi spiritus aduehentes adsint, unde semen magis spirituosum euadit magisque perficitur. Forsitan vasa quoque lymphatica ex vesiculis feminalibus abeunt, quamquam, quantum scio, nulla adhuc sint detecta. Redire enim semen in sanguinem partim ex transpiratione impedita post abstinentiam a coitu nimiam, (§. 272. nro. 13.) partim ex diuersis malis, quibus vidui caste viuentes sunt expositi, partim ex eo, quod iuuenes casti interdum vix

P 5

ante

* Elem. physic. §. 113.

ante vigesimum primum annum primam sentiant pollutionem nocturnam, maxime fit probabile. De excretionem feminis in congressu et pollutione nocturna infra dicendi locus erit.

§. 267. Cum spirituosum esse deberet semen, vti infra ex eius usu patebit, et tamen non corrosivum, sine sufficientibus partibus specificis grauioribus, quibus salinae sulphureaeque partes adhaereant, et sine spiritibus sufficientibus nullum semen praeparari potest. Vbi fibrae vasorum sunt molles et sanguis lymphaticus, ibi vtraeque partes abundare nequeunt, et vbi fibrae sunt rigidae et sanguis spissus, ibi spirituosae partes non sufficienter elaborantur, unde ratio patet,

1) quare in aetate infantili, puerili et ordinarie in senectute paulo maiore nullum adsit semen;

2) quare corpora sana et robusta, nisi durum nimis et egenum sit vitae

vitae genus, maiorem quam alii producant feminis copiam;

3) quare masculi, qui in aetate iuuenili et virili sunt imberbes, timidi et acuta loquuntur voce, sint impotentes, vnde *frigidi* appellantur, habent enim corpora puerorum corporibus similia.

§. 268. Cum frigus constringat vasa et motus humorum intestinos minuat, testiculi vero humani ita sint penduli, vt aër frigidus magnam in istos habeat vim, facile perspicitur, si enormem excessum multorum hominum in re venerea consideres, non solum exilitatem, remotum a testiculis ortum, arteriarum spermaticarum, et transitum sanguinis celerrimum mox in tunica testiculi albuginea ex arteriis in venas, sed et pendulum et a corpore remotum situm testiculorum ad imminuendum salacitatis gradum data esse. Ne vero in maiore frigore obstructio morbosa in vasculis angustissimis testiculorum oriatur, puerorum testiculi ex inguine in scrotum

tum non descendunt, adulatorum vero a musculo cremastere eleuantur et femoribus calidis fiunt contigui.

§. 269. Altitudo venarum spermaticarum altitudini arteriarum spermaticarum fere aequalis esse debebat, ne sanguis arteriosus nimis cito a vasis fecernentibus testiculorum recederet. Tot quoque venae ex tunica testiculorum albuginea prodire debebant, in quot ramos arteria spermatica in testiculorum tunica propria est diuisa. Sanguis, qui per venas redit, ob lymphaticarum et spirituosarum partium in testiculos secessum, magis turgidus est, quam qui alibi in venas transit, si cerebrum exceperis. (§. 223.) Ne igitur venae, quae mechanice tanto sunt debiliores, quanto sunt ampliores, a podere sanguinis alti rumpantur, cum, ob pendulum testiculorum statum, a contiguis corporibus roborari non poterant, etiam iuxta testiculum statim in vnum truncum maiorem coire non poterant, sed omnes in vnum cumulum colligi, varie inter se

se flecti, et membranis colligantibus ab extra, valuulis vero interne roborari debebant. Quia vero pondus sanguinis prementis, adeoque periculum rupturæ, cum crescente venarum adscensu constanter decrescit, etiam remedia contra rupturam constanter decrescere debebant. Vniuntur ergo durante adscensu frequenter duae venae minores in vnam maiorem, minus quoque frequenter incuruantur, et sic crassities cumuli venarum constanter decrescit, i. e. oritur irregulare *corpus pyramidale*, quod etiam *pampiniforme* nominatur, a testiculis vsque ad ingressum in abdominis cauitatem.

CAPITIS SEPTIMI

S E C T I O V.

D E

TRANSPIRATIONE INSENSIBILI
ET SVDORE.

§. 270. Odor, etiam corporum sanorum, qui naribus ad cutem admotis

tis percipitur, salino sulphureas particulas per cutem in aërem transire; obductio corporum politorum et frigidorum madore quodam, si ista cuti admouentur, humidas quoque particulas in aërem ex cute abire, aperte docent. Eadem phaenomena probant quoque similes particulas cum aëre exspirato ex pulmonibus prodire.

§. 271. Cum hae partes humidae atque salino sulphureae, quibus etiam igneae, et spirituosae, probabiliter etiam aëreae, intermixtae sunt, constanter ex corpore abeant, non tamen, nisi institutis experimentis, sensibus pateant, nominatur hic transitus, *transpiratio* itemque *perspiratio insensibilis*, et HIPPOCRATI iam fuit cognita, * primitus tamen a SANCTORIO Italo, ** dein DODARTO Gallo, *** atque

* ABRAH. KAAV Perspiratio dicta Hippocrati.

** aphorism. de statica medicina.

*** medicina statica Gallica.

atque a IACOBO KEILIO Anglo *rite est determinata.

§. 272. Liceat aliquot Sanctorii aphorismos hic referre

- 1) Si cibus et potus vnius diei sit ponderis octo librarum, transpiratio insensibilis adscendere solet ad quinque libras. (aphor. 6.)
- 2) quantitas respirationis insensibilis aliquam varietatem patitur, pro varietate naturae regionis, temporis, aetatis, morborum, ciborum et aliarum rerum non naturalium. (aph. 7.)
- 3) si ex staticis deprehendatur impeditam esse perspirationem, diebus sequentibus vel succedet plenior perspiratio, vel aliqua euacuatio sensibilis plenior, vel cachexiae vestigium, vel febris. (aphor. 11.)
- 4) si quis plus iusto sensibilibiter euacuat, minus iusto perspirat. (aph. 13.)
- 5) in-

* medicina statica Britannica.

5) inuisibilis perspiratio fit visibilis, vel quando nutrimentum est nimium, vel quando calor languet, vel ob motum violentum. (aph. 22.)

6) quilibet corporis dolor, siue labor cocti perspirabilis transitum impedit. (aph. 49)

7) quoduis frigus minimum quidem, quod noctu dormiendo patimur, impedit perspirationem. (aph. 50.)

8) tres sunt internae causae prohibitae perspirationis, occupatio naturae, diuersio et vires imbecilles. (aph. 52)

9) hinc ex staticis patet, in die medicinae, et ab assumpto cibo trium horarum spatium, exiguam fieri perspirationem: in die medicinae intenta est natura euacuationi sensibili, ab assumpto cibo primae concoctioni. (aph. 53.)

10) in fluxu et vomitu prohibetur perspiratio, quia diuertitur. (aph. 54)

11) amictus valde onerosi sunt impedimento perspirationi, quia vires debilitant. (aphor. 55)

12) Non qualibet hora corpus eodem modo perspirat, quia ab assumpto cibo quinque horis libram circiter perspirabilis magna ex parte exhalare solet; a quinta ad duodecimam, tres libras circiciter, a duodecima ad decimam sextam, vix semilibram. (aph. 56)

13) Causae externae, quae prohibere solent perspirationem, sunt aër frigidus, caenosus, humidus, natatio in frigida, cibi crassi et viscidii, intermissio exercitii corporis, vel animi, et in robustis nimia abstinentia a coitu. (aph. 67)

14) cibi multum nutrientes, excepta carne veruecina, a coena ad prandium non solent perspirare ultra octodecim vncias. (aph. 4)

15) cibi copiosi sed tenuis nutrimenti, noctis spatio, in plurimis ultra quadraginta vncias perspirare possunt. (aph. 1.)

- 16) caro veruecina facile concoquitur et est vaporosa, perspirat enim noctis spatio trientem librae magis quam caetera solidaque edulia. (aph. 8)
- 17) quae ex pasta fermentata sunt esculenta, non efficiunt corpora ponderosiora, longe enim facilius perspirant quam rapae. (aph. 9)
- 18) ex usu carnis fuillae et boletorum triente minus solito corpus magna ex parte perspirat. (aph. 23)
- 19) melones adeo pauxillum perspirant, ut quadrantem circiter auferant perspirationis consuetae. (aph. 24)
- 20) dormiens septem horarum spatio occulte, salubriter et sine violentia perspirare solet duplo magis quam vigilans. (aph. 2)
- 21) somnus inquietus impedire solet trientem solitae perspirationis. (aph. 5.)
- 22) si corpus a coena in lecto quieuerit

uerit decem horarum cursu, optime perspirabit. Si adhuc diutius quieuerit, statim incipiet diminui tum sensibilis tum insensibilis excretio. (aph. 11)

23) Nimia animi quies magis prohibet perspirationem, quam corporis. (aph. 15)

24) Nunc hilares, nunc moesti, nunc iracundi, nunc timidi, perspirationem magis salutarem habent, quam qui vnico, licet bono, semper gaudeant affectu.

§. 273. EX KEILIO sequentia addo.

1) quod per aluum excernitur in vno die, est communiter ponderis vnciarum quinque. Vrina vnus diei vel viginti quatuor horarum est duarum librarum et vnciarum fere sex. Perspirationis quotidiana pondus, ad vncias triginta plus vna assurgit.

2) Vtcunque euacuationum rationes inter se a variis causis mutantur, in saluberrimo tamen corporis

Q 2

statu,

statu, omnium egestorum summa omnium ingestorum summae est aequalis.

3) aestiua perspiratio hiemalem longe excedit.

4) perspiratio diurna est nocturnae sesqui altera.

5) ea quam perspiratio naturalis patitur latitudo est inter sesqui libram et tres libras; hos limites nunquam transit salubris et naturalis perspiratio, sed modo huc, modo illuc, pro varia corporis conditione, inclinatur.

6) calore, motu et exercitio, vnciae duae vel tres, interdum quatuor, perspiratione, spatio vnius horae expelluntur.

7) quanto maior est perspiratio motu aut exercitio elicitata, tanto minor est per subsequentes horas, corpore quiescente.

8) frigore et quiete perspiratio vnius horae est vix semi vncia.

9) a balneo aquae tepidae perspiratio vnius horae ad sesqui libram assurgit, nec subsequens horarum perspiratio a praecedente euacuatione inhibetur.

10) minus perspirat nimio exercitio defatigatus.

11) motus corporis agentis et agitatio corporis in lecto, contrarios prorsus effectus producant, haec perspirationem sistit, illa promouet.

12) quo maior est diurna perspiratio, eo minor est nocturna.

13) perspirationem nec inhibet nec promouet cutis perfricatio.

14) in aequalibus temporibus corporis pondus a sudore magis diminuitur, quam ab insensibili perspiratione.

15) si corporis pondus euacuationibus largioribus diminuat, ad solitum pondus breui redit, maiori pabuli vel copia, vel retentione, vel humidi aëris attractione.

- 16) medicamenta purgantia perspirationem non impediunt.
- 17) quantitas ciborum et potus est ad perspirationis quantitatem, vt 22 ad 10.
- 18) euacuationes naturales non sunt corporis ponderi sed debitae victus rationi proportionales.
- 19) si victus modus sit debito maior aut minor, tum ingesta non respondent egestis: siue enim plus siue minus comedimus, certam sibi normam in euacuationibus seruat natura.
- 20) quanto quis iustam victus rationem excedit, tanto corporis pondus auctum redditur, nisi violenta aliqua euacuatio superueniat. Cum enim certus est euacuationis modus, non omni ciborum quantitati exonerandae sufficiens, necesse est, vt, quod redundet, in corporis molem abeat, aut si natura tantum onus recipere non sit idonea, vel morbo opprimitur, vel euacuatione praeternaturali liberatur.
- 21) qui multum aut parum comedit

dit et idem seruat corporis pondus, si quid habet morbi, id non est vitiati adpetitus.

22) maximum praebent nutrimentum ostreae, non ideo, quod omnium ciborum sunt minime perspirabiles, sed ideo quoque, quod aliorum ciborum perspirationem inhibent: minus enim his noctibus perspiratum est, in quibus de ostreis coenatum est, quam in quibus nulla fuit coena.

23) liquorum tenuiorum potatio vrinam prouocat, perspirationem tamen parum afficit.

24) non tantum a cibo perspiratio, quantum a potu vrina promouetur; nec vrina, sicut perspiratio, anni mutationibus respondet.

25) inter perspirationem ante et post prandium nulla obseruatur differentia, nec non coenatus minus quam coenatus perspirat.

26) quae in aëre sub vaporis specie circumuolitant aqueae particu-

lae, a cute nostra attractae cum sanguine commiscentur, et corpus pondere augent.

27) corpora morbo aliquo extenuata, aut euacuatione exinanita, plus humoris ab aëre trahunt, quam repleta.

2) plus attrahimus tempestate nebulosa quam sicca, noctu quam interdiu; dormientes quam vigilantes; itemque hinc fieri potest, quod nocturna perspiratio diurna semper fit minor.

§. 274. Ex adductis observationibus concludimus

1) quantitatem insensibili modo excreti superare quamlibet excretionem sensibilem;

2) variare tamen eandem quantitatem in quolibet individuo, etiam in sanissimo corporis statu;

3) causas huius varietatis esse partim externas, calorem nempe, humiditatem vel siccitatem aëris, amicum

ctum, etc. partim internas, vaporum in cute aperturam, qualitatem humorum, et quae has determinant, animi corporisque motus, assumptorumque diuersas qualitates; minime enim dici potest, istud, quod aliquot post assumpta horis prodit vel retinetur, esse tantum assumptorum partes, inde enim sequeretur, sanguinem humanum hominum adulatorum esse per omnem vitam sanam indiuidualiter eundem;

4) istud, quod per transpirationem insensibilem abit, esse partes nostrorum fluidorum subtilissimas, adeoque summe actiuas, * praecipue quatenus sunt salino sulphureae vel etiam spirituosae. Ergo, cum salua sanitate a nobis secedant, earum retentionem summe esse noxiam.

§.275. Cum non partes certo modo combinatae, sed subtilissimae, hac excretionem e corpore secedant,

Q 5

alia

* El. phys. §. 113.

alia quoque non egent praeparatione, quam quae in toto fit corpore, ex motu intestino. Vt autem eo maior secernatur quantitas, ex subtilibus admodum, (§. 202.) adeoque non ex sanguiferis (nisi quod forsitan in pulmonibus fit) debebat fieri secretio. Alia igitur, forsitan duplex, excretionem debebat praecedere secretio, ex sanguine nempe in vasa serosa, et ex his in lymphatica, ex his denique in excretoria. Repletiones enim artificiosae docent, etiam alia quam sanguifera vasa in cute copiose haerere.

§. 276. Non tamen omnis transpiratio insensibilis est motus fluidi per vasa excretoria, vti enim ex aliis corporibus humidis non viuis humiditas insensibili modo exhalat, sic idem quoque ex cuticulae, et tunicae internae bronchiorum, asperae arteriae, faucium et narium poris fieri debet, nisi hae membranae iam humido ex vasculis progressu sint obductae.

§. 277. Vis cordis et arteriarum ad hanc secretionem, quatenus est secretio, parum confert: Non enim solum hae vires tanto sunt minores, quanto angustiora sunt vasa, in quae agunt, et fluida sponte in vasa penetrant capillaria, * ergo nulla egent vi externa premente; sed et experientia docet, corpora, etiam mortua, i. e. ubi cor et arteriae plane non premunt fluida, insensibiliter perspirare: ex quibus simul patet, a corde quoque et arteriis id non effici, vt haec excretio actu sit insensibilis.

§. 278. Quantitas tamen insensibiliter excretorum per actionem cordis et arteriarum augetur, et ita determinatur, vt omne, quod ad insensibilem excretionem aptum est redditum, tanquam noxium euacuari queat. Motu enim sanguinis intestino partes resolvuntur et ad excretionem fiunt aptae, iste ipse vero motus intestinalis per progressuum non solum augetur (§. 139.)

* El. phys. §. 167. nro. 3. et Schol. 2.

(§. 139.) et determinatur, sed et partes ad secretionem aptae motu progressiuo, sine intermissione ad locum deferuntur secretionis.

§. 279. Cum partes, quae insensibili modo ex nostro abeunt corpore, sint lymphaticae, salinae et sulphureae, i. e. tales, quae, si colligi possent, sensibile liquidum exhiberent humidum, et causae quoque collectionis adsint, constans nempe affluxus et cohaesio particularum excretarum cum cuticula, causa, qua excretio harum particularum fit insensibilis, non in nostro corpore, sed extra istud haerebit, eaque in nudo corpore est aër, in tecto vero aër et integumenta simul, ita quidem, ut particulae

1) ex vasculis prodeant, quia vel parietes fulcorum cuticulae, vel integumenta mollia porosa, vel aërem ambientem contingunt,

2) extra vasa haerentes, siue cuticulae siue integumentis adhaereant, solvantur ea semper quantitate ab aëre ambiente, qua prodierunt, et,

3) ca-

3) calidae cum sint, aërem quoque ambientem reddant calidum, expansum, remotioreque aëre specificè leuiorem, vnde

4) remotior viciniorem vna cum particulis euaporatis contentis acutè humana remouet, et minus calidus non saturatus, ergo ad nouas particulas euaporabiles recipiendas aptus ad cuticulam proxime accedit, et insensibilitatem euacuationis huius conseruat.

§. 280. Ex his patet,

1) qualitates, quibus, ad recipiendas et soluendas particulas minimas ex nostro corpore abeuntes, aër est aptus, quantitati particularum, quae prodire debebant, proportionatas esse;

2) sine elasticitate aëris et eius motu non plane impedito transpirationem insensibilem fieri haud posse; (§. 279. nro. 3. et 4.)

3) transpirationem insensibilem mutari in sensibilem siue sudorem a)
si

si plures partes excernuntur, quam aër naturaliter constitutus in se recipere valet, b) si aër ita mutetur, ut tot particulas, quot naturaliter ex corpore humano prodeunt, in se recipere nequeat, c) si ipsae particulae prodeuntes ad solutionem ab aëre sint ineptae.

§. 281. Plures partes excernuntur, quam aër naturaliter constitutus in se recipere valet,

1) si maior copia particularum ad secretionem aptarum ad cutem deferantur, quam pro statu naturali fieri debebat, id quod fit a) si maior potulentorum vel calidorum vel fermentatorum copia, praecipue post coenam, assumatur, quam sitis desiderat; praecipue si simul vitae genus sit sedentarium, et corpus molle, b) si maior sit motus sanguinis intestinus vel etiam progressivus, ut a calore aëris, motu corporis, spirituosus vel massam sanguineam fundentibus assumptis vel in corpore generatis;

2) si

2) si vasa cutanea magis quidem quam in statu naturali sint aperta, non tamen eo gradu, ut sanguis in ferrosa vel serum in lymphatica penetret vasa; id quod ex variis causis tam naturalibus quam morbofis fieri potest.

§. 282. Aër ita mutatur, ut tot particulas, quot naturaliter ex corpore prodeunt, in se recipere non valeat, id quod vnice quidem in eo consistit, si aër corpus nostrum ambiens insignem iam vaporum aqueorum in se continet copiam, id quod sub vestimentis crassis, vel ex corio paratis, sub lecto undique corpus obuolvente, in conclavi multis hominibus vel aliis corporibus humidis repleto, in aedibus ad stagna vel flumina positis, vel tempestate pluvia, et ex aliis causis fieri solet.

§. 283. Ipsae particulae prodeuntes ad solutionem ab aëre sunt ineptae, si nimis inter se cohaerent, siue hoc fiat a defectu caloris, siue a pituitosis siue a salinis mediis commixtis particulis.

§. 284. Ex his adparet omnem sudorem moueri vel a causis morbosis vel violentis statum corporis sanum mutantibus, adeoque ex statu sano perfecte tali nunquam posse produci sudorem, ergo etiam sudorem nullo corpori perfecte sano esse vtilem. Contra vero transpirationem insensibilem sanissimo competere corpori, et hocce a noxiis defendere particulis, quae extra corpus paruam circa totum corpus formant atmosphaeram, qua calor corporis et ipsa haec perspiratio insensibilis temperatur.

§. 285. Absorberi a cute nostra particulas humidas atque salinas in aëre haerentes, tam brevis consumptio humidorum cuti illitorum, quam experimenta statica KEILII (§. 273. nro. 15.26. ad 28.) euincunt. Modus absorptionis, quod nempe fiat ex adhaesione ad parietes vasculorum cuticulam perforantium, facile perspicitur. Dari vero vascula cuticulam perforantia vnice absorptioni destinata, quae tanquam venarum radices considerandae

dae forent, nondum est probatum. Minime quoque sunt necessaria, quia maior adhaesio ab extra particulas humidas per vasa excretoria aequè introrsum ac maior adhaesio ab intra extrorsum pellere potest, et quia salia subtilissima per vascula excretoria repleta, absque fluidi repulsione, penetrare possunt. Fit vero externarum partium adhaesio maior 1) per sulcos cuticulae, 2) per copiam maiorem cuticulae adhaerentium particularum, 3) si internis sint minus calidae, 4) si vasa corporis sint euacuata vel debilitata.

CAPITIS SEPTIMI

S E C T I O VI.

DE

VRINAE SECRETIONE ET EXCRETIONE.

§. 286. Fluidum, quod, in statu sano, omni die aliquoties, praecipue post somnum, ad aliquot uncias notabili celeritate ex vrethra fluit, et coloris est citrini vel aurantii, saporis

Elem. Physiol.

R

ammo-

ammoniacalis, aqua et saliva et semine specificè paulo gravius, quod post aliquot dies sponte putrescit et euaporando copiosam materiam tartaream relinquit, vrina appellatur. Vi structurae et connexionis partium internarum cum vrethra, aliunde quam ex vesica, et in hanc aliunde quam ex vreteribus, pelui et papillis renalibus venire nequit.

§. 287. Secernitur ergo ex sanguine, qui per amplas arterias renales ad renes defertur; et cum eius partes ex salinis acidis, vrinosis, paucissimis falsis, copiosis sulphureis et terreis sint compositae, vniendae erant hae partes, unde sanguinis motus insigniter erat retardandus.

§. 288. Fit haec retardatio

1) per angulum rectum, sub quo arteriae renales ex arteria abeunt magna; (§. 118. nro. 2.)

2) per capacitatem ramorum iunctim sumtorum constanter crescentem;

3) per

3) per angulum rectum, sub quo ultimae arteriae sanguiferae ex suis abeunt truncis, id quod in diuersorum animalium renibus, quorum vasa materia ceracea repleui, obseruaui;

4) per tortuosam directionem vasorum, quae corticalem renum constituunt substantiam. *

§. 289. Ex hoc specialissime determinato motu progressiuo oritur iste motus intestinus, quo inter se vniuntur partes vrinam constituentes. Locus, vbi fit haec vnio, absque dubio sunt vasa substantiae corticalis, pallidus enim quo praedita sunt color, non permittit, vt pro vasis habeantur sanguiferis, ergo sunt vasa secernentia, sunt vero etiam secretoria, quia ex hisce tubuli vrinarii BELLINI, papillas constituentes renales, tanquam fecernentia vascula oriuntur. Duplex igitur in renibus fit secretio, quae non fuisset necessaria, nisi partes secernendae

R 2

dae

* RVYSCH. Thes. 3. Tab. 4. Thes. 4. Tab. 1. Prodrom ad Thes. 6.

dae prius fuissent praeparandae et combinandae.

290. Densitas et durities vtriusque vasorum fecernentium in renibus generis, facile docent, fluidum, quod hic praeparatur et fecernitur, esse salina et semine specificè grauius. Ex aperturis vero tubulorum vrinariorum BELLINI, in apice papillarum nudis oculis obseruandis, ad crassitiam fluidi et magnitudinem particularum fecernendarum concludere licet.

§. 291. Cum in vasis substantiae renum corticalis crassiores vniantur particulae, non potest non lymphæ, ab his crassioribus partibus depurata, in iisdem produci. Haec lymphæ depurata itidem quidem fecerni potest in tubulos vrinarios BELLINI; (§. 206.) quia tamen minus fortiter adhaerent vasis fecernentibus, quam grauiiores vrinariae partes, et hae tardius in dictis tubulis longis et angustis mouentur, multae particulae lymphaticae depuratae per venas redibunt in corpus.

§. 292.

§. 292. Causae mouentes fluidum secretum sunt quidem vires sequentium, quae secernuntur, partium atque actio musculorum respirationi inferuentium; quia vero prima, ob angustiam et longitudinem tam vasorum secretoriorum quam secernentium, et altera, ob renum densitatem et quia renes hominum extra peritoneum haerent, sunt admodum paruae, contactus tunicae pelvis densae cum apice papillarum renalium tanquam principalis causa effluxus vrinae ex tubulis vrinariis in peluim est considerata, et ex hac causa mouente perspicitur ratio

- 1) collectionis tubulorum in papillas conoideas,
- 2) densitatis parietum pelvis,
- 3) magnitudinis paruae aperturam in parietibus pelvis, per quas vrina in cameras pelvis fluit in homine et
- 4) ipsarum camerarum atque situs pelvis extra renes in homine.

§. 293. Vrina, quae ob crassitiem et grauitatem non poterat esse euaporabilis, et magna tamen fecernitur copia, ad euitanda multa et grauia incommoda, in peculiari folliculo erat colligenda, ex quo collecta per intervalla et cum impetu poterat excerni. Nomen huius folliculi est vesica urinaria.

§. 294. Vt fiat magna vrinae copia possit colligi,

- 1) cauitatem aut amplam, aut satis amplificandam,
- 2) orificium, quod claudi et aperiri poterat,
- 3) parietes interne mucos leui obductos, ne vrina aut particulae tartareae, in eadem praecipitatae, parietibus adhaerere, et sic tempore mixtionis remanere, aut vrina acrimonia sua parietes irritare aut laedere queat, vesica habere debebat.

§. 295. Vt vrina ex vesica cum impetu et plenarie expelli queat,

1) pa-

- 1) parietes eius debebant esse robusti, musculosi et ita structi, ut a) a quavis vrinae quantitate quidem extendi, non vero ad constrictionem stimulari queant, b) constrictione sua plenarie vesicae cauum delere possint, adeoque
- 2) eius cauum totum, siue magnum siue paruum sit, semper sit repletum;
- 3) exitus vrinae fiat per infimum vesicae locum;
- 4) vrina vero per eandem viam, per quam ex rene vesicam intrauit, ex vesica ad renem non redeat.

§. 296. Dicta vesicae requisita (§. 294. et 295.) obtinentur, si

- 1) vesicae tunica interna sit polita et elastica, (§. 294. nro. 3. et 1.)
- 2) quatenus parietes sunt musculosi, ex meris lacertulis, sub infinite varia directione incuruatis et rugosis, et variis stratis sibi incumbentibus, sint conflati, (§. 295. nro. 1.) vel saltem si tota vesica figuram habeat lentiformem et alter paries ossi ad-

haereat plano, oppositus tantum paries dicto modo fit constructus.

3) si orificium fit angustum et parum dilatabile, adeoque crassos quidem maximam tamen partem non musculosos habeat parietes, quales prostata esse solet, et musculosa parietum pars non ex annulis, sed ex arcubus longis parum flexis constet, qualis sphincter vesicae esse solet.

4) si ductus, per quos influit vrina in vesicam, i. e. vretes, aliquamdiu inter tunicas vesicae decurrunt, et infimae vesicae parti inseruntur, et simul sint angusti, (§. 295. nro. 2. et 4.)

§. 297. Vis, quae vrinam in vesicam pellit, quamquam in se semper sit eadem, ratione vesicae tamen resistentiae parietum vesicae semper est proportionalis: crescit autem resistentia in vesica, quo magis eius parietes per repletionem sunt expansi, et quo magis vrina in vesica est alta. Cum igitur fluida grauia sub eadem altitudine

dine premant in ratione basium, contra quam premunt, * sufficiens vis mouens vrinam per solum altiore renum supra vesicam locum obtineri poterat.

§. 298. Ratione vis mouentis perinde erat, siue vreteres essent canales ampli siue angusti, non enim in ratione ponderis proprii premunt fluida grauia, sed in ratione altitudinum, sub quibus stagnant atque basium, contra quas premunt. Quia vero infima vreterum pars, vt valuulosa esse possit, angusta esse debebat, (§. 296. nro. 4.) ne copia maior vrinæ in vreteribus colligatur et quiescat, ex qua copiosae tartareae, exitum vreterum obstruentes, praecipitari possent, totus vreterum canalis angustus, et, ne dilatari facile posset, robustis parietibus praeditus esse debebat. Ne vero, cum externa vreterum compressio euitari non posset, vrina pressa ad renes rursus adscenderet, inaequali-

R 5 ter

* El. phys. §. 113.

ter sunt ampli et in superioribus locis aliquoties angustiores, sic enim leni constrictione adscensus vrinae impediri poterat.

§. 299. Vt vrinae excretionem genitalia muliebria humectari et abstergi queant, maiori impetu vrina ex vesica erumpere haud debebat, quam qui per cohaesionem vrinae cum partibus adiacentibus ita temperari poterat, ut ex pondere sine saltu descenderet; id quod partim per vrethram breuem et minus angustam, partim per situm orificii vrethrae inter nymphas genitalium obtineri poterat. Hic usus cum in sexu nobiliori cesset, etiam talis structura non erat necessaria.

CAPITIS SEPTIMI

SECTIO VII.

DE

BILIS SECRETIONE.

§. 300. Hepar esse viscus secretorium bilis, insertio ductus cholodochi in intestinum duodenum, cystis fellea, connexio cystidis cum ductu cystico, huius

huius ductus et cholodochi connexio cum ductu hepatico, huius connexio cum poris bilariis sub infinitis ramificationibus et ramulis minimis, per totam hepatis substantiam distributis, vna cum radicibus felleis et bile in omnibus dictis vasis et vasculis reperiunda, abunde docent.

§. 301. Bilis in poris bilariis reperiunda est fluidum spissum flauum, saporis non acris subamaricantis, et *bilis* vocatur *hepatica*. Bilis vero in cystide fellea, quae *bilis cystica* nominatur, et fluidum spissum, acre, amarum, bile hepatica magis flauum, ordinarie vrina specificè grauius, quod ex sano homine desumptum atque exsiccatum ab igne admoto flammam concipit.

§. 302. Tam ipsius hepatis magnitudo, quam multitudo et amplitudo vasorum bilem vehentium, ostendunt fat magnam copiam bilis in hepate secerni, vnde patet, magnam quoque sanguinis quantitatem ad hanc secretionem requiri, et, cum biliosae particu-

ticulae sint admodum compositae, ex terreis nempe, lymphaticis et copiosis salibus, praecipue alcalicis, atque sulphureis, pro harum vnione obtinenda, tardum admodum sanguinis, ex quo secretio fit, esse debere motum.

§. 303. Vasa, quae sanguinem ad hepar deferunt, sunt duplicia, arteria nempe hepatica, quae, pro ratione magnitudinis hepatis, est paruus arteriae coeliacae ramus, atque *vena portae*, canalis brevis quidem sed admodum amplus, in quo omnis sanguis, qui ex reliquis arteriae coeliacae ramis atque arteriis duabus meseraicis ad lienem, ventriculum, pancreas, intestina omnia, mesenterium atque omentum abiit, et ab his visceribus per eorum venas, quae iunctim, vsque dum in vnum truncum, venam nempe portae, concurrunt, *radices venae portae* nominantur, redit, confluit.

§. 304. Ex vena portae, postquam in sinum penetrauit hepatis, multa vasa, partim maiora, partim minora, sub

sub *ramorum venae portae* nomine, in ipsum abeunt hepar, et in hoc, per frequentissimas in ramos minores subdivisiones, tandem denuo in venas mutantur minimas, et sanguinem in ramos deferunt *venae cauae*, qui, quousque in hepate sunt, *venae adpellantur hepaticae*.

§. 305. Ex his adparet

1) sanguinis motum in *venae portae* trunco esse longe tardiolem, quam in aliis venis, in his enim celeritati motus sanguinis arteriosi est fere aequalis, quia vero diameter trunci *venae portae* est ad diametrum arteriae coeliacae vt 6 ad 1, adeoque capacitates sunt vt 36 ad 1, erit capacitas *venae portae* ad capacitatem omnium trium arteriarum, quarum sanguis in venam *portae* confluit, (§. 303.) circiter vt 36 ad 3, vel vt 12 ad 1, et in eadem ratione erit celeritas sanguinis in initio arteriae coeliacae ad eius celeritatem in trunco *venae portae*:

2) hanc

2) hanc celeritatem relatiuam in ipso hepate constanter decrefcere, si enim ponas summam diametrorum omnium extremitatum ramorum venae portae esse ad diametrum trunci venae portae vt 36 ad 1, (id quod minimum non in excessu a vero aberrat) erit ratio capacitaturn inter dicta vasa vt 1296 ad 1, et eadem ratio, inuersa tamen celeritatum. Erit ergo

3) celeritas in truncis arteriae coeliacae et duarum meseraicarum ad celeritatem in extremitatibus ramorum venae portae vt 1 ad 15552.

§. 306. Praeter hanc insignem sanguinis tarditatem relatiuam, qua in extremitatibus ramorum venae portae mouetur, etiam absoluta celeritas admodum parua erit, quia ista pars impetus cordis, qua sanguis in dictis tribus arteriis praeditus est, et quae, quousque respiratio aequabili et ordinario fit modo, vnica est vis mouens sanguinem per totam hepatis substantiam, insigniter imminuitur

tur in extremitatibus tam dictarum arteriarum quam ipforum ramorum venae portae, vnde insignis massa sanguinis, in hepate contenta, non potest non tardissime moueri.

§. 307. Sanguis ergo arteriosus, per arteriam hepaticam ad hepar delatus, tam parua sua quantitate, quam magna sua celeritate, ad compositionem aequae partium biliosarum ac ad secreti quantitatem sufficientem praebendam est maxime ineptus, contra vero sanguis venae portae, quod ad omnia requisita, (§. 302.) ad hanc secretionem est maxime aptus. Ergo bilis ex sanguine venoso fecernitur.

§. 308. Non vero solum tardissimo motu sanguis partium biliosarum genesi fauet, sed et peculiari modo ad hanc genesin praeparatur. In omnibus enim visceribus, ex quibus ad hepar abit, insignem amittit lymphae quantitatem, (§. 250. nro. 2. §. 235. nro. 1. et 2. §. 238.) contra vero magnam obtinet spirituum animalium copiam. Ad lienem enim magnos et copio-

copiosos abire nervos, quamquam nec sese mouere queat, (non enim est musculosum corpus) nec sui sensum in statu sano nobis exhibeat, experientia testatur anatomica; alius ergo vsus neruorum in liene non habet locum, quam vt copiosi spiritus, quos vehunt, sese cum sanguine lienoso versus hepar abeunte sese misceant.

§. 309. In ventriculo quidem et intestinis spiritus partim pro sensu, partim pro motu sunt dati, sed cum vnus positio non sit alterius exclusio, etiam manifestus vsus spirituum in ventriculo et intestinis non excludet alterum, miscelam nempe cum liquoribus secretis et sanguine refluo, quam ad bilis genesis necessariam esse ex liene patet.

§. 310. Est igitur sanguis venosus hepaticus minus quidem lymphaticus, magis tamen spirituosus quam omnis reliquus sanguis in toto corpore, et facile perspicitur spiritus, tanquam

quam fluidum subtilissimum, (§.218. nro. 9.) ergo potentissime agens * ad meliorem separationem particularum, pro bile constituenda dein vniendarum, ab aliis heterogeneis, defectum vero lymphae ad promptiorem contactum et maiorem cohaesionem partium vniendarum et vnitarum esse necessarios.

§. 311. Cum diuersa proportio partium heterogenearum fluidum quoddam constituentium, at diuersus motus progressiuus fluidi, quod ad partes constituentes heterogenei, sint fundamenta variantis motus intestini et ortus diuersarum partium fecerendarum, (§.193.) etiam in radicibus, trunco et ramis venae portae tales vt praeparentur particulae fecerendae necesse est, quales in toto reliquo corpore praeparari nequeunt. (§.310.) Id quoque facile perspicere licet, partes, quae hic praeparantur,
1) po-

* El. phys. (§.207. et Schol.)

- 1) potissimum per vnionem ex contactu et cohaesione praeparari (§. 305. nro. 3. et §. 306.)
- 2) multas continere partes specificè grauiiores, leuiiores enim sunt magnam partem prius separatae, (§. 308) nec tot spiritus fuissent necessarii, nisi partes fortiter cohaerentes, ergo maiori vi praeditae, fuissent separandae (§. 310.)
- 3) salinae ergo esse naturae, quia terrestres mere tales non dant fluidum, et sulphureae mere tales non dant fluidum specificè grauius,
- 4) non tamen mera esse salia, haec enim etiam sub celeriori motu sese vnire potuissent, ergo
- 5) salinae sulphureae et terrestres, i. e. saponaceae esse naturae, et spirituosas partes habere copiose commixtas: (§. 206. et 310.) Reliquae vero proprietates fluidi secreti (§. 301) a priori determinari nequeunt, sed sola experientia patefiunt.*

§. 312.

* Memoires de l'Acad. des Scienc. 1709. pag. 469. et seq.

§. 312. Extremitates ramorum venae portae abeunt in corpuscula rotunda, quae acini vocantur hepatici, e quibus RVYSCHIVS differit: * componuntur tantum ex extremitatibus ultimis vasculorum sanguiferorum unitis in formam sphaericae rotunditatis, neque, quantum possum videre, etiam membrana aliqua sua singulari circumambiuntur; et paulo post testatur, BOERHAAVIUM ore et litteris de acinibus hepaticis confiteri ** quod postquam accurate per microscopia omnis generis conspexerit diversa hepata a Ruyschio praeparata per artem suam, oleo prius inuncta, atque tum radiis solaribus recte posita, viderit clare, quod ramuli venae portarum gererent appensos acinulos, quos ramulus ille disparebat; quodque ipsi illi acinuli, anxia cum cura, diuersis in locis, variis in iecoribus, vndique lustrati atque inter se comparati, quidissime conspicerentur, constare ex innumerabilibus, valde exiguis, distinctissimis tamen, at-

S 2

que

* Epistol. Anat. de fabric. glandul. p. 69.

** Ibid. p. 72. et 73.

*que semper ordinatissime digestis, canalibus, qui ortum ducerent ex illo ramo sanguifero, et essent una porrectione continuati, cum hoc eodem, canaliculi. Quod autem tam exiles essent illae ultimae fistulae, ut microscopiis quinti generis tantum potuerit assequi, quod vero tot appa-
rerent inspicienti, ut nunquam potuerit numerare illas in vno solo acinulo.*

§. 313. Cum vasa acinulorum hepaticorum sint angustissima, et peculiari gaudeant densitate; patet in ipsis fieri secretionem bilis, quanquam determinari nequeat, utrum sint *vasa se-
cernentia* vel *secretoria*. (202.) In utroque casu quicumque assumatur, vasa acinorum extremitates erunt bilario-
rum pororum, qui ex diuersis acin-
is orti successiue inter se vniuntur, am-
pliora sed pauciora redduntur, donec
in vnum abeant canalem, qui *ductus
hepaticus* appellari solet.

§. 314. Posito ergo acinorum vasa
esse *secernentia*,

- 1) sanguis ramorum venae portae
prae-

praeparatus (311.) attinget illa acinorum vasa;

2) adhaerebunt iis particulae specificae grauiore, quae vasculis minimis lienis aliorumque viscerum ob grauitatem specificam minorem (312.) adhaerere haud poterant;

3) ex hac adhaesione penetrabunt ex ramis venae portae partes istae specificae grauiore (311.) in ipsa vascula acinulorum; ex his

4) penetrabit fluidum secretum in poros bilarios contiguos, vnde et hi replentur.

Et hic liquor secretus est, qui *bilis* nominatur *hepatica*. (301.)

§. 316. Etsi sanguis ramorum venae portae insignem amiserit lymphae quantitatem, antequam ipsos ramos venae portae ingressus est; (250.) aptitudo tamen ad secretionem, penetratio nempe in angustissima vasa requirit, vt quaedam pars adhuc lymphae cum fluido sit mixta; hinc, si fluidum secretum magis spissum et

concentratum esse debet, concentratio per nouam et secundam secretionem vt fiat, necesse est, postquam prima secretio iam est peracta.

317. Per experientiam anatomicam constat, aquam in ductum hepaticum iniectum conspicua reddere vasa lymphatica. * Euidenter exinde apparet, possibilem esse secretionem fluidi cuiusdam ex bile hepatica. Autopsia simul docet, actu bilem in ductu hepatico concentratiorem redditam esse; hinc vasorum lymphaticorum nullus alius potest esse vsus, quam vt separetur magis lymphæ, cum bile secreta adhuc mixta. Absorptio lymphæ commode obtineri haud potuisset, si ex poris amplis bilariis orirentur vasa lymphatica, quia in amplioribus pauciores particulae lymphæ ad contactum peruenissent, hinc vt ex extremitatibus pororum biliorum oriantur verisimile est. Cum por-

* HEISTERI Comp. anat. §. 217.

porro extremitates eorum sint acinuli, hinc ex ipsis acinulis vt exeant, videtur; ab angustiam enim aptissima sunt, quin maxima pars lymphae ad contactum perueniat. Duplex ergo in acinulis fit secretio;

- 1) Separatio bilis hepaticae ex sanguine ramorum venae portae (314.)
- 2) Separatio lymphae a bile hepatica.

Acini ergo erunt vasa *seccernentia* respectu primae secretionis, et *secretoria* respectu secundae.

§. 318. *Bilis cystica* (301.) continetur in vesicula pyriformi, quae cystis siue vesicula fellea nominatur. Haeret haec vesicula in parte concaua hepatis anteriore, ita, vt fundus eius paulo inferiorem, collum vero paulo superiorem occupet locum. Collo vesiculae connectitur canalis, *ductus cysticus* dictus, qui ad altitudinem 3. linearum adscendit, dein, quando ad ductum hepaticum accedit, parallele cum hocce descendit, donec ambo in vnum coeant canalem, sub nomine *ductus cholidochi*: Hic tendit ad inte-

stinum duodenum, et tum ad istud accesserit, flectitur ad angulum fere rectum, et tandem parallele cum intestino, intermediis pluribus fibris oblique per 6 lineas, membranas duodeni oblique transeundo in cauo duodeni finitur. Notandum quoque est, directionem ductus cholidochi adeo parum ab horizontali recedere plano, ut bilis per 30 lineas mota, tantum 6 lineas circiter descendat.

§. 319. Ex hac structura vesiculae felleae et ductuum, ratio reddi potest

- 1) Quomodo repleatur vesicula fellea a bile;
- 2) Cur bilis non semper fluat in cauum intestini duodeni;
- 3) Sub quibus circumstantiis fluat in istud, et
- 5) quatenus sit quantitas bilis secretae.

§. 320. Cum ductus cholidochus in fine cum tunicis duodeni sit connexus, (318.) et intestina semper vi experientiae aere sint repleta atque expan-

expansa; sequitur, vt ductus cholidochi orificium semper sit compressum et valuula quasi clausum: id quod et ex ipso patet, quod inflato intestino, aer in ductum cholidochum haud penetret. Nisi ergo vis premens in ductu cholidochi sit maior quam vis comprimens in cauo duodeni, bilis ex ductu cholidochi in cauum duodeni moueri haud poterit.

§. 321. Expansio intestinorum fit per elaterem aeris, et quidem, vti ex ructibus erumpentibus suspicari licet, naturali paulo maiorem; naturalis autem elater cum fluidis aquosis in canalibus communicantibus 32 pedum altitudine aequilibrium seruat.* Cum vero supremum ductus cystici punctum in situ hominis erecto vltra locum insertionis in tunicas duodeni vix $1\frac{1}{2}$ digitos emineat; sequitur, ductum cholidochum maiori vi compri-
mi ab aere intestina expandente, quam
vt extendi possit a bile transeunte;
S § hinc

* Elem. phys. §. 287. 292.

hinc bilem ex pondere in cauum intestini penetrare haud posse.

§. 322. Ductus cysticus

- 1) nunquam comprimitur, sed semper apertus est,
- 2) inferiorem locum occupat, quam ductus hepaticus; (318.) hinc, quamprimum bilis hepatica maiore gaudet altitudine quam supremum cystici punctum, ex hepatico transit in cysticum ductum, et vesiculam felleam replet. Vesicula fellea igitur est receptaculum ad futurum usum

SCHOLION.

Volunt quidem nonnulli physiologi per peculiare ductus, quos *hepatico cysticos* et *cyst-hepaticos* appellant, deferri bilem ad vesiculam, ast quia celeberrimi anatomici hos ductus in homine negant, via particularis tantum esse videtur.

§. 323. Bilis cystica et hepatica originetenus eadem sunt fluida, (322.) sed experientia docet, bilem cysticam ab hepatica quam maxime differre; hinc

hinc vt mutetur bilis in cystide necesse est. Mutatio haec fit,

- 1) quiete bilis; omnia enim fere olea et pinguedines in loco calido fiunt acria et viscida;
- 2) per miscelam hepaticae bilis, cum amara et acris iam reddita; breui enim tempore fluidum acre alteri mixto, suam communicat qualitatem, orto motu intestino; vti ex cereuicia acida, fermento panis cet. obseruari potest.
- 3) per secretionem et absorptionem forte lymphae in vesicula fellea. Obseruantur enim quandoque in canibus breui ante mortem bene pastis et calide apertis, copiosa vasa lymphatica in vesicula fellea.

SCHOLION I.

Putant quidam in vesicula fellea ex arteriis partem bilis secerni amarissimam, at secretio haec esset in corpore humano sine exemplo, hinc tanquam falsa reicienda.

SCHOLION II.

Sunt etiam quidam, qui putant ex arteriis cystidis fluidum quoddam ad cauum eius deferri, id quod ex illo concludunt phaenomeno, vbi videmus, quandoque materiam subtilem in arterias iniectam cauum penetrare. Observatio rite sese habet, sed num ex hoc phaenomeno ad immissionem fluidi in statu naturali concludi possit, dubius haereo. Nam non semper succedit ingressus liquoris, etsi liquor idem, et omnes arteriae cystidis elegantissime repletae sint. Incertus ergo erit semper observator, annon forte parvae striae liquoris iniecti, in bile conspicuae, sint ex vasis ruptis per expansionem p. n. Idem plane saepius observatur in oculo, vbi etiam extrauasatio liquoris fit in cauum, vbi humores haerent.

§. 324. Ex pondere haud moueri potest bilis in cauum duodeni, (320.) actu tamen vi experientiae penetrat, hinc vires considerandae sunt, quibus iste motus fit. Aliae autem erunt vires mouentes in poris bilariis, aliae in cystide.

§. 325.

§. 325. Vires, quae mouent bilem in poris bilariis haerentem, sunt:

- 1) impetus sanguinis circulantis, quatenus vasa contigua premit;
- 2) adhaesio particularum ad parietes pororum, quatenus adhuc sunt vasa capillaria; *
- 3) compressio bilis a musculis et visceribus infimi ventris;
- 4) cohaesio particularum inter se, qua vna alteram secum trahit;
- 5) elasticitas pororum bilariorum, qua sese contrahere conantur;
- 6) pondus bilis secretae.

§. 326. Bilem cysticam ex cystide in ductum cysticum mouent, hinc in ductum cholidochum et intestinum duodenum pellunt

- 1) tunica vesiculae musculosa, a bile expansa; non tamen hoc modo omnis bilis euacuari potest. (68. n. 5.)
- 2) Compressio vesiculae extrinsecus facta, id quod partim a ventriculo cibis et ab intestinis flatibus repletis,

* Elem. phys. §. 167.

tis, partim a tussi, vomitu vel sternutatione fieri potest.

§. 327. Quantitas bilis tanta non est, quanta a nonnullis determinatur physiologis. Forfitan maior non fecernitur quantitas, quam quae ad cystidem bis intra 24 horas replendam est necessaria, id quod ex eius usu colligi potest.

§. 328. Arteria hepatica ad secretionem bilis haud inferuire potest, ob ineptitudinem sanguinis arteriosi ad hanc secretionem; hinc ad nutritionem substantiae hepatis ut data sit, necesse est.

§. 329. Sanguis post secretionem bilis residuus mouetur per *venas hepaticas* in venam cauam. Causae mouentes sunt supra (325.) allegatae.

CAPVT VIII.

DE NVTRITIONE.

§. 330. Mirandum est phaenomenon, quando videmus corpus humanum a primo ortu ad annum 24 fere incrementum capere; ab eo tempore ad

ad 50 vel 60 annum in eo statu persistere, reliqua aetate decrescere. Actio, quae hos tres status absoluit, communi nomine *nutritio* appellatur, et speciatim primus vocatur *incrementum corporis*, secundus *status*, tertius denique *decrementi* nomine venit.

§. 331. Per totam vitam corpus nulla parte noua organica augetur, nec semel ablata restituitur; hinc nutritio non dat structuram corporis, sed supponit. Nutritionem ergo tractanti non incumbit, vt monstret, vnde partes organicae corporis humani oriuntur, sed vnde augeantur.

§. 332. Incrementum corporis in omnibus aetatibus non est idem. Eodem enim tempore citius augetur foetus quam infans, citius infans ac puer, hic citius quam adolescens cet. hinc incrementum fit in ratione decrescente.

§. 333. Corpus humanum incrementum capit secundum omnes tres dimensiones et pondus, id quod absque appositione partium peregrinarum

rum fieri haud potest. Peregrinae hae partes quae tales, in corpore humano haud percipiuntur, sed omnes partes sunt similes partibus corporis, hinc mutatio partium requiritur ad nutritionem. Prima mutatio ingestorum fit in sanguinem tanquam fluidum primarium corporis animalis, (1) duplex ergo erit *nutritio*, vel *fluidorum* vel *solidorum*.

§. 334. Fluidorum nutritionem cap. IX. explicabit, hoc loco ergo tantum de nutritione solidorum agendum erit.

§ 335. Omnes partes solidae corporis humani easdem possident partes constituentes ac massa sanguinea, (13) non tamen quaelibet pars in eadem proportionem. Cum igitur sanguis per omnes partes solidas moueatur, sequitur appositionem nouarum partium fieri ex ipsa massa sanguinea circulante.

§. 336. Sanguis ipse non nutrit, nulla enim fibra nutrimentum adeptam rubet; patet exinde, omnem nutritionem

tionem esse speciem secretionis. Ex quibuscunque itaque legibus fit secretionis, et ex ipsis ut fiat nutritio necesse est.

§. 337. Posita aptitudine sanguinis ad secretionem supra Cap. VI. explicata, iam erunt explicanda

1) incrementum corporis ratione molis, ponderis et roboris.

2) quare nutritio fiat per homogenea?

3) quare incrementum molis et ponderis fiat in ratione decrescente?

4) cur incrementum tantum ad certam usque aetatem duret?

5) cur cessante incremento longitudinis, latitudo tamen, crassities et pondus, itemque robur fibrarum adhuc crescant?

6) cur etiam ponderis et crassitiei incrementum cesset?

7) et roboris fibrarum incrementum tantum duret?

8) quare crassities et pondus demum decrescant?

§. 338. Incrementum ratione molis et ponderis ita concipi potest. In ouulo rudimenta futuri hominis adeo parum cohaerent, vt fere sub fluidi forma appareant, hinc expansio eius a leuissima causa quam maxime possibilis est. Primum, quod in ouulo impraegnato obseruatur, est punctum saliens, quod postea successu temporis cor constituit; * ex quo puncto saliente ad motum fluidorum in vasis a primo ortu concludere licet. Quamprimum itaque in istis vasis subtilissimis fluida mouentur; fluida erunt pressa, quae aequaliter quaquauerfus tendentia parietes extendunt. Extensio haec cogitari nequit, nisi simul assumatur, interstitia particularum fibrarum constituentium maiora reddi. Penetrabunt ergo particulae adiacentes homogeneae et specificè leuiores partim ex adhaesione ** partim ex vi premente cordis, in interstitia et ista replebunt; et cum homogeneae fortiter

* MALPIGHIUS de ouo incubato.

** Elem. phys. 167. n. 5. 6.

titer inter se cohaereant, eadem erit cohaesio particulae cum fibra, quam fibrae inter se. * Crescunt ergo sic fibrae minimae et pondere et longitudine.

§. 339. Crescentibus parietibus vforum, crescit eorundem capacitas, hinc vel fluidum haud amplius replebit vasa, vel vt restituantur necesse est. Per experientiam constat, semper restitui, hinc plus iam continetur fluidi in vasis auctis quam antea, ergo et pondus totius corporis augetur per nouam repletionem.

§. 340. Particulae specificè leuiiores minore adhaerent gradu ac homogeneae; ** quamprimum igitur particula homogenea penetrat in interstitia, leuior fibra cedere debet; accumulantur sic homogeneae et leuiiores imminuuntur in ipsa fibra, crescit sic cum longitudine robur physicum.

T 2

SCHO-

* Elem. phys. §. 147.

** ibid. §. 177.

SCHOLION.

In adultioribus idem obtinetur per vasa lymphatica, quae fluidum leuius absorbent.

§. 341. Ex his sequitur, vt omnis fibra, quae nutriri debeat, contingatur a particulis nutrientibus. Cum igitur fluida corporis humani vehantur in vasis, omnis fibra nutrienda parietem vasis constituere debet. Ex his elucescet, cur in infantibus vasa adsint copiosissima, si arte replentur.

§. 342. Nullum fluidum specificè grauius adhaeret solido leuiori sensibilibiter, * hinc omnis particula grauior quam fibra, ad nutritionem inepta est; leuiiores itemque haud nutriunt, (339.) hinc nutritio fieri debet per homogenea. Ossea ergo particulae apponuntur ossibus, carneae carni cet.

§. 343. Crescente robore physico fibrarum, (340.) crescit eorum vis insita, hinc resistentia. ** Cum vero nutritio fibrarum inuoluat earum exten-

* Elem. phys. §. 161.

** ibid. §. 35.

extensionem, (338.) per impetum fluidorum vasa transeuntium; sequitur, crescente resistentia et appositionem partium decrescere. Hinc patet, quare incrementum fiat in ratione decrescente.

§. 343. Eadem ratione crescunt fibrae secundum latitudinem, qua crescunt secundum longitudinem, hinc et incrementum latitudinis fit in ratione decrescente.

§. 344. Incrementum hocce in ratione decrescente in perpetuum esse haud potest. Quodsi enim crescente robore physico (340.) resistentia aequalis fit vi extendenti, incrementum cessat; et quidem incrementum corporum durorum citius cessabit, quam mollium, hinc ossa citius ad statum peruenient ac muscoli. Primum ergo incrementum corporis quod cessat, est incrementum longitudinis. Quare id fiat circa annum vicesimum quartum, a priori determinari nequit.

§. 345. Anatomia corporum testatur, omnes musculos in extremitatibus,

bus, punctis fixis adhaerere ossibus; hinc cessante incremento ossis secundum longitudinem, (344) incrementum musculi secundum longitudinem erit impossibile, nisi quando incedant via curuilinea. Quodsi longitudo fibrae ita augetur, musculus augetur secundum latitudinem, ergo continuat incrementum secundum latitudinem, et crassitiem, et robur physicum. (340.)

§. 346. Posita tunc temporis massa sanguinea sana et larga, pinguedo discernitur in tunicam cellulosa, augmentum inde quoque capit ponderis corpus humanum.

§. 347. Increfcente sic robore et resistentia, (340. 345.) tandem et musculi vltiorem extensionem respuunt, hinc et incrementum ponderis et crassitiei ad statum perducitur, ita vt per longum tempus nulla plane obseruetur mutatio corporis.

§. 348. Totum corpus iam non est in statu, etsi mutationes non sint sensibiles, iniectiones enim artificiales docent,

docent, eo tempore plurima vasa minima mutari in fibras. Mutatio haec fieri potest:

1) per compressionem vasorum extrinsecus factam, vbi fluida contenta exprimuntur, vnde parietes vasorum ad contactum perueniunt et actu cohaerent.

2) per obstructionem vasculorum per humores iusto viscidiores.

3) per euacuationem frequentem et diu durantem, vbi expansio cessat, et vi elasticae contrahenti non resistitur. Sic enim diameter vasis ita decrescit, vt nullum amplius fluidum admittere queat, hinc rigida reddatur.

§. 349. Posita constitutione corporis (348.) mutatio eius fit sensibilis. Cor in propulsione sanguinis maiorem acquirit resistantiam, tardior eius fit systole, tardior systole articularum, hinc mutatio vasculorum in fibras et rigiditas indies increscit, ex quibus denique emergit, vt elater

T 4

fibra-

fibrarum et earum contractio maior fiat, quam actio expandens cordis et arteriarum. Decrescet ergo corpus secundum crassitiem. Et haec est prima species contabescentiae senilis.

§. 350. Posita circulatione lenta in corpore rigido, pinguedo corporis apponi haud vltius poterit, praesensque stagnabit, ergo acrior redditur, funditur, et a vasis venosis absorbetur. Pondus igitur corporis exinde decrementum capit, cutis fit rugosa et flaccescit. En secundam speciem contabescentiae senilis, secundum crassitiem et pondus.

§. 351. Ad situm corporis rectum obtinendum maxima vis requiritur vitalis, id quod infra patebit. Cum vero incrementum vi physica decrescat vis vitalis, (68.) corpus rigidum situm perpendicularem seruire haud poterit. Inclinat igitur senex caput, genua flectit, dorsum incuruat, et sic tota altitudo perpendicularis fit minor. Et haec est tertia species decrementi.

§. 352.

§. 352. Hactenus (348-351.) recensita successiue magis increscunt, hinc tandem resistentia cordi data adeo augetur, vt omnis circulatio tollatur. Moritur ergo homo vi structuræ sui corporis; ergo homo immortalis, posita structura corporis humani vtut est, impossibilis est.

§. 353. Dentes infantum, cuticula, vngues, et pili in corpore humano denuo increscunt, si auferuntur, hinc seorsim illae partes adhuc considerandae. Omnia ossa duritie superant dentes, ideo eorum vascula breui tempore in fibras mutantur rigidissimas, exinde sequitur: si augetur maxilla tenuior, si dentes haud amplius increscunt, alueolos dentium capaciores reddi, hinc tum temporis vacillare debent et ex alueolis prodire. Ideo duplex rudimentum haeret in quouis alueolo, vbi decidente primo alter erumpit. In eo tempore, quo alter dens ad statum perducitur, etiam maxilla haud amplius increscit, ergo firmiter per longum insistent tempus.

§. 354. Postquam dentes naturalem acquisiuerunt magnitudinem, nulum amplius incrementum capiunt. Per experientiam enim constat, dentes diffractos figuram seruare fractionis, neque callum, vti alia ossa, protrudere.

§. 355. Cuticula vasis sanguiferis et neruis est destituta, hinc pars organica corporis dici haud potest; nihilque aliud erit quam concrementum ortum, ex protrusione vasculorum cutis excretoriorum.

§. 356. Ungues sunt originetenus ex cuticula, nullis enim gaudent vasculis sanguiferis neque neruis, et ablati perfecte crescunt. Incrementum eorum id peculiare habet, quod appositio nouarum partium non fiat in extremitate, sed radice.

§. 357. Idem incrementum pilorum esse videtur, cum enim nullum fluidum fundant si dissecentur, nullis praediti esse possunt vasis nutrientibus; crescunt igitur, quia prope radices

lices nouae partes apponuntur, prioresque protruduntur. Primaria materia nutriens pilorum pinguedo esse videtur, cum semper ex pinguedine radices pilorum exeant.

§. 358. Pili robore crescunt, si saepius refecantur, id quod ita concipi potest. Pars pili anterior est pellucida et porosa, hinc humidum per pilos transpirare potest, et actu perspirat; quo longior itaque est pilus, eo plus humidi perspirare potest: rescisso autem pilo, tantum humidi non consumitur, quantum radices absorbent, ergo pori pilorum expanduntur, et plus humoris admittunt, hinc crassior et robustior redditur pilus.

CAPVT IX.

DE

IIS ACTIONIBVS CORPORIS HUMANI, QVIBVS QVANTITAS ET QUALITAS HUMORVM CONSERVATVR.

SECTIO I.

DE

QUALITATE CORPORVM, QVIBVS AMISSAE RESTITVNTVR PARTES.

§. 359. Secretiones et excretiones humanae

humani corporis abunde docent, quotidie ex corpore humano copiosissimos abire humores, nisi ergo amissae restituantur, massa sanguinea in tantum imminueretur, ut tandem circulatio cessaret, et mors sequeretur.

§.360. Omnia corpora, quae eum in finem in corpus deferuntur, vt decens fluidorum quantitas et qualitas conseruetur, *alimenta* nominantur, et quidem solida *cibi*, fluida, *potus* dicuntur.

§.361. Illud, quod in corpore humano restitui debet, idem esse oportet, quam quod amissum est per secretionem. Specificè leuiora ergo et specificè aequalia esse debent alimenta corpori humano, si enim haud talia essent, neque adhaerere neque vltèrius nutrire possent.

§.362. Corpus, quod ex meris partibus homogeneis compositum est, alimentum corporis esse nequit; ad diuersas enim actiones corporis, diuersae requiruntur partes nutrientes, modo enim partes terrestres, modo sulphu-

phureae, modo salinae ad nutrimentum pertinent.

§. 363. Pleraque corpora ex regno minerali desumta grauitate specifica superant partes corporis humani, hinc ad alimenta inepta sunt, (§. 361.) immo ipsa aqua nutrimentum esse nequit; facile quidem ob leuitatem adhaeret, sed ob minorem gradum cohaesionis facillime iterum separatur; hinc nihil est, quam diluens alimenterum, et saepius menstruum, quod partes solidas soluit.*

§. 364. Regnum vegetabile corpus humanum haud superat grauitate specifica, hinc aptissima praebet alimenta. Omne ergo vegetabile alimentum erit, nisi

- 1) durities maior impediat mutationem in fluidum. (361.)
- 2) visciditas eorum corporis vasa obstruat.
- 3) Acriditas

* Elem. phys. §. 242.

3) Acrimonia eorum partes solidas ad destructionem vsque resoluat, vel ob austeritatem constringat.

§.365. Animalium corpora ratione grauitatis specificae aequalia sunt cum corpore humano, hinc illi alimenta praebent, nisi dicta (364.) obstant.

§.366. Experientia testatur, alimenta ex regno vegetabili desumta raro, ex animali rarissime corpus humanum sine noxa subsequente nutrire, nisi antea praeparentur, resoluantur et emolliantur; inuenta idcirco est ars culinaria, quae contusione, trituratione, depuratione, maceratione, fermentatione, coctione, frixatione, assatione cet. idoneos reddit cibos ad futuram nutritionem. Corpora, quae resolutionem ipsam producunt, sunt aër, ignis, aqua, salia media, et quandoque aromata.

§. 367. Animalia et animalium partes, itemque vegetabilia differunt ratione duritiei et visciditatis inter se, hinc cuius subiecto promiscue salua
fani-

sanitate propinari haud possunt. Diuersum igitur corpus, diuersum requirit alimentum, sicque durum erit corpori debili, quod optimum nutrimentum dat robusto et contra. Ex his simul patebit, nunquam absolute affirmari posse, vtrum hoc vel illud alimentum sanitati conueniens sit nec ne? nisi simul determinetur, quaenam sit corporis ratio, quod alimento vti debet.

CAPITIS IX.

SECTIO II.

DE

MASTICATIONE ET DEGLUTITIONE.

§. 368. Cibi solidi, etsi omni modo praeparantur, (366.) tamen nondum apti sunt, vt mutari possint in fluidum corporis animalis, hinc vt in corpore vltcrius mutantur necesse est. Prima vltcrior resolutio fit in ore, vbi ope dentium maxillae superioris et inferioris triturantur, imminuuntur, simulque saliuā admiscetur; et haec actio *masticatio* nominatur.

§. 369.

§. 369. Maxilla superior immobilis est, vti experientia confirmat, non ergo in masticatione agit nisi resistendo actioni maxillae inferioris, hoc loco itaque explicanda erunt

- 1) quae sint vires mouentes maxillae inferioris?
- 2) quae sit causa mouens salivae, quae durante masticatione cibis admiscetur?
- 3) quid saliva admixta praestet?

§. 370. Maxilla inferior exercet motum et triturationem ciborum, dum

- 1) descendendo recedit a maxilla superiori, vt cibi triturandi inter vtramque maxillam poni queant.
- 2) ascendendo cibos inter dentes haerentes comprimit, et sic imminuit.
- 3) motum antrorsum, retrorsum & lateraliter ad vltiorem imminutionem exercet.

§. 371. Descendit maxilla inferior, et a superiori recedit, pondere et actio-

actione musculi biuentris. Pondus magnam vim exercere descendendi, docet figura maxillae et modus applicationis ad ossa temporum, itemque illud phaenomenon, vbi videmus, omnes recenter mortuos, os aperire, vbi nullus musculus agit.

Musculi biuentris punctum fixum quidem altius positum est in processu mamillari, quam punctum mobile; hinc sursum eleuare maxillam videri possit, ast attententi ad connexionem facile patebit, insertionem fixam inferiorem esse capitulo maxillae, hinc deprimere maxillam. Insertione hac musculi et id efficitur, vt contracto musculo biuentre maxilla trahatur posteriora versus, si ab aliis musculis anteriora versus mota sit.

§. 372. Musculi temporales maxillam inferiorem eleuant, eamque versus superiorem premunt. Diuersissimam quidem fibrae horum musculorum habent directionem, sed dum sese contrahunt, tendo agit secundum le-

ges motus compositi, et per vnicam mouetur directionem. Masiteres et pterigoidei interni, si coniunctim agunt, antrorsum maxillam trahunt, simulque ad superiorem premunt. Si finistri tantum agunt, trahitur maxilla antrorsum versus dextram et vice versa. Maseter dexter ergo est antagonista finistri.

§. 373. Quodsi dicto modo musculi agunt, (371. 372.) et cibi in ore continentur, per dentes vt conterantur necesse est; quia vero cibi inter dentes acutos quiescere haud possunt, sed semper descendere conantur, masticatio peragi haud poterit, nisi delapsi cibi semper ad dentes eleuentur. Praestat id interne lingua; extra dentes vero buccae descensum impediunt.

§. 374. Glandulae saliuales omnes musculis ad masticationem pertinentibus sunt contiguae, et idcirco agere haud possunt musculi, nisi simul per interualla glandulae comprimantur, et a vi comprimente liberentur.

Dum

Dum comprimuntur glandulae, salivua iam secreta per ductus excretorios in cauitatem oris excernitur, ficque glandulae euacuantur, cessante compressione vero subito vasa ex sanguine denuo fecernunt, ficque copia salivuae augetur. (237. 238.)

§. 375. Saliua durante masticatione cibis mixta (374.) penetrat cum motu in poros ciborum, iisque dat consistentiam pultiformem, sic nouo addito fluido eos vltcrius resoluit, * ex parte soluit** et humoribus nostri corporis assimilat. Prima ergo concoctio est mutatio ciborum in ore.

§. 376. Masticati cibi aliorsum ex ore abire haud possunt, quam versus fauces. Quodsi enim basioglossi cum genioglossis simul agunt, lingua incuruatur, et palato apprimitur, ficque spatium oris angustatur, et omne contentum versus fauces protruditur.

V 2

§. 377.

* Elem. phys. §. 232.

** ibid. §. 241. 242. et Schol.

§. 377. Eodem linguae motu os hyoides, hinc epiglottis, larynx, et huic cohaerens pharynx anteriora versus trahuntur, ubi et reliqui muscoli pharyngis extenduntur, et ad sequentem contractionem stimulantur. Tendunt tunc cibi ex pondere et pressione linguae in viam apertam, nempe dilatatam pharyngem, vuulam retro versus narium meatum premunt, et epiglottidem claudunt. Durante hoc motu tonsillae et reliquae faucium glandulae comprimuntur, quae tunc fluidum salivae simile fundunt, quod cibos magis humectat, et ad ulteriorem resolutionem disponit.

§. 378. Musculi extensi iam contractionem exercent, sicque cibos ulterius mouent, hinc cum alia via haud pateat, in ventriculum protrudunt. Haecce descripta actio *deglutitio* appellatur.

SCHOLION.

Actiones hactenus expositae, per plurimos paruos absoluuntur musculos, quae sigillatim exponi et peculiaris actio cuiuslibet demonstrari possent. Ast cum ad hanc

hanc myologiae partem anatomicus requiratur versatissimus, et sine autopsia omnis descriptio obscura sit, actio horum musculorum in lectionibus anatomicis facilius ostendi potest quam physiologicis, quorum et lectorem ablegamus.

§. 379. Infantes recens nati dentibus carent, et maxillae gingivae molli obductae sunt, hinc duriores cibos vel plane non, vel saltem cum dolore masticare possunt, cum vero constitutio corporis tenelli, molles requirat cibos ad nutrimentum, defectus dentium haud nocet. Nutricum mammam quoque mordendo laedere haud possunt, hinc maxime proficua est haec dentium absentia. Senibus quidem defectus dentium perquam molestus esse videtur, sed cum cibi duras fibras iam rigidas magis reddant rigidiores, hinc hic defectus ad convenientem dietam illos obligat.

CAPITIS IX.

SECTIO III.

DE

POTULENTORVM ASSVMPTIONE.

§. 380. Potus si assumitur, duplex

V 3

insti-

instituitur actio, a) qua potus tanquam corpus fluidum per os versus fauces mouetur, b) qua ex faucibus ad ventriculum descendit. Vltima haec a ciborum deglutitione haud differt, ideo de prima tantum agendum erit.

§. 381. Quintuplici modo potulenta assumi possunt, nempe sorbillando, fugendo, bibendo ordinario modo, extremitatem vasis angusti totam ori immittendo, id quod Schrauben vocant, tandem infundendo fluidum riui adinstar in os apertum.

§. 382. Quando sorbillamus,

- 1) fluidum est inferius ore, et vas continens situm seruat horizontalem,
- 2) labium inferius constrictum et paulo remotum a gingiuis immediate tangit vas, in quo haeret fluidum,
- 3) Superius labium constringitur, et ita imponitur fluido, vt vix illud contingat, et sic tantum ex adhaesione monticulum efficiet,
- 4) lin-

- 4) linguam acuminatam ponimus intra dentes incisorios,
- 5) clausis naribus inspiramus, sic
- 6) aer externus irrumpens per angustam aperturam oris, fluidi quantitatem exiguam cum strepitu quodam secum rapit; hoc facto
- 7) labia contrahuntur, et fluidum in ore retinetur. Quodsi nunc lingua in parte superiore ad palatum apprimatur, partim pondere partim pressione ad pharyngem dilatatum fluit.

§. 383. Vfus forbillationis est vel impetus maior fluidi ad linguam irruentis, hinc gustus magis distinctus,* vel si fluidum est calidum, eius refrigeratio. Fit vero haec refrigeratio, 1) quatenus fluidum per motum vndulatorium maiorem acquirit superficiem, vbi in pluribus locis calor transire potest. 2) quatenus minor fluidi quantitas, quae parum ignis

V 4

con-

* Elem. phys. §. 235. n. 2.

continet, magnam superficiem linguae contingit, hinc in plurimis locis adhaereat.

§. 384. Suctio fit, quando labiis vel lingua cylindrum minorem vtrunque apertum, in fluidum quoddam immersum, vel tantum contiguum, circumdamus, dein pectore eleuato, et naribus clausis, resistantiam in ore imminuimus, vnde aer exterior vel fluidum immediate vel parietes vasis flexiles, in quo fluidum haeret, magis premit, quam in ore resistitur, ergo fluidum oris cauitatem intrare debet, quod dicto modo (382.) versus pharyngem pellitur.

§. 385. Ordinario modo bibitur, quando labium inferius vasi adaptatur, superius vero fluido immergitur; dein lingua versus dentes incisorios trahitur, vt totam cauitatem oris anteriorem repleat; post haec lingua retro trahitur, et sic spatium efficitur ab aere vacuum; vnde elater aeris exterioris fluidum labia cingens eousque in cauitatem oris pellit, vt totum spa-

tium vacuefactum sit repletum. Hac repletionem facta lingua versus anteriora trahitur, et fluidum versus pharyngem pellitur.

Ex his patet tres modos bibendi (382. 384. 385.) vnice dependere ab aere elastico fluidum in os impellente.

§. 386. Fluidum bibendum si haeret in vase, cuius orificium angustum est, et quod totum in cavitatem oris immittitur, vasque simul inuertitur, vt fluidum pondere suo in oris cavitatem ruere conetur, facile patet:

1) vas quasi esse barometron, hinc aerem externum 32 pedum circiter altitudine fluidum contentum sustentare posse, * et actu sustentare, nisi bullae quaedam aereae prius in fluido ascendant.

2) Si hae bullae adscendunt, elater aeris externi intrat in cavitatem vasis ab aere vacuum; ergo descendet portio quaedam fluidi in os, donec

V s pref-

* Elem. phys. §. 287.

pressio fluidi deorsum aequalis fit
pressioni aeris externi sursum.

3) quamdiu nares per velum palatinum clauduntur, et oris cavitas repleta est fluido, nullae ascendere possunt bullae aereae, ergo et fluidum per hiatum labiorum profluere haud potest.

4) Si denique lingua a palato recedit, pondere ruit versus fauces et deglutitur. Cessante fluido in ore bullae iterum adscendent, et idem fiet, quod (n. 3.) factum est, donec totum vas vacuefactum sit.

§. 387. Si fluidum per canalem angustum in os infunditur, fauces naresque retracta lingua clauduntur, quando vero tantum fluidi in ore continetur, quantum vna vice deglutiri potest, subito lingua a palato remouetur, simulque pharynx dilatatur; sic fluidum in crassiori columna ad fauces deferitur, et cito deglutitur. Totum ergo artificium eo redit, ut tantum deglutire queamus, quantum tempore repletionis ac deglutionis ex vase in os profluit.

CAPIT-

CAPITIS IX.

SECTIO III.

DE

DIGESTIONE,

§. 388. *Digestio* dicitur mutatio ciborum et potulentorum in ventriculo, ubi humoribus corporis humani magis assimilantur. Vocatur haec actio ab aliis *chymificatio*, et a veteribus *coctionis* vel *concoctionis* nomine indicatur.

§. 389. Organon, in quo *digestio* absoluitur, est ventriculus, igitur primum ad structuram ventriculi attendendum est, ut tunc pateat, quid conferat ad hanc mutationem.

§. 390. Si vas, cuius parietes flexiles sunt, et cuius altera extremitas est curvatura magna, altera parva, et cuius alter longitudinis terminus est fixus, alter mobilis, repleatur aere, vel aqua, semper sese ita incuruabit, ut terminus mobilis magis accedat ad immobilem. Magis hocce fiet, si curvatura magna magis quam parva exten-

tendatur. Cum igitur ventriculus habeat curvaturam magnam et parvam, parietes eius sint flexiles, orificium sinistrum sit superius, insuper cibi penetrantes in ventriculum pondere suo agant partim in curvaturam magnam, non vero in parvam, partim in partem lateralem inferiorem, hinc curvatura magna magis expandatur quam parva, non potest non, quin orificium dextrum ad sinistrum accedat, et adscendat; donec ab hepate impediatur et simul comprimatur.

§. 391. Ex ipsa igitur structura et situ ventriculi patet

1) ingesta in ventriculum non statim per pylorum prodire posse, partim quia notabilis pars caui ventriculi inferior pyloro est, partim quia pylorus adscendendo comprimitur. (390.)

2) multo minus hinc transitum ciborum per pylorum fieri posse, si cibi nondum fluidam vel pultiformem obtinere consistentiam, tum quia tunc pylorus magis dilatari debet,

bet, quod vero ob valuulam pylori difficulter fieri potest, tum quia cibi solidi pondere suo semper recedere conantur a pyloro.

§. 392. Ventriculus repletus etiam claudit orificium sinistrum *cardia* dictum. Dum enim ventriculus repletur, tenduntur fibrae ligamentum *HELVETII* constituentes, quae orificium circumdant, sicque *cardiam* claudunt. Constrictio haec eo fit maior, quanto maior est repletio.

SCHOLION.

Non ita assumenda haec thesis est, ac si omne orificium ita clausum esset, ut nihil plane permeare possit. Neutiquam; quod si enim nimium deuoratur, et aer magis comprimitur, et elasticus redditur, vi per oesophagum erumpit, vis elastica ructuum hinc maior est, quam constrictio per ligamentum *Heluetii*.

§. 393. Cum ventriculi tunica muscularis fibris quoque gaudeat circularibus, et ipse situm habeat obliquum; non possunt non istae fibrae
cir-

circulares, quae sunt inferiores, a ciborum pondere magis premi et extendi, quam superiores. Cum igitur muscoli extensi sese contrahant ex vitalitate, cibi contractis inferioribus fibris adscendent versus regionem superiorem, et superiores fibras extendent, cet. sic motus erit perpetuus ventriculi sursum, deorsum et lateraliter. Hic *motus peristalticus* nominatur.

§.394. Quidquid de digestionem cogitari potest, sunt:

- 1) vires mouentes,
- 2) modus mutationis,
- 3) qualitates assumptorum post digestionem peractam,
- 4) digestorum ex ventriculo transitus in intestina.

§.395. Vires mouentes sunt vel proximiores, i. e. quae absque tertio intermedio agunt in assumpta, et mutationem producant, vel remotiores, i. e. quae virium proximiorum actiones tantum augent.

§.396.

§. 396. Inter proximiores referenda sunt

- 1) ipsa assumpta, quatenus masticta et mollia (375.) penetrationi aliorum fluidorum non resistunt;
- 2) liquor ventriculi et saliva,
- 3) potulenta assumpta, et humidum ciborum proprium,
- 4) salia omnis generis in assumtis haerentia
- 5) aer assumtis inclusus,
- 6) partes igneae in ventriculo et assumtis latitantes.

§. 397. Vires remotiores sunt

- 1) calor ventriculi et partium adiacentium, dum motum partium ignearum assumptorum conseruant, vel etiam tribuunt.
- 2) pondus fluidorum in ventriculo,
- 3) motus ventriculi peristalticus.

§. 398. Mutatio ciborum in ventriculo tota in eo consistit, vt ingesta omni modo per fluida resoluantur, exacte misceantur et soluantur. Maxima vis resoluendi cibos tribuenda est

est fluidis ex ipso corpore defumtis, salivae nempe, liquori gastrico, et liquori ex glandulis faucium et oesophagi: sunt enim hi liquores salino-sulphureo-aquei, i.e. saponaceae naturae, (236.) ipsa aqua. specificè grauiores et cibis ex corpore animalium defumtis similes.* Cum sint saponaceae naturae, illorum intermedia, pinguedines et olea cum aquosis partibus sine subsequente praecipitatione misceri possunt. Positis tamen his omnibus lenta erit resolutio, nisi aliae vires concurrant, quae resolutionem celeriores reddunt.

§. 399. Particulae igneae ex parietibus ventriculi in assumpta transeunt adhaesione, quatenus haec illis minus calida sunt, quibus aliae ex sanguine ventriculo proprio, et contiguis visceribus succedunt.** Hae particulae igneae, quatenus in assumpta penetrant,

* El. phys. §. 234. 207. n. 3.

** ibid. §. 260.

netrant, harum partium cohaesionem imminuunt. * Aeris particularum maxima vis elater est, quo sese expandere conantur, quippe qui semper vi comprimenti aequalis est, ** hinc minimum tantus, quantum pondus aeris externi. Cum vero aeris partes corporibus inclusae etiam a pondere et cohaesione particularum corpus constituentium comprimantur, maior elater erit aeris corporibus inclusi, quam pondus aeris exterioris incumbentis ***. Quodsi nunc partes igneae penetrant in assumpta, aeris elater inter solidas ciborum partes haerentis augetur,* qui tunc ob minorem resistantiam sese expandit, partes ciborum cohaerentes extendit, actu disrumpit, porosque dilatat ita, vt menstrua soluentia penetrare possint. (398.)

§. 400.

* Elem. phys. §. 430.

** ibid. §. 297.

*** ibid. §. 113. 119. 235.

* ibid. §. 400. nr. 4. §. 401.

Elem. Physiol.

X

§. 400. Ad omnem solutionem sufficiens quantitas fluidi soluentis requiritur, necesse ergo est, ut potus ingeratur, qui ulterius diluat, quod menstrua (399) ob haud sufficientem quantitatem haud praestare possunt. Salia omnis generis et aromata fluida specificè reddunt grauiora, hinc vim penetrandi fluidorum augent, et sic quoque ad digestionem conferunt.

§. 401. Augentur hætenus expositae virium proximarum actiones per concursum virium remotarum, et quidem calor ambientium viscerum calorem ventriculi conseruat, et praestat quae dicta sunt (§. 399.). Pondus fluidorum ad penetrationem celeriore et suum confert symbolum, ex reactione enim assumptorum fit penetratio.

§. 402. Quam maximum autem effectum ad resolutionem et miscellam intimiorem praestat motus peristalticus ventriculi; omnes enim actiones, siue sint ex pondere, siue adhaesio-

haefione, five elatere aeris, maiores fiunt accedente motu externo. Effectus igitur motus peristaltici erunt

1) agitatio contentorum, qua non solum diuerfa fluida inter se promtius miscentur, sed etiam cibi masticati de loco in locum voluuntur, sibi inuicem miscentur, et sic resoluentia et resoluenda per totum ventriculum magis familia reduntur.

2) liquoris gastrici secretio copiosior, modo enim extenduntur parietes ventriculi, vbi liquor ex glandulis exprimitur, modo relaxantur, vbi glandulae euacuatae cito iterum replentur.

3) partium fluidarum et resolutarum separatio a non resolutis, sic enim fluidum resoluens et nondum resolutas partes aggredi et resolvere potest.

§. 403. Corpora ad cibos apta (364. 365.) sibi relictæ, sponte mutantur, si in loco calido et humido asseruan-

seruantur, putrescunt enim vel accescunt. Id vero in ventriculo haud fieri, experientia testatur, ratio latet in actione celeri, et perpetua dilutione per liquores accedentes.

§. 404. Tempus durationis digestionis geeratim illud est, vbi assumpta fluida acquiescere consistentiam, (398.) variat tamen illud, prouti qualitas est assumptorum. Quaecunque enim vel pulvisiformi consistentia sunt assumpta, breviori tempore a fluidis ventriculi ita resoluuntur et soluuntur, ut per pylorum transire queant. Quaecunque vero crassa, spissa ac duriora assumuntur, per longius tempus resolui debent. Imo si et molliores assumuntur cibi, si modo quantitas eorum iusto maior sit, etiam digestio retardatur; requiritur nempe ad digestionem

1) determinata portio liquorum solventium, (400) hinc relative defectus erit fluidi solventis, si magna copia assumptorum adest.

2) per

2) per nimiam expansionem ventriculi secretio liquoris gastrici imminuitur, hinc defectus augetur.

3) motus ventriculi peristalticus fieri nequit, (393) si nimium repletus est ventriculus, hinc penetratio fluidi non augetur. (402.)

§. 405. Tempus digestionis ergo in eodem subiecto haud quotidie idem esse potest, in diuersis quoque variabit, prouti vitae genus et menstruorum actiuitas variat: ut plurimum tamen digestio intra trium horarum spatium absoluitur.

§. 406. Fluidorum digestionem breuiori absolui tempore, quam solidorum, ex eo cognosci potest, quod vrina prima statim post prandium hora excernatur mutata et digesta.

§. 407. Cibi in ventriculo decenter digesti, pultiformem acquirunt consistentiam, albicantemque siue griseum colorem et sub his qualitatibus *chymi* obtinent nomen. Cum vero

hae qualitates, color nempe et consistentia sint effectus determinati, qui a causis in se quidem determinatis, quarum vero determinationes nobis sunt incognitae, quantitate et qualitate nempe commixtorum, et mixti porositate pendent, etiam harum determinatarum chymi qualitatum ratio dari nequit, sed vel simpliciter, tanquam a posteriori tantum cognitae sunt considerandae, vel a simili illustrandae. Docet enim experientia chemica, quoties aqueo - salinum cum pingui, oleo, vel sulphure non magno gradu resolutum miscetur, semper mixtum spissiore consistentiam ac albicantem acquirere colorem.

SCHOLION.

PITKARNIVS putavit miraculi loco habendam esse concoctionem, cum videmus ventriculum omnia concoquere, ipsum vero haud concoqui. Sed erroneo suae theses nituntur fundamento: putat enim vim ventriculi 2291. libris aequalem esse, quae maior est, quam cohaesio parietum ventriculi: putat per
affri-

affricum conteri cibos, qui affricus vero in fluidis corporibus haud locum habet.

§. 408. Fluida in ventriculo haerentia, itemque ab his fluidis resoluta ac soluta specificè reliquis sunt leuiora, hinc ut illis innatent necesse est. A pyloro igitur parum erunt remota, ergo statim transire possunt per intestinum duodenum. Vis primaria expellens est motus ventriculi peristalticus; quodsi enim fibrae musculares fundi ventriculi sese constringant, contenta voluuntur, versus pylorum premuntur, simulque pylorus a fibris longitudinalibus, circa curuaturam magnam haerentibus, paululum deorsum trahitur, et ab hepate remouetur et minorem acquirit resistantiam.

§. 409. Eodem modo ac fluida penetrant in intestinum duodenum, (408) etiam chymus penetrat; motus tamen hic non erit perpetuus, sed tantum per interualla proueniet; quodsi enim antagonistae agunt,
X 4 fibrae

fibrae nempe circulares circa curuaturam paruam positaе, pylorus eleuatur, hepatis apprimitur, clauditur, contentaque ventriculi versus fundum pelluntur.

§. 410. Motum chymi per pylorum ex parte promouet pondus fluidorum in ventriculo, si enim ventriculus ad summum est repletus, et in situ hominis erecto orificium sinistrum altius est ac dextrum, tendet fluidum ex pondere versus pylorum et illum aperiet.

Quodsi in dextro latere homo procumbit, ex pondere cibi agunt versus pylorum, sic quandoque non sufficienter digesta per pylorum motu peristaltico propelluntur.

§. 411. Actio musculorum abdominis et diaphragmatis etiam in tantum auget propulsionem, cum versus ventriculum agunt dictae partes, et reliquas vires integras conseruant.

§. 412. Quoties pars chymi prodiit, parietes ventriculi ob resistentiam

tiam imminutam sese contrahunt. Cum igitur fibra contracta minori vi sese contrahat, quam expansa, decrescet vna cum massa ciborum, hinc cum resistantia superanda, vis mouens et propellens cibos, hinc propulsio ciborum ex ventriculo nunquam acceleratur, sed lente semper procedit

§. 413. Postquam partes resolutae et solutae ex ventriculo exierunt, liquor ventriculi et saliuæ denuo secreta et deglutita aggredientur solida, quae in ventriculo adhuc continentur, et illa denuo resoluet et in fluidum mutabit, nisi ex natura resolutionem respuant, vt simili modo ex ventriculo pelli queant. Quamquam fibrae ventriculi musculosae, minimum in statu naturali, in tantum sese contrahere nequeunt, vt nullum ventriculi relinquatur cauum; totus tamen ventriculus eousque euacuari potest et debet, vt parietes eius oppositi, superior nempe et inferior, fiant contigui, semper enim a dia-

X 5

phrag-

phragmate, musculis abdominis et intestinis, colo praesertim, ab aere contento expansis, parietes ventriculi premuntur: cum igitur flexiles sint, nisi quid contineatur in ventriculo, non resistent, nisi sint contigui, adeoque ventriculus compressus.

SCHOLION.

Haecenus dicta de corporibus, quae resolui queunt, sint intelligenda. Si vero dura, lapides, metalla, vel ligna deglutiuntur, numquam mutantur, sed vel integra in ventriculo remanebunt, vel integra per pylorum pondere, vel ventriculo vacuo vi motus peristaltici transibunt.

CAPITIS IX.

SECTIO V.

DE

CHYLIFICATIONE

§. 414. Secunda concoctione nempe chymificatione peracta, fluidum tamen adhuc ineptum est, ut fluidum humani corporis exinde separari possit, hinc et tertia concoctio neces-

necessaria est, quae fit in intestinis, ubi chymus ulterius resolvitur, diluitur, et in liquorem album lacteum sub nomine *chyli* mutatur, ipsaque actio et concoctio *chylicationis* nomine venit.

§. 415. A ventriculo expanso premitur intestinum colon aere repletum; cedit ergo aer etiam versus dextram coli partem, quae cum ob valuulam coli aliorsum abire nequeat, vesiculam premet felleam, (325) quae dein per ductum cholidochum in intestinum duodenum fundet bilem amaram viscidam atque sulphuream, (301.) hinc saponem naturalem ex ipso corpore humano desumtum.

§. 416. Eodem modo, ventriculo nempe in motu peristaltico constituto, et a motu musculorum respirationi inferuentium, premitur per intervalla pancreas post ventriculum haerens, ergo liquorem ductui cholidochi infundet, (238) qui tamquam liquor salino-sulphureo-aqueus bilem visci-

viscidam diluit, et magis actiuam reddit.* Accedit ad hanc diluitionem liquor ex glandulis duodeni profluens, qui his miscetur liquoribus.

§. 417. Quamprimum chymus ex ventriculo in duodenum transfertur, vbi dicti humores haerent, (415. 416)

- 1) per menstruum homogeneum magis diluitur, (416)
- 2) pingues partes ob defectum vel actiuitatem menstrui non solutae, sed fusae tantum, per bilem admixtam soluuntur, et reliquis partibus miscentur.
- 3) magis fluidus redditur.
- 4) crescente fluiditatis gradu partes crassiores irresolubiles pondere ex fluido secedunt, hinc chylus depuratur.

§. 418. Colorem iam mutat chymus et saporem. Color redditur albus lacteus, id quod fit, vti ex analogia chi-

* Elem. phys. §. 237. n. 2.

chimica suspicari licet, cum fluido oleoso salino liquor aquosus miscetur. Dulcis vero sapor obtinetur, si mixtio fit acidi cum sulphureo. Chylus (414) hinc erit fluidum lacteum dulce.

§. 419. Breuiori tempore peragitur chylicatio quam digestio, nam

- 1) fluida resoluentia, bilis nempe cum succo pancreatico mixta, magis sunt actiua, quam humores in ventriculo.
- 2) Chymus in ventriculo iam resolutus est, et minorem cohaesionis gradum possidet, vnde facilior penetratio est quam in ventriculo.
- 3) quantitas fluidorum resoluentium maior est quam in ventriculo, accedit nimirum bilis cum liquore pancreatico.

§. 420. Intestini ieiuni superficies per rugas duplicis generis admodum inaequalis et magna est. Rugae primi generis sunt *valuulae* dictae *coniuentes*, quibus superficies triplo fere fit maior, ac pro longitudine ipsius inte-

intestini esse deberet. Rugae secundi generis *villi* ab anatomicis appellantur, quia nudis oculis tanquam filamenta breuia instar holoserici percipiuntur, si superficies intestini interna sub aqua haereat. Quodsi vero sub aqua haerens armato confideretur oculo, illud, quod nudis oculis filamentum erat, tanquam ruga cernitur: papillae quoque rugosae partim integrae, partim diuisae maiores minoresque tunc obseruantur, porique in rugis minimis cernuntur, vnde etiam substantia huius tunicae praecipue in intestino duodeno, a quibusdam spongiosa dicitur.*

§. 421. Tertia post cibum sumtum hora, obseruantur in corporum dissectis, vasa copiosa, inter intestini tunicas plurimis ramificationibus repentia, et chylo turgida, quae inter mesenterii membranas ad proximas glandulas tendunt, et *vasa lactea primi*

* WINSLOW Expos. Anat. Tom. III.
n. 114. et 129.

primi generis appellantur. Ex eo, quod haec vasa isto tempore, quo chylus haeret in ieiuno, sunt chylo repleta, dubitare haud licet, ortum horum vasorum lacteorum in tunica intestini villosa esse quaerendum, et speciatim poros in villis obseruatos esse primas horum vasorum aperturas.

§. 422. Chylus grauitate specifica leuior est ac intestina, hinc illis adhaerebit, et cum intestinum sit corpus porosum, (420) ex adhaesione penetrabit et illos replebit. *Valuulae coniuuentes* et papillae adhaesionem et penetrationem promouent, adhaesio enim cum fiat in superficie, superficies vero per valuulas fere in triplum, papillae autem fere in duplum, hinc coniunctim in sextuplum augetur.

§. 423. Primaria vis penetrans augetur per alias vires secundarias, nempe elaterem aeris intestina expandentem, motum peristalticum intestinorum, et pressionem per musculos abdominis factam.

§. 424.

§. 424. Vasa lactea abeunt ad mesenterium tum ex intestino duodeno, tum ex ileo, pauciora tamen pro ratione longitudinis ex ileo, quam ex duodeno, et pauciora ex duodeno, quam ex ieiuno. Quamquam enim maior relative chyli copia fit in duodeno, quam in ieiuno; non tamen omnis chylus in duodeno decenter praeparatus est, aut dilutus, nec omnes eius particulae ob copiam maiorem ad contactum cum intestino peruenire possunt, ad ileon vero intestinum nonnisi paucae chyli partes abeunt, ob nimiam eius in ieiuno absorptionem atque ipsius ieiuni longitudinem. *Dubitare quoque haud licet*, reperiri in quibusdam subiectis pauca admodum vasa lactea ex intestino colo orta*. Num vero in omnibus reperiantur hominibus, merito dubitatur.

§. 425. Quum maxima portio chyli in ieiuno absorbeatur intestino, reli-

* WINSLOW l. c. n. 218.

reliquum in ileo spissum erit, nisi dilueretur per liquidum ex glandulis ilei profluens; per hoc enim iterum adaptatur, vt commode transire possit in vasa lactea.

§. 426. Per hanc diuersam absorptionem heterogeneus fit chylus, qui iterum vniendus est, id quod fit in glandulis mesenterii. Mouetur enim teste experientia anatomica chylus per *vasa lactea primi generis* versus glandulas mesenterii ab intestinis parum distantes, per quas glandulas cum transiit, mouetur per alia pauciora sed ampliora *vasa lactea secundi generis* dicta ad alias pauciores glandulas: ex his demum per *vasa lactea, tertii generis* dicta, quae rursus ampliora sed pauciora fiunt, ad vas inaequalis amplitudinis inter vertebrae dorsi, arteriam magnam, et sinistrum diaphragmatis tendinem, sub *capsulae chyli Pequetianae* nomine haerens.

§. 427. In his glandulis mesenterii chylus haud simpliciter miscetur,

tur, sed illi additur ex glandulis liquor aqueus spirituosus (239), qui illum diluit et ad promptiorem miscellam cum sanguine aptum reddit.

SCHOLION.

Glandulae mesenterii satis inepte a quibusdam *glandulae* vocantur *percolantes*; qualis enim esse potest percolatio in vase, cuius aperturæ, pro exitu contenti, ampliores sunt, quam pro influxu eiusdem? Quin si percolatio fieret, residuum remanens obstructions efficeret irresolubiles.

§. 428. Vires chylum mouentes ad capsulam chyli sunt:

- 1) Adhaesio chyli in parietes vasorum lacteorum,
- 2) pressio vasorum lacteorum a contractione musculorum respirationi inferuentium
- 3) pulsatio arteriarum mesaraicarum vasis lacteis contiguarum
- 4) Elater vasorum lacteorum, cuius parietes semper cauum coarctare

ctare conantur. Ex hac sola causa chylus satis attenuatus, etiam post mortem cessantibus duabus prioribus causis per vasa lactea mouetur, cito enim in cane euanescit, nisi ductus ligetur thoracicus.

§. 429. Retrogressus chyli vero versus intestina impeditur, quia

a.) vasa lactea secundi generis capaciora vasis lacteis primi generis, et vasa lactea tertii generis ampliora vasis lacteis secundi generis existunt (§. 426.).

b.) vis pellens chylum ac determinans versus capsulam chyli, quae est actio chyli vel lymphae ex adhaesione in poros tunicae villosae est sufficiens (§. 428. no. 1.).

c.) vasa lactea copiosis valuulis sunt praedita.

§. 430. Ex capsula chyli pequetiana (§. 426.) chylus pellitur in ductum thoracicum, quippe qui est

continuatio capsulae dictae. Huius enim extremitas superior, dum sub pleura in cauitatem thoracis penetrat, angustior fit, et in canalem eiusdem texturae mutatur, quem ductum thoracicum appellare solent Anatomici. Est ergo hic *ductus thoracicus* canalis tenuis membranaceus, pluribus valvulis praeditus, qui inter Aortam et venam azygos, saepius supra eandem irregulari directione ad quintam vel quartam thoracis vertebra[m] adscendit, dein sub Aorta versus sinistram venam subclauiam pergit, eiusque parti posteriori inseritur. Locus insertionis membranula tegitur venae adnata, cuius apertura versus truncum venae spectat.

§. 431. Vires chylum ex capsula Pequetiana chyli (§. 426.) pellentes in ductum thoracicum sunt:

1) actio diaphragmatis, ab huius enim tendine sinistro tempore expirationis capsula dicta (§. 426.) comprimitur;

2) dia

- 2) diastole arteriae magnae;
- 3) elater capsulae chyli Pequetianae.

§. 432. Ex ductu thoracico (§. 430.) chylus abit in venam subclaviam, sinistram (§. cit.). Ad vires mouentes pertinent:

- 1) pulsatio arteriae magnae;
- 2) diastole aliquot arteriarum intercostalium;
- 3) oesophagus quatenus dilatatur;
- 4) elater ductus thoracici.

§. 433. Retrogressus chyli ex ductu thoracico in capsulam chyli (§. 426. 430.) impeditur praeprimis a valvula, quae in principio huius ductus reperitur, reliquae enim valvulae, quibus gaudet ductus thoracicus (§. 430.), pro ipso roborando potius sunt datae. Hinc quoque in fine cuiuslibet vasis lactei tertii generis et eorum lymphaticorum, quae capsulae Pequetianae proxime inferuntur, valvula vna videtur necessaria, ne chylus in capsula pressus per dicta vasa redeat (§. 426.).

§. 434. Dum vero chylus per capsulam chyli Pequetianam atque ductum thoracicum mouetur (§. 431. 432.), varias quoque mutationes simul patitur, mediantibus quibus magis magisque nostri corporis humoribus assimilatur. Diluitur nempe magis atque attenuatur. In capsula enim chyli lymphæ ex sanguine viscerum infimi ventris secreta cum chylo commiscetur, et ad ductum thoracicum lymphæ in pectore secreta deferuntur (§. 248. no. 4.); hinc, quia vires moventes chylum in capsula ac ductu sunt alternantes, chyli et lymphæ fit conuassatio, unde dicti effectus necessario consequuntur.

§. 435. Per chylum ex alimentis elaboratum fit restitutio partium amissarum (§. 333.). Miscela ergo eius cum sanguine erat absolute necessaria. Et hinc miscendus erat vel cum sanguine arterioso arteriæ subclauiae, vel cum sanguine venoso venæ subclauiae. Miscela chyli cum sanguine arterioso fieri non poterat, quia

1) im-

- 1) impetus in arteriis, quo sanguis constanter premitur, maior est tam impetu, quo chylus mouetur, quam resistentia, qua tenues ductus thoracici parietes gaudent.
- 2) non potest ante reditum ad cor cum sanguine aequaliter misceri.
- 3) sic ad quasdam corporis partes maiori, ad alias minori quantitate, ad alias nullus plane chylus peruenisset;

Miscendus ergo omnino erat chylus cum sanguine venoso. Et sic patet ratio, cur venae subclaviae inferendus erat ductus thoracicus.

§. 436. Est autem ingressus sanguinis ex vena subclauia sinistra in ductum thoracicum plane impossibilis, quia cum impetus, quo chylus agit, necessario impetu sanguinis in vena est maior, tum ductus thoracicus valvulis gaudet (§. 430.). Neutiquam ergo hic ingressus impeditur per istam valvulam, quae tegit aperturam ductus thoracici in vena subclauia. Ex situ

enim huius membranae, qui talis est, ut cum vena hiatus formet versus cor apertum, *Ill. Io. Ad. Wedelius** probauit, eam ingressum sanguinis in ductum thoracicum haut impedire.

CAPITIS IX.

S E C T I O VI.

D E

SANGVIFICATIONE.

§. 437. *Sanguificatio* est ista actio naturalis, qua ex globulis chyli cum sanguine mixtis fiunt globuli sanguinis.

§. 438. Chylus in vena subclauia sinistra miscetur cum sanguine ex sinistro brachio atque sinistra capitis parte refluxente, hinc nec cum omni, nec perfecte ob defectum virium agitantium et conquassantium. Quia vero parum semper chyli cum magna sanguinis quantitate commiscetur, hinc talis miscela promptior fieri potest. Quan-

* Progr. de valuula venae subclauiae ductui thoracico imposita.

Quando autem ad auriculam cordis dextram thalamumque cordis dextrum defertur, miscetur ibi cum sanguine ex toto corpore refluo, atque hinc magis exquisita fit mixtio. Tunc ex ventriculo dextro per arteriam pulmonalem abit ad pulmones, et sic cum sanguine per vasa pulmonum subtilissima transit. Ex pulmonibus dein ad cor sinistrum vna cum sanguine defertur, ex quo versus omnes corporis partes mittitur. Vnde apparet vires, per quas chylus cum sanguine violenter agitur et conquassatur, esse inprimis

- 1) systolen auricularum cordis
- 2) systolen ventriculorum cordis
- 3) systolen arteriarum.

§. 439. Quando nunc chylus per totum corpus vna cum sanguine voluitur, easdem experitur mutationes, quas sanguis. Separantur nempe tam ope motus progressiui quam intestini partes quaedam, quae antea vnitae erant, et contra vniuntur, quae ante

tea erant disiunctae, secernuntur quaedam partes, et quidem in diuersis visceribus diuersae, et miscentur rursus aliae subtiliores cum iisdem v. c. spiritus. Necessario ergo per has actiones partium tam vnitarum, quam separatarum fit pororum mutatio, quae si eo vsque est facta, vt omnes globuli coniunctim reflectant radios rubicundos, sanguificatio tunc est peracta.

SCHOLIION.

Plura de causa globulorum coloris rubicundi supra iam Cap. I. §. 15. fuere proposita,

§. 440. Ex dictis itaque (§. §. praec.) clarum est sanguificationem non fieri in vno corporis loco vel viscere, sed in toto corpore, in omnibus tamen partibus diuersae, licet specialissime determinari nequeat, quae sit mutatio in quolibet viscere facta.

CAPITIS IX.

SECTIO VII.

DE

*FECVM ET FLATVVM PRODV-
CTIONE ET EX CORPORE HV-
MANO EJECTIONE.*

§. 441. In nullo indiuiduo alimentorum omnes partes eo vsque resoluuntur, vt in vasa lactea penetrare possint. Remanent ergo semper quaedam ex his vna cum adhaerentibus partibus bilis viscidioribus aliisque aliorum humorum partibus in intestinis. In intestinis tenuibus dictae hae partes sunt fluidae, in duodeno enim atque ieiuno cum chylo, in ileo vero praeprimis cum fluido lymphatico, ex glandulis huius intestini secreto, sunt commixtae. Ope motus peristaltici ergo, quippe qui per totum intestinorum canalem aequaliter agit, ex intestinis tenuibus in crassa propelluntur intestina satis celeriter, et hinc nulla earum collectio in tenuibus potest fieri intestinis. Cognoscimus sic necessitatem intestinorum crassorum,

§. 442.

§. 442. Deuoluuntur itaque partes alimentorum dictae vna cum reliquis (§. praec.) post transitum per valvulam coli ad intestinum caecum, in quo quoad tempus subsistunt, donec plures successiue colligantur. Quodsi enim quaedam harum dictarum partium (§. cit.) ad hoc intestinum in principio perueniunt, tunc quidem a pondere illato stimularur, et hinc sese contrahit, pro ratione tamen ponderis stimulantis. Minori ergo pondere illato parum quoque sese contrahit, qua parua contractione contenta pauca non eleuantur, quia hoc intestinum satis amplum quidem est, minime vero repletum.

§. 443. Dietae ergo hae partes (§. 441.) quatenus quoad tempus in intestino caeco subsistunt, putrescunt, et hinc putrescendo magis resoluuntur et aër contentus magis magisque liberatur. Oritur hac ratione ex his partibus (§. cit.) materia spissa, mollis tamen et diuerse figurabilis, quam *Feces* appellare solemus.

§. 444.

§.444. Putredinem hanc (§. praec.) quam maxime adiuuant:

- 1) calor loci;
- 2) ipsa particularum ad putredinem dispositarum collectio;
- 3) liquor intestini caeci;
- 4) liquor processus vermiformis.

§. 445. Quamprimum intestinum caecum fecibus (§.443.) fatis est repletum, tunc ope fibrarum tam longitudinalium quam annularium actu sese contrahit, et feces sursum pellit in intestinum colon, retrogressus enim ex intestinis crassis in tenuia ob valuulam Bauhini praesentem est impeditus.

§. 446. Feces ex intestino caeco in intestinum colon delatae tam per motum musculorum abdominis, quam contractionem parietum cellularum intestini coli ex vna cellula in alteram propelluntur, et ne pondere retrocedant, partim ab ipsis valuulis conuiuentibus ligamentis adhaerentibus, partim a propria visciditate impediuntur,

pediuntur, usque dum in latus sinistrum deferantur, ibi valuulae et visciditas descensum retardant, pondus vero nec non aër, qui ex fecibus putrescentibus semper prodit, incumbens elasticus iuuant.

§. 447. Est ergo hic fecum per intestinum colon motus satis tardus (§. praec.). Et haec fecum in descensu retardatio a summo Numine ideo est data, ne minor fecum quantitas cum impetu versus partes inferiores ruens ante tempus intestina ad fecum expulsionem stimulet, sed etiam, ut pondus fecum aequaliter per colon distribuatur.

§. 448. Deferuntur ergo feces ex intestino colo ad intestinum rectum. Quando ad hoc peruenerunt, agunt in fibras huius intestini eas extendendo. Haecce extensio satis insignis esse potest ob rugas longitudinales, quas hoc intestinum habet*, antequam fibrae

* WINSLOW l.c. no. 175. 177.

brae ad contractionem violentam stimulantur. Quamprimum vero illa fit, tunc feces contentae tanquam corpus molle (§. 443.) ab omni parte comprimuntur, ex qua compressione quidem quaquauersus tendunt, et hinc tam sursum, quam deorsum, determinantur tamen deorsum et hinc versus anum, partim ob fecum pondus, partim ob contractionem coli, partim ob pressionem aëris in colo contenti, et sic per anum denique excluduntur.

§. 449. Verum quidem est, quod his dictis viribus, feces versus anum pellentibus (§. praec.) sphincteres anitae orbicularis quam cutaneus resistent, sed haec resistentia summae harum virium pellentium (§. cit.) non est aequalis. Sphincter enim orbicularis per se est debilis, et sphincteris cutanei fibrae, quae fere rectae, facile a minima vi magis lateraliter possunt expandi.

§. 450. Causae ergo, quae fecum propulsionem atque excretionem producant, sunt:

- 1) contractio coli (§. 447. 448.);
- 2) pondus fecum (§. 448.);
- 3) pressio aeris in colo contenti (§. 448.);
- 4) contractio diaphragmatis et musculorum abdominalium;
- 5) actio musculorum leuatorum ani;
- 6) constrictio intestini recti (§. 448.);
- 7) pondus aëris exterioris.

§. 451. Facilior vero fecum alui-
narum excretio redditur, partim

- 1) ob ipsam mollem fecum consistentiam, ob quam pressae cuilibet figurae sese accommodant, partim
- 2) ob lubricitatem recti intestini, quae producitur a muco ex glandulis huius intestini copiose prodeunte.

§. 452. Origo flatuum in intestinis haerentium est duplex. Altera
quae-

quaerenda est in ipsis adsumtis, altera in fecibus putrescentibus. (§.443.)

§.453. Ex adsumtis tam tempore chymificationis (§.399.) quam chyli-
ficationis (§.414.) multae aëris con-
tenti particulae liberantur. Hic aër
liberatus ex intestinis tenuibus in
crassa pellitur, a vasis enim lacteis ab-
sorberi non potest, partim quia cum
ipforum orificiis raro ad contactum
immediatum peruenit, partim quia
haec vis, qua ex adhaesione agit, ad-
modum est exigua, remanere vero
non potest, quia ex successiua ejus-
dem collectione ob incrementum ela-
sticitatis nimium intestinorum te-
nuium expansio iusto maior fieret.

§.454. Non potest quoque resi-
stentia intestinorum crassorum maior
transitum hunc aëris ex intestinis te-
nuibus in crassa difficiliorem reddere,
si modo elater aëris in intestinis te-
nuibus haerentis maior est elatere
aëris in intestinis crassis latitantis.
Fit vero elasticitas aëris in intestinis

tenuibus maior elasticitate aëris in intestinis crassis duplici modo :

- 1) quatenus quantitas aëris in tenuibus ex cibis adsumtis fit maior;
- 2) quatenus flatuum per anum fit expulsio.

§. 455. Hac ratione itaque (§. 453. 454.) flatus ex intestinis tenuibus in crassa propelluntur, ex quibus iterum ad tenuia redire nequeunt, quia omnis ex crassis in tenuia retrogressus per valuulam coli Bauhini arceatur. Ex his dein non solum hi, verum etiam isti, qui ex fecibus in intestinis crassis haerentibus fuere liberati (§. 452.), per anum excernuntur.

§. 456. Haec flatuum per anum propulsio (§. praec.) vel est coniuncta cum fecum excretionem, vel non. In priori casu flatus

- 1) vel primo prodeunt eosque feces sequuntur, quando nempe flatus iam haerent in intestino recto, antequam feces in hoc penetrarunt; vel

2) vna

2) vna cum fecibus excernuntur, quando nempe cum iis sunt commixti; vel

3) statim post feces ex ano exeunt.

§. 457. Flatus vna cum fecibus (§. praec. no. 2.) vel mox post fecum excretionem excernuntur (§. cit. n. 3.) quando vel intestinum rectum ab aëre est vacuum, dum feces ad id deuoluuntur, vel quando minor fecum quantus in intestinum rectum a flatibus expansum pellitur, ita vt aër iuxta feces descendentes ascendere queat. Quo vero modo flatus post feces erumpunt, eodem etiam sine fecibus per anum prodeunt (§. praec.), quamprimum ob copiam maiorem intestina crassa ad eum contractionis gradum stimulant, quo ani fit dilatatio.

§. 458. Causae flatuum eruptionem producentes conueniunt cum causis fecum excretionem ac propulsionem efficientibus (§. 450.). Notandum tamen simul est flatus ad sui eruptionem non tantam requirere vim pel-

Z 2

lentem

lentem seu intestinorum contractionem, quantam eam requirunt feces. Flatus enim ob elaterem anum simul expandunt, et minima quoque apertura ani pro flatuum eruptione sufficit.

§. 459. Ex his, quae hactenus fuere proposita (§. §. praec.), tandem quoque sequentia facile possunt intelligi, nempe:

- 1) cur partes ciborum, quae sufficienter haut potuerunt resolui, satis cito per intestina tenuia transeant?
- 2) cur intestina tenuia non sint proxime connexa cum ano?
- 3) cur intestina tenuia cum crassis ita sint connexa, ut ex his nihil in ista redire queat?
- 4) cur intestina crassa magis robusta et ampliora tenuibus?
- 5) cur intestina crassa magnis valvulis conuiuentibus sint praedita?
- 6) cur intestina crassa in principio adscendant?
- 7) cur figura intestini caeci sphaerica fuerit necessaria?
- 8) cur

8) cur processus vermiformis fit datus?

9) cur valuulae coniucentes intestini coli in principio eius sint latiores, quam in eius fine?

10) cur intestina crassa adeo longa?

11) cur eruptio flatuum saepe fit sonora.

12) cur mesenterium fit datum?

13) cur epiploon vel omentum datum?

14) unde color et foetor fecum alui-
narum?

CAPVT X.

DE

SENSIBVS EXTERNIS GENERATIM.

§. 460. Homo sibi est conscius, corpus suum tanquam suum agnoscit, et per hoc se suumque corpus a reliquis, in corpus suum agentibus, distinguit, id est adpercipit (per exper.). Hae dictae hominis actiones nequam ex natura corporis fluunt. Ne-

cesse ergo est, vt aliud homini ens in-
fit, cuius essentialis proprietas est ad-
percipere. Et hoc ens vocatur *anima*
humana.

§. 461. Sunt quaedam partes cor-
poris nostri externae in quas corpora
externa proxime agere queunt, et
quidem harum quaeuis peculiari gau-
det structura, qua cum diuersa corpo-
ra actionibus suis diuersis in eandem
partem structam, tum eadem corpora
actionibus suis iisdem in diuersas par-
tes structas, animae nostrae (§. 460.)
qualitas corporum actionibus conne-
xas repraesentare possunt. Pars talis
corporis ita structa audit *Organum*
Sensorium.

§. 462. Teste experientia quinque
eiusmodi sunt humani corporis orga-
na sensoria (§. praec.) et quidem *cutis*,
oculus, *auris*, *lingua* et *nares*.

§. 463. Mutatio quaeuis animae,
qua rebus variis se conformat, dicitur
perceptio. *Sensus externus* est facultas
animae percipiendi mutationes in or-
ganis

ganis sensoriiis, qua talibus factas, et ex his obiecta externa, quae mutationes inducunt, congruenter mutationi in organo productae: ipsa vero mutationis huius perceptio *sensatio audit externa**.

§. 464. Neruo ligato vel compresso sensus omnis in ista corporis humani aliorumque animalium maiorum parte, cui nervus ex cerebro, vel ex medulla spinali inseritur, perit (per exper.) Exinde sequitur:

- 1) nervos esse istas corporis humani partes, quarum statum mutatum anima percipit;
- 2) nervos tanquam corpora caua, hinc quatenus fluidum vehunt, quod spirituum animalium nomine venit, ad sensationes externas concurrere; id quod magnitudo quoque nervorum, ad organa sensoria (§. 461.) abeuntium, testatur;
- 3) non omnes organi sensorii (§. cit.) partes, quarum status per vires ex-

Z 4

ternas

* Cel. Reuschii System. Metaph. §. 317.

ternas mutatur, sensationem animae exhibere.

§. 465. Requiruntur ergo ad sensationem externam haec tria:

1) organum sensorium (§. 461. 462. 463) rite constitutum (§. praec. no. 1. 2.);

2) obiectum externum in organum sensorium vel mediate vel proxime agens (§. 463. 461.);

3) anima (§. 460.), quae actionem ab obiecto externo in organo sensorio productam percipit (§. 463.).

§. 466. Ex his dictis (§. §. praec.) apparet generalem sensationis modum sic posse concipi:

1) obiecta externa (§. praec. no. 2.) tanquam corpora in organa sensorium tanquam corpora (§. 461. 462.) alio modo agere nequeunt, nisi quatenus conantur partes nostri corporis pellere ex suo loco, hinc nervus ibi haerens premitur, ergo

2) parie-

2) parietes nerui, quia est cauum, cedunt et fluidum contentum, spiritus animales nempe, premunt; hi spiritus

3) sic preffi tendunt secundum directionem caui in neruo versus cerebrum, tanquam neruorum originem, ita quidem, vt

4) quilibet neruus pressus, producto spirituum motu, peculiare in cerebro afficiat punctum, quo fiente

5) anima spirituum hanc actionem in vltimo nerui puncto intra cerebrum percipit, et ex eo ad praesentiam corporis agentis qualitatesque actioni eius coniunctas concludit, teste experientia, tametsi nec locus cerebri, in quo anima percipit, nec modus, quo anima spirituum actionem cognoscit atque distinguit, certo ac distincte intelligitur.

§. 467. Simul quoque ex haecenus dictis (460 - 466.) sequentia consectaria facile deducere possumus:

Z 5

1) sen-

- 1) sensationem eo magis esse fortem
 - a) quo magis nerui spiritibus repleti:
 - b) quo maior actio obiecti externi in organum sensorium agentis: (§. 465. no. 2.)
 - c) quo magis nerui, qui premuntur ab obiecto externo (§. 465. no. 2.), sunt nudi:
 - d) quo plures nerui simul ab obiecto externo (§. 465. no. 2.) premuntur.
- 2) sensationem vel fieri nullam, vel admodum debilem, si nerui spiritibus decenter non sunt repleti;
- 3) neruorum parietes admodum tennes atque debiles esse debere;
- 4) nerui cauum debere esse angustissimum;
- 5) quo subtiliora sunt corpora percipienda, eo minus nerui aliis corporis nostri partibus, fluidum nerveum non vehentibus, tacti esse debent. Contra vero
- 6) in

6) in iis corporis nostri partibus, in quas magni corporum externorum fiunt impetus, nerui tanto magis corporibus aliis non sentientibus tecti esse debent, quanto maiores sunt impetus;

7) obiecta etiam a nostro corpore remota ab anima posse cognosci (§. 465. no. 2.).

§. 468. Modum, quo anima statum corporis humani mutatum, pro diuersitate actionis spirituum in neruis versus cerebrum, cognoscit, adhuc ignoramus. Hypotheses enim ab acutissimis Philosophis inuentae, influxus nempe physici, causarum occasionalium ac harmoniae praestabilitae multis adhuc premuntur difficultatibus. Nec quoque harum hypothesium explicatio hic est necessaria, quia anima non est medicinae obiectum.

CAPITIS XI.

DE

SENSIBVS EXTERNIS IN SPECIE

SECTIO I.

DE

TACTV, FAME AC SITI

§. 469. Perceptio earum actionum corporearum, quae fiunt a corporibus, in quamvis partem nostri corporis proxime agentibus, et quibus (actionibus nempe) corpus agens illi corporis parti, in quam actio fit, praesens iudicatur, *tactio* appellatur. Potentia autem actiones dicto modo percipiendi *tactus* seu *sensus tactus* audit.

§. 470. Sunt quidem generatim omnes corporis nostri partes molles et simul solidae organa tactus, interim tamen cutis in statu sano primum tactus est organon (§. 462.).

§. 471. Non tamen tota sentit cutis, sed praeprimis in hac dispersae *papillae cutaneae*, quae sunt molles nervorum eminentiae, quae sub cuticula ubique, lateraliter molli reticulari corpore

pore tectae, reperiuntur. Figurae admodum sunt diuersae, quemadmodum diligentia Anatomicorum recentiorum detexit*.

§. 472. Hae igitur papillae cutaneae (§. praec.) quando ab obiecto externo premuntur (§. 465. no. 2. 466.), spiritus premunt contentos, hi vero pressi agunt secundum directionem nerui ad cerebrum vsque, ex quo motu anima actionem hanc percipit atque ad praesentiam corporis agentis concludit (§. 469.).

§. 473. Percipimus vero ope tactus (§. 469.) non solum nullum non actionis corporeae genus, v. c. calorem, teporem, humiditatem, ficcitatem, pressionem, motum corporum etc. sed etiam eas corporum qualitates, quibus actiones corporum, vti fiunt in alia corpora, mutantur e. g. magnitudinem, figuram, duritiem, mollitiem, asperitatem etc.

§. 474.

* Cel. de Haller in Not. ad Boerhaau. T. III.
§. 418. a. p. 52.

§. 474. Ob duritiem vel grauitatem corporum, quorum actiones tactu percipimus (§. 470. 473.), nerui tactui in cute destinati, (§. 471.) nudi esse haut poterant, facile enim vel comprimerentur, vel rumperentur. Prius sensum tolleretur eo tempore, quo percipere volumus; alterum, antequam ruptio fiat, sensationem nobis tristem, quam *dolorem* appellare solent, efficeret. Hinc igitur cognoscimus, quare nerui tactui inferuientes

- 1) epidermide sint tecti?
- 2) in sulcis haereant?
- 3) situm habeant in sulcis erectum?
- 4) in corpore quodam reticulari posito cutim inter atque cuticulam haereant?

§. 475. Quia cum fames maiori gradu praesens abit in perceptionem, quam ad vnum omnes ad tactum (§. 470.) referunt, tum sitis gradus maior saepius tanquam ardor percipitur, hinc iure ad hancce doctrinam de tactu quoque referre possumus eam,

eam, quae agit de iis perceptionibus, quae famis ac fitis nomine veniunt.

§. 476. Subiectum famis est ventriculus. Et oritur haec, teste experientia, quando ultra consuetum tempus assumptionem ciborum differimus. Cognitis igitur iis, quae ex ciborum assumptione omissa sequuntur, cognita quoque erit fames eiusque causa.

§. 477. Effectus, qui ex ciborum assumptione omissa fluunt, praeprimis sunt sequentes:

- 1) imminutio quantitatis humorum;
- 2) minor omnium vasorum capacitas;
- 3) partium subtiliorum fluidarum consumptio;
- 4) partium crassiorum cum humoribus commixtorum incrementum;
- 5) visciditatis humorum augmentum;
- 6) humorum acrimonia;
- 7) motus humorum per vasa magis retardatus.

§. 478.

§. 478. In glandulis ventriculi discernitur menſtrum ſeu liquor ventriculi (§. 235.). Quando itaque ciborum aſſumptio fuit omiſſa, neceſſario ſtaſes in glandulis ventriculi euenire debent (§. praec. no. 2-7.). Staſi facta actio in vaſorum obſtructorum parietes fit maior, ſequitur ergo horum obſtructorum vaſculorum extenſio, adeoque non ſolum glandularum ventriculi fit intumeſcentia, ſed etiam ſimul neruorum, qui vel ipſis glandulis ventriculi ſunt inſerti, vel in tunica ventriculi neruea haerent, extenſio, vnde ſic prima perceptionis in ventriculo oritur cauſa. Huic accedit actio fluidi in glandulis his ſtagnantis viſcidi atque acris (§. praec. no. 5. 6.) ex adhaeſione, et hinc ſpecifice determinata quaedam actio in glandularum ventriculi neruos, adeoque ſpecifica quaedam perceptio oritur, quae adpellatur *fames*, cuius minor gradus, interdum cum imaginatione futurae gratae perceptionis iunctus, *adpetitus* audit.

§. 479. Differt ergo adpetitus ciborum a fame non nisi gradu (§. praec.), et hinc quoque causa adpetitus ciborum non nisi gradu minor a causa famis est diuersa.

§. 480. Ab acidis in ventriculo haerentibus crescit fames (per exper.). Inde fluit salia naturaliter in ventriculi menstruo contenta (§. 235.) ad acidorum salium accedere naturam.

§. 481. Cibis decenti quantitate assumptis euanescit iterum fames atque adpetitus, ob expansionem glandularum ventriculi perceptibilem (§. 478.) iterum cessantem. Nam partim liquor ex glandulis ventriculi in cibos solidos assumptos contingentes ex adhaesione transit; partim salia ex liquore in glandulis haerente in cibos, si sunt fluidi, tanquam ex fluido saturato in minus saturatum transeunt, vnde minor fit actio in glandulas; partim glandulae ventriculi ob extensionem parietum ventriculi magis comprimuntur, vt sic liquor in iis haerens magis exire cogatur; partim mo-

tus ventriculi peristalticus augmenta capit, qui simul liquorem ventriculi magis ex glandulis propellit; partim salia massae sanguineae post ciborum assumptionem temperantur, eiusque serum magis diluitur (§ 477.).

§. 482. Ex dictis ergo (§. 476-481.) patet:

1) famem esse ingratham perceptionis in ventriculo speciem, ex glandularum ventriculi irritatione atque extensione, a liquore viscido et subacido vel falso ad acidum tamen accedente, orto.

2) quare fames, minimum in principio, per intervalla affligat, hoc est, cur, si aliquamdiu fames duravit, sponte iterum cesset, licet nil ciborum sit adsumtum, et hoc modo bis vel ter iterum redeat et cesset?

3) quare fames maior esse soleat in hominibus, quorum vitae genus est laboriosum, quam qui vitae genus sedentarium amant?

4) quare fames maior in iis, qui parum bibunt, nulla vero vel admo-

admodum exigua in multum bibentibus ?

§. 483. Quando homo fanus diu potum omittit necessarium ac consuetum, tunc aliquid in ore atque faucibus percipit, quam perceptionem sitim appellamus. Est ergo *sitis* talis in ore, faucibus, interdum etiam ventriculo, perceptio, qualis ex omisso potu in fanis oriri solet hominibus.

§. 484. Saliua isto tempore, quando homo fanus diu potum omisit, magis est viscida, ita vt lingua saepe parietibus oris sensibilibiter adhaereat, interdumque sicca euadat (per exper.). Viscidum hoc tempore sitis in ore praesens maiori quidem gradu agit ex adhaesione in oris atque faucium membranam internam, verum quia viscidum in ore praesens esse potest absque siti, quando haec dicta membrana est humida, et viscidum in ore praesens cum siti esse potest, quando membrana haec oris atque faucium interna

A a 2

est

est sicca, actio potius, quae ex membrana oris exsiccata fit, non vero actio viscerum in dictam membranam erit ista actio, cuius perceptio sitis nominatur.

§. 485. Actio membranae siccae, qua sese a membranae humidae actione distinguit, est strictura maior, quae cohaesionem partium ex humidi leuioris absentia auctam sequitur. Strictura ergo membranae oris atque faucium internae est ista actio, cuius perceptionem sitim appellamus.

§. 486. Causa itaque sitis proxima est strictura oris atque faucium membranae internae (§. 484. 485.), et omnes istae causae sunt causae sitis mediatæ, quae stricturam membranae oris atque faucium internae producant.

§. 487. Istae ergo causae, quae siccitatem vel irritationem membranae oris atque faucium internae producant, erunt causae sitis mediatæ. Pertinent ad has omnes istae, quae defectum humidi blandi, salibus falsis vel alcali-

alcalicis non saturati, et ad motum per minima vascula apti, vel in ore tantum et faucibus, vel in toto corpore, inferunt.

§. 488. Ex his dictis simul (§. 483. seqq.) intelligitur:

1) cur sitim sentiamus

a) omisso potu necessario?

b) tempore illo, quo cibi assumi solent?

c) post cibum assumtum, si potus iusto minori quantitate sit assumtus?

d) post falsa vel alcalica alimenta assumta, nec non a fumo herbae nicotianae?

e) post motum corporis per aliquot horas continuatum?

f) post euacuationes lymphaticas copiosiores?

g) post somnum ore aperto?

h) post diu continuatam loquelam?

i) post ebrietatem praecipue a

cereuisia noctu vel etiam altero die subsequente mane?

k) calore maiore praesente vel externo vel interno?

l) quando membranae fortiter vel constanter tenduntur?

2) cur subacida fitim potius immi-
nuant quam augeant?

3) cur fitis etiam possit percipi tam
in oesophago, quam in ventriculo.

CAPVT XI.

DE

SENSIBVS EXTERNIS SPECIATIM.

SECTION II.

DE

GVS TV.

§. 489. Omne corpus, quod vel totum est salinum, vel suas particulas, quas habet, salinas non habet plane obductas particulis alius generis corporeis, si linguae adplicatur, statim in homine sano istam producit perceptionem, quam saporis vel gustus nomine ab aliis distinguimus.

§. 490.

§. 490. Salia ergo sunt ista corpora, quae linguae adplicata perceptionem istam excitant, quae saporis nomine insignitur (§. 489.). Quia autem salia sicca linguae imposita saporem non efficiunt (per exper.), sed tunc tantum, quando sunt soluta siue a nostra salivua, siue ab alio fluido, hinc salia saporem eatenus excitant, quatenus minimae eorum particulae, in fluido solutae, in linguam agunt.

§. 491. Haec actio salium in linguam, dum saporem exhibent (§. praec.), consistit vel in actione exponere, vel in vi quadam externa impellente seu premente, vel in adhaesione (per princ. physic.). Ex pondere salia, dum saporem efficiunt, non agunt, minimae enim sunt particulae a fluido solutae et agentes, hinc cum pondus maius salium nullum det saporem, multo minus minimarum particularum pondus sensibilem, eamque interdum satis vehementem, excitare poterit

A a 4

poterit perceptionem (§. praec.); Per vim externam impellentem vel prementem, quia talis non adest, actiones salium quoque non determinantur; Ergo salia saporem excitant, quatenus minimae eorum particulae, in fluido solutae, adhaerent linguae.

§. 492. Est ergo *sapor* seu *gustatio* ipsa perceptio actionis salium linguae adhaerentium (§. 491.); *sensus gustus* vero est potentia dictam salium adhaesionem percipiendi.

§. 493. Haec actio salium ex adhaesione in linguae superficiem et inde orta perceptio (§. 491. 492.) adaugetur :

- 1) per linguae superficiem superiorem per eminentias papillares inaequalem et maiorem factam;
- 2) per fluidum salia continens;
- 3) per gradum saturationis fluidi salini maiorem;
- 4) per linguae ad palatum appressionem.

§. 494. Lingua est organum gustus (§. 462.): quia vero nervi vnice sentiunt, hinc papillae linguae praecipuis sunt istae linguae partes, in quas salia, dum saporem exhibent, ex adhaesione agunt (§. 490-492.). Hae linguae papillae et magnitudinis et figurae ratione inter se quam maxime differunt teste Anatomia. Diuidimus eas, praecedente *Cel. Albino*,* in magnas, medias seu capitatas, minores, minimas atque degenerantes.

§. 495. Determinatur actio salium papillis linguae (§. 494.) adplicatorum in saporem:

- 1) per salium grauitatem specificam;
- 2) subtilitate salium forsitan et eorum figura;
- 3) grauitate specifica cuticulae linguae relatiue ad salia;
- 4) crassitie cuticulae linguae.

§. 496. Salia igitur linguae applicata in membranam papillarum lin-

A a 5

guae

* Lib. I. Academ. Annotat. p. 56. seq.

guae eminentium agunt (§. 491. 493. no. 1. 494. 495.) et hinc vel in vna tantum superficiei papillarum parte versus hanc agunt, vel totam cingunt papillam. In priori casu salia vel in superficie cuticulae papillarum subsistunt vel in eiusdem poros penetrant, ubi dein vel subsistunt, vel ad nervos usque penetrant; In ultimo casu salia quoque vel subsistunt in superficie cuticulae papillarum, vel penetrant in eiusdem poros, in quibus dein vel subsistunt, vel pergunt usque ad nervos et in hos immediate agunt.

§. 497. Dum salia in nudos linguae nostrae nervos immediate agunt, ardorem doloremque percipimus (per exper.), nullum vero saporem. Salia itaque saporem efficientia non agunt immediate in nervos linguae sentientes (§. 494. 496.).

§. 498. Nec quoque salia in omni saporis perceptione in poros cuticulae linguae penetrant, quia perceptio saporis tantum quasi est momentanea, sed

sed tunc tantum, quando salia, etiam post adplicationis tempus, saporem afficiunt (§. 496.).

§. 499. Ordinarius itaque sapor est tantum perceptio actionis salium in epidermidem linguae ex adhaesione, quia salia ordinarie, absque penetratione in poros cuticulae linguae, saporem producant (§. 496. 498.). In omni ergo sapore ordinario salia linguae adplicata vel

a) totam cingunt papillam eminentem et in superficie cuticulae papillae subsistunt, vel

b) totam papillam non cingunt, sed in vna tantum superficiei papillae parte versus hanc ex adhaesione agunt (§. 496.).

§. 500. Quilibet quidem modus ex recensitis, quando sapor est ordinarius, locum habere potest (§. praec. no. a. et b.), vltimus vero (§. praec. no. b.) tunc tantum locum obtinet, quando solutionis salinae quantitas,
lin-

linguae imposita, haut sufficit ad totam papillam lingualem cingendam.

§. 501. Vbi falia linguae adhaerentia totam ambiunt papillam et non penetrant in poros (§. 499. no. 1.), circulum, quem includunt, coarctare nituntur: Premitur ergo cuticula papillae neruum obtegens, haec quidem reagit, ex parte tamen interiora versus cedit, et sic neruum contentum premit. Actio igitur salium per intermediam cuticulam mutatur in actionem saporem producentem (§. 495. no. 4.).

§. 502. Dum autem falia saporem excitantia totamque papillam cingentia in poros cuticulae papillae penetrant (§. 498. 496.), tunc ex parte papillam conprimunt, ea nimirum, quae exterius tantum adhaerent, ex parte cohaesionis gradum in cuticula augent, quatenus nempe poros cuticulae replent, haec ergo sese contrahendo fibrillas nerueas contentas premit, et quidem maiori gradu, quam qui ex
fim-

simplici adhaesione absque penetratione in poros oriri potest. Et in hoc casu actio salium quoque per intermediam cuticulam mutatur in actionem saporem producentem (§. 495. no. 4.).

§. 503. In isto casu, vbi salia, saporem exhibentia, in vna tantum superficiei parte papillae simpliciter adhaerent (§. 499. no. b.), actio quoque fit istam in partem, haec reagit versus salia; ergo minus agit versus partes papillae loco contactus oppositas. Partes ergo cuticulae papillae in hoc loco opposito haerentes, ob resistantiam in loco actionis salium imminutam, agunt versus eum locum, cui salia adhaerent, hinc neruum intermedium premunt, et saporem excitant.

§. 504. Quodsi vero salia saporem excitantia totamque papillam non cingentia simul penetrant in poros cuticulae papillae ibi, vbi adhaerent (§. 496. 498. 500.) tunc, cuticula ibi, vbi penetrant, sese contrahit; area hinc coarctatur, et neruus contentus premitur.

§. 505.

§. 505. Ex dictis ergo cognoscimus (§. 496-504.) non salia, sed cuticulam linguae proxime agere in fibras nerueas intra papillas haerentes. Epidermis itaque multum sane ad saporis determinationem confert, prouti enim haec magis vel minus crassa, ita quoque idem sal gradu diuersum debet producere saporem.

§. 506. Ista quoque membrana quasi mucosa, quae in lingua humana, loco corporis reticularis animalium maiorum, v. g. boum, reperitur, haut parum ad saporis determinationem conferre potest, actio enim, quae fit intermedio tali corpore molli, in neruum, non potest non diuersa esse ab ea, quam cuticula linguae proxime in neruum exercere potest.

§. 507. Variare itaque omnino debet perceptio eiusdem salis agentis, prout vel in diuersis hominibus, vel in vno eodemque quidem homine, sed diuersa eius aetate constitutio, cuticulae linguae,

guae, et membranae mucosae fubiacentis itemque neruorum ac spirituum variat. Haut igitur mirandum varium esse diuerforum hominum de eodem sapido iudicium.

§. 508. Idem sal vero non solum diuersum potest efficere saporem (§. 507.), verum quoque diuersa salia diuersum producere debent saporem, prout grauitate specifica, magnitudine, figura inter se discrepant. Imo multum quoque ad saporum diuersitatem contribuit miscela salium cum particulis terrestribus, sulphureis aliisque.

§. 509. Haec saporis, quatenus ex salium diuersitate oritur, diuersitas, a priori determinari nequit, hinc quicquid distinguimus, id nobis sola experientia, exemplis tamen illustranda, est cognitum. Habemus hinc saporem acidum, alcalinum, salinum, rancidum, dulcem, amarum, vrinofum, aromaticum, foetidum, austerum dulcem, vinofum etc.

§. 510.

§. 510. Ex his, quae haecenus dicta sunt (§. §. praec.), nunc quoque patet:

- 1) cur sapor fortior sit in linguae apice quam in basi vel media eius parte?
- 2) cur saporis perceptio longe diutius duret in basi et media linguae parte, quam in apice?
- 3) cur eadem res sapida grata sit huic, quam alter tanquam ingrata auersatur?
- 4) cur magna organi gustatus cum organo tactus similitudo?

CAPVT XI.

DE

SENSIBVS EXTERNIS IN SPECIE.

SECTIO III.

DE

OLFACTV.

§. 511. Perceptio, saporis similis, quae intra nares fit, *odor* vel *olfactus* dicitur. Potentia vero intra nares similem

lem obtinendi perceptionem *sensus odoris* nuncupatur.

§. 512. Corpora ista, quae, naribus adplicata, odorem producant, sunt similia iis, quae in lingua saporem excitant, partim quia odor saporis est similis (§. praec.), partim quia corpora homogenea et tota euaporabilia ut acetum, sal alcali volatile etc. similem plane odorem et saporem exhibent (per exper.).

§. 513. Salia ergo sunt vnice ista corpora simplicia, quae ad nares delata odorem excitare possunt (§. praec. et 490.). Hinc quemadmodum idem sal diuersis iunctum corporibus diuerso linguam afficit sapore, sic et alia corpora, quamuis per se non sint odorabilia, odorem tamen, a salibus excitandum, diuerso modo et gradu determinare, id est varietatem odorum producere possunt.

§. 514. Salia haec odorem excitantia (§. praec.) in aëre, qui per inspirationem ad nares defertur, haerent,

minora ergo sunt iis salibus, quae ab aqua soluta saporem inferunt. Salia ergo, quatenus odorem afficiunt, sunt subtilissima. Cognoscitur quoque haec summa salium, odorem excitantium, subtilitas exinde, quia corpora, insigne aëris spatium vaporibus suis odorabilibus replentia, pondere sensibilibiter haut minuuntur.

§. 516. Organum olfactus sunt quidem nares (§. 462.), in primis vero membrana narium interna, quam in scholis anatomicis *membranam pituitariam Schneideri* appellare solent. Salia ergo in aëre haerentia odoremque excitantia (§. 513.) in hanc membranam pituitariam agere debent, quae actio vel est

- 1) actio cum motu, vel
- 2) actio ex pondere, vel
- 3) actio ex adhaesione.

Ex pondere (no. 1.) salia in naribus odorem excitantia agere non posse est manifestum, et hinc vel agunt ex adhaesione (no. 2.), vel eorum actio est actio

actio cum motu (no. i.). Actio cum motu omni in odore quidem adest, nam odoratissima in aëre haerentia exteriori odorem non praebent, nisi durante inspiratione aër externus per narium moueatur cavitates, verum haec salium odorem producentium actio cum motu nec est sola, nec praecipua, nam aër admodum oblique hinc et salia, quatenus mouentur, in parietes narium agere possunt, unde admodum debilis fit impetus: actio ergo salium in aëre haerentium atque odorem efficientium est adhaesio ad membranam ita dictam pituitariam Schneideri.

§. 517. Salia odorem excitantia in naribus ex adhaesione in membranam dictam (§. praec.) agere exinde etiam colligimus, quia salium saporem excitantium actio in adhaesione consistit (§. 491. seq.) ea, vero corpora, quae odorem dant, quoque sunt salia (§. 513.).

§. 518. Dantur vero praeterea aliae causae, quae salium odoriferorum actio-

nem in naribus adaugent (§. 516. 517.).
Hae sunt:

- 1) actio salium cum motu (§. 516.);
- 2) diuifio narium cauitatis in meatus angustiores, ita enim salia ad contactum quasi magis coguntur;
- 3) pinnarum nasi mobilitas atque curuatura offium turbinatorum, sic enim nullibi aër et salia contenta libere et absque impulsu ad parietes per nares transire poterant, quia vel a pinnarum motu versus narium parietes pelluntur, vel, in ipso itinere suo, curuaturas obiectas impellere coguntur;
- 4) humidum membranam pituitariam Schneideri obducens.

§. 519. Salia, quae in naribus odorem produciunt, sunt corpora subtilissima (§. 514.). Est itaque eorum actio, si singulas spectemus particulas, tam quatenus fit ex adhaesione (§. 516.), quam quatenus durante motu impellunt (§. 516. 518. no. I.), summe exigua. Summum igitur Numen actionem

nem hanc, in se admodum debilem, naribus sensibilem reddidit duplici modo:

- 1) quod non vna particula salina, sed salia copiosissima in perquam multis locis simul agant;
- 2) quod nerui ad membranam pituitariam abeuntes, qui nempe sunt a primo neruorum pari, ex parte etiam a quinto, fere nudi intra nares haereant.

§. 520. Multitudinem punctorum, in quae salia copiosissima simul agunt, (§. praec. n. i.) obtinuit Creator Summus:

- 1) diuidendo narium concavum in duos per septum narium ductus;
- 2) diuidendo quemlibet horum ductuum (no. i.) per tria ossa turbinata in quatuor alios meatus;
- 3) ossium turbinatorum superficiem augendo per peculiarem eorundem curvaturam.

§. 521. Nerui membranae pituitariae Schneideri haerent quidem intra

fibras huius membranae, quia tamen haec ipsa membrana, quatenus nervos tegit, admodum est tenuis, hi nervi fere tanquam nudi considerantur (§. 519. no. 1.).

§. 522. Notandum et hoc quoque simul est, quod salium odoriferorum actio (§. 516. 517.) tam per humidum membranam pituitariam obducens (§. 518. no. 4.), quam per crassitiem membranae pituitariae ad actionem in nostrum corpus specificè determinetur.

§. 523. Sinus ita dicti pituitarii quidem quoque ad narium concavum pertinent, quatenus in hoc patent, et ipsorum parietes interni membrana pituitaria etiam sunt obducti, nullus tamen odor in iis percipitur. Angustia enim orificiorum, quibus dicti sinus in reliquam narium cavitatem hiant, et quod iidem caeteroquin ubiuis clausi sunt, minime permittit, ut credamus, aërem alio tempore in has cavitates, aëre semper, quantum fieri potest, repletas, penetrare posse,

se, quam postquam pituita in iisdem collecta ex iis prodiit. Vti enim aër et salia odorifera nunquam in nares penetrant, nisi quando is, qui iam in iis est, ope inspirationis, versus fauces ac pulmones cedit; sic multo minus aër in hos sinus cum salibus penetrare poterit, cum contentus in iisdem aliorum cedere nequeat, nec, ob aperturarum angustiam, circulatorius aëris motus per has aperturas locum habeat.

§. 524. Proxime ergo hi sinus (§. praec.) nihil conferunt ad odorem: ad conseruandum tamen odoris sensum per longam aetatem sunt necessarii. Nam fluidum, quod in his sinibus secernitur (§. 240 - 242.) atque colligitur, dum pro varietate situs corporis humani modo ex his modo ex aliis defluit, membranam narium humectat, coalitum neruorum impedit, et sic sensum odoris conseruat. Per dictos enim sinus aër non mouetur, hinc etiam fluidum in iis secretum exsiccare nequit.

§. 525. Et sic nunc apparet, quare pituitae excretio per nares fieri debebat (§. 242.), nempe:

1) vt nerui membranae pituitariae a constrictione nimia defenderentur, quae oriretur ab aëris continuo motu per nares, humido enim ablato omnes fibrae elasticae, hinc et nerui atque membranae ambientes, sese constringunt, et hinc motum spirituum si non intercipiunt, factim impediunt;

2) ne animalia vel alia acria, sub funi forma in aëre haerentia, acrimonia sua nervos, sub leuissimo tegmine in naribus haerentes, destruant. Ne vero idem mucus copiose collectus salium debiliorum actionem in nervos susciperet, et omnem odoris sensum auferret, Deus ramum quinti paris atque sexti per nasum ad musculos intercostales duxit, vt pituita collecta ex pondere descendens, et cum membranae narium adhaereat, ex descensu et adhaesione simul nervos irritans, ipsa affluxum

fluxum spirituum versus musculos intercostales interiores subitaneum, horum atque musculorum abdominis contractionem simultaneam celerrimam, hinc impetuosum aëris per nares motum, sui que remotionem a membrana narium pituitaria produceret.

§. 526. Quin ex haftenus dictis (§. §. praec.) etiam responsio non est difficilis ad haec quaesita:

1) cur inspiratio ad odorem necessaria?

2) cur quantitas humidi membranam narium pituitariam obducentis ordinarie maior non fecernatur, quam quae per aëris motum per nares auferri potest?

3) cur tempore coryzae odor pereat?

4) cur idem sal in aëre haerens huic gratum, alteri ingratum praebeat odorem?

5) cur odore aceti bezoardici ad animi deliquium procliues conferuntur,

tur; et odore spiritus salis ammoniaci lipothymici et apoplectici saepe resuscitentur?

CAPVT XI.

DE

SENSIBVS EXTERNIS IN SPECIE

SECTIO IV.

DE

VISV.

§. 527. *Visus* est perceptio mutationis in oculis nostris ab obiectis, a corpore nostro remotis inducta, qua figuram situi obiectorum conformem et magnitudinem relatiuam eorundem potissimum distinguimus.

§. 528. Per visum obiecta percipimus remota (§. praec.) hinc cum nullum corpus remotum in alterum absque intermedio tertio agere, et nulla perceptio absque actione in nervos esse queat, sequitur, vt intermedium quoddam adsit, in quod proxime remota agunt corpora, et quod proxime in oculi nostri agit nervos.

§. 529.

§. 529. Organum Visus est oculus (§. 462. 527.), qui est corpus sphaeroidicum, ex membranis, humores pellucidos continentibus, compositum, quarum anterior miniscum pellucidum refert, et corneae nomen gerit.

§. 530. Tria igitur ad visionem concurrunt:

- 1) obiecta remota, quatenus in intermedium agere valent, id est, quatenus sunt visibilia;
- 2) obiectum intermedium, quatenus actionem, ab obiectis remotis impressam, ad nostrum continuare potest oculum;
- 3) oculus, quatenus ab intermedio isto mutatur.

§. 531. Et hinc, quia nihil videre possumus, nisi ope luminis (per exper.), ad omnem visionem (§. 527.) requiruntur:

- 1) obiectum visibile (§. 465. no. 2. 530. no. 1.);
- 2) lumen, quod est actio particularum ignearum in linea continua
per

per poros aliorum corporum in oculi interiora agentium, quatenus ab aliis corporibus oculum versus determinatur;

3) oculus sanus (§. 465. no. 1. 530. no. 3.).

Duo priora ad Physicum pertinent, tertium a Medico, cui structura oculi ex anatomia est nota, exponitur.

SCHOLION.

Nimis longa foret haec de visu doctrina, si omnia ea, quae ex physica et anatomia hic adferri debent, prius essent exponenda. Tanquam cognita ergo ea, quae ad physicam et anatomiam pertinent, hic supponimus, adeoque nomina eorum, absque ulteriori expositione adhibemus, vel historice tantum, absque probatione, referimus.

§. 532. Ex physicis ergo supponimus:

1) corpora, quae lumen versus oculum determinant, vel istas igneas partes ex se dimittere, et tunc lucis,

cis, aut corporum lucidorum acquirere nomen, vel easdem aliunde acquirere, et tunc, si reflectendo versus oculum determinent, dici luminosa et esse opaca, sin autem transmittendo lumen per suos poros ad huius perceptionem concurrant, dici pellucida.

2) directionem luminis, quousque in homogeneo, ratione grauitatis specificae seu densitatis, corpore haeret, esse lineam rectam.

3) eandem rectam non mutari licet ex homogeneo in aliud a priori grauitate specifica diuersum et contiguous continuetur, modo directio intra homogeneum sit quoque ad superficiem, per quam actio continuatur, perpendicularis.

4) mutari luminis directionem vero, si actio ex homogeneo in heterogeneum oblique fiat.

5) mutationem directionis dici refractionem, et

6) seriem

- 6) seriem particularum ignearum in linea continua, siue recta, siue fracta, siue curua, ita agentium, vt visum producere queant, adpellari radium luminis vel lucis.
- 7) radium frangi ad perpendiculum, quoties ex minus denso pellucido seu minus specificè grauiori in magis densum seu specificè grauius transit, contra vero
- 8) eundem frangi a perpendiculo, quotius ex magis denso in minus densum transit.
- 9) gradum refractionis tanto maiorem esse, quanto magis corpora, ex quorum vno in alterum fit transitus, grauitate specifica variant. Contra vero
- 10) tanto minorem esse, quo minus corpora, ex quorum vno in alterum transit, grauitate specifica sunt diuersa.
- 11) constantem esse rationem inter sinum anguli inclinationis et sinum anguli

anguli refractionis, quousque eorum corporum, ex quorum vno in alterum transit, densitatum ratio manet eadem.

12) inuersam tamen esse rationem eorundem sinuum, quando radius ex magis denso corpore in minus densum abit, quam est, dum ex eodem minus denso in idem magis densum mouetur.

13) celeritatem luminis semper maiorem esse in corpore magis denso, quam in minus denso.

14) omne visibile corporis punctum radios innumeros quaquauerfus spargere, hinc radios ex eodem puncto abeuntes esse lineas diuariantes.

15) radios parallelos per lentem pelucidam vtrinque conuexam transientes omnes post lentem vniri in vnum punctum, cuius distantia a lente ex diametro quidem istius sphaerae mensuratur, cuius lens pars esse intelligitur, variat tamen
pro

pro diuersa lentis grauitate specifica; ita quidem, vt tanto maior sit, quanto minor est lentis densitas. Si lens sit vitrea vtrunque aequaliter conuexa, distantia puncti vnionis radiorum parallelorum (quod focum appellant) a lente, semidiametro sphaerae est aequalis.

16) omnes radios ex vno puncto radiante venientes, et per lentem pelucidam vtrunque conuexam transientes, vniri rursus post lentem, ope duplicis refractionis, in vnum punctum, cuius distantia a lente maior est eius puncti distantia, in quo paralleli vniuntur radii (no. 15.), si radiantis puncti distantia a lente itidem maior est istius puncti distantia, in quo paralleli radii post lentem vniuntur. Ita tamen, vt foci distantia decrescat, quando puncti radiantis distantia crescit.

17) ex hac proprietate lentium est, quod lentes imaginem parua et nitida pingant omnium obiectorum

rum lucidorum vel luminosoform, ea quidem lege, vt

a) lens semper haereat inter imaginem et obiectum,

b) imago semper habeat situm inuersum relatiue ad obiectum, itemque

c) maior fit et magis distet a lente, si distantia obiecti a lente minor est; et contra

d) minor fit imago et minus distet a lente, si obiectum magis a lente sit remotum, ita tamen, vt

e) magnitudo imaginis distantiae obiecti eiusdem proportionate quidem, ratione tamen inuersa, variet;

f) distantia vero imaginis a lente parum admodum variet, quamuis obiecti distantia ab eadem insigniter crescat, vel decrescat, eo casu excepto, quo distantia obiecti paululum tantum distantia foci (§. no. 15.) maior est; tunc enim insigniter variat ima-

ginis distantia a lente, paululum quamuis variante obiecti distantia;

18) obiecta aequaliter remota a lente pingere imagines magnitudini obiectorum proportionatas;

19) nullum colorem obiectis inesse, sed omnem colorem, quem rebus tribuimus, esse perceptionem certi cuiusdam generis radiorum, quorum vis insita, peculiari et a nostris nervis distinguendo, gradu est determinata.

20) finum anguli inclinationis ad finum anguli refractionis esse, quando radius ex aëre mouetur in aquam, vt 4 ad 3, et quando ex aqua in aërem transit, vt 3 ad 4. Quodsi vero

21) radius ex aëre in vitrum abit, esse finum anguli inclinationis ad finum anguli refractionis secundum Keplerum vt 3 ad 2, secundum Newtonum vero vt 17, ad 11 et quando ex vitro in aërem transit, vt 2 ad 3, vel vt 11 ad 17.

§. 533. Radii igitur lucis *ac* et *ae* ex ^{Tab. II.} vno puncto radiante *a* venientes et ^{Fig. I.} oblique incidentes in corneam *df* pellucidam atque sphaericam franguntur in huius corneae superficie exteriori ad perpendicularum *oc* et *oe* (§. 532. no. 7.) secundum proportionem radiorum ex aëre in aquam incidentium et refractorum (§. cit. no. 20.), vnde, si puncti radiantis *a* distantia ab oculo sit tanta, vt illi radii physice pro parallelis haberi queant, fiunt conuergentes.

§. 534. Hi dicti radii *ac* et *ae* (§. praec.) talem directionem, qualem in superficie corneae *dce* obtinuere, per totam corneam seruant, ob densitatem, qua gaudet, homogineam. Quando vero iidem ex interiore corneae superficie *bk* prodeunt, tunc in humorem aqueum transeunt, vbi parum eam, quam intra corneam habebant, mutant directionem, quia humor aqueus parum tantum grauitate specifica, et hinc etiam parum densitate minor est quam cornea. Manent ergo radii *ac* et *ae* ex vno puncto ra-

diante *a* fatis remoto venientes, conuergentes. Et sic fit, vt plures per pupillam vueae transmitti queant.

§. 535. Hanc directionem, quam dicti radii (§. 533.) in punctis *r* et *k* obtinent, seruant per totum humorem aqueum, vsque dum humorem crystallinum contingant, ad quem magis concentrati sic venientes franguntur ad perpendiculum (§. 532. no. 7.) et quidem secundum proportionem radiorum ex aqua in vitrum ingredientium, adeoque magis fiunt conuergentes, partim ob nouam crystallini humoris curuaturam, partim ob densitatem, qua aqueum superat. *Robinsonus* enim pondus specificum lentis crystallinae ad aquam vti 10 ad 9 deprehendit. *

§. 536. Hi radii ita concentrati (§. praec.) dein ex humore crystallino abeunt in vitreum, quia vero admodum exigua differentia intercedit inter densitatem humoris crystallini atque

* *Cel. Muschenbroeck Elem. Phys. p. m. 402.*

atque vitrei *, hinc mutatio directionis horum radiorum, dum ex lente crystallina in humorem vitreum abeunt, inter vix sensibilia merito refertur.

§. 537. Quodsi nunc hi dicti radii (§§. praec.) ex humore vitreo exeuntes ad tunicam retinam veniunt, quippe quae quoad suam internam superficiem humori vitreo maxime est contigua, tunc uniantur. Locus ergo unionis radiorum, ex vno puncto radiante abeuntium, est retina. Nam radii ex vno puncto radiante abeuntes sunt diuaricantes, adeoque millies in oculo eandem perceptionem excitarent, nisi in vnum colligerentur punctum, nos vero vnicum obiecti punctum tanquam vnicum tantum percipimus, et nulla in nostro corpore fit perceptio, nisi quatenus agitur in neruum nostri corporis viuentis, hinc ergo consequitur, vt punctum istud, in quo radii ex vnico puncto orti colliguntur,

C c 3

quia

* Cel. Muschenbroeck l. c. p. n. 403.

quia illud punctum sensu visus cognoscimus, agat in tunicam retinam, proximior enim huic puncto neruus non adest.

§. 538. Quemadmodum itaque radii ex vno radiante puncto per lentem in vnum, et ex diuersis punctis abeuntes in diuersa puncta vniti post lentem pingunt superficiei, ex qua abeunt, imaginem (§. 532. no. 17.); ita et radii obiectorum ex diuersis adductis causis (§. 533 - 537.) ita vniti, vt ex eodem puncto orti in vnum, et ex diuersis orti in diuersa retinae puncta colligantur, necessario superficierum, ex quibus orti sunt imaginem in tunica retina pingunt.

§. 539. Est quidem imago haec supra retinam picta minima et inuersa, nitidissima tamen (§. 537. n. 17.). Et haec sola agit in tunicam retinam. Hinc cum haec nil sit nisi expansio nerui optici, motus excitatur spirituum animalium ab imagine et sic perceptio imaginis in anima excitatur. Consequenter
imago

imago haec picta norma est, secundum quam de praesentia, et qualitatibus visu cognoscendis, obiectorum radios oculum versus determinantium, iudicamus.

§. 540. Haec dicta (§ §. praec.) simul declarant, cur generatim collectio radiorum in vnum retinae punctum sit necessaria? Nimirum ut radii vim sufficientem tam ex copia quam ex celeritate per refractionem obtenta (§. 532. no. 13.), ad spiritus in tunica retina mouendos acquirerent. Et ob hanc rationem simul tunica retina est mera cerebri medulla in sua superficie interna, seu nudus nervus nulla sensibili membrana tectus.

§. 541. Radii ergo obiectorum, qui pingunt imaginem super retinam, sunt isti tantum, qui per humorem crystallinum atque vitreum, et hinc qui per pupillam transeunt (§ §. praec.). Hinc porro sequitur, ut non omnes radii, qui per corneam atque humorem aqueum transeunt, imaginem su-

per retinam forment, isti enim radii, qui ex humore aqueo incidunt, in partem vueae coloratam seu iridem ad retinam non veniunt, sed partim absorbentur, partim reperiuntur ab iride, et sic iterum ex oculo exeunt. Ope horum enim iridem eiusque colores conspiciamus.

§. 542. Liquido apparet ex hactenus expositis (§. 533. seqq.) lentem crystallinam parum ad formationem imaginis supra retinam conferre, dum primaria, pro vnione radiorum ex eodem puncto radiante abeuntium, refractione in cornea, et dein quidem in anteriori humoris crystallini fit superficie; quia vero, si humor vitreus in anteriore superficie locum et figuram lentis haberet crystallinae ob densitatem fere eandem (§. 536.) eadem refractione, hinc vnio quoque eadem radiorum fieri deberet, similis quoque imago pingeretur, tametsi lens crystallina abest, modo vitreus eius suppleat locum. Ipsa quoque experientia hanc quoque confirmat nostram sententiam, cataracta enim, quae

quae in operatione chirurgica depri-
mitur, in plerisque subiectis est humor
cristallinus opacatus, hoc vero de-
presso et vitreo in eius succedente lo-
cum, visus restituitur.

§. 543. Et hinc lens cristallina non
ad ipsam visus possibilitatem, sed tan-
tum ad maiorem visus perfectionem
est necessaria. Experientia enim te-
statur, visum quidem, non vero gra-
dum visionis perfectum, cataractae
depositione restitui.

§. 544. Vt itaque tota de modo
visionis doctrina fiat satis completa,
sequentia praeprimis adhuc a nobis
sunt exponenda:

1) cur obiecta extra nos diiudicemus,
cum tamen imago sit intra nostrum
oculum?

2) cur, cum in utroque oculo eius-
dem obiecti imago depingatur, ani-
ma nostra tamen vnam percipiat?

3) cur obiecta in situ videamus ere-
cto, cum tamen imago obiectorum

externorum supra retinam inuerse pingatur?

4) cur obiectorum insignis magnitudo cognoscatur, cum tamen imago, super retinam efformata, sit parua?

5) cur visu distinguere possimus, num obiectum radians sit remotum vel vicinum, cum tamen omnes imaginis partes nobis aequae sint proximae?

6) quaenam sint necessaria, ut obiecta satis distincte possint conspici?

7) quaenam sint ea, quae potissimum per imaginem super retinam nostram pictam in rebus distinguamus?

§. 545. Ad primum quod attinet (§. 544. no. 1.), ex doctrina generali de sensatione patet, animam nostram nullius plane obiecti agentis locum, ne quidem si proxime agat in corpus nostrum, percipiendo cognoscere posse, quia neruorum distributio per nostrum

nostrum corpus ipsi naturaliter est incognita, hinc omnem loci, obiecti agentis cognitionem obtineri iudicando, hoc vero iudicium ex combinatione duarum minimum perceptionum vnius eiusdemque quidem obiecti, sed diuersis organis sensoriis formari, donec tandem, frequenti huius iudicii repetitione, eum obtineamus habitum, vt partem nostri corporis vnica tantum affectam perceptione, comparando nempe eandem cum prioribus, in eodem neruo factis perceptionibus, cognoscamus. Et hic habitus non nisi per plurimum annorum spatium obtinetur.

§. 546. Cum igitur imaginem rerum externarum in retina depictam nullo alio sensu percipere queamus, nemo quoque, nisi aliis experimentis doctus, intelligit, se oculis videre, et intra oculos quandam fieri obiectis externis conformem mutationem. Discit vero mens iudicare ea, quae ope oculorum cognoscimus, extra corpus nostrum haerere, quando saepe obseruauit:

1) nihil

- 1) nihil videri, si manibus oculos tegamus, vel palpebras claudamus;
- 2) corpore proprio commoto rem visu antea perceptam saepe non ulterius percipi;
- 3) corpore proprio non commoto, moueri tamen interdum, quae visu percipiuntur;
- 4) corporum vicinorum, quae manu arripi queunt, eandem esse figuram tactu atque oculis cognitam.

§. 547. Linea a puncto radiante per mediam pupillam, ad locum, vbi imago percipitur maxime distincta, vel etiam a medio obiecto radiante ad medium imaginis distinctae ducta, dicitur *axis visionis*. Axes ergo visionis vtriusque oculi semper, si distincte videamus, extra oculum in puncto concurrunt radiante.

§. 548. Quoties obiectum visu percipimus, toties extra nos hoc iudicare debemus (§. 546.), hinc, secundum vniuersalem naturae regulam haerere illud

lud in via breuissima, id est, in linea recta, quae ex puncto imaginis per pupillam duci potest: talis linea recta vero audit axis visionis (§. 546.); dum igitur obiectum percipimus visu, semper in axi visionis haerere hoc iudicamus.

§. 549. Ex his nunc facile deducere possumus (§. 547. 548.), cur mens vnam tantum imaginem percipiat, cum tamen in utroque oculo eiusdem obiecti imago depingatur (§. 545. no. 2.). Ratio nempe haec est: axes visionis (§. 547.) necessario in vno loco extra oculum concurrunt, hinc sequitur, ut quilibet homo rem utroque oculo perceptam, quatenus eandem extra se iudicat, in vno loco iudicet, in loco nempe concursus axium visionis vtriusque oculi. In vno igitur loco cum duo corpora sibi simillima simul praesentia iudicare nequeat, vnum tantum se videre iudicabit obiectum, quanquam ex duabus imaginibus, in utroque oculo depictis, idem diiudicet et agnoscat.

§. 550.

§. 550. Veritatem dictorum (§. praec.) sequentia quoque adhuc magis corroborant:

- 1) quod duo diuersa obiecta in diuersis locis haerentia in vno videamus loco, si vnum eorum haereat in axi visionis vnius, alterum in axi visionis alterius oculi (§. 547.): quia enim hi axes in vno loco extra oculum concurrunt, etiam obiecta, intra dictos axes haerentia, non nisi in vno loco videri possunt;
- 2) quod idem obiectum bis adpareat, quoties vel vnus vel vterque oculus, pro consuetudine ea, qua axin visionis versus vnum extra nos positum punctum dirigere solemus, dirigi nequit, quemadmodum v. c. fit in ebrietate, in terrore panico etc.
- 3) quod pueri, quando strabones imitantur, obiecta videant duplicia.

SCHOLION I.

Quidam satis celebres Philosophi rationem huius phaenomeni (§. 549.) in coalitu neruorum duorum opticorum in vnum quae-

quaerunt, sed minus accurate, nam α) talis coalitus neruorum est contra consuetam neruorum indolem, β) phaenomeni huius explicatio tali hypothese plane non iuuatur.

SCHOLION. II.

Summum igitur Numen duos nobis dedit oculos eum in finem, vt partim de distantia obiectorum visibilium vicinorum eo melius iudicare possimus, partim vt visio fiat satis distincta, nec tamen nimis vehemens, partim vt elegantia maior ex faciei eurhythmia conciliaretur.

§. 551. Cum anima obiecta extra oculum in axi visionis (§. 547.) posita iudicet, axis vero visionis ab inferiori interna oculi superficie per pupillam duci nequeat, quin tendat versus superiora extra oculum, et contra, itemque a dextra oculi superficie interna axis per pupillam duci nequeat, quin extra oculum sinistrorsum tendat, anima quoque ex imagine ad locum obiecti aliter, quam inuerse, ratione situs, iudicare haut potest.

potest. Valet autem hoc de anima iudicante tantum, neutiquam de percipiente, probabile enim est infantes, quicquid vident, intra se et inuerse videre. Et sic patet resolutio problematis propositi (§. 544. no. 3.)

§. 552. Sequitur nunc, ut ostendamus quoque, cur obiectorum insignis magnitudo cognoscatur, cum tamen imago super retinam efformata sit parua (§. 544. no. 4.)? Nimirum anima ipsius in oculo haerentis imaginis non est conscia, sed locum puncti radiantis in axi visionis iudicat extra oculum (§. 548.), axes vero ex diuersis imaginis punctis ducti, quia in pupilla concurrunt, extra oculum sunt lineae diuariantes, quarum distantia una cum longitudine crescit, hinc anima de magnitudine obiectorum, visu perceptorum, quoque aliter iudicare nequit, quam vel adparenter tantum, vel ex adparente magnitudine et distantia simul ad veram magnitudinem concludendo. Nunquam igitur obiecta imagini iudicat aequalia, quia omne
de

de magnitudine iudicium comparativum est, ipsa vero obiecta non percipit et imaginem adesse nescit, hinc nec comparisonem inter haec instituere potest.

SCHOLION.

Sub magnitudine adparente intelligimus eam, quam iudicando vnice ex imagine cognoscimus, seu quam talem enunciamus, qualem percipimus.

§. 553. Metimur hanc magnitudinem obiectorum adparentem (§. praec. et Schol.) angulo quodam, quem in scholis physicis angulum visorium appellare solent. Et hic est talis angulus, quem radii lucis ab extremis obiecti punctis ad oculum delati efformant.

§. 554. Prouti ergo variat magnitudo anguli visorii, sub quo obiectum conspiciamus, ita etiam variat magnitudo obiecti adparens. Cum igitur hic angulus visorius (§. praec.) fit eo minor, quo remotius obiectum est ab oculo, hinc semper eo minus appare-

bit, quo ab oculo fuit remotius. Vnicum ergo idemque obiectum sub maiori apparet magnitudine, quando parum ab oculo distat, sub tanto vero minori, quanto magis ab oculo recedit.

§. 555. Ex his dictis (§. 553. 554.) etiam sequitur, vt:

- 1) quae sub aequali angulo visorio videamus, etiam aequalia appareant, et aequales imagines etiam supra retinam efforment.
- 2) quae sub minori angulo, etiam minora adpareant, et minores quoque in retina pingant imagines.

Tab. II.

Fig. 2.

§. 556. Fieri ergo potest (§. praec.), vt obiecta *ab* et *de* pingant in oculo imagines *fg* eiusdem magnitudinis, hinc vt magnitudinem apparentem habeant eandem, licet pro diuersitate distantiae vera magnitudo insigniter variet.

§. 557. Quando igitur de magnitudine vera obiectorum ex visu iudicare

care volumus, semper simul distantiae criteria connectimus, et tunc iudicamus: quo maior ex suis criteriis est distantia, et quo maior magnitudo apparens, eo maior erit vera obiecti magnitudo, et contra.

SCHOLION.

Ea, quae hactenus a nobis sunt prolata, de magnitudine siue vera, siue apparente, oculorum iudicio cognoscenda, valent tantum de linearum atque superficierum magnitudine, neutiquam vero de corpora obiectorum magnitudine, quia non ipsa corpora, quatenus triplicem habent dimensionem, imaginem pingunt.

§. 558. Vt pateat, vnde fiat, quod distinguere possimus, num obiecta visu percepta sint vicina, an vero remota, licet omnes imaginis partes nobis aequae sint proximae (§. 444. no. 5.), sciendum est:

1) omnem in oculo imaginem esse obiecto ipso minus distinctam, et quidem

D d 2

2) tanto

2) tanto magis, quanto magis obiectum ab oculo est remotum.

SCHOLION.

Intelligimus sub imagine minus distincta ratione obiecti, in qua non omnia, quae in obiecto sensibilibiter extra se sunt, posita, extra se etiam obseruantur.

§. 559. Admodum insignis est differentia inter magnitudinem imaginis pictae supra retinam atque magnitudinem obiecti, hinc, cum physice sit impossibile, vt totidem partes extra se ponantur in spatio minori, quot in spatio maiori, si de spatiolis minimis sit sermo, etiam fieri nequit, vt omnia puncta, quae in obiecto sunt extra se posita, etiam in imagine, tanquam extra se posita, haereant. Omnium ergo obiectorum visibilium imagines in minimis sunt tantum minus distinctae (§. 558. no. i. et Schol.).

SCHOLION.

Huius theseos demonstratae veritas etiam apparet ex obseruationibus microscopiscis,

cis; armatis enim oculis multa percipimus visibilia, quae nudis oculis videri nequeunt.

§. 560. Est itaque paruitas imaginis relatiue ad obiectum fundamentum, ex quo imagines in oculis minus sint distinctae, quam obiecta (§. praec.).

§. 561. Fiunt autem hae imagines obiectorum eo minus distinctae seu magis confusae, quo magis obiecta ab oculis sunt remota, §. 558. no. 2.), quia:

- 1) obiecta, quo magis sunt remota, eo minorem in oculo pingunt imaginem (§. 531. no. 17. d. §. praec.);
- 2) copia radiorum ab obiecto reflexorum, et quos pupilla a punctis accipit radiantibus, tanto est minor, quanto maior est obiecti distantia ab oculo. Radii enim luminis ex vno puncto venientes sunt lineae rectae diuariantes;
- 3) quodlibet lumen maius siue ex vicinis a latere positis corporibus,

siue ab ipso remoto corpore veniat, perceptionem singulorum punctorum radiantium magis insensibilem reddit;

- 4) obiecta magis remota suam imaginem in tam exigua ab humore crystallino pingunt distantia, cui distantia retinae ab eodem humore crystallino aequalis fieri nequit.

SCHOLION.

Distantiam humoris crystallini a retina actu in nostris mutari oculis exinde cognoscimus, quia obiecta sub diuersa distantia satis distincte videre possumus, quod fieri non posset, nisi retinae ab humore crystallino distantia esset variabilis, nam distantia puncti vnionis radiorum ex vno puncto radiante abeuntium, hinc et imaginis, ab humore crystallino magna est, si obiecta oculo sunt admodum vicina, contra parua fit, si obiectum ab oculo recedat. (§. 533. no. 17.)

§. 562. Vt obiectum satis distincte conspiciere possimus (§. 544. no. 6.), imprimis requiritur, vt imago obiecti, quae

quae supra retinam pingitur, fit satis distincta. Hoc fit, quando actio luminis tunicae retinae sensilitati est proportionata, lumen enim nimis vehemens aequae confusam reddit visionem ac lumen nimis debile (§. 561.). Cum igitur actio luminis quotidie variet (per exper.), sensilitas vero tunicae retinae non nisi post longam mutetur aetatem, hinc tertium quoddam erat necessarium, per quod tam vis luminis magna, quam parva sensilitati tunicae retinae proportionata reddi poterat.

§. 563. Officium hoc praestat (§. praec.) tunica ista globi oculi, quae vasa appellatur ab Anatomicis, cum quatenus a tunica retina remota est, humori vero crySTALLINO admodum vicina, tum quatenus in se est opaca, et insuper in parte posteriori, humori crySTALLINO proxima, pigmento nigro est obducta, in medio vero, et quidem in homine, in modum circuli perforata. Hoc foramen pupilla vocatur et radios transmittit.

§. 564. Ope pupillae copiam lucis moderamur, quatenus eam, copioso lumine praesente, coarctamus, et lumine debili existente dilatamus, quo enim amplior haec est, eo plures, et quo angustior, eo pauciores lucis radios transmittit.

SCHOLION.

Talem dilatationem atque coarctationem pupillae actu fieri ipsa experientia testatur. Si enim oculum versus fenestram a sole illuminatam dirigimus fit minor seu coarctatur, si vero oculum dirigimus versus corpus nigrum fit maior, seu dilatatur pupilla.

§. 565. Vinea ergo tunica, quatenus in lumine vehementiori pupillam coarctat, ideoque parum luminis ad formandam imaginem ad retinam admittit, in lumine vero debili pupillam dilatat, et sic omnes fere radios, per corneam transeuntes, ad formandam in retina imaginem admittit, gradum luminis, quantum fieri potest, sensibilitati retinae reddit proportionalem (§. 562. seqq.)

§. 566.

§. 566. Dilatatio pupillae (§. 563. seqq.) producitur a fibris centralibus seu rectis in interiori vueae superficie quae reperiuntur; constrictionem vero pupillae (§. cit.) efficiunt fibrae circulares, quando sese contrahunt, quae in bobus in externa vueae superficie satis manifeste apparent.

§. 567. Ex mechanicis constat fibras rectas curvae perpendiculariter adplicatas, si eadem vi agunt, ac curua, maiori vi curuam extendere, quam haec ad coarctationem nititur, ergo a fibris rectis semper dilatari aream, quam fibra circularis includit. Quod si ergo in oculo vna fibra circularis contra fibras rectas egisset, pupilla non potuisset coarctari, sed semper dilatata mansisset. Necessarium igitur erat, vt plures fibrae circulares concentricae contra vnam agerent centralem, sic enim circularium vis in tantum est aucta, vt tantillo tantum gradu sit inferior vi fibrarum rectarum; quando igitur fibrae circulares, quippe exteriores, a radiis solaribus

irritantur, rectae vero, quippe post circulares haerentes, minus, circularium fibrarum, id est, sphincteris pupillae vis coarctandi maior erit, quam vis extendendi rectarum, ergo, copioso lumine praesente (id quod etiam fit, si obiectum est vicinum) pupilla coarctatur, debili vero lumine agente (id quod etiam fit, si obiecta sunt remota), dilatatur pupilla (§. 564. 566.).

SCHOLION.

Dictae hae vueae fibrae et rectae et circulares neutiquam sunt musculares, nam nec dilatatio nec constrictio pupillae voluntati nostrae animae est subiecta, et neutra harum actionum ad actiones vitales referri potest. Sunt ergo tantum elasticae, quae elasticitas influxum humorum, adeoque vitalitatem supponit, ab actione radiorum vero adaugetur.

§. 568. Sed hic pupillae usus nullum plane haberet locum (§. 567.), nisi corneae tunicae latitudo, maximae, quam pupilla obtinere potest, diametro fuisset aequalis. Ea enim radiorum

rum ex vno puncto venientium copia, quae per corneam transire nequit, etiam per pupillam maximam penetrare haut poterit. Maior vero corneae latitudo, quam quae maximae pupillae diametro erat aequalis, copiam radiorum ad retinam abeuntium augere haut poterat, quia per minorem pupillam transire nequeunt, adeoque inutilis fuisset.

§. 569. Opacitas iridis (§. 563.) efficit, ut radii lucis, quatenus vel absorbentur, vel reperiuntur, in fibras vueae centrales agere, adeoque earum vim elasticam adaugere nequeant (§. 567. et Schol.).

§. 570. Situ vueae, quo lenti crystallinae admodum est vicina (§. 563.), id obtinetur, ne radii oblique accedentes ad interiora oculi peruenire, et, oculum lateraliter illuminando, visum impedire queant.

§. 571. Ea, quae potissimum per imaginem supra retinam nostram pictam in rebus distinguimus (§. 544. n. 7.), sunt :

1) co-

- 1) color.
- 2) magnitudo optica.
- 3) locus.
- 4) figura.
- 5) distantia.
- 6) motus.
- 7) quies.

§. 572. De obiectorum coloribus (§. praec. no. i.) supra quidem est dictum, illos nulli competere corpori vel corporum superficiebus: et immortalis Newtoni inuentis euictum est, septem dari particularum, radios constituentium, classes, quarum vis insita sensibilibus est diuersa et immutabilis, hinc ergo fluit, cuiuslibet classis actionem in oculum ab actione alterius classis sensibilibus differre. Vti autem omnis actio corporis in corpus tam ab agente, quam ab reagente determinatur, sic quoque luminis et colorum perceptio non a radiorum luminis et colorum vi et natura, sed simul a constitutione oculi nostri, spe-

speciatim tunicae retinae et nerui optici, itemque spirituum animalium, pendet.

§. 573. Magnitudinem obiecti, quod videmus, opticam (§.571. no.2.) diiudicamus secundum imaginis magnitudinem (§.532.n.17.): locum obiecti vero (§. 571. no. 3.) ex loco imaginis, inuerse tamen, ex quo simul patet, nos determinare locum obiectorum secundum lineam rectam, quae ex puncto oculi illuminato perpendicularis ad idem punctum duci potest (§.532.n.17.)

§. 574. Figuram obiecti quoque distinguimus (§.571. no. 4.) secundum figuram imaginis (§.532. n.17.). Distantiam vero obiecti (§. 571. no. 5.) partim ex magnitudine adparente cum vera cognita comparata, partim ex distinctione perceptionis comparata cum distinctione obiecti nobis cognita, partim ex claritate luminis comparata cum eiusdem corporis claritate antehac, sub eadem luminis in aëre praesentia obseruata, partim ex aliis signis cognoscimus.

§. 575. Motum obiecti (§. 571. no.6.) tunc iudicamus, quando imago obiecti supra retinam depicta suum mutat locum, id est, quando in filamentis nerueis retinae diuersis et contiguis, similem successiue habemus perceptionem, ita quidem, vt eodem momento prior perceptio cesset, quando subsequens in contiguo neruo oritur. Cum igitur quies sit oppositum motus, quietem obiecti (§. 571. no.7.) ex quiete imaginis diiudicamus.

SCHOLION.

Interdum corpora quiescentia videmus in motu constituta, et ea quae in motu constituta videmus quiescentia (per exper.), inde pater, quod a sola perceptione motus per visum ad verum motum, vel eius conditiones nunquam concludere queamus.

§. 576. Absolutis sic iis, quae proxime ad modum visionis pertinent (§. §. praec.), reliquum est, vt adhuc quoque vsum reliquarum oculi partium examinemus, et infimul quaedam

dam phaenomena visionis extraordinaria explicemus.

§. 577. Figura sphaerica in parte anteriori oculi ad refractionem radiorum in cornea, pro formanda imagine (§. 532.); in parte media ad directionem oculi promptam, vel corporis absque capitis rotatione, versus omnes plagas anteriores, obtinendam; in posteriori vero parte tam ad eundem motum, quam ad distinctionem imaginis obtinendam (§. 562.) erat necessaria. Et sic patet, cur oculus sphaericus esse debebat.

§. 578. Quatuor habemus musculos rectos globum oculi mouentes, qui si omnes simul agunt, oculum versus orbitae posteriora trahere nequeunt. Singuli ergo tantum musculi, vel duo simul, oculum circa diuersas suas diametros voluere valent, ita quidem, vt axis oculi versus superiora a recto superiore, versus inferiora a recto inferiore, versus nasum a recto interno, et versus canthum oculi externum a recto externo dirigatur. Duo autem vicini

vicini muscoli recti si agunt, oculi axis versus plagam inter vtrumque musculum agentem mediam flectitur.

§. 579. Duo muscoli globi oculi obliqui, superior atque inferior, potissimum duplicem praestant vsum. Vnus consistit

1) in adpressione oculorum ad latera orbitae interna, quae adpressio eo magis erat necessaria, cum externi orbitae parietes admodum posteriora versus recedant, ita, vt fere totius bulbi superficies exterior extra orbitam haereat, adeoque oculus ex parte non sit suffultus, et tam pondere suo, quam a musculo recto externo tractus, ex suo discedere loco queat, id quod visionem admodum incertam reddidisset; Alter vero

2) consistit in elongatione bulbi oculi, et hinc in augmento distantiae humoris crystallini a retina ad vicinorum obiectorum visionem summe necessario (§. 532.). Elongari enim

enim bulbum oculi adeoque retinae a lente crySTALLINA distantiam, musculorum obliquorum actione augeri posse, dubitare non licet, siue robur horum musculorum, siue directionem eorundem consideremus.

§. 580. Dum autem haec musculorum obliquorum actio (§. praec.) remittit iterum, tunc oculus priorem suam rotunditatem reassumit, cum per actionem fibrarum elasticarum tunicarum globi oculi, inprimis scleroticae et corneae, tum per fluida constanter in cauum globi oculi influenza, et sic oculus crySTALLINAE lentis a retina distantiam priorem breuiorem rursus acquirit.

SCHOLION I.

Haut igitur probabile est ab alia oculi parte v. c. a contractione processuum ciliarium curvilineorum, qua humor vitreus retro, et sic crySTALLINUS antrorsum premittitur, vel ab vueae diuerso motu, quo pupillam constringit vel dilatat, huius distantiae retinae ab humore crySTALLINO mutationem fieri. De processibus enim ci-

liaribus nemo demonstraui eos esse a) naturae musculosae, vel b) si tales sint, eos possidere vim sufficientem ad comprimendum humorem vitreum, multo minus c) eos in oculo pleno, vbi humor aqueus tantum premit vitreum, quantum vitreus aqueum, actu curuos esse; Vnea vero plane indecentem produceret humoris crystallini a retina distantiam, si quam producere posset, retro enim premeretur humor crystallinus, quando pupilla coarctatur, id quod fit, si obiecta vicina consideramus, cum obiecta vicina remotiorem humoris crystallini desiderent (§. 571.) a retina distantiam.

SCHOLION II.

Nec quoque ii sunt audiendi, qui absque mutatione distantiae inter retinam atque lentem crystallinam, remotorum et vicinorum obiectorum distinctam perceptionem a densitate vel figura humorum vitrei et crystallini, per compressionem mutatis, deducere allaborant, nullo enim modo eiusmodi argumenta, et ne quidem probabilia, in medium proferre possunt, quibus posset ostendi, hos dictos humores per compressionem fieri densiores.

§. 581. Quia longitudo oculi per eius compressionem mutari debet (§.579.), hinc necesse erat, vt

1) parietes oculi essent flexiles adeoque vt tunicae, non vero ossa, hos formarent, atque

2) cauum globi oculi non solido quodam corpore sed fluido esset repletum. Et hoc fluidum simul pellucidum requirebatur, vt radii transire et decenter frangi possent.

§. 582. Dicta (§. praec.) generatim declarant vsum trium humorum cauum globi oculi replentium. Speciatim vero

1) humor aqueus

a) oculum ab anteriore parte extendit, et sic figuram sphaericam globi oculi in parte anteriori producere iuuat.

b) impedit, ne partes in globo oculi inprimis haerentes ab aëre externo frigido nimis refrigerari queant.

E e 2

c) expan-

- c) expansam atque mobilem tunicam vneam conseruat, ergo
 - d) efficit, vt pupillae mutatio libere fieri queat.
- 2) humor crySTALLINUS efficit, vt aequè distincte obiecta et propiora et magis remota videre possimus, quatenus radios in eum incidentes ita determinat, vt perfecte in tunica retina concurrant.
- 3) humor vitreus
- α) membranam retinam expansam conseruat et ad choroideam adplicatam retinet.
 - β) figuram sphaericam globi oculi in parte eius posteriori efficere iuuat, quatenus totam oculicameram posteriorem opplet.
 - γ) tonum tunicae retinae tenerri-
mae conseruat ob tenuissimam,
qua gaudet, membranam, pel-
lucidam, hyalloideam dictam.
 - δ) lentem crySTALLINAM in eodem
semper situ, et quam proxime
in eodem loco, conseruare iuuat.

§. 583. Ne vero hi dicti humores (§. §. praec.) ob stasim in cauo bulbi oculi corrumperentur, continuus humorum horum in oculo circulus adesse debebat. Hunc actu adesse partim Anatomia subtilior, partim alia phaenomena satis clare indicant.

SCHOLION.

Humoris aquei fere fit continua secretio per arterias imprimis istas, quae in iridis superficie locantur et patent. Docet hoc Anatomia subtilior. Quemadmodum vero per arterias continuo adfertur, ita etiam venulae ibidem haerentes eum absorbent, quanquam eundem quoque per poros corneae exhalare posse non negemus.

§. 584. Tunicae scleroticae usus est:

- 1) fluidis affluentibus eam dare resistantiam, quam a retina atque choroidea obtinere non poterant;
- 2) defendere oculum, ne a qualibet vi externa leuiori laedi queat; tandem et
- 3) musculis et tunicae adnatae puncta praebere fixa pro insertionem.

§. 585. Vfus tunicae choroideae et Ruyschianae est, vt

- 1) partim fecernant, partim praeparant fluida oculorum;
- 2) promoueant humoris aquei in camera oculi anteriori haerentis absorptionem;
- 3) impediant, ne particulae radiorum igneae, in retina in vnum focum collectae, calorem noxium excitare valeant.

§. 586. Processus ciliares, quatenus sunt vasa, tam vitreo humori, quam lenti crySTALLINAE sua aduehant fluida. Quod autem hi dicti processus sint vasa, colligimus partim ex ipforum ortu, partim ex satis firma connexionem, quam habent cum humore vitreo atque retina, partim exinde, quod nulla alia vasa ex choroidea per retinam, vel ex hac in humorem vitreum, transeant.

§. 587. Vfus palpebrarum est:

- 1) vt radiorum ad corneam accessum

sum in lumine vehementiori, partem corneae tegendo, minuere, decrescente vero luminis vehementia liberum rursus radiorum ad corneam accessum admittere queant;

2) vt vtriusque palpebrae contactu omne lumen tam in fomno, quam alias, pro hominis voluntate, a retina arcere possint;

3) vt defendant anteriores oculi partes ab iniuriis externis variis.

Et hos dictos vsus praestant ope musculi orbicularis palpebrarum, cuius fibrae curuilineae, dum sese contrahunt, palpebram superiorem depri-munt, inferiorem eleuant. Remouetur vero iterum palpebra superior ab inferiori per eleuatorem proprium, et inferior a superiori per depressorem proprium.

§. 588. Tarsi palpebrarum eum in finem potissimum sunt dati, ne corrugatione palpebrarum bulbus oculi inaequaliter et dolorose prematur, ipseque palpebrarum motus im-

pediatur. Imo efficiunt simul, vt margines palpebrarum eo melius sese possint contingere.

§. 589. Ne vero concrecant palpebrae cum oculi globo, aut earum motus dolorificus euadat, Benignissimum Numen adposuit supra bulbum, post et infra palpebram, glandulam satis insignem, quae vocatur glandula innominata seu lacrymalis, quae, a palpebra commota pressa, satis copiosum humidum pro humectandis palpebris praebet. Fluidum hoc nomen lacrymarum gerit.

§. 590. Defluunt hae lacrymae, quae, si ex comparata anatomia iudicemus, per superioris palpebrae tunicam coniunctiuam prodeunt, ad inferiorem palpebram, partim per totam oculi superficiem, primario autem per canthum oculi internum.

§. 591. Adscendunt hae lacrymae (§. 589.) iuxta palpebrae inferioris limbum et partim ex adhaesione cum coniunctiua

iunctiua tam palpebrae, quam oculi, partim ex pondere versus canthum internum tanquam inferiorem locum defluunt. Per ipsum canthum maiorem ad nasi cutem prodire nequeunt, partim quia actio ex pondere versus illum locum hic non obtinet, partim quia carunculae lacrymali non adhaerent.

§. 592. Quousque igitur fluidum hoc lente adfluit, lente quoque ad palpebrae inferioris limbum prope canthum maiorem adscendit, eumque transcenderet, nisi in eodem limbo punctum lacrymale haereret, cuius parietibus adhaeret, hinc in ipsum crus, seu cornu sacci lacrymalis inferius, tanquam in vas capillare, absque omni vi externa premente, penetrat.

§. 593. Punctum lacrymale superius seu in palpebra superiori haerens, quousque palpebrae sunt diductae, minorem longe lacrymarum quantitatem in se recipit, quam punctum inferius,

ferius, quia ad limbum istius palpebrae fluidum colligi nequit, nec omne, quod per palpebram superiorem defluit, iuxta superius lacrymale punctum descendit, hinc partem tantum eius fluidi, quod iuxta canthum maiorem ex palpebra superiori descendit, quatenus aliquid limbo palpebrae adhaeret, absorbet.

§. 594: Magna lacrymarum pars ab aëre iuxta oculos commoto consumitur, reliqua vero quantitas, quae per puncta lacrymalia penetrat, ab his defertur per duos ductus capillares, ad saccum lacrymalem, atque ex hoc ad canalem lacrymalem, et sic ad narium concauum.

§. 595. Causa mouens lacrymarum, per puncta lacrymalia penetrantium per ductus capillares est sola adhaesio lacrymarum subsequantium ad punctorum lacrymalium parietes, nam breuia sunt haec vascula a punctis lacrymalibus
ad

ad saccum lacrymalem ducentia et situm habent fere horizontalem.

§. 596. In ipsum vero saccum lacrymalem lacrymae partim ex adhaesione, partim ex pondere defluunt, et ex hoc solo pondere in canalem lacrymalem et hinc ad nares fluunt. Ex naribus dein ope aëris, qui durante respiratione paulo impetuosius per nares mouetur, insensibiliter sub vaporum forma a corpore nostro remouentur.

§. 597. Glandulae sebaceae Meibomii impediunt, quo minus lacrymae ex adhaesione limbum palpebrarum transcendere queant, et hinc ne per genas defluere queant, alias enim et pulchritudinis et cutis laesio esset facta.

§. 598. Caruncula lacrymalis imprimis lacrymas ad angulum oculi maiorem delatas versus lacrymalia puncta determinat et hinc efficit, ne
lacry-

lacrymae per canthum maiorem ad nasi cutem venire eamque laedere possint.

§. 599. Vfus Ciliorum est:

- 1) impedire, ne lacrymae per genas defluere possint;
- 2) palpebras durante somno in statu conseruare clauso, vti adparet ex eorundem loco atque figura, directione, rigiditate.

§. 600. Superciliorum vfus inprimis est impedire descensum guttularum sudoris frontalis ad palpebras et oculos. Non enim guttulae aqueae multo minus sale impraegnatae, superciliis, tanquam corporibus specificè leuioribus atque raris, adhaerent, hinc nec per eadem penetrant et ad palpebras defluunt, sed vel ad tempora, vel ad nares, partim ex pondere, partim ex adhaesione descendunt. Pinguedinis vero copiosae, inter oculi bulbum et orbitam quae reperitur, vfus est:

- 1) bul-

- 1) bulbum in suo conseruare loco ei-
que ab omni parte posteriore aequa-
bilem conciliare preffionem;
- 2) musculorum situm et directionem
mutare ;
- 3) lubricitatem et flexilitatem mu-
sculorum globum oculi mouentium
conseruare ;
- 4) calorem omnium partium conti-
guarum conseruare.

§. 601. Tunica adnata, quam alii albugineam vocant, partim efficit, ne bulbus oculi retrocedere possit, partim impedit, quia valde est sensilis, ne acria ad oculos accedentia eos tam facile laedere queant, partim globum oculi ita firmat, vt quocunque moueri possit.

§. 602. Omnes nerui, qui ad oculum abeunt, excepto neruo optico, ex parte musculorum contractioni, ex parte vero tunicarum nutritioni atque fluidorum oculi praeparationi atque integritati inprimis inseruiunt.

§. 603.

§. 603. Explanatis iam iis, quae ad visionem plerorumque sanorum hominum pertinent, duo adhuc, ad sanam quidem, speciatim tamen determinatam, visionem referenda, explicanda sunt, myopismus nempe atque presbyopia.

§. 604. Myopismus est distincta obiectorum vicinorum, quorum distantia ab oculo, duobus digitis raro minor, duobus vero pedibus haut maior est, confusa autem omnium, duobus pedibus magis ab oculo remotorum, perceptio.

§. 605. Ex supra dictis patet obiecta vicina maiorem, remota vero minorem retinae a lente crystallina requirere distantiam (§. 531.). Myopismus ergo talem requirit partium oculi structuram, qua radii ex vno puncto, ultra duos pedes ab oculo remoto, abeuntes in vnum post lentem crystallinam uniuntur punctum, quod minus, quam retina, a lente crystallina est remotum.

§. 606.

§. 606. Hinc tres tantum myopismi causae sunt possibiles. Aut enim

- 1) distantia retinae a lente est maior, quam pro reliquarum partium refringentium constitutione naturali esse debebat; aut
- 2) refringentes partes maiori refringunt gradu, quam pro naturali retinae distantia fieri debebat; aut
- 3) tam retinae a lente crySTALLINA distantia, quam refringentium partium dicta constitutio (no. 1. 2.) ab ordinario recedit statu.

§. 607. Prima causa (§. praec. no. 1.) etiam a natiuitate esse potest, plerumque vero in prima iuuentute acquiritur.

§. 608. Altera myopismi causa (§. 606. no. 2.) vel in cornea, vel in tribus oculi humoribus haeret. In humore vitreo grauitas specifica imminuta, in lente vero crySTALLINA atque tunica cornea cum grauitas specifica,

fica, tum conuexitas aucta, maiorem refractionem inferre possent.

Quia vero

1) humorum grauitas specifica non est mutabilis, manente eorum pelluciditate;

2) probabile est, si quod fiat densitatis humorum augmentum, hoc in aetate fieri adulta, in qua tamen myopismus non oritur;

3) sola corneae densitas aucta, nisi simul aqueus fiat specificè grauior, vel lentis crySTALLINAE densitas aucta, si simul vitreus quoque humor densior fieret, minorem imaginis a lente crySTALLINA distantiam, seu myopismum inferre nequeunt;

hinc grauitas specifica partium oculi mutata non nisi inter causas in abstracto tantum consideratas potest referri, adeoque vera myopismi causa, quatenus in maiori refractionis radiorum gradu haeret, vnice in maiori vel corneae vel lentis crySTALLINAE curuatura consistet (§. 606. no. 2.).

§. 609. Tertia myopisimi causa (§. 606. no. 3.) quia ex prioribus duabus (§. cit. no. 1. 2.) constat, ex dictis (§. 607. 608.) intelligitur.

§. 610. Presbyopia est confusa vicinorum, distincta vero remotorum obiectorum visio.

§. 611. Myopismo presbyopia est contraria, contrariam ergo quoque constitutionem oculi pro sua agnoscet causa. Maior nempe imaginis vicinorum obiectorum, quam retinae a lente crystallina erit distantia. Remota igitur obiecta, cum minus a lente crystallina remotam pingant imaginem, delineabunt eandem in ipsa retina. Hinc cum presbytae distincte videant obiecta remota, ut ipsa imago distincta sit est necesse: vnde simul patet, presbytas in nervis et pelluciditate partium nullum habere vitium.

§. 612. Minor fit retinae a lente crystallina distantia, quam antea erat, quando tunicae fiunt magis elasticae,
Elem. Physiol. F f vel

vel impetus fluidorum, tunicas oculi dilatantium, imminuitur; vno verbo, quando oculus naturaliter fit minor. Maior vero imaginis a lente crySTALLINA fit distantia, si lens vitrea contabescit seu planior euadit, vel si cornea maioris circuli conuexitatem acquirit. Patet sic, cur presbyopia senibus sit familiaris.

CAPVT XI.

DE

SENSIBVS EXTERNIS IN SPECIE

SECTIO V.

DE

AUDITU.

§. 613. Perceptio quaecunque in aure facta, ex qua ad actionem corporis cuiusdam remoti, aurem non contingentis, concludere solemus, *sonus* adpellatur; et potentia hominis in aure dicto modo percipiendi *auditus* nuncupatur.

§. 614.

§. 614. Satis commode igitur doctrina de sono in duas potest diuidi artes, quarum

- 1) vna agit de constitutione corporis agentis remoti tempore soni, atque de corpore intermedio, in quo actio remoti ad aurem vsque continuatur, et huius quoque intermedii corporis constitutione tempore soni; altera vero
- 2) agit de actione partium auris tempore perceptionis.

Prior huius doctrinae pars a Physicis et mathematicis exponitur; altera vero a Medicis, supponit enim cognitionem auris anatomicam.

§. 615. Ex physicis ergo atque mathematicis sequentia, tanquam demonstrata, hic supponimus:

- 1) omne corpus, quod subitanam aëris expansionem efficit, sonum excitare, siue dicta expansio aëris subitanea producat a) per compressionem aëris praecedentem et
- F f 2
- subi-

subitaneam compressionis cessationem, siue b) a tremore partium minimarum corporis solidi elastici, ab alio corpore percussi, siue c) a flamma maiore subito in aëre frigido exorta.

2) aërem esse, qui, tanquam corpus intermedium, actionem remoti sonantis ad aurem usque defert.

3) actionem aeris, qua sonum in aure producit, esse eius expansionem subitaneam.

4) hanc aëris expansionem, in aliquot aëris particulis ortam, quaque versus quidem in lineis rectis (nisi ab aliis corporibus, secundum leges reflexionis vel motus compositi aliorum determinatur) successive tamen continuari, ita quidem, ut tempore unius minuti secundi per decimam octauam milliarii germanici partem deferatur sonus. Ipsa linea recta, secundum cuius directionem aer ad sonum producendum agit, dicitur *radius sonorus*.

5) hanc

- 5) hanc aëris actionem decrescere cum crescente auris a corpore sonante distantia: hinc sonum tanto fieri debiliorem, quanto longius procedit.
- 6) sonum, qui a celerioribus produci-
tur aëris expansionibus, dici acu-
tum, quem vero minus celeres aë-
ris expansiones praebent, obtusum
appellari.
- 7) sonum, quatenus ex alio menfu-
ratus concipitur, dici tonum.
- 8) laminam, chordam vel membra-
nam, certo gradu tensam, et, a
corpore non tremante, ad vibra-
tiones tam totius, quam partium
vsque impulsam, vnicum tantum
exhibere tonum.
- 9) chordam diuerso gradu tensam,
quamquam, sub diuerso tensionis
gradu, vnius eiusdemque sit longi-
tudinis, diuersum semper, pulsa-
tam, exhibere tonum.
- 10) idem (no. 9.) valere quoque de
membranis diuerso gradu tensis.

-
- 11) laminam solidam, quae, a corpore non tremente pulsa, vnicum tantum exhibet sonum, a corpore contiguo tremente et vibrante, ad tremorem et vibrationem vsque pulsam, sonum exhibere sono corporis trementis et impellentis conformem: hinc
- 12) etiam eandem laminam, sub eodem tensionis gradu, et eiusdem constanter magnitudinis, diuersos edere sonos, si a corporibus diuerso gradu tremantibus et laminam proxime contingentibus impellatur.
- 13) mollia, vel, non fatis tensa corpora, quamuis fat fortiter impellantur, nullum tamen edere tonum, imo
- 14) aërem, fatis magno gradu ad sonum producendum elasticum, hanc suam actiuitatem breui amittere, et ad sonum producendum fieri ineptum, si corpora attingat mollia, vel non fatis tensa.

§. 616. Consistit actio aëris pro sono in aure producendo in eius expansione ob elasticitatem auctam (§. praec. no. 1.): haec vero actio admodum est debilis, nam reliquis nostri corporis partibus plane est insensibilis, quamquam nerui satis copiosi in cute, cuticula tantum tecti, adsint, hinc nerui ad sonum producendum apti vel nudi, vel eiusmodi corporibus, quibus impetus aëris elastici et sonori augetur, circumdati esse, vel vtraque qualitate simul gaudere debebant.

§. 617. Nerui nudi in superficie corporis externa positi non solum periculo destructionis per actionem solidorum sunt expositi, sed et ab ipsius aëris calore vel frigore sentiendi facultatem, si non ex toto, saltem ex parte amittunt. Nerui ergo auditui inservientes, siue acustici, in interioribus corporis animati partibus ita haerere debebant, ut aër frigidus et radii solares proxime in eosdem agere haut possent.

§. 618. Impeditur immediatus hic aëris frigidi atque radiorum solis accessus ad nervos acusticos per canalem angustum, eumque in medio clausum. Vocatur hic canalis angustus *meatus auditorius externus*, et id, quod ipsum claudit, *membrana tympani*.

§. 619. Ne vero his mediis, nervorum acusticorum conseruationi inferuiantibus (§. 619.), ipsa aëris actio fieret inefficax, augmentum impetus aërei erat necessarium. Hoc augmentum obtinetur per aurem externam. Haec vero in homine, quia brevis est, et capiti fere contigua, vt manibus fortiter teneri nequeat, plures non solum obtinuit excauationes, inter se ad meatum auditorium vsque connexas, sed et plures eminentias, imo simul capiti ita est connexa, vt pars anterior parum vel nihil vltra reliquam cutis superficiem promineat, posterior vero limbus auris exterioris a cute capitis minimum vnum digitum sit remotus.

§. 620.

§. 620. Dum itaque eminentes in aure humana externa partes partim reflectendo determinant radios sonoros in caua eiusdem auris, partim impediunt, ne aër semel in cauo haerens extra aurem rursus possit reflecti, efficitur, vt aër ex spatio amplo in angustum determinetur, vnde necessario impetus aëris increscit (§. praec.), nam aër, qui incidit sic in latam superficiem, versus angustum determinatur foramen.

§. 621. Ex dictis ergo (§. 619. 620.) simul quoque apparet:

- 1) cur pars auris externae dura non sit os, sed cartilago?
- 2) cur auris externa aliquot gaudeat musculis, qui nempe ipsi sunt adplicati?
- 3) cur cutis, quae cingit superficiem auris externae anteriorem, magis stricta, quam quae obducit superficiem posteriorem?
- 4) cur tota auris externa situm habeat

beat ad partes capitis laterales inclinatum?

5) cur numerus auris externae fit binarius?

§. 622. Lobulus auris, quia est molle corpus, ad reflexionem radiorum sonorum nihil confert, sed potius efficit, ut tremor auris momentanee variare possit; nam actio pro sono producendo fit partim ab aëre proxime in meatum auditorium irruente, partim vero ab aure tremente, hinc cum tonus, quatenus ab aëre fit, momentanee saepe variet, tremor auris externae momentanee quoque variare debebat.

§. 623. Meatus quoque auditorius externus ob substantiam osseam et arcte superinductam cutim densam nil de elasticitate aëris imminuit. Imo quia

1) figuram habet conicam, fit aër magis compressus et maiori celeritate, ideoque maiori impetu in tympani membranam agit.

2) mo-

2) motus radiorum sonorum in eo fit in helicibus conicis, hinc omnes radii sonori ad membranam tympani, quae situm habet obliquum, fiunt perpendiculares, ideoque toto suo impetu in hanc agunt membranam.

§. 624. Hic meatus auditorius externus erat claudendus ne frigus et calor externus nervos acusticos laederent (§. 618.), ita tamen claudi debebat, ut actio aëris ad nervos usque continuare queat. Maxime ergo ad claudendum hunc meatum auditorium apta est membrana tenuis et tensa, quippe quae ab aëre sonoro non solum ad tremorem, sed et ad vibrationem concitari potest.

§. 625. Duplici ergo modo membrana tympani (§. 618.) ad soni productionem concurrit, nempe

1) tremore, qui in substantia ossea ad nervum usque acusticum continuatur, ac dein

2) vibratione.

§. 626. Vt autem haec vibratio (§. praec.) libera esse possit, posterior quoque membranae tympani superficies versus cavitatem quandam, aequae ac anterior versus meatum auditorium externum, spectare debebat. Haec cavitas vocatur *cavitas tympani* et vel ideo tantum aëre debet esse repleta, ne membrana tympani (§. 618.), aëris externi pondere, rumpatur.

§. 627. Hinc (§. praec.), ne aër, interius in cavitate tympani haerens, membranae tympani vibrationi resisteret, dicta cavitas (§. praec.) aut exitum habere debebat, per quem aër liberrime cedere posset, aut satis magna esse debebat, aër enim cavitati inclusus, resistit in ratione inversa spatii, ad quod comprimitur*).

§. 628. Cavitas tympani habet quidem exitum, qui vocatur *tuba Eustachiana*, qua aër ad fauces cedere posset, verum quia extremitas tubae Eustachii, in faucibus haerens, membranacea

* Elem. Phys. §. 279.

nacea est, et parietes isti sese contingunt, hinc aër, leni tantum gradu, per vibrationem membranae tympani, et ad momentum tantum, magis, quam in statu naturali elasticus factus, hanc resistantiam superare et liberissime per hanc tubam cedere haut potest. Magna ergo esse debebat tympani cavititas (§.627.), id quod per connexionem huius cavitatis cum sinuositatibus mastoideis seu cellulis processus mammillaris obtinetur.

§. 629. Hac tamen cavitatis tympani amplitudine maiore impetus aëris, quatenus per membranae tympani vibrationem produci debet, non nisi parvus, adeoque ad decentem nerui acustici commotionem vix sufficiens redditur. Nervus ergo acusticus in cavitare tympani haerere non poterat, sed in alia, versus quam totus fere membranae tympani vibrantis impetus deriuari poterat.

§. 630. Adpellatur haec cavititas (§. praec.), cuius superficiem nervus acusticus, tanquam instrumentum per-

perceptionis primarium, obducit *Labyrinthus*. Hic ex tribus constat partibus. Primam partem constituunt

1) tres *semicirculi ossei*, quorum quilibet ex duabus quasi tubis, in eo loco, ubi minimam habent capacitatem, sese vnientibus, constat, et qui coniunctim quinque aperturis in alteram labyrinthi partem spectant. Haec altera pars

2) *Vestibulum* audit, quod est cavitas irregularis variis aperturis praedita. Tertia denique pars

3) *Cochlea* vocatur, quae ex duabus constat scalaris, quarum vna adpellatur *Scala superior*, quae ab altera, quae nomen *Scalae cochleae Inferioris* gerit, lamina quadam partim ossea, partim neruea, separatur. Inferioris scalae cochleae exitus, qui *fenestra rotunda* salutatur, in tympani cauitatem spectat, membrana tamen tenui est clausus, unde aër, qui in tympani cauitate haeret, non proxime in neruum, cochleae

cochleae internam superficiem obducentem, agere potest.

§. 631. Inter diuerfas, quas habet vestibulum, aperturas, vna est, quae in cauitatem tympani spectat (626. 630. no. 2.), haec vocatur *fenestra ovalis*. Haec apertura membrana quadam est clausa, cuius medio basis *stapedis* fortiter adhaeret. Caput huius dicti officuli, intermedio *officulo orbiculari*, connectitur cruri *incudis* longiori, crus vero *incudis* breuius, vt et corpus *incudis*, anteriori cauitatis tympani (§. 626.) parieti, ope membranae, superficiem internam cauitatis tympani cingentis, cohaerent, ita, vt corpus *incudis* superiorem occupet locum, crus vero breue deorsum tendat. Corpori *incudis* caput *mallei* ita est connexum, vt ambo sese mutuo excipiant, et ope membranae, cauitatem tympani obducentis, colligantur.

§. 632. Ex dictis (§. 630. 631.) ergo sequitur, vt ne tantillum quidem moueri

moueri possit membrana tympani, quo minus stapes cum membrana basi suae adhaerente remoueatur et adprimatur fenestrae ouali, tanta minimum vi, quanta membrana tympani ab aëre exteriori commouetur, et hoc artificio tota fere vis aëris exterioris deferatur ad vestibulum, cum, si officula abfuissent, vix tanta pars impetus aëris ad fenestram oualem peruenisset, quae fuisset ad totum impetum in ratione foraminis oualis ad superficiem cauitatis tympani.

§. 633. Pluralitas officulorum auditus erat necessaria cum ad euitandam nimiam actionis vehementiam, qua officula frangi possent, si aër nimio impetu in membranam tympani ageret, tum ad tonorum diuersorum distinctam perceptionem obtinendam.

§. 634. Impetus vehementia (§. praec.) per officulorum auditus multitudinem euitatur

1) in eo loco, vbi malleus iungitur incudi. Non enim directe caput mallei

mallei versus incudis corpus pellitur, sed oblique, ita ut magis malleus incudem per membranam, utraque ossa connectentem, quam proxime mouere videatur. Membrana igitur, cum tanquam corpus flexile cedere queat, haut leuem impetus partem excipere valet, quae in incudem non deriuatur.

2) eo quoque, quod incudis tam crus, quam corpus, ope dictae membranae, parietibus cauitatis tympani cohaeret, fit, ut incus a parietibus cauitatis tympani paululum recedere queat, si malleus vehementer percutiatur, unde pars impetus, quae in stapedem abire debuisset, in membranam, cauitatem tympani cingentem, deriuatur.

3) ossiculum orbiculare seu semilunare multum quoque impetus vehementiam imminuit, tam quatenus pars impetus in ligamenta, quibus hoc ossiculum cum extremitatibus duorum reliquorum ossium

connectitur, deriuatur, quam quatenus duplici hac articulatione, et quatenus ea fit a corpore globoso, fieri potest, vt crus incudis oblique agat versus ossiculum orbiculare, atque hoc oblique versus stapedis caput, adeoque per directionis obliquitatem impetus in ipsa haec corpora imminuatur.

§. 635. Ad diuersorum tonorum perceptionem distinctam necessaria est diuersa membranae tympani tensio (§. 614 .no. 9.). Haec fit et fieri potest per musculos tam mallei, quam stapedis: duo enim mallei muscoli, FOLII nempe et CASSERII, membranam tympani, extrorsum trahendo mallei manubrium, relaxant, tertius vero, EVSTACHII nempe, eandem membranam, interiora versus trahendo manubrium mallei, magis tendit*. Quodsi nunc malleus et incus abessent, et stapes proxime cum centro membranae tympani cohaereret,

* vid b. CASSEBOHM. de Aure Tr. IV. §. 148. 156.

ret, hic stapes tam tensionem, quam relaxationem membranae tympani vel perfecte impediisset, vel eousque tantum relaxationem dictae membranae admisisset, quousque membrana, basin stapedis cum margine fenestrae ovalis connectens, cedere potuisset. Vnde patet, si vnicum tantum auditus ossiculum adfuiisset, ad omnes tremores, quos omnes requirebant toni, membranam tympani aptam reddi haut potuisse, et hinc pluralitas ossiculorum auditus omnino ad diuersorum tonorum perceptionem distinctam erat necessaria.

§. 636. Dicti hi muscoli (§. §. praec.) non tamen tunc tantum agunt, quando vehemens sonus adest, vel quando membrana tympani, ad recipiendos tremores, tono externo conformes, est apta reddenda; sed omni fere tempore agere debent, ut membranam tympani in statu tensionis medio, ad omnes tensionis mutationes suscipiendas aptissimo, conseruent. Aër enim exterior si pondere

crefcatur, magis quoque tenderet tympani membranam; fin ifte leuior fiat, aër internus, extrorfum, pellendo membranam tympani, hanc nimis, quam par eft, relaxaret, nifi mufculi dicti antagoniftae mediocritatis conferuarent ftatum.

§. 637. Stapes immobilis factus talem quoque reddit incudem, interim tamen mobile verfus interiora manet mallei manubrium cum annexa tympani membrana, et hinc fub eo, quo adfunt, officulorum auditus numero, et fub eo, quo gaudent, connectendi modo, ftapes nec tensionem, nec relaxationem membranae tympani impedire poterat.

§. 638. Mufculus ftapedis quando agit, impedit, quo minus multum basis eius a feneftra ouali recedat, et fic hoc modo cauetur rupturae periculum iftius membranae, qua basis ftapedis feneftrae adhaeret ouali.

§. 639. Ex his ergo (§. §. praec.) perfpicimus:

1) ne-

- 1) necessitatem multitudinis musc-
lorum tam mallei, quam stapedis.
- 2) rationem, cur membrana tympa-
ni non sit plana, sed per manu-
brium mallei introrsum flexa.

§. 640. Cautas tympani magna
esse debebat (§.628.). Ne itaque
haec cautas possit imminui vel per
fluida, quae per orificia vasorum, in
perioftio cautatis tympani haeren-
tium, transudare solent, vel per aërem,
qui ex his fluidis collectis et corrup-
pentibus liberari potest, vel per aërem,
naturaliter quidem in cauitate tympa-
ni haerentem, magis tamen elasticum
redditum, hinc meatus quidam adef-
se debebat, per quem haec fluida ex
tympani cauitate abire possent, id
quod per tubam EVSTACHII com-
mode fieri potest. Vnde simul ratio
patet, quare obstructo hoc tubo au-
ditus sit imminutus, ad minus enim
spatium membrana tympani cum con-
nexo malleo introrsum moueri potest.

§. 641. Sed cum fieri quoque possit, ut vel a calore exteriori, vel interno aucto, aër, in cavitate tympani haerens, expandatur, atque per tubam Eustachianam prodeat, et hinc, calore remittente, haut sufficiens aëris quantitas in dicta cavitate haereat, adeoque novus aër in cavitatem tympani intrare debeat, ne nimia oriatur membranae tympani tensio, talis quoque apertura adesse debebat, per quam aër intrare poterat. Huic introitui tuba Eustachiana (§. 641.) minus commoda videtur, nam eius membranosi et collapsi parietes in faucibus maiori gradu ab aëre sibi adprimuntur, quam ab eodem dilatari possent. Per hiatum vero Rivinianum, in superiori membranae tympani parte, minimum in vitulis, omnino intrare potest.

§. 642. Quando ergo stapes tam a crure incudis connexo, per actionem musculi Eustachii (§. 635.), quam a suo proprio musculo (§. 636.), constanter versus foramen ouale premittitur,

tur, nihil contactum proximum impedire potest, quam aër cavitati vestibuli inclusus, qui igitur semper aëre naturali, vel in cavitare tympani latitante, magis est elasticus.

§. 643. Dum stapes motu reciproco agit in aërem vestibuli, hic, tanquam fluidum pressum (§. praec.), motu tremulo aget in superficies tam vestibuli quam trium semicirculorum ossaeorum, atque scalae superioris cochleae. Hae superficies omnes membrana sunt obductae a dura et pia matre oriunda*, per quam nervus acusticus est expansus, quid? quod, talis membrana nervea est pars septi cochleae. Cum igitur nervus sit ultimum solidum, quod, spiritus vehendo, ad perceptionem concurrit, sequitur, ut totus labyrinthus ad soni perceptionem concurrat. Inprimis tamen cochlea ea est labyrinthi pars, in qua maximus fit spirituum animalium pro sono motus, impetus enim

G g 4

aëris,

* b. Cassebohm. l. c. Tr. v. §. 220.

aëris, quatenus fit cum motu, per vestibulum et semicirculos determinatur in cochleae cauum.

§. 644. Cochleam eam esse labyrinthi partem, in qua perceptio debet esse maxima (§. praec.), ex ipsa quoque eius structura discimus. Nam

1) in cochlea nouum fit augmentum impetus aërei, quia aër ex spatio amplo in magis angustum premittitur (§. 632. no. 3.).

2) laminae in cochlea osseae, quae admodum tenues, facilius longe, quam omnes reliquarum labyrinthi cavitatum parietes, tremere, et contiguos nervos ad similem tremorem concitare valent.

3) media pars septi, quod scalam cochleae superiorem ab inferiori seiungit, est membrana neruea, quae sola in toto labyrintho vibrare potest.

4) forsitan ipsum cochleae septum nerueum, quatenus diuersis in locis diuersam habet latitudinem, ad diuer-

diuersitatem tonorum percipiendam plurimum facit.

§. 645. Non tamen tres canales ossei semicirculares (§. 632. no. 1.) dirigunt tantum motum aëris in labyrintho versus cochleam, sed et augent impetum eiusdem. Nam media horum semicirculorum pars extremitatibus est angustior, hinc aër, qui per amplam intrauit aperturam, magis comprimitur, adeoque magis fit elasticus, antequam per dictas angustias penetrare valet. Maiori ergo quoque tremoris gradu aër agit in parietes canalium osseorum semicircularium et hos quoque in tremorem concitat, hi ergo trementes aëris sonantis impetum augent, imo maxime probabile est totum os petrosum tempore perceptionis soni tremere, non quidem a solo aëre in labyrintho contento, sed etiam ab agitatione stapedis, quatenus intermedia membrana, basi eius connexa, os petrosum concutit, et ab ipsius membranae tremore (§. 635.).

§.646. Quod ad scalam cochleae inferioriorem attinet (§.632.no.3.), haec quoque abesse haut poterat, quia, si abfuisset, membranae nerueae vibratio obtineri quoque haut potuisset. Imo haec vibratio quoque cessasset, si scala inferior in vestibuli cavitatem hiasset, quia tunc, quolibet momento, tantus aëris impetus fuisset in scala inferiore, quantus in superiore. Quia vero in cavitate tympani debilior est aëris compressio adeoque et impetus (§.627.), nunquam aër in scala inferiore, cum cavitate tympani connexa, tantum resistere potest, quantum aër in scala superiore agit in septum cochleae nerueum, ergo hoc vibrare valet.

§.647. Et hinc (§.praec.) extremus cochleae inferioris terminus, qui vocatur *fenestra rotunda*, ne nimius in scala superiori impetus septum nerueum laedat, clausus esse debebat peculiari quadam membrana, quae est vera periestii tympani continuatio. Sic enim ad paruum tantum spatium aër in scala inferiori cedit impetui aëris scalae supe-

superioris, quia, quo magis cederet, ad tanto minus comprimeretur spatium, et tanto magis euaderet elasticus, ergo tanto magis resisteret. Imo membrana haec quoque permittit, ut tremor aëris in cavitate tympani, a tremore membranae tympani excitatus, hinc tremori in scala superiori, et aëris externi tremori homogeneus, in scalam inferiorem, quanquam paruum, agere, adeoque aliquid ad soni perceptionem conferre valeat.

§. 648. Ex hactenus dictis (§. §. praec.) nunc quoque liquet, cur duo musculi mallei toti haereant extra cavitatem tympani? cur musculus Eustachii canali osseo inclusus? cur parietes aquae ductus FALLORII ab omni parte sint ossei? cur vestibulum media sit labyrinthi pars? cur omnes tres canales ossei semicirculares haereant ab vno vestibuli latere? cur aperturae horum canalium semicircularium haereant in vestibulo? cur cochleae cauum vestibuli cauo sit connexum?

CAPVT XII.

DE

SENSIBVS INTERNIS.

§. 649. Quemadmodum mens res externas praesentes, ope actionum earundem in nostrum corpus, quintuplici modo percipit, quae potentiae percipiendi quinque sensus externi appellantur (§. 563.); sic quoque per experientiam constat, animam

- 1) habere ideam, si aliam rem, tanquam vnam, sub certo attributo considerat; ergo *idea* est repraesentatio rei, tanquam vnius, sub certis attributis.
- 2) habere facultatem, ideas, olim per organa sensoria excitatas, etiam absentibus obiectis externis, producendi. Vocatur haec animae facultas *phantasia* seu *imaginatio*.
- 3) gaudere facultate, occasione vnius ideae aliam, quae aliquando cum priori fuit connexa, etiam absente obiecto, ita reproducendi, ut simul sciat, se hanc rem iam aliquando

do percepisse, id quod *memoriam* vocant seu *reminiscentiam*.

4) comparare posse ideas plures ipsi simul praesentes, ita quidem, vt perspiciat, an diuersae ideae in aliquo attributo conueniant, nec ne; itemque an vna alteram comprehendat. Prior potentia *ingenium*, altera *ratio* vel etiam *iudicium* appellatur.

5) habere facultatem res perceptas, vel iudicio cognitatas, tanquam gratas, vel ingratas, desiderandi, vel repudiandi, quae potentia *voluntas* et *noluntas* dicitur. Et exercitii huius facultatis maior gradus *appetitus* nuncupatur, qui, si ex iudicio confuso oritur, *appetitus* vocatur *sensitiuus*.

§. 650. Hae expositae animae facultates (§. praec.) *sensus* appellantur *interni* et proprie ad forum medicum non pertinent. Quia tamen hae facultates pro diuersa massae sanguineae temperie, atque hinc pro temperamenti
atque

atque aetatis varietate variant; hinc quoque in Physiologia aliqua earum est iniicienda mentio.

CAPUT XIII.

DE

MUSCULORVM ACTIONE

SECTIO I.

DE

CONTRACTIONE MUSCULORVM.

§. 651. Omnes partium solidarum corporis nostri motus triplicis sunt generis. Ad primam classem pertinent isti, qui in statu sano ab initio vitae ad vltimum vsque halitum vitae absque intermissione durant et imperio animae plane non sunt subiecti, et hi vocantur *motus vitales* seu *spon-
tanei*; ad alteram classem referuntur isti, qui in statu sano nunquam fiunt, nisi volente anima, et vocantur *mo-
tus animales* seu *voluntarii*; vltima classis denique istos sub se complectitur motus, qui ex parte sunt spontanei, ex parte vero animales, et audiunt *motus mixti*.

§. 652.

§. 652. Nulla pars corporis nostri sese mouet, nisi quae fere tota est musculosa, vel cuius pars constituens est vnus, vel aliquot musculi. Exinde fluit, musculos esse instrumenta motus.

§. 653. Dum musculi sese contrahunt, agunt; quando vero sese contrahunt, actu breuiores fiunt, hinc quando musculi agunt, adeoque motus partium nostri corporis producunt, actu breuiores fiunt, quemadmodum etiam oculis obseruare licet.

§. 654. Imo musculi, quando agunt, seu sese contrahunt, non solum fiunt breuiores, sed et simul crassiores atque duriores euadunt (per exper.), et hinc tres potissimum contingunt mutationes musculorum, eo, quo agunt, tempore, nempe fiunt:

- 1) breuiores (§. 653.);
- 2) crassiores; ac
- 3) duriores.

§. 655. Dictae hac tres mutationes nullum obtinent locum (§. praec.)
in

in quodam musculo, quando vel ipse est resectus, seu eius tendo, vel quando neruus, qui istum musculum versus abit, vel etiam truncus istius arteriae, cuius rami musculo inferuntur, est ligatus, vel resectus. Exinde fluit, tria ad musculorum actionem vel contractionem requiri, nempe:

- 1) musculum, quatenus est integer,
- 2) neruum, quatenus spiritus vehit, atque
- 3) arteriam, quatenus vel sanguinem stricte dictum, vel serum, vel lympham adfert.

§. 656. Ad hanc ergo de contractione musculorum doctrinam rite exponendam, sequentia quam maxime sunt enucleanda:

- 1) cur crassitiei ac duritiei musculi, qui agit, fiat incrementum?
- 2) cur indurationem et intumescen-
tiam sequatur musculi abbreviatio?
- 3) quotuplex contractionis musculo-
sae sit usus?

§. 657. Ratio incrementi crassitie ac duritie musculi (§. praec. no. 1.) agentis quaerenda est vel in situ fibrarum muscularium mutato, vel in fluidis in musculum influentibus (§. 655.) no. 2. 3.) eumque dilatantibus.

§. 658. In situ fibrarum muscularium mutato (quod nempe in musculo, quando agit, situs fibrarum magis obliquus mutetur in minus obliquum) ratio incrementi crassitie ac duritie (§. praec.) non potest haerere, quia

1) de omnibus musculis non potest probari fibras carneas angulum obliquum cum fibris eiusdem musculi tendineis includere;

2) ex tali situ fibrarum mutato, si nimirum angulus, quem fibrae musculosae cum tendineis vel plano insertionis fixo includunt, minus fiat obliquus, pars musculi carnea crassior quidem euadit, totiusque musculi abbreviatio contingit, neutiquam vero induratio maior partis carnea sequitur. Mollior enim

potius euadere debet musculus, quia lineae parallelae, quales sunt multorum muscutorum fibrae, quo minus ad planum, cui insistant, sunt obliquae, eo magis inter se distant, et hinc eo minus resistunt digito prementi, quia figillatim videlicet prementi resistunt; ergo contra, quo magis sunt obliquae, eo minus inter se distant, et hinc eo magis resistunt digito prementi, nam fibrae hae sibi inuicem appressae coniunctim vi externae dant resistantiam;

- 3) principiis mechanicis repugnat, fibram flexilem, cuius situs potest mutari, in situ obliquo, tractioni nempe non directe opposito, ullam vim, multo magis tantam resistantiam superare posse, quantam musculi superare solent et debent;

Hinc necessario intumescencia et durities muscutorum agentium a fluidis in musculos influentibus dependere debet.

§. 659. Fluida in musculos agentes influentia sunt sanguis seu serum, atque spiritus (§. 655. no. 2. 3.), et hinc intumescencia et durities musculorum agentium vel fit a sanguine solo seu sero, vel a spiritibus animalibus solis, vel ab vtrisque simul.

§. 660. Si a sanguine solo vel sero musculi agentis intumescencia et durities contingeret (§. praec.), sanguis necessario vel quatenus influit, vel quatenus est fluidum pressum, has mutationes inferret. Ast cum

1) cordis et arteriarum actio non fiant ad voluntatem animae, multo minus

2) per pressionem cordis vel arteriarum sanguis ad hanc vel illam nostri corporis partem pro lubitu determinari queat;

3) in mortuis corporibus, imo in cordibus ex cadauere exsectis punctura corpore acuto, absque vlllo sanguinis influxu, contractio musculi excitari queat;

facile intelligitur, sanguinem, neque quatenus influit tantum, neque quatenus est fluidum pressum, musculi agentis intumescentiam atque duritiem producere posse.

§. 661. Si a spiritibus animalibus solis musculi agentis intumescentia et durities, et hinc eius dilatatio, dependeret (§. 659.), tunc vel impellendo, dum influunt in musculus, vel premendo musculus dilatare deberent.

§. 662. Ex pressione in vasa nervea musculosa spiritus animales musculus dilatare nequeunt (§. praec.), quia

1) contractiones eorum ex corporibus exsectorum, in quibus pressio nullum habet locum, eueniunt (per exper.);

2) fluida pressa quaquaversus agunt aequaliter, tantum igitur agent spiritus versus cerebrum, quantum in musculus; cum igitur motus ex fluido pressa semper fiat versus eum

lo-

locum, vbi minor est resistentia, et experientia teste motus fiat in musculus, existimandum esset, debiliores esse fibras musculares, quam sunt fibrae cerebri, id quod absque insigni abnegatione sensuum et rationis vix fieri potest;

3) non patet, vnde necessaria pressionis quantitas spiritibus veniat, ad tantam dilatationem efficiendam, quanta ex duritie muscoli agentis cognoscitur.

§. 663. Pariter spiritus animales, tanquam cum motu impellens corpus, in parietes neruorum muscularium agere, et hoc modo musculus dilatare et indurare non possunt (§. 661.). Nam

1) contractiones et dilatationes eorum ex corporibus exsectorum, in quibus impulsus ex influxu non inuenit locum, fiunt;

2) si musculus sit crassior, tunc minor sit effluxus spirituum ex musculo, quam influxus, necesse est. Hoc

H h 3 vero

vero supponit aut vasa neruea in musculis plane clausa, aut minimum longe angustiora quam per reliquam suam longitudinem esse solent. Quicquid horum fit, primis tantum actionis momentis spiritus, tanquam corpus in motu constitutum, in musculos agere poterunt, sequentibus vero momentis tanquam fluidum premens agent. Ergo

- a) argumenta, quae contra actionem spirituum per pressionem adduximus (§. praec. no. 2. 3.), valent etiam contra actionem eorundem per impulsum cum motu;
- b) si clausi sunt musculorum nervi, stagnare spiritus in iisdem debent, putrescerent ergo necessario, id quod est contra experientiam;
- c) si extremitates nervorum in musculis fingantur angustiores, quam sunt in reliquo tractu, fictio haec eius erit naturae, ut
ob

ob angustiam naturalem vasorum nerueorum vix mente concipi queat, nec vlllo modo explicari poterit, quomodo cessatio actionis musculosae momentanea fiat.

§. 664. Quia igitur musculorum intumescencia et durities (§. 656. no. 1.) nec a sanguine vel sero solo, nec a spiritibus animalibus solis, siue influentibus, siue prementibus tantum, fieri potest (§. 660. 663.); hinc necessario vtrumque fluidum ad dictam musculi mutationem est necessarium (§. 659.), et quidem, quatenus vnum horum fluidorum expansionem alterius in musculo producit.

§. 665. Spiritus animales, cum sanguine vel sero commixti, globulis sanguineis vel serosis sunt multo subtiliores ac leuiiores, et hinc dictis his globulis adhaerent, ex adhaesione inter particulas globulos constituentes penetrant et tam hoc modo, quam cohaesione, et sic simul resistentiam,

quam aër commixtus sustinet, minuendo turgescentiam globulorum sanguinis vel feri, et per hanc musculorum duritiem et crassitie incrementum producunt. Et hinc musculi agentis durities atque crassities maior per rarefactionem sanguinis, quae ex miscela spirituum cum sanguine in musculo oritur, producitur (§. praec.).

§. 666. Quemadmodum vero partes igneae, quae corpori cuidam insunt, quando non sunt in motu constitutae, in corpore nec calorem producunt, nec particularum, corpus constituentium, cohaesionem maiorem impediunt: sic spiritus animales quoque, quamvis cum sanguine sint commixti, nullam excitabunt musculi turgescentiam, nisi sint in motu constituti. Duplici vero modo, uti igneae particulae corpori commixtae ad motum concitari queunt, agitatione nempe corporis externa seu trituratione, et affluxu nouarum particularum ignearum; sic dubitare non licet,

cet, spiritus animales quoque, cum sanguine commixtos, tam per agitationem quandam externam, quam per novos affluentes spiritus animales eo perduci posse, ut sanguinem tanto gradu rarefacere queant, quantus ad musculi turgescientiam est necessarius.

SCHOLIUM.

Ex his prolatis principiis explicari potest perquam facile 1) motus cordum ex ranis, vel catulis nondum natis, exsectorum, vel etiam panniculi carnosum animalium recens mortuorum 2) tremor musculorum, qui observatur, quando nervus ligatus infra locum ligaturae irritatur.

§. 667. Cum motus musculorum fiant ad hominis voluntatem tempore fere insensibili, ut etiam miscela spirituum cum sanguine (§. 664. 665.) tantillo temporis spatio fiat necesse est. Hoc vero requirit, ut sanguis non solum in minutissimis haereat cauis, verum etiam ut in quamlibet talem cavitatem minutissimam abeat nervus,

H h s

qui

qui spiritus eo deferat, sic enim maximus aequae ac minimus musculus aequae celeriter intumescere potest. Aequae celeriter quoque cessabit musculi intumescencia, quia sanguis, tanquam a corde, et ab ipsis caui parietibus, quos expandit, perpetuo pressus non quiescit in dictis cavitatibus minimis, in quibus rarefit, sed statim ex iisdem abit: dum igitur ad idem cauum nouus quolibet tempore insensibili sanguis accedit, versus quem, pro animae voluntate, nullus spirituum animalium motus determinatur, nulla noua fit sanguinis turgescencia, prior vero, tametsi non cessat, musculum tamen non amplius extendit, quia in venas transiit, vbi sanguinem propellere potest versus cor, adeoque non amplius agit in partes musculi solidas.

Tab. II.
Fig. 3.

§. 668. Cum sanguis cauorum, in quibus haeret, parietes expandat, nisi caua sint sphaerica, vel parietes elongari queant, fient caua breuiora, siue fuerint cylindrica, siue prismatica,

tica, siue sphaeroidica. Tametsi enim sanguis, quaquaversus se expandens, tantum in diametro caui maiore *de* secundum directiones *cd* et *ce*, quantum in minori *ab*, secundum directiones *ca* et *cb* agit: tamen, secundum leges motus compositi, tendentia, qua punctum *e* in linea *ec* tendit sursum, est ad tendentiam puncti *a* ab *a* versus *c*, ut *ec* ad *ac*: ergo excessus, quo puncti *e* tendentia ab *e* versus *c* superat tendentiam puncti *e* a *c* versus *e*, quam a fluido sese in cauo expandente habet, aequalis est *ce-ca*, id est, differentia linearum *ce* et *ca*

§. 669. Et hinc contrahitur musculus eo tempore, quo a sanguine contento, ex spirituum miscela expanditur atque indurescit (§. 657. seqq.). Mouentur itaque membra, mobilia, quibus muscoli inferuntur, ex contractione musculi, et potentia mouendi dicta membra semper maior erit initio expansionis, quam quando musculus iam est expansus atque contractus,

ctus; ergo decrefcet conftanter, dum expansio atque induratio crefcit.

§. 670. Necelfe autem eft, vt parietes cauorum expansorum tanto gaudeant robore, quantum requiritur, vt neque a fluido cauum expandente, neque a refiftentia in *e* adplicata elongari queant. Si enim elongentur parietes, mufculus non contrahitur, nam diameter caui *de* aut itidem fit longior, aut faltem non breuior. Ex quo fponfe fluit, parietes iftorum cauorum non poffe effe nerueae medullofae naturae, talis enim confiftentia, ad tales vires fuffinendas, quantae a mufculis fefe contrahentibus, fuperantur, plane eft ineptâ. Parietes hi cauorum, qui per expansionem breuiiores fiunt, potius fibris tendinum mufculofozum et numero et robore debent effe aequales, aut fi numero pauciores fiint, robuftiores erunt, vel fi numero plures fiint, cum omnes fimul agant, poffunt effe paulo debiliores. Tendines enim, experientia teffe, neque fefe contrahunt, neque

neque elongantur, dum musculus agit.

§. 671. Et sic ex haftenus dictis (§. §. praec.) patet considerandas esse fibras carneas musculosas tanquam caua, non tamen tanquam caua per totam musculi longitudinem continuata, sed in vna fibra, secundum eiusdem longitudinem, plurima esse debent minima caua, in quorum quodlibet, vnus minimum arteriae, et vnus minimum nerui ramulus penetret, pro fluidorum, expansionem efficientium, delatione. Quamquam vero dicta caua ob summam exilitatem sensibus haftenus exhiberi haut potuerunt: ex veris tamen phaenomenis legitima conclusione eruuntur, eademque a posteriori, saltim aliquo modo, confirmantur.

§. 672. Quod ad vsum contractionis musculosae attinet (§. 656. no. 3.), illa quidem generatim in motu quodam, vel totius nostri corporis, vel partium eiusdem, tam solidarum, quam

quam fluidarum consistit, multaque de his iam in antecedentibus capitibus fuere proposita, interim tamen varia adhuc dicenda supersunt, de quibus nunc verba sumus facturi.

§. 673. Ratio, cur muscoli antagonistae, quibus actiones vitales et naturales perficiuntur, agant indefinenter die noctuque absque ullo lassitudinis sensu, vel debilitatis signo, vel in spiritibus, vel in sanguine, vel in peculiari fibrarum robore, vel in his tribus, vel duobus ex hisce concurrentibus est quaerenda.

§. 674. In sanguine, ad musculum accedente, nulla inuenitur ratio, ex qua cognosci posset, musculos hosce reliquis indefinenter et sine lassitudinis sensu agere vel posse, vel debere; hinc vel in peculiari fibrarum musculosarum robore, vel in spiritibus, vel in vtrisque simul ea haerebit.

§. 675. Carnem cordis, itemque arteriarum aliam et quidem dentio-
rem

rem esse reliquorum musculorum carne, color, tactus itemque coctio in aqua docent. Fibrae musculares intestinorum pari modo sese habent, quando coquuntur, colore quoque ab artuum musculis se distinguunt, et quamquam densitas maior tactu haut patet, insignia tamen pondera, quae e chordis, ex parte musculosa intestinorum animalium paratis, suspenduntur, abunde horum musculorum tenacitatem prae reliquis musculis declarant.

§. 676. Cerebro compresso sensus et voluntarii motus cessant, vitales vero per aliquot minimum horas, interdum et dies continuantur *; cerebello vero compresso subita sequitur mors **. Exinde sequitur, vt

1) motus spirituum, pro motu omnium musculorum, veniat ex capite;

2) mu-

* Wepfer de Apoplexia. p. m. 215.

** Hoffmann de fibra motrice. p. m. 13.

2) muscoli, qui artus atque truncum mouent, ex cerebro suos accipiant spiritus, contra vero

3) spiritus ex cerebello abeant ad cor, arterias, musculos respirationis, atque tunicam intestinorum muscularem.

Cum igitur supra demonstratum sit (§. 220.) longe maiorem esse spirituum copiam, qui ex cerebello in eius influunt neruos, quam qui ex cerebro in huius abeunt neruos; facile perspicitur, in statu sano, illo tempore, quo spiritus ex cerebro venientes non sufficiunt ad actiones musculorum voluntarias peragendas, spiritus ex cerebello venientes adhuc sufficere ad eorum musculorum, quibus actiones vitales et naturales absoluntur, actiones continuandas. Ex his igitur est manifestum, cum muscoli, qui constanter agunt, reliquos, tam quod ad robur physicum, quam quod ad robur vitale superent, illos his ad constantes actiones absque lassitudinis

fitudinis signo peragendas longe esse aptiores.

§. 677. Musculi, quibus actiones vitales et naturales absoluuntur, suos habent antagonistas, vti cor, pectoris et intestinorum musculi, in his enim fibrae longitudinales sunt spirallium, et vice versa hae istarum antagonistae: nullus istorum musculorum agere poterit, quin antagonistam suam elonget. Quia igitur idem sanguinis et spirituum in caua musculorum influxus maiorem longe producit vim absolutam in musculo elongato, quam in contracto (§. 68.), facile apparet, nullum antagonistarum in statu contracto quiescere posse, sed semper ab elongato superari debere; adeoque vnus antagonistarum semper erit causa occasionalis, ob quam alter sese contrahere debet.

§. 678. Musculi, quibus animales perficiuntur actiones, ex cerebro suos accipiunt nervos (§. 676.). Ex eodem igitur cum etiam illi oriantur nervi, quibus sensationes fiunt,

id ipsum vero doceat, in cerebro esse sedem animae rationalis, patet non solum ratio, quare dicti muscoli imperio animae quod ad actionem possint esse subiecti, sed et statum animae volentis, vel nolentis, tanquam primam causam, qua spiritus versus musculos tanta quantitate, ut muscoli turgescant, determinantur, esse considerandum.

§. 679. Quia anima non in cerebello sed in cerebro haeret (§. praec.), spirituum animalium motum quoque ex cerebello augere minuereque nequit. Causa ergo huius motus erit partim actio ex adhaesione spirituum animalium momento secretionis, partim impetus sanguinis, quo tam secretae particulae propelluntur, quam nouae pro secretionem adferuntur, partim cohaesio spirituum in extremitatibus neruorum, cum sanguine per caua moto. Cum igitur hae causae in statu sano, absente omni statu violento vel morbofo, breui tempore nunquam mutantur, etiam motus spirituum

rituum ex cerebello et actiones musculosae inde pendentes manebunt aequabiles, et cum aetate tantum, vel a statu corporis violento, vel aegroto mutabuntur.

§. 680. Et sic nunc ex his dictis (§. §. praec.) facile perspicere licet, quid de motu musculorum mixto (§. 651.) sit dicendum. Nervos nempe illi muscoli tam ex cerebro, quam ex cerebello habere debent. Cum enim anima motum spirituum ex cerebello mutare nequeat: aliter quoque actiones musculorum, a spiritibus cerebelli motorum, pro voluntate animae mutari haut possunt, quam si ex cerebro quoque spiritus in eosdem, vel antagonistas musculos determinentur: priori enim modo motus augeri et accelerari, posteriori vero minui vel ad tempus fitti queunt. Id vero fieri nequit, nisi nerui ex cerebro quoque ad istos musculos abeant.

§. 681. Antequam vero huic de contractione musculorum in genere

doctrinae finem imponimus, pauca adhuc tradenda sunt ratione virium, quae in muscoli actione considerandae veniunt. Sunt vero hae triplices, aut enim

a) ea est, quae musculum expandit, aut

b) ea, qua sese musculus contrahit, aut denique

c) resistentia, quae per musculi contractionem superatur.

§. 682. Ipsa vis expandens in quolibet cauo musculari minimo, primo expansionis momento, minima esse potest, quanquam resistentia, per caui contractionem superanda, sit admodum magna, vti in mechanicis ex theoremate de motu composito facile demonstratur *. Quamprimum vero cauum est expansum, tunc semper vis dilatans est ad vim, qua sese contrahit vnum cauum, vt diameter minor

* Varignon Nouvelle Mechan. Tom. I. Sect. II. Cor. XVI.

nor caui ad diametrum maiorem eiusdem, adeoque tanto maior debet esse vis expandens, quanto magis cauum iam est expansum, eadem manente resistentia per contractionem caui directe superanda, siue quod idem, quanto magis secundum longitudinem cauum iam est contractum.

§. 683. Hinc, si musculi antagonistae in se inuicem agunt, semper contractus elongari, id est superari poterit, per contractionem nondum contracti.

§. 684. Si, uti probabile est, caua musculorum minima sint eiusdem magnitudinis, vis expandens vnum cauum est ad vim expandentem omnium in vno musculo reperiendorum ut 1 ad numerum omnium cauorum. Est igitur vis expandens in vno musculo ad vim expandentem in alio quodam musculo in ratione cauorum vtriusque musculi, quae ablatis tendinibus, partibusque pinguibus ex pondere musculorum satis exacte cognosci potest, erit enim tunc nume-

rus cauorum in vno musculo ad numerum cauorum in altero in ratione ponderum.

§. 685. Conatus, quo caua sese ob expansionem contrahere nituntur, *vis* dicitur *absoluta*. Et haec tanta est in vno cauo, quanta est in tota fibra, quotquot in eadem haereant caua. Haec vis absoluta ergo non est in partes distributa per ista caua vnius fibrae, sed quodlibet cauum tantum debet resistere, quantum vis adplicata trahit. Multitudo cauorum in vna fibra id tantum efficit, vt spatium, ad quod tota fibra sese contrahit, crescat cum longitudine fibrae. Et hinc tanto longior in corpore nostro est musculorum pars carnea, quanto maius est spatium, per quod musculus sese contrahere debet.

§. 686. Longitudo itaque fibrarum muscularium seu carnosarum non auget vim absolutam (§. praec.), et hinc haec in omnibus fibris muscularibus, saltem physice homogeneis, siue

sint longae, siue breues, est eadem. Est itaque vis absoluta musculorum (§. praec.) ad vim absolutam vnus fibrarum, vt numerus fibrarum musculi constituentium ad 1, et diuersorum musculorum vires absolutae erunt inter se vti numeri fibrarum dictorum musculorum.

§. 687. Hic numerus fibrarum vnus musculi, ob exilitatem earundem, numerando haut potest determinari. Quod si autem in omnibus musculis sit eadem fibrarum densitas, erunt numeri fibrarum in diuersis musculis, vti bases eorundem, id est, vti facta ex eorundem latitudine in profunditatem.

§. 688. Sed, quia variae circumstantiae mensuram baseos muscularis difficilem reddunt, ex longitudine fibrarum muscularium atque pondere musculorum, sine tendinibus atque sine pinguedine mensuratorum, potentia eorundem absoluta est inuenienda. Erunt igitur semper poten-

tiae absolutae in ratione composita ex directa ponderum et reciproca longitudinum.

§. 689. Quia tendines

1) nec sese contrahunt, nec elongantur, quando muscoli agunt, adeoque

2) musculorum vim nec augent, nec minuunt;

3) in multis musculis non adsunt;

hinc ad essentialia musculi pertinere non videntur. Interim tamen usus, quos praestant, satis sunt insignes atque varii. Nam

1) saepe efficiunt, ut plures muscoli in paruo quodam offis spatio concurrere possint, id quod est necessarium, quando pars quaedam corporis nostri motus diuersos exercere debet.

2) saepe efficiunt, ut directiones aliorum musculorum, et hinc eorundem actiones insigniter non mutantur.

3) inter-

- 3) interdum musculo necessariam, quam habere debet, dant longitudinem.
- 4) magis sunt apti ad sustinendas absque noxa compressiones externas, quam muscoli.
- 5) facilius ab offibus, quam muscoli ab iniuriis externis possunt defendi.
- 6) articulos ad vsus necessarios magis conformant.

SCHOLION.

Ex dictis apparet simul, cur structura digestiva in nonnullis musculis obtineat, uti v. g. videmus in musculis abdominis, digestivis maxillae inferioris.

§. 690. Denique etiam est notandum, quod ossa nostra possint tanquam vectes considerari, et quidem tanquam vectes homodromi, quibus vires musculorum mouentes ita applicatae, ut hypomochlio sint propiores, quam resistentia per actionem musculorum superanda; unde etiam semper vis mouens musculorum resistentia superanda longe reperitur maior.

SCHOLION.

Ordinis ratio exigit, ut nunc de effectibus actionum muscularium speciatim agamus. Quia vero ea, quae motum cordis, articularum, musculorum pectoris, abdominis, oculorum, aurium, maxillae, linguae etc. concernunt, in antecedentibus capitibus iam fuere exposita; de voce tantum et motu totius corporis quaedam dicenda supersunt.

CAPVT XIII.

DE

ACTIONE MUSCULORVM

SECTIO II.

DE

VOCE.

SPECIATIM.

DE

ANHELATIONE, STERTORE, CLAMORE,
CANTV, LOQVELA, RISV, FLETV, TVSSI
ET STERNVTATIONE.

§. 691. Sub *Voce* intelligere solemus talem sonum, quem corpus animale vel ope constrictionis pectoris per os aut nares, vel ope dilatationis pectoris circa os vel fauces edere solet.

§. 692.

§. 692. Quia omnis sonus supponit subitaneam aëris expansionem (§. 615. no. 1.) necessario omnis vox humana fieri debet, dum vel aer in partibus conprimitur superioribus, vel resistantia subito ibi aufertur. (§. praec.)

§. 693. Dum respiratio fit magis, quam in statu naturali, citata, vel magna et citata, nisi glottis in ea ratione dilatari queat, in qua crescit quantitas aëris ad eandem per citatam respirationem delata, respiratio fit sonora, et *anbelatio* appellatur.

§. 694. Respiratio sonora atque tremens vocatur *stertor*. Oritur talis, dum glottis minor fit quam in statu naturali per corpus mobile extrinsece accedens, tunc enim aer magis quam in statu naturali compressus per glottidem transit, post transitum ergo sese expandens sonoram reddit respirationem, nec non tremulam, quia corpus mobile glottidem arctans et laryngi adhaerens tremit.

§. 695. Vox vehemens *clamor* nuncupatur. Vehemens ergo aëris expansio

panfio, adeoque et praecedens magna compressio vt adfit est necesse. Triplici vero modo haec potest obtineri, vel

- 1) sola glottidis angustatione, manente constrictione pectoris naturali; vel
- 2) sola pectoris constrictione vehemente, manente glottide in statu naturali; vel
- 3) simul pectus vehementer constringendo atque glottidem in principio arctando, subito tamen, et quantum fieri potest, dein aperiendo.

§. 696. Priori modo (§. praec. no. 1.) vix clamor, vel ad summum parvus, obtinetur. Nam 1) larynx aërem erupturum non comprimit, quocunque gradu angustetur, veletiam claudatur glottis, sed pectus; 2) minor tantum aëris quantitas per angustatam glottidem vno temporis momento prodire potest, vnde aëris sese expandentis impetus, ob massam minorem, erit parvus.

§. 697. Alter modus (§. 695. no. 2.) tanto maiorem efficit clamorem, quanto maiori gradu, et quanto maiori celeritate pectus constringitur. Cum enim per pectoris constrictionem aër in pulmonibus ab omni prematur et moueatur plaga, in vnico vero tantum loco per angustam rimam abire queat, omnis aër, qui eo momento, quo premitur, cedere nequit, comprimitur: hinc, quia spatia, ad quae aër comprimitur, in ratione virium comprimementium inuersa decrescunt *, erit compressio tanto maior, quanto maior et celerior pectoris est constriction; et quia elasticitas aëris compressi semper vi comprimenti est aequalis **, haec vero elasticitas est impetus, qui clamorem constituit, erit clamor tanto maior, quanto maior est pectoris constriction. Vt vero haec sit magna, pectus prius, quantum fieri potest, est dilatandum.

§. 698.

* El. Physic. §. 297.

** ibid.

§. 698. Cum ille tantum aër in pectore, qui et quatenus non cedit, comprimatur: maxima erit compressio, quae fit, post maximam pectoris dilationem, glottide clausa, tunc enim nullus plane cedit. Si igitur tunc subito tantum, quantum fieri potest, aperiatur glottis, magna aëris quantitas, quantum in corpore nostro fieri potest, elastici erumpet, unde clamor primus maximus omnino esse debet. Dein vero quovis momento hic clamor continuatus fit minor, quia

1) quantitas aëris, in pectore residui, omni momento decrescit;

2) primo egresso, reliquus in pulmone sese expandit, antequam ad glottidem accedit, hinc momento eruptionis per glottidem minus erit elasticus;

3) quousque glottis aperta, iste compressionis gradus redire nequit, qui aderat glottide clausa;

4) pectus iam constrictum, nec ad tantum spatium, nec tanto impetu sese

fese constringere potest, ac dilatatum.

§. 699. Ex his igitur dictis (§. §. praec.) fatis est clarum:

- 1) glottidem esse locum, vbi vox generatur;
- 2) causam eius immediatam esse elaterem aëris magis, quam in statu naturali, intra pulmones compressi;
- 3) causam vero remotam esse vires, quibus aër in pulmonibus comprimitur.

§. 700. Sunt vero hae vires (§. praec.) musculi abdominis, intercostales interni, infracostales, sternocostales, imo ipsi bronchiorum et asperae arteriae musculi, praecipue in homine, quia extremitates annulorum cartilagineorum asperae arteriae in homine magis, quam in animalibus, inter se distant, longisque fibris muscularibus transuersis sunt connexae, quibus cauitas asperae arteriae insigniter coarctari, aërque contentus comprimi potest.

§. 701.

§. 701. *Cantus* est vox per tonos subsequentes expressa. Quia ergo tonus est sonus ex alio sono quoad quantitatem determinatus *, erit cantus vox, per aliquot momenta, per sonos inter se determinatos, continuata.

§. 702. Determinatio quantitatis unius soni ex alio dependet partim a massa aëris erumpentis, partim ab eiusdem celeritate. A massa aëris per glottidem erumpentis si pendeat soni diuersitas erit vel fortis, vel debilis, a celeritate vero si pendeat soni diuersitas, erit vel acutus, vel obtusus.

§. 703. Idem ergo tonus potest fieri fortis a dilatatione, atque quoque debilis ab angustia glotidis (§. praec.).

§. 704. Celeritas expansionis aëris per glottidem erumpentis generatim a gradu compressionis eiusdem intra pulmones pendet, verum hic compressionis

* El. Physic. §. 636.

pressionis gradus nequaquam vnice a glottidis oritur angustia, sed concurrunt simul impetus, quo pectus constringitur.

§. 705. Manente eadem vi, aërem comprimente, magis comprimitur aër intra pulmones, si glottis est angusta, quam si eadem est ampla, ergo maiori quoque celeritate magis, quam minus compressus, ex glottide prodibit, id est, eadem manente pectoris constrictione, obtusus erit tonus, si glottis sit ampla, acutus vero, id est minus obtusus, si glottis sit angusta. In hoc ergo casu tonorum varietas, adeoque et cantus (§. 701.), vnice a glottidis apertura dependet.

§. 706. Manente eadem glottidis amplitudine, sed maiori vel minori impetu pectore constricto, maiori vel minori gradu variabit cum aëris intra pulmones compressio, tum celeritas, qua sese expandit, dum per glottidem erumpit, ergo et variabit tonus. Magis ergo adhuc variabit tonus, si pe-

ctus aequae ac glottis maiori simul constringantur gradu, vel si, inminuto impetu, quo pectus constringitur, glottis amplior euadat. Contra vero idem manebit tonus, si, magis constricto pectore, glottis pro ratione constrictionis pectoris ampliatur.

§. 707. Ad classem causarum, quibus toni mutatio producit, omnino etiam referre debemus:

- 1) variationem longitudinis faucium, longior enim fit faucium tubus, a glottide ad oris extremitatem usque in toni obtusi formatione, breuior vero, si tonus editur acutus.
- 2) ipsam asperam arteriam, quatenus eius vel longitudo vel amplitudo variat.

SCHOLION.

Ex his dictis simul est manifestum, quare tam aspera arteria, quam cartilaginee arythaenoideae pluribus obductae sint quasi glandulis mucaginosi, et quare his glandulis obstructis vox mutetur, vel aboleatur.

§. 708. Vox in larynge semel formata (§.699.) duplici erumpit via, nempe

- 1) per os et quidem quoad maximam partem, ac dein
- 2) quoque per nares.

§. 709. Propter diuersam labiorum oris, dentium, buccarum, linguae, palati, vuulae, duritiem, situm, glabritiem, asperitatem atque mutabilitatem, sinus narium diuersos, ossa turbinata etc. vox in glottide formata (§.699.) infinite adhuc mutari potest, antequam ex ore et naso prodit. Vocatur vox talis per has partes mutata *vox articulata*, et talis vox articulata, qua quis utitur ad significandas suas cogitationes, *loquela* audit.

SCHOLION.

Harum dictarum partium actionem (§.709.) prolixè inprimis exposuit *Paulus Ammannus* *

K k 2

§. 710.

* de Surdo loquente.

§. 710. Animae quoque affectus et quidem gratos cum laetitia coniunctos, et ex repugnantiae cuiusdam obseruatione ortos, vel ingratos, cum timore vel tristitia connexos voce significare solemus. Vox priori idearum generi iuncta dicitur *risus*, eiusque maior gradus *cachinnus*; posteriori vero connexa *fletus*, vel maior eius gradus *eiulatus*.

§. 711. Risus est vocalis aliquoties et celeriter durante vna expiratione prolata, fit ergo a musculis intercostalibus internis atque abdominis, vehementer ad paruum tamen spatium contractis. Imo diaphragma quoque et muscoli intercostales externi in risu agunt, ita tamen, vt praeualeat per intervalla actio constrictorum pectoris.

§. 712. Multa quidem habet fletus cum risu communia, interim tamen ab eodem differt quam maxime in eo, quod inspiratio sit magna quidem, intercisa tamen simul, saepeque

que sonora: exspiratio vero protracta quidem et sonora, non tamen intercisa.

§. 713. In *tussi*, quam maxime si est voluntaria, fit

- 1) inspiratio magis vel minus magna,
- 2) hanc sequitur oris apertio, et per hoc
- 3) exspiratio vehemens sonora, vel vna, vel aliquoties intercisa concussoria.

§. 714. Tussis ergo a risu (§. 713. 711.) differt praeprimis

- 1) ratione gradus, actio enim aëris ex tussi erumpentis est longe vehementior quam in risu;
- 2) in eo, quod larynx per suos musculos et os per labia et linguam maximam partem claudantur et per vim aëris protrusi demum aperiantur.

§. 715. *Sternutatio*, quatenus est explosio aëris vehemens atque sonora,

cum tussi conuenit quidem (§. 513.), interim tamen valdopere adhuc ab hac discrepat, et quidem

1) quod magna semper, interdum intercisa, procedat inspiratio;

2) quod non semper, nec semper proxime, quo respiratio quiescere videtur, dilatationem pectoris sequatur ista vehemens et sonora, interdum clamans exspiratio, quae sternutatio nominatur;

3) quod inspirationem non nisi unica non intercisa sequatur aëris explosio;

4) quod explosio fiat ordinarie vnice per nares, vel saltem maximam partem per nares;

5) quod irritatio, sternutationem efficiens, semper in naribus fieri debeat;

6) quod eodem tempore pituita, si qua in naribus haereat, protrudatur.

§. 716. Sternutatio ergo narium emundandarum causa, vti tussis (§. 713.)

(§. 713.) asperae arteriae, laryngi et pulmonibus repurgandis data videtur.

CAPVT XIII.

DE

ACTIONE MUSCVLORVM

S E C T I O III.

DE

MOTV CORPORIS PROGRESSIVO SEV LOCALI.

§. 717. Tria sunt quidem, quae in hac doctrina exponenda occurrunt:

- 1) vis mouens;
- 2) ossa, quae immediate mouentur a musculis, iisque dant puncta fixa;
- 3) resistentia alius corporis immobilis, vt telluris.

Quia vero a) de vi mouente, quae est potentia musculorum absoluta, partim iam fuit dictum (Sect. I. Cap. XIII.), partim ea, quae ad specialiora pertinent, in myologia nec non osteologia proponuntur, b) de ossibus vero in osteologia quoque vberius agitur, hinc

in praesenti tantum exponere volumus primarias actiones, quas corpus humanum ope suarum articulationum instituere solet. Sunt vero hae *decubitus*, *erectio*, *statio*, *sessio*, *ambulatio*, *cursus* et *saltus*. Et omnium harum actionum causa proxima et efficiens est resistentia telluris, vel aliorum corporum super tellure, relative ad actionem corporis humani immobilium.

§. 718. Decubitus vel est supinus, vel ad latus. In decubitu supino dorsum est satis planum atque latum, et distantia centri grauitatis a dorso longitudine et latitudine huius longe est minor. Super dorso igitur homo quiete decumbit, absque vlllo actionis musculorum concursu, modo superficies telluris sit horizontalis; si vero planum secundum longitudinem corporis sit inclinatum, pedes in obstaculum immobile agere debent, vt corpus quiescat. Quia vero articulatio ossis femoris et superior et inferior facile flectitur, non potest homo quiete

te supinus super plano inclinato decumbere, nisi extensores tam femoris, quam tibiae et pedis extremi constanter agant.

§. 719. Ad latus quando decumbimus, quia corpus humanum minus crassum, quam latum esse solet, tenuis erit basis, cui incumbimus. Magis tunc quoque est eleuatum centrum grauitatis supra basin, quam in decubitu supino; a leui ergo vi corpus humanum, lateri incumbens super plano duro, e suo potest abire situ, et vel in dorsum vel in pectus deuolui. Ut igitur homo sese in decubitu ad latus conseruet, brachium istius lateris, cui incumbit, directe protendere, tibiam vero, minimum pedis superioris, vel simul femur istius lateris, cui incumbit, atque alterius pedis tibiam flectere debet; quia vero brachium, ob articuli mobilitatem, corpus in isto situ quiescens conseruare non potest, pectoralis magnus constante actione reclinationem, et latissimus dorsi inclinationem corporis versus anteriora impedit.

§. 720. Dum homo, supinus plano horizontali incumbens, antrorsum sese erigit, tunc, fortiter femoribus appressis ope gluteorum telluri, flexores femoris sese contrahunt. Quodsi vero super plano inclinato supinus quiescit, erectio antrorsum sequenti modo fieri solet: Cubiti flectuntur, humeri attolluntur, ita, ut utraque manus extrorsum incuruata iuxta dorsum, plano immobili, cui incumbit homo, adplicari queat. Hoc facto humerus versus truncum trahitur, extensores quoque cubiti atque flexores manus sese contrahunt, donec omnes articuli brachii lineam constituunt rectam. Necesse igitur tunc est, ut scapulae, et una cum iis trunci pars superior et caput adscendant, et versus anteriora moueantur. Firmatis dein femoribus ad planum inclinatam, musculi flexores femoris facile truncum anteriora versus ad situm usque verticalem trahent.

§. 721. Homo supinus, plano horizontali incumbens, quando adscendere

dere cupit, aut ad sessionem vsque sese erigere, aut voluere sese prius debet, vt pronus iaceat, id quod diuerso quidem modo euenire potest, vnum tamen tantum horum coram exponere volumus.

§. 722. Homo in plano horizontali sedens, dum surgere cupit, truncum versus vnum latus inclinat, eundemque fulcit, flectit simul tam femur, quam tibiam lateris oppositi, vt pes extremus innitatur telluri, extendendo dein et tibiam et femur et brachium truncus eleuatur, simulque parum versus istud latus voluitur, quod brachio sustentatur. Alterum crus tunc itidem flectitur et pes extremus telluri adplicatur; corpus nouum acquirit fulcrum, proxime ad eum locum, in quo linea directionis tellurem tangit. Contractis tunc glutaeis et tibiae extensoribus prior pes horizontaliter protenditur, et sic pondus trunci a pede extenso magnum acquirit aequilibrium, vt facile a glutaeis alterius pedis fulcientis erigi queat, vnde dum femur extenditur, truncus eleuatur.

tur. Simul pes alter extensus versus et vltra pedem fulcientem mouetur, quo motu truncus voluitur, et pes, qui reuolutionem effecit, telluri applicatur.

§. 723. Homo pronus humi prostratus sese erigit, dum

1) cubitos flectendo, manus telluri applicat et simul pedes extremos flectendo, digitos vero eorundem extendendo hosce quoque telluri ad-mouet, ita, vt iam inferioribus suis superficiebus tellurem contingant.

2) his factis extensione manuum atque cubitorum truncus partim in anteriore parte eleuatur, partim versus posteriora premitur, crura et nates, rigidis conseruatis genibus, antrorium premuntur, et sic his motibus trunci versus plagas oblique contrarias ex motu composito flectuntur et eleuantur nates.

3) sustentato iam corpore super brachio vnus lateris et pede alterius lateris,

teris, cum alterum brachium versus posteriora, tum alter pes per suos flexores versus anteriora trahitur, et hifce dein corpus tam sustentatur, quam eorum extensione leni parum eleuatur, sic et prius sustentans brachium atque pes, eodem modo ac priora, iuxta actu sustentans brachium atque fulcientem pedem ponuntur.

- 4) flexis dein genubus atque femoribus et extensis manibus, truncus retropremitur, ita, vt leui glutaeorum contractione truncus et simul totum erigatur corpus.

§. 724. Vt vero corpus stans erectum conseruetur, duo requiruntur:

- 1) primum nempe, vt nullus articulorum ab incumbente flectatur corpore, id quod vnice per contractionem simultaneam omnium musculorum, qui sunt extensores capitis, trunci, femoris, tibiae ac pedis extremi, obtinetur.
- 2) alterum vero, vt linea directionis cadat intra basin.

§. 725. Stationem mutamus in sessionem, flectendo corpus super capitulis femoris antrorsum, ne vero sic centrum grauitatis extra pedes abeat, genua simul flectuntur, itemque pedes extremi, sic enim nantium versus posteriora motu tantum rursus augetur pondus partium post centrum grauitatis, quantum anteriora versus per inclinationem trunci et tibiae. Dum igitur hae tres flexiones simul fiunt, manet linea directionis intra pedes. Hae flexiones continuantur, usque dum sentimus femora fellam contingere, tunc enim ope glutaeorum erigitur rursus truncus, et ab osse sacro duobusque ischii fulcitur.

§. 726. Dum homo stans locum suum lente, pedum alternatiuo motu, mutat, *ambulare* dicitur.

§. 727. Ambulaturi ergo prima est actio, ut lineam directionis super vnum deuoluat pedem, ita, ut hic solus totum corporis humani sustineat pondus. Fit hoc extenso vno pede extremo

tremo, totum enim crus fit longius, cum vero tellus non cedat, huius resistantia pellitur acetabulum cruris extensi versus alterum crus, et vna linea directionis super alterum pedem. Hoc facto, flectitur alterum femur, quod nempe ad sustentationem corporis nihil amplius confert, cessante simul musculorum tibiam extendentium actione, sic enim pes extremus non solum eleuatur a tellure, vt quauis versus moueri queat, sed et tibia situm ad horizontem perpendicularem obtinet, et ad fulciendum corpus semper manet apta, anteriorem quoque occupat locum, in ea nempe plaga, versus quam ambulatio ordinarie solet institui. Rigido postmodum conseruato genu, iste quoque pes extremus expanditur, qui totum corpus sustentat, et sic

1) recedit astragalus et calcaneus superiora versus a tellure,

2) basis antea longa mutatur in breuem, et linea

3) di-

3) directionis corporis anteriora versus mouetur.

Fulcitur igitur corpus denuo duobus pedibus; quodsi igitur ulterius progredi lubeat, continuanda est posterioris pedis extensio, usque dum linea directionis in pedem sit translata anteriorem, hic vero non potest anteriora versus moueri, nisi a) centrum grauitatis rursus eleuetur, b) posterioris pedis femur imo c) tibia atque d) pes extremus flectantur, sic pes posterior fit breuior anteriore, et sic absque impedimento continuante flexura femoris, anteriora versus mouetur et ad denuo fulciendum corpus aptus euadit. His ergo actionibus repetitis in alternis pedibus, continuatur ambulatio.

§. 728. Dicta satis indicant non sufficere ad ambulationem, ut linea directionis corporis nostri semper moueatur anteriora versus, sed quoque nunquam non a pede sinistro ad dextrum et a dextro ad sinistrum deferri debet. Hic motus si fiat per spatium magnum, non solum maiores requirit

quirit vires, sed et retardat motum progressuum, qui simul, ob vacillationem trunci manifestam, suam perdit elegantiam.

§. 729. Haec incommoda (§. praec.) evitantur, dum mutua pedum distantia, a dextra versus sinistram mensurata, durante motu progressivo, constanter manet, quae esse potest, minima. Hoc vero obtinetur, dum talis fit pedum diuaricatio, qua calcanei, quoad distantiam, versus dextram vel sinistram mensuratam, sibi semper, etiam in motu corporis progressivo, manent proximi. Et ex eadem ratione quoque passus in ambulatione non debent esse magni, quo magis enim pedes diuaricantur, eo magis gravitatis centrum descendit, hinc eo altius est eleuandum, antequam super altero fulcitur pede, adeoque eo maior vis muscutorum pro motu centri gravitatis est adhibenda.

§. 730. Ambulatio celeris vocatur *Cursus*. Cursus ergo ab ambulatione

sola differt celeritate. Eaedem ergo partes nostri corporis eodem modo, eodemque agent ordine in cursu, ac in ambulatione. Interim tamen in cursu omnes articuli inferiores maiori flectuntur et extenduntur gradu, vnde et passus fiunt ampliores. Ne vero per cursum, imprimis celerem, fiat nimia virium consumptio, inclinatur simul truncus durante tali cursu antrosum, sic enim centrum grauitatis magis deferretur versus eam plagam, versus quam, vi muscutorum durante cursu, deferri debuisset.

§. 731. Praeterea quoque longitudo artuum inferiorum multum cum ambulationem (§. 526.) tum cursum (§. praec.) adiuuat.

§. 732. Eleuatio totius corporis ope pedum, ita, vt certo temporis momento nullus pes tellurem contingat, *Saltus* dicitur.

§. 733. Dum saltus fit, flectuntur, quantum fere fieri potest, articulationes inter pedes extremos atque tibias,

bias, tibiae et femora, femora et ossa innominata, imo ipse truncus, sic centrum gravitatis nostri corporis, parvam admodum a tellure acquirit distantiam, musculique extensores omnium harum articulationum, quantum fere fieri potest, elongantur. Sic hi apti fiunt, ut non solum ad spatium insigne, verum et maxima, quae est possibilis, potentia absoluta sese contrahere queant. Hac contractione dein in omnibus simul, itemque in musculis digitorum pedum flexoribus, atque subito facta, tantum quidem fere corpus deorsum trahitur, quantum sursum, quia vero impetus deorsum ex contractione extensorum ortus, a tellure perfectam acquirit reactionem, impetus tam qui sursum fit, quam reactio telluris motum dabunt, qui cum maior sit pondere corporis, corpus una cum pedibus eleuabitur, quamuis hi, contractione extensorum continuante, deorsum versus extendantur et elongentur.

§. 734. Vfus contractionis musculorum ad truncum, caput et artus pertinentium est vel externus, vel internus. Ille consistit in motu locali siue totius siue partium eiusdem; hic vero in augmento

- a) motus progressiui et hinc quoque intestini sanguinis;
- b) omnium secretionum, atque excretionum;
- c) roboris totius corporis.

C A P V T XIV.

DE

S O M N O.

§. 735. Omne sensuum exercitium atque omnem motum muscularem a spiritibus animalibus dependere ex dictis Cap. XI. XII. XIII. abunde patet. Cum igitur spiritus ex massa sanguinea secernantur (§. 217. seq.), nec tamen quaelibet massae sanguineae particula apta sit, vt in spiritus mutetur, imo istae, quae eius sunt conditionis, quam desiderant spiritus, prius per crebriorem circulationem a reliquis partibus

bus craffioribus, quibus cohaerent, sint separandae, antequam in cerebro sub spirituum nomine secerni queant, insuper cum omni fluido excreto insignis spirituum, tanquam fluidi nostri corporis subtilissimi, copia simul excernatur, hae vero excretiones, maxime sudoris, crescant vti motus corporis, sequitur, vt si vnquam tempore certe motus maior spirituum quantitas excernatur, quam per sanguinis circulum praeparari et in cerebro secerni potest.

§. 736. Hic defectus spirituum, qui ita oritur (§. praec.), per totam quidem massam sanguineam est aequabilis, effectus tamen nec in tota massa sanguinea, nec in omni loco, vbi spiritus secernuntur, erit idem. Primo ergo maxime sensibilis fit hic spirituum defectus in cerebro atque iis organis, quorum nerui a cerebro oriuntur, in cerebro enim in statu naturali minor secernitur, quam in cerebello, spirituum copia.

§. 737. Ex hoc spirituum in massa sanguinea defectu talis oritur in corpore status, in quo

- 1) obiecta consueta, quamuis in organa sensorio ordinario agant gradu et modo, primo confuse tantum, dein plane non percipiuntur;
- 2) ordinaria voluntas, affectui nulli iuncta, musculos primum cum sensu ponderis, adeoque difficulter, dein plane non mouet;
- 3) potentia tamen cum obiecta, praeter consuetudinem vehementer agentia, percipiendi, tum ad ideam vehementiorem musculos mouendi, manet.

§. 738. In eodem tamen modo dicto corporis statu (§. praec.) actiones vitales continuantur, et quae inde pendunt secretiones itemque motus ventriculi atque intestinorum peristalticus, teste experientia.

§. 739. Totus hic corporis status (§. 737. 738.) adpellatur *Somnus*. In somno ergo

1) actio-

1) actiones voluntariae corporis quoad tempus cessant, actiones vero.

2) vitales nec non secretiones atque motus ventriculi et intestinorum peristalticus continuant.

§. 740. Causa, quae efficit, ut in somno actiones vitales continuent, primaria est quaerenda imprimis in spiritibus, quos organa vitalia maxime a cerebello accipiunt, in nervis enim cerebelli tantus spirituum defectus esse nequit, quantus in nervis, ex cerebro oriundis, esse debet. Interim tamen ad hanc dictam causam aliae occasionales quoque causae accedunt, quae iuvant efficere, ut actiones vitales, secretiones, motus peristalticus ventriculi et intestinorum continuent, voluntariae vero cessent.

§. 741. Causae occasionales, quae efficere iuvant, ut tempore somni actiones vitales, secretiones, motus ventriculi et intestinorum peristalticus pergant, sunt:

L I 4

1) mu-

- 1) mutuae antagonistarum extensiones;
- 2) sanguinis influxus in cor atque auriculas;
- 3) aër in intestinis contentus, vel alia contenta in iisdem, de loco in locum translata, et intestina irritantia.

§. 742. Ad causam primariam, quae cessationem actionum voluntariarum tempore somni inducit (§. 735. 736.), accedunt quoque aliae occasionales, nempe:

- 1) defectus luminis oculos irritantis.
- 2) defectus perceptionis soni.
- 3) defectus perceptionis tactus.
- 4) defectus sitis atque famis.
- 5) decubitus corporis.
- 6) palpebrae quatenus sese tempore somni claudunt.

§. 743. Circulus sanguinis tempore somni continuat (§. 738.) quidem, interim tamen, et hinc quoque calor,
non

non est maior in dormiente, quam in vigilante, quia

- 1) in somno cordis contractio tardior euadere debet, partim ob spissitudinem liquorum nostri corporis vniuersalem ex defectu spirituum ortam (§. 735. seqq.), partim ob angustiam vasorum extremorum auctam, partim ob robur vitale cordis aliquatenus imminutum;
- 2) respiratio placide dormientium sanorum minor est quam vigilantium.

§. 744. Secretiones consistunt in transitu per vasa minima (§. 212.), cum itaque in dormiente motus humorum per vasa minima notabiliter sit imminutus (§. praec.), sequitur, vt, quanquam ea in somno pergant, admodum tamen sint imminutae. (§. 739.).

§. 745. Quia secretiones in somno non cessant, sed tantum imminutae sunt (§. praec.), necesse est, vt somno, per tempus quoddam certum continuato, tandem fluida secreta eiusdem

rurfus fiant et fint conditionis, ac sunt tempore vigiliarum. Accedentibus ergo actionibus in fibras nostri corporis nerueas, aequae fortis ac vigiliarum tempore erit actio spirituum versus cerebrum, et idea hac actione in anima producta, aequae potenter spiritus versus musculos determinabit, ac vigiliarum tempore.

§. 746. Talia agentia post somnum per aliquot horas continuatum in fibras nostri corporis (§. praec.) sunt lumen diurnum, sonus a motu animalium, vel aliorum hominum, feces in intestino recto collectae, vrina vesicam vrinariam extendens, adpressio cutis ad corpora, quibus incumbimus, dura.

§. 747. Postquam semel anima rursus res externas percipit, insignem praesentem nempe in nervis, spirituum copiam in omnium fere fibrarum muscularium causa simul determinat, unde muscoli fortiter sese contrahunt et fit *pandiculatio*.

§. 748.

§. 748. *Vigiliae* sunt oppositum somni, et hinc sunt iste corporis nostri status, qui consistit in potentia, cum, quolibet consueto in corpus nostrum agente, producendi in anima ideam, tum a qualibet animae voluntate perficiendi desideratum nostri corporis motum.

§. 749. Ex dictis ergo (§. 743-747.) elucet somnum, per aliquot horas continuatum, vigilias restituere, et vigilias, si per aliquot horas continuentur, somnum inferre.

§. 750. Tempus tam vigiliarum quam somni quam maxime variat in diuersis subiectis, praecipuis pro diuersitate aetatis atque temperamenti. Nam, teste experientia,

1) in media aetate tanta non est somni quantitas, ac in prima et vltima, et

2) somnus phlegmaticorum somno melancholicorum, sanguineorum atque cholericorum est diuturnior.

SCHOLIION.

Vigiliarum tempus quoque in statu sano in longius protrahitur, praecipue in hominibus in media aetate constitutis, propter idearum viuacitatem, negotiorum multitudinem atque dignitatem, assumpta spirituosa. etc.

§. 754. Quia isto tempore, quo somnus accedit naturalis, adest defectus motus spirituum in neruis (§. 737. seq.), sequitur, vt saepius vigiliae naturales praeter consuetudinem protrahi queant per omne istud, quod spirituum in neruis motum auget vel conseruat. Pertinent huc animi affectus, motus corporis saltatorius, lumen copiosum, musica, vsus moderatus vini, aromatum, opii cum sufficientibus diluentibus sumtorum, potus Coffee etc.

§. 752. Somnus supponit defectum spirituum in neruis (§. 737. seq.). Dum vero talis defectus spirituum oritur partim per consumptionem spirituum maiorem per labores, partim si massa sanguinea non decenter resoluitur, et spiritus per

per nervos decenter moueri nequeunt, quamuis in massa sanguinea abundant, patet, cur frigus, quies nimia, ventriculus per cibos nimis repletus, cruditates ex alimentis ortae, aromata, salia volatilia tam per se assumpta, quam tanquam halitus corpori adplicata, potus spirituoſi vel fermentantes, vel fermentati, opium etc. maiori doſi ſumta, ſomnum quoque, imo interdum lethalem, inducant.

§. 753. Tametſi vero quaedam corporis actiones in ſomno ad tempus ceſſent, minime tamen animae facultates imminuuntur. Quodſi igitur anima talia ſibi repraeſentat, cum quibus certi corporis motus, inprimis vehementiores, vigiliarum tempore ſunt coniuncti, in ſomno quoque, quia non plenaria abſentia ſpirituum, ſed defectus tantum eorundem adeſt (§. 737. ſeq.), verſus quasdam corporis partes ſpiritus determinabit, hinc quarundam corporis partium fit motus, et talis corporis animaeque ſtatus tempore ſomni *inſomniorum* nomine venit.

Cum

Cum igitur circa finem somni maior iam in nervis reperiatur quantitas spirituum, circa finem quoque somni homo ad infomnia erit maxime aptus, praecipue si levis a quacunque causa nervorum accedat irritatio.

CAPUT XV.

DE

GENERATIONE

SECTIO I.

DE

APTITVDINE HOMINIS AD
GENERATIONEM

§. 754. Ad generationem semper duos hominnes, marem nempe atque feminam, requiri, experientia rerum omnium magistra satis declarat. Sub *mare* intelligitur talis homo, cuius partes genitales pleraeque extra truncum haerent, et tempore generationis partibus genitalibus alterius sexus immittuntur; *femina* vero talis est homo, cuius partes genitales intra truncum

cum haerent, et quibus partes genitales masculinae tempore generationis immittuntur.

§. 755. Haec potentia generandi non adest semper in qualibet aetate, in feminis enim ab anno aetatis decimo quarto vsque ad quadragesimum octauum durare solet, in maribus vero raro ante annum duodecimum adest, et post sexagesimum tertium vel quintum iterum cessat.

§. 756. Coniuncta est potentia generandi

- 1) in sexu nobiliori cum feminis masculini praesentia;
- 2) in sexu vero sequiori cum fluxu sanguinis periodico per genitalia. Hic fluxus periodicus modo *tributum lunare*, modo *fluxus menstruus*, modo *menses*, et sanguis ipse excretus *sanguis menstruus* nominatur.

§. 757. De hoc fluxu menstruo (§. praec.) sequentia praesertim annotanda veniunt:

- 1) quod

1) quod tempus, quo iste fluxus prima vice adparere solet, intra duodecimum atque vicesimum aetatis annum cadere soleat.

2) quod paucas fluxus hic corripiat, quotiescunque redeat, quin quibusdam, cum ante fluxum, tum durante eodem, vexentur incommodis.

3) quod durare soleat in plerisque tres vel quatuor dies, quaedam tamen vnico tantum vexantur die, in aliis autem ante sextum diem vix cessat.

4) quod eius quantitas ad vncias XX. sese extendat.

5) quod sanguis, qui sic excernitur, habeat easdem qualitates, quas habet reliquus in corpore praesens.

6) quod si semel adfuerit hicce fluxus, omnibus dein post certum temporis interuallum redeat.

7) quod tempus periodicum huius fluxus varium sit quidem in variis subie-

fubiectis, vix tamen sana reperitur femina, cui breuius fit viginti octo, vel longius triginta duobus diebus.

8) quod sanguis menstruus, qui sic excernitur, in aliis per vasa vteri tantum transeat, in aliis per vasa vaginae vteri tantum, in nonnullis vero per vasa ipsius vteri atque vaginae vteri vasa simul.

§. 758. Sunt ergo ista vasa, per quae excretio sanguinis menstrui peragitur, arteriae excernentes seu exhalantes vel vteri, vel vaginae vteri, vel vteri atque vaginae vteri simul (§. praec. no. 8.). Quando nempe hae eousque dilatantur, vt sanguinem transmittant, tunc dabunt fluxum menstruum.

§. 759. In omni ergo fluxu menstruum adest dilatatio arteriarum exhalantium vel vteri, vel vaginae vteri, vel vteri atque vaginae simul (§. praec.).

§. 760. Causa huius dilatationis (§. praec.) vel est praecedens obstru-
Elem. Physiol. M m ctio,

ctio, vel impetus sanguinis auctus, vel resistentia in genitalibus mulierum quouis mense per aliquot dies imminuta.

§. 761. In resistentia in genitalibus mulierum quouis mense per aliquot dies imminuta (§. praec.) causam fluxus mensium quaerere non licet, quia plane non perspicitur, qua causa resistentia dicta imminuta fieri possit.

§. 762. Obstructio quoque causa huius dilatationis esse nequit (§. 760. 761.), quia in feminis sanis nulla praecedit genitalium ficcitas, quamvis paucis ante fluxum horis paulo minus humida observantur. Fluxus mensium ergo ut fiat ab impetu aucto consequitur (§. 760.).

§. 763. Omnis impetus auctus dependet vel a celeritate aucta, vel a massa aucta (per princ. physic.) Fluxus ergo mensium oritur vel ob celeritatem massae sanguineae auctam, vel ob massam auctam.

§. 764.

§. 764. Celeritas aucta (§. praec.) causa fluxus mensium non est, partim quia pulsus isto tempore celerior non deprehenditur, partim quia in feminis nec ex motu corporis vehementiori, nec ex febris menses fluunt.

§. 765. Vera ergo fluxus mensium causa erit massa sanguinis aucta (§. 763.), id est plethora.

§. 766. A prima aetate ad annum usque XXV. in masculis maiorem esse quantitatem ingestorum quam egestorum, incrementum corporis abunde testatur, cum igitur post istam aetatem assumptorum quantitas haut imminuatur, imo in multis crescat, incrementum vero corporis cesset, sequitur, ut aut fluidorum quantitas in corpore augeatur, id est plethora oriatur, aut per alias excretiones, ut transpirationem insensibilem, urinam, sudorem, haemorrhagiam fluida superflua euacuentur, et sic maior massae sanguineae consumptio obtineatur.

§. 767. Media, quibus maior massae sanguineae consumptio obtineri potest, sunt varia. Pertinent huc agitatio corporis maior et frequentior, robur fibrarum maius, maior copia partium resoluentium, ignearum nempe atque salinarum etc. Quia nunc haec media frequentius occurrunt in sexu nobiliori, quam in sequiori, necesse est, ut minus solennis sit plethora in masculis, quam in feminis. Forsitan etiam adhuc alia minus cognita plethorae causa feminis plerisque communis est, quae in maiori vasorum lacteorum copia consistere posset.

§. 768. Plethora in corpore humano praesens, quia sanguis non potest comprimi, vasorum omnium dilatationem efficit. Causa ergo fluxum mensium efficiens (§. 765.) in omnia vasa agit aequaliter, et hinc, quia fluxus per genitalia tantum fit, causa quaedam determinans adhuc est necessaria, quae nempe efficit, ut vasa genitalia magis et citius, quam reliqua feminarum dilatentur vasa.

§. 769.

§. 769. Et hinc sequitur, vt aut impetus sanguinis naturaliter in genitalia feminarum sit maior, quam in reliquas corporis partes, aut resistentia vasorum extremorum in his partibus sit minor, aut vtrumque simul sit.

§. 770. Impetum sanguinis versus genitalia mulierum naturaliter maiorem esse, quam versus reliquas corporis feminini partes, cute non tectas, cognoscimus partim ex loco genitalium, partim ex numero vasorum sanguiferorum ad genitalia abeuntium relatiue ad harum partium magnitudinem. (§. praec.)

§. 771. Quod ad resistentiam attinet (§. 769.), teste Anatomia subtiliori, extremitates vasorum, in cauitatem vterii hiantium, parum dilatationi resistere valent. Simile quid quoque valet ratione vasorum vaginae vteri.

§. 772. Proinde sanguis, qui abundantia crescens omnia expandit vasa, genitalium quoque muliebrium vasa

maiori expandere debet gradu, quam reliqua. Hinc, cum causa fluxum mensium efficiens in omnia vasa agat aequaliter, fluxus vero per vasa genitalia tantum fiat, causa quaedam determinans adesse debet, ob quam vasa genitalia magis et citius quam reliqua feminarum dilatantur vasa. Adeoque vel

- 1) impetus sanguinis naturaliter in genitalia feminarum maior fit, quam in reliquas corporis partes, vel
- 2) resistentia vasorum extremorum in his partibus fit minor, vel
- 3) vtrumque simul adsit omnino sequitur.

§. 773. Impetum sanguinis versus genitalia mulierum naturaliter maiorem esse, quam versus reliquas corporis feminini partes, intelligere possumus (§. praec. no. 1.)

- 1) ex loco genitalium, sic enim sanguis non solum ex ictu cordis et arteria-

teriarum sed et ex proprio pondere has in partes agit;

2) ex origine vasorum ad vterum eiusque vaginam abeuntium, ex spermaticis hypogastricis et haemorrhoidalibus, vnde vis sanguinis in has partes maior;

3) ex defectu valuularum in venis ad vterum abeuntibus, vnde sanguis quoque venosus pondere suo in prima venarum et vltima arteriarum vasa agit eaque extendit.

§. 774. Resistentiam vasorum vteri atque eius vaginae extremorum quoque esse minorem (§. 772. no. 2.) cognoscimus partim

1) ex vteri eiusque vaginae textura, quae certo respectu est tenerrima; partim

2) ex humido, quod constanter in cauitatem vteri defertur, et quod extremitates vasorum, in vteri cauitatem hiantium, molles et hinc magis dilatabiles conseruat.

§. 775. Plethora itaque in feminis praesens (§. 767.) omnia quidem vasa magis expandit, maiori vero gradu vasa extrema genitalium, quae hinc citius, quam alia, globulos sanguinis rubicundos transmittunt. Fluit ergo sanguis per vasa extrema magis dilatata eousque, donec quantitas sanguinis decenter sit imminuta. Vasa enim maiora contrahunt sese tam ex elatere, quam vi tunicarum muscularium, et vna cum iis initia vasorum minimorum excretoriorum, usque dum nullum amplius sanguinem rubicundum transmittere queant. Et sic fluxus sanguinis (§. 756.) iterum cessat.

§. 776. Ex iis, quae haecenus tradita sunt (§. §. praec.), nunc quoque sequentia intelligere licet:

- 1) cur multae feminae isto tempore, quo fluxus hic accedit, conquerantur de doloris atque lassitudinis sensu?
- 2) cur isto tempore, quando fluxus hic se sistit, genitalia sint minus humida?

3) cur

3) cur menses non in omnibus aequae copiose ac aequae diu fluant.

4) cur feminae ante initium et post finem fluxus menstrui ad generationem sint ineptae?

5) cur fluor sanguinis fiat per genitalia?

§. 777. Quia in feminis causae plethorae sunt constantes et vt plurimum determinatae, plethora quoque eiusque effectus vt statò tempore redeant, est necesse. Et sic intelligitur, cur fluxus mensium determinato tempore redire debeat, seu cur sit periodicus (§. 756.).

§. 778. Quia quotannis fibrae corporis robustiores euadunt, necessario quoque resistentia increscit, hinc quia simul senectute incipiente causa fluxus menstrui imminuitur (§. 765.) necesse est, vt incipiente senectute fluxus mensium iterum cessare debeat.

§. 779. Potentiae virilis characteres praecipui sunt sequentes :

- 1) semen masculinum, quoad quantitatem et qualitatem decens.
- 2) decens partium genitalium conformatio.
- 3) vt membrum virile rigidum fieri et in statu erecto ad excretionem feminis vsque conseruari queat.

§. 780. Vbi semen (§. praec. no. 1.) fecernatur, et quod in vesiculis feminalibus conseruetur ad tempus vsque excretionis, supra (§. 264.) expositum fuit. Hic loci tantum haec duo addimus, nempe

- 1) quod semen, vti in vesiculis feminalibus reperitur, fit materia spissa, albicans, singulari odore praedita, in aëre mox liquefscens.
- 2) quod in femine foecundo, secundum nonnullorum v. g. HAMMII, LEWENHOECKII LIEBERKVHNI, obseruationes deprehendantur corpuscula minima, tenuissima

ma, oblonga, quae suas agitant partes, praecipue caudam, quae *animalcula spermatica* hodie appellantur.

§. 781. Quod decentem partium genitalium conformationem, tanquam alterum potentiae virilis characterem (§. 779. no. 2.), attinet, hanc tanquam cognitam ex anatomia hic supponimus, hinc in praesenti paucis de erectione penis erit agendum, quippe quae tertium potentiae virilis characterem constituit (§. 779. no. 3.).

§. 782. Sunt quidam, qui causam huius erectionis penis in adpetitu venereo praesente quaerunt, verum quam maxime errant, nam iam in primo puerorum aetatis anno penis erectus animadvertitur, quamquam nullus adsit adpetitus venereus. Causa ergo proxima erectionis penis est potius repletio corporum cauernosorum penis, mediante quodam fluido.

§. 783. Fluida, quae in statu naturali ad corpora cauernosa accedunt, sunt

sunt sanguis atque spiritus. Dependet ergo haec repletio corporum cauernosorum, quatenus fit a fluido (§. 782.), vel a solo sanguine, vel a spiritibus solis, vel ab vtrisque fluidis simul.

§. 784. Spiritus soli causa repletionis esse non possunt (§. praec.), pondus enim eorundem sufficere non videtur, ergo causa dependet vel a solo sanguine, vel ab vtrisque simul. (§. cit.)

§. 785. Sanguis quidem repletionem corporum cauernosorum producit, quia in corporibus penis rigidi cauernosis deprehenditur (per exper.); interim tamen spiritus simul efficiunt, vt repletio haec a sanguine fiens magis perficiatur, quatenus

1) cum semine commixti huius in vesiculis seminalibus turgescunt et hinc sinuum SANTORINI compressionem efficiunt, vnde sanguis ex cellulis penis refluere non potest, hinc repletio corporum cauernosorum penis et hinc rigiditas penis;

2) qua-

2) quatenus sanguinem, in cellulis penis haerentem, magis rarefaciunt.

§. 786. Quod si igitur sanguis praecipuis repletionem corporum cauernosorum penis producit (§. praec.), necesse est, vt

- 1) vel affluxus sanguinis per arterias in corpora cauernosa penis sit maior refluxu sanguinis per venas; vel
- 2) vt minor sanguinis quantitas per venas redeat, quam per arterias ordinarie affluit.

§. 787. Prius (§. praec. no. 1.) locum non habet, nam penis erigitur, quamvis sanguis in arteriis non aliter, quam extra penis erectionem mouetur, et sanguis saepe cum magno impetu per totum corpus mouetur, penis vero flaccidus obseruatur. Et hinc refluxus sanguinis ex corporibus cauernosis per venas impeditus penem rigidum potius reddit (§. cit. no. 2.).

§. 788. Huius refluxus impediti ex corporibus cauernosis maioribus penis

penis causa (§. praec.) est compressio venarum a pene redeuntium, et quidem earum, quae inter prostatam atque os pubis haerent. Vires comprimantes sunt:

- 1) vesica vrinaria repleta.
- 2) vesiculae feminales femine turgidae.
- 3) flatus ac feces in intestino recto vel coli curvatura haerentes.
- 4) musculus leuator ani dictus.
- 5) Leuator prostratae Santorini.

§. 789. Refluxum sanguinis ex corpore cauernoso vrethrae in primis impediunt muscoli acceleratores dicti, et certo respectu etiam transversales.

SCHOLION.

Existimant quidem nonnulli Physiologorum compressionem venarum penis fieri ibi, vbi sub osse pubis decurrunt, quatenus nempe osse pubis magis adprimuntur, verum locus quidem ad compressionem est aptus, ast deficiunt vires comprimantes, nam talem compressionem nec ligamentum

mentum penis suspenforium, quia non est musculosum, nec muscoli erectores seu eleuatores penis, qui, deorsum penem trahendo, potius agunt, producere nequeunt.

CAPVT XV.

SECTIO II.

DE

APPETITV VENEREO.

§. 790. Perceptiones gratae circa genitalia dicuntur *Stimuli Venerei*. Excitant hi in animali vnus sexus desiderium concumbendi cum animali sexus alterius, quod vocamus *Appetitum venereum*. Talis appetitus ad congressum ab aliis etiam *Instinctus naturalis* appellatur.

§. 791. Causae remotae horum stimulorum venereorum (§. praec.) sunt:

- 1) aetas iuuenilis atque virilis;
- 2) temperamentum sanguineum, cholericum atque melancholicum;

3) cor-

- 3) corpus sanum, nec otiosum nimis, nec defatigatum;
- 4) cibi eupepti aromatici, non in excessu, ad satietatem tamen, sumti,
- 5) obiectum amabile, praecipue non semper praesens, vel diuturna consuetudine familiare factum;
- 6) imaginatio viuida, qua voluptas ex congressu tanquam egregium bonum consideratur;
- 7) animus a curis, suspicione erga obiectum amabile, vel studiis profundioribus liber;
- 8) conscientia recti.

Omnia tamen haecce nullum plane excitant stimulum venereum, nisi vesiculae feminales semine bono sint repletae.

§. 792. In maribus adpetitus ad congressum ex irritatione vesicularum feminalium oritur. Haec irritatio vero vesicularum feminalium fit partim a semine turgescente, partim a salibus volatilibus feminis maiori copia liberatis.

SCHOLION.

Procul dubio ipsa animalcula spermatica siue motu suo, siue alio modo v.c. rodendo, hanc vesicularum feminalium irritationem adaugent.

§. 793. Effectus proximus adpetitus venerei in corpore virili est erectio membri virilis, interdum in iuuenibus salacioribus ipsius feminis eiaculatio spontanea. Irritatis enim vesiculis feminalibus a femine, vel etiam ex idea venerea (§. praec.), spiritus animales mouentur versus genitalia partesque connexas; eleuatores ani atque prostatarum sese contrahunt, prostatam offi pubis adprimunt, sinus SANTORINI comprimunt, vnde membrum virile necessario erigitur.

§. 794. Hac penis erectione (§. praec.) tenditur vrethra; ductus ergo excretorii vesicularium feminalium simul tenduntur, angustantur, si non clauduntur, et vesiculae feminales, eadem hac vrethrae tensione, tenduntur et irritantur. Fit simul

miscela spirituum copiosior cum semine, hinc fit minus viscidum adeoque turgescit.

§. 795. Semen hoc ita turgescens (§. praec.) vesiculas feminales aequae ac musculos vicinos ad contractionem stimulat, praecipue eleuatorem ani, et prostatae, ut et acceleratores urinae, qua fiente lymphae lubrica ex prostata et glandulis COWPERI in urethram premitur, haec lubricatur, et eodem hoc blando lymphae motu ductus excretorii vesicularum feminalium denuo irritantur, donec ex continuato et aucto spirituum animalium motu membranae et musculi ambientes vesicularum feminalium eo contrahantur gradu, ut semen ex vesiculis in urethram transire debeat.

§. 796. Dicta (§. praec.) indicant causas, quae semen ex vesiculis feminalibus per urethram mouent, quibus simul annumerare possumus actionem musculorum, qui vocantur acceleratores.

§. 797.

§. 797. Dum semen ex vesiculis feminalibus in vrethram transit virilem (§. 795.) per ductus excretorios vesicularum feminalium, non solum

1) insignem efficit irritationem, quae, teste experientia, gratissimam, quae corpori masculino competit, producit perceptionem; sed et simul

2) per vrethram, in aetate quam maxime iuuenili, tanta mouetur celeritate, vt ultra penem ad vnum alterumque profiliat pedem. Ratio huius celeritatis vel est primaria, vel secundaria. Illa est, quia semen ex canalibus amplis, vesiculis nempe, transit in angustos, ductus nimium excretorios vesicularum feminalium *; haec vero est lubricitas vrethrae, huiusque, quando rigida est, in directum protensio.

§. 798. Adpetitum venereum excitant in sexu sequiori (§. §. praec.)

N n 2

1) si-

* Elem. Phys. §. 3.

- 1) similis instinctus naturalis ac in viris (§. cit.);
- 2) turgescencia liquoris in prostaticis femininis BARTHOLINI, glandulis parvis nymphae, et corpore glanduloso urethrae*;
- 3) forsitan acrimonia specifica hisce competit humoribus, quam stagnatione acquirunt;
- 4) contrectatio blanda genitalium, praecipue clitoridis et nymphae, copiosissimis nervis praeditarum;
- 5) in iis, quae viri consuetudine sunt usae, recordatio suavisissimae perceptionis ex congressu.

§. 799. Hae adductae causae omnes spirituum animalium motum versus genitalia muliebria augent, et hinc, quando feminae sunt in aestu venereo, tument partes genitales externae, clitoris nempe, nymphae, orificium vaginae, imo saepe humidum ex prostaticis prodit, et genitalia externa humectat.

§. 800.

* Heist. Anat. §. 234. in fine

§. 800. Ob hanc turgescientiam (§. praec.) tenduntur nerui per has dictas partes in magna copia distributi, hinc perceptio quaedam in genitalibus oritur, ex qua in feminis exoritur congressus desiderium.

CAPVT XV.

SECTIO III.

DE

CONGRESSV ET CONCEPTV.

§. 801. Immissio penis rigidi in vaginam muliebrem eiusque in hac antrosum et retrorsum agitatio ad eiaculationem feminis vsque virilis *Congressus* appellatur. Hic in specie vocatur *foecundus*, si a tempore eiaculationis feminis in femina talis fit mutatio, vt post aliquot dies foetum in vtero gerat. Et si congressus fiat foecundus, ipsa femina concepisse dicitur. Est igitur *Conceptio* inchoatio vitalitatis noui animalis, cum concumbentibus eiusdem generis, in corpore feminino per semen masculinum producta.

§. 802. Experientia teste ille congressus est foecundus (§. praec.), in quo femina momento eiaculationis feminis est in aestu venereo, et immediate fere post eiaculationem leui quodam horrore, qui per vnum fere vel alterum minutum primum temporis durare solet, corripitur. Hinc, quia omnis aestus venereus coniunctus est cum grata perceptione, sequitur congressum non esse foecundum

- 1) quo hymen rumpitur.
- 2) quando genitalia muliebria sunt sicca, vel muco tenaci obducta, vel
- 3) quando vagina vteri est nimis angusta, seu mentula virilis nimis magna.

SCHOLION.

Aestus venereus in feminis modo cito, modo tarde solet cessare, et crescit duratio eius cum aetate.

§. 803. Ratio, cur breui post inchoatum congressum fiat in homine sano vegeto feminis eiaculatio, est, quia tempore congressus

1) spi-

- 1) spiritus in maxima quantitate versus genitalia determinantur, et
- 2) simul semen copiosius versus vesiculas feminales pellitur.

SCHOLIION.

Imo eiectio seminis et, tempore congressus quae fit, maiori fit cum impetu, quam quae absque congressu contingit, quia causae mouentes sunt maiores.

§. 804. Eiectatione seminis perfecta penis antea rigidus iterum fit flaccidus (per exper.), nam cessat tunc appetitus venereus (§. 782.) et hinc glandula prostata ossibus pubis non amplius adprimitur (§. 786.).

§. 805. Experientia comprobat nullum interdum semen virile ex genitalibus femininis profluere, quamuis femina non conceperit, et concepisse animalia, quamuis nullum semen masculinum in utero vel cornibus eiusdem fuerit repertum.*

N n 4

§. 806.

* Graaf de Mulier. Org. Cap. XVI.

§.806. Obseruationes a GRAAFIO, VERHEYENIO aliisque factae, ostendunt:

- 1) vna vel altera hora post congressum animalium, in ouariis nullam obseruari mutationem, nisi quod vna vel altera vesicula, lymphalimpida repleta, minus appareat pel-lucida *;
- 2) sequenti die tot minimum corpora glandulosa, in vaccis flaua, in ouibus rubra, in aliis grisea, in ouario intumescere, quot foetus dein in vteri cornibus reperiuntur **;
- 3) hoc glandulosorum corporum incrementum in cuniculis ad quartum vsque, in ouibus ad septimum vsque durare diem, antequam ouula in tuba vteri FALLOPII, vel cornibus eiusdem, reperiuntur ***;
- 4) iisdem diebus cotyledonum in cornibus vteri animalium obseruari pro-

* GRAAF l. c. Cap. XVI.

** ibid.

*** ibid. VERHEYEN. Anatom. Libr. II. Tr. V. Cap. III.

- protuberantiam seu incrementum, vterum vero feminarum villosum euadere et magnitudine crescere *;
- 5) post tertium diem in cuniculis extremitatem tubae FALLOPII ouario proxime adplicatam repertam fuisse **;
- 6) dictis diebus (no. 3.) praeterlapsis, reperta fuisse in tubae FALLOPII cuniculi initio aliquot ouula, grano milii minora, gemina tunica amicta, et limpidissimum fluidum continentia, quae quarto a coitu die in cornibus vteri maiora, quinto die rursus maiora, et vtero nondum cohaerentia, septimo die ciceris semen magnitudine superantia visa sunt. ***
- 7) integros saepe foetus in ouario aequae ac in tuba FALLOPII esse repertos. *

N n 5

§. 807.

* GRAAF. l. c. VERHEYN. l. c. RVYSCH. Thes. VI. no. V. no. XXXII, not. 2.

** ibid.

*** ibid. Tab. XXVI.

* REGN. DE GRAAF. l. c.

§. 807. Ex hisce allatis obseruationibus (§. praec.) reliquisque antea dictis (§. §. praec.) concludimus:

- 1) conceptionem ipso eiaculationis feminis momento fieri, et primum locum conceptionis esse ovarium feminarum, ex hoc
- 2) ouulum transire in tubam FALLOPII, in qua sub forma ouuli obseruatur;
- 3) ouulum ex tuba FALLOPII abire in vterum, in quo tunc temporis vix grani milii habet magnitudinem, dein vero crescere, quamuis tertio die nondum cum vteri parietibus cohaereat.

§. 808. Ista ouula, quae in ovariiis reperiuntur sub pisi, vel maiore magnitudine, non sunt eadem, quae in tubas atque vterum transeunt, et embryonem proxime continent. (§. §. praec.)

§. 809. Delineatio futuri hominis vel fit in ipso congressu, vel ante congressum iam adest, et quidem vel in femine

femine masculino, vel in ouario feminino.

§. 810. Opinio eorum, qui initium delineationis hominis in ipso congressu fieri autumant, non omni est destituta probabilitate. Nec plane quoque est reiicienda eorum sententia, qui autumant, futurum animal in femine haerere masculino, quatenus hoc contineret animalcula spermatica (§. 780.). Maxime tamen probabilis nobis videtur eorum opinio, qui existimant, delineationem futuri corporis organici haerere iam ante congressum in ouulo feminino, licet, vnde sit ista delineatio, plane ignoremus.

SCHOLIUM.

Plures sunt difficultates, eaeque irresolubiles, quibus doctrina de generatione ex animalculis spermaticis premitur. Et quia huic sententiae hodie plurimi Medicorum atque Physicorum fauent, potiores hic assignare volumus.

§. 811. Sunt vero hae potiores difficultates sequentes:

1) nulla

1) nulla est consequentia, animalia adfunt, ergo ex hisce fit homo, habemus in aliis fluidis multa animalia, quamuis ea nulli vltiori inferuiant generationi:

2) plantae quoque gaudent suo femine masculino, ac animalia, interim tamen affirmare non licet, delineationem futurae plantae delitescere in eiusdem femine masculino:

3) ad quaestionem, vnde sint haec animalcula spermatica, nullus respondere potest:

4) nec, si assumuntur talia animalcula spermatica, doctrina de generatione facilitatur, nam

a) vix intelligi potest, quomodo animalculum spermaticum ex femine, tanquam fluido viscido (§. 780.), sese extricare, vel vna cum femine spisso per densam ouulorum tunicam penetrare possit.

b) si

b) si totum conceptus negotium in eo consistit, ut vnum animalculorum spermaticorum in ouulum quoddam muliebrem penetret: nulla patet ratio intumescientiae corporis glandulosi in ovario uteri multorum animalium et villorum in superficie interna uteri humani post conceptionem observatorum (§. 806. no. 4.) vel in bestiarum utero cotyledonum incrementi:

c) nulla patet ratio, quare haec animalcula spermatica non aequae in vesiculis feminalibus, vel in utero in foetum abire possent, sed in ouulum demum intrare debeant, improbable enim est, animalculum, quod ad insignem altitudinem accrescere potest, in loco quodam constanter quidem vivere, non vero, nisi in alium deferatur, crescere posse.

d) sic infinita animalcula frustra fuissent creata.

SCHOLION.

Neceſſe nunc eſt, vt explicemus, quomodo fiat conceptio, quando delineationem futuri corporis organici in ouulo feminino haerere ſtatuiamus.

§. 812. Omnis conceptio fit in ouario (§. 806. no. 1.), ſemen tamen maſculinum foecundum requiritur (§. §. praec.) ſimul, hinc tunc, quando fit conceptio, talis eſſe debet genitalium muliebrium conſtitutio, vt minimum aliquid de ſemine in ouarium penetrare queat. Hoc fieri poteſt, ſi tempore eiaculationis feminis fimbriae tubae Fallopianae ouario ſint adplicatae, hoc vero fieri poſſe obſeruatio GRAAFII (§. 806. no. 5.) docet, et partim turgeſcentia tubarum in aeſtu venereo, ex corpore, quo gaudent cauernoſo * orta, partim connexione aliquali cum ouario ** per fimbrias obtinetur.

§. 813.

* HEISTER. Anatom. §. 238.

** GRAAF de Mul. Org. Cap. XIV.

§. 813. Semen ei aculatum in ipsam vteri cauitatem eiusque tubas siue in- tret, siue non, in ouarium tamen pe- netrare non potest, quia est viscidum et membrana ouarii densa. Pars ergo feminis volatilis, *aura seminalis* dicta, (§. 780. no. 1.) tantum penetrabit vs- que in ouulum vnum vel alterum, ad conceptionem aptum, id quod breuif- simo post ei aculationem feminis tem- pore potest fieri.

§. 814. Postquam aura seminalis feminis (§. praec.) sic penetrauit, exci- tat in humoribus ouuli motum inte- stinum, quo in delineatione futuri hominis, in ouulo iam haerente, tur- gescentia et motus humorum eiusdem oritur, et sic fit vitalitatis initium.

§. 815. Aura seminalis (§. 813.) quoque motum humorum excitat in- testinum in corpore ouarii glandulo- so, vtero, et forsitan quoque tubis FALLOPII. Hinc intelligitur corpo- ris glandulosi incrementum (§. 806.), cotyledonum in vteris vaccarum alio- rumque

rumque animalium protuberantia, vteri humani incrementum ratione magnitudinis, villorum in superficie interna ortus, humidi in tubam FALLOPII maior affluxus.

§. 816. Dum ergo corpus glandulosum in ouario successiue increfcit (§. 806.), lenta tunicae externae ouarii fit dilatatio, quam denique consequitur ruptura. Quia nunc isto tempore, quo dilatatio est maxima, irritatio quaedam simul producitur, affluxus fit spirituum, vnde sanguinis turgescencia exoritur non solum, verum quoque adpetitus venereus, tubae FALLOPII fiunt rigidae, adplicantur ouario, et sic ouulum in tubam premitur. Fit hocce in cuniculis tertio die a conceptione (§. cit.), in ouibus post sextum a conceptione, in hominibus forsitan tardius.

§. 817. Tuba dein FALLOPII ope motus peristaltici ouulum pellit in vterum, in quo dein, antequam vtero adhaeret, ex humido vteri, quod absor-

abforbet, increfcit, hoc vero incrementum diu durare nequit, tanta enim quantitas per fuperficiem oui minorem abforberi nequit, quanta pro incremento molis eft neceffaria.

§. 817. MALPIGHII obferuationes * circa oua incubata oftendunt, paucis poft incubationem horis obferuari motum fluidi in cicatricula oui, quae pullum continet, et pullum ex albumine oui nutriri. Quodfi igitur fimilem motum fluidi in rudimento foetus humani poft impraegnationem, fimilemque mutationem eiusdem ex humido in ouo, albumini ouorum fimillimo, affumimus, extenfio vaforum embryonis eft concedenda. Ex hac extenfione fequentes oriuntur effectus:

1) interftitia inter particulas fibrarum fiunt maiora, vnde partes fluidae ex adhaefione in haec penetrant, id eft, fibrae, adeoque vaforum parietes crefcunt:

2) quia

* de formatione pulli in ouo.

- 2) quia vero leni incremento parietum areae vasorum non manent repletae, resistentia in vasis sic immittitur, hinc
- 3) orificia vasorum placentae venosorum in extremitate tunicae ouuli haerentia absorbent humidum ambiens, vnde vasa denuo replentur:
- 4) vasa priore adpositione partium (no. 1.) roborantur, vnde denuo repleta sese contrahunt, cedit ergo fluidum pressum versus auriculas, et sic circulus humorum incipit:
- 5) in cerebro embryonis spiritus quoque secernuntur, hinc circulus vitali continuatur, fibrae vasorum elongantur et vasa sic euadunt ampliora.
- 6) pergit igitur absorptio noui humidi, et ouulum cum embryone crescit.

CAP V T XV.

S E C T I O IV.

DE

GESTATIONE IN VTERO.

§. 819. Quodsi grauida quaedam ex haemorrhagia moritur, vasa quoque

que foetus absque sanguine deprehenduntur (per exper.), ex quo patet, dari motum sanguinis ex matre in foetum, et ex foetu in matrem.

§. 820. Necessarium ergo erat, ut ouulum ad vterum delatum cum ipso concresceret, partim ut ex vasis vteri, pro nutritione foetus, necessarium in embryonem transfret nutrimentum, partim ut, quae in foetu oriuntur, partes noxiae per circulationem sanguinis, pro ipso conseruando, ad matrem iterum abire, et per eius organa excetoria iterum excerni possent.

§. 821. Ita igitur vasa foetus cum vasis vteri concrescere debebant, ut arteriae foetus inosculentur cum venis matris, et arteriae matris cum venis foetus. Et quamprimum haec concretio vasorum matris cum vasis foetus est facta, femina *utero gestare* dicitur, et embryo nomen *foetus* obtrinet, idque ante sextum diem a conceptione fieri probabile non est.

§. 822. Haec concretio vasorum vteri arteriosorum cum valis venosis tunicarum foetus (§. praec.) fit

- 1) ope villorum ex superficie vteri humani interna post conceptionem prodeuntium;
- 2) incremento perpetuo ipsius ouuli, quo vteri parietibus adprimitur, non tamen in sua tota peripheria, quia haec est rotunda, cauitas vero vteri inaequalis, sed in vno tantum loco;
- 3) incremento vasorum vmbilicalium eorumque extremitatum in tunica ouuli.

SCHOLION.

ROHAVLTIVS asserit * vix vigesimam partem extremitatum vasculorum placentae tanquam vasa transire in vterum.

§. 823. Vt autem nunc doctrina haec de gestatione in vtero vltius rite exponatur, sequentia quam maxime sunt adhuc explicanda:

1) mu-

* Mem. de l' Acad. Roy, des Sc. 1715. p. 132.

- 1) mutationes, quae in ipsa grauida femina obseruantur;
- 2) partium foetum ambientium incrementum, mutationes atque actiones.

§. 824. Mutatio prima, quae in femina grauida exoritur (§. praec.), est haec, quod circa finem primi gestationis mensis fiat magis plethorica, quam vnquam in statu sano fuit. Primo enim gestationis mense incrementum foetus ratione ponderis paruum esse solet, quia circa finem primi mensis pondus foetus, vna cum fluido ambiente et membranis foetum includentibus, vix ad vncias quinque adscendit, tantum igitur primo mense sanguinis non consumitur foetus incremento, quantum isto tempore mensium fluxu excerni debuisset, si femina non fuisset grauida.

§. 825. Extenduntur itaque (§. praec.) omnia vasa sanguifera in eiusmodi grauida, et extenduntur
O o 3 omnes

omnes fibrae vasis extensis connexae.
Et hinc est, cur

a) fiant pleraeque inquietae, et ad animi motus proclives; item cur multae

b) mane vomant et nauseam sentiant;

c) in quibusdam fluxus mensium per vaginam, in aliis maculae liuidae vel flavae hic illic in cute, in nonnullis adpetitus quidam singularis obseruentur.

§. 825. Circa finem quinti gestationis mensis pondus foetus cum omnibus partibus ambientibus tantum esse solet, quantum fuisset pondus sanguinis quinque mensium fluxibus excernendi, adeoque plethora tunc quoque cessare solet, mammarum tamen vasa istis quinque mensibus successiue eousque sunt dilatata, vt non solum mammae rigidiores euadant, quam erant ante conceptionem, sed et mammarum glandulae chylum sanguinis

guinis admittunt, qui in mammis haerens *lactis* obtinet nomen.

§. 826. Post quintum mensem ratio quidem incrementi foetus minor est, quam praecedentibus mensibus, ipsum tamen incrementum, pondere absoluto et magnitudine mensuratum, maius esse solet, unde humorum quantitas in matre decrescit potius, quam crescit. Nisi igitur femina sit satis succulenta, contabescit.

§. 827. Reliquae mutationes, quae ordinarie obseruari solent in feminis grauidis (§. 823. no. 1.), concernunt vterum. Hic enim durante grauiditate praeprimis mutatur, et quidem

- 1) ratione capacitatis;
- 2) ratione situs;
- 3) ratione molis;
- 4) ratione orificii; atque
- 5) ratione figurae.

§. 828. Capacitas vteri increscit (§. praec. no. 1.), quia hic ab ouulo successiue increfcente expanditur. Quia

vero eadem ouuli ad parietes internos adpressione vasa, circa superficiem internam vteri haerentia, saltim ex parte comprimuntur, affluxus vero sanguinis manet, fluida in vasis vteri fiunt magis pressa, vnde vasa vteri quoque magis dilatantur.

§. 829. Quod ad situm vteri attinet, hic durante grauiditate valdopere quoque mutatur (§. 827. no. 2.). Vterus enim non grauidus in cauitate peluis haeret, grauidus vero, dum ratione capacitatis eo magis increfcit, quo magis foetus in vtero crescit (§. praec.), in eam expanditur amplitudinem, vt peluis capacitas ipsum non amplius possit continere. Post tertium enim grauiditatis mensem sensim adscendit ita, vt istum iam occupet locum, qui est supra superiorem peluis aperturam.

§. 830. Ex iis, quae dicta sunt (§. 828.), facile possumus intelligere, quod etiam vteri pondus tempore grauiditatis successiue increfcere debeat (§. 827. no. 3.).

§. 831.

§. 831. Orificium vteri (§. 827. no. 4.) mox quidem post conceptionem conuenit cum orificio vteri virgineo, quando vero grauiditas per tempus quoddam durauit, mutationes sensibiles omnino obseruantur, nimirum:

- 1) aliquot post congressum foecundum septimanis paulo longius hocce deprehenditur orificium.
- 2) post tertium grauiditatis mensem vero successiue magis adscendit, ita, vt vix digitis vlterius attingi queat, interim tamen magis crassius et mollius obseruatur.
- 3) versus sextum grauiditatis mensem breuius fit, labia magis dimouentur, et figura eius conica euanescit.
- 4) quo magis finis grauiditatis appropinquat, eo mollius tactu deprehenditur, eoque magis simul aperitur atque detergitur.

§. 832. Tandem figura vteri tempore grauiditatis mutationem quoque subit (§. 827. no. 5.), quae enim antea erat elliptoidea, compressa, magis arcuata, ea nunc sensim magis fit circularis.

SCHOLION.

Magnus quoque est dissensus inter eruditos, quando ipsis est determinandum, vtrum crassities parietum vteri grauidi minuat, an vero potius augeatur? Alii priorem amplectuntur sententiam, alii posteriori album adiciunt calculum; imo nonnulli existimant, crassitiem parietum vteri grauidi esse eandem cum crassitie parietum vteri non grauidi. Si rem paulo accuratius perpendimus, affirmandum est, conseruari ordinarie vteri crassitiem eandem per totum gestationis tempus, imo interdum eam maiorem euadere, quam extra grauiditatis tempus esse solet, id quod etiam ideo fieri debet, quia vterus mole auctus comprimit locum, vbi venae vteri in iliacas abeunt, vnde refluxus sanguinis ex vtero impeditur, ipsaeque venae insigniter turgescunt.

§. 833. Partes foetum ambientes (§. 823. no. 2.) sunt

- 1) vel solidae, ad quas referimus membranas, atque funiculum umbilicalem, vel
- 2) fluidae.

§. 834. Membranae duae in foetu humano occurrunt (§. 833. no. 1.), una est

- 1) exterior, quae superficiei internae uteri est contigua, et vocatur *chorion*, cuius pars crassior, ex insigni vasorum cum maiorum, tum minorum, arteriosorum aequae ac venosorum sanguiferorum copia conflata, et cuius vasa cum vasis uterinis cohaerent, in hominibus, ob aliqualem figurae similitudinem, *placenta* audit, altera vero

- 2) est interior, haec foetum ambit, chorio (no. 1.) est contigua, et *amnios* appellatur.

SCHOLION I.

In brutis nonnullis v. c. vaccis, tertia reperitur tunica, *allantois* dicta. Haeret haec inter chorion et amnion, nec totum foetum

tum vndiquaque ambit, vrinamque foetus continet, abit enim ex medio huius canalıs angustus per totum funiculum vmbilicalem ad vmbilicum foetus, qui dein ad vesicam vrinariam descendit et *vrachus* appellatur. In homine vero incertum adhuc est, an detur allantois, quamvis vesica foetus humani oblonga sit, et in vrachum abeat.

SCHOLION II.

Quidam etiam in homine tertiam adhuc aliam adsumunt membranam, quam vocant *Filamentosam*, quae nempe est ista flocculenta, cellulosa, quae adhaeret superficiei externae, vterinae nempe, istius inuolucrı foetus, quod vocatur chorion.

§. 835. Funiculus vmbilicalis (§. 833. no. 1.) est tubus flexilis tortuosus diametri in homine V. vel VI. linearum, ab vmbilico foetus versus medium placentae (§. praec. no. 1.) abiens, longitudinis minimum XIII. vel XIV. imo interdum XXIV. digitorum, minori gradu cum vmbilico, quam cum placenta vel inter se cohaerens, per cuius cauum duae arteriae,
ex

ex iliaticis foetus ortae, ad latera vesicae, in anteriore abdominis parte ad umbilicum adscendentes, in placenta vero in infinitos ramos, infinitis anastomosis inter se iunctos, diuisae, atque vna vena transeunt, reliquum vero funiculi cauum, substantia cellulosa, quae materiam continet gelatinosam, est repletum. Vocantur haec vasa in genere *Vasa Umbilicalia*, arteriae vocantur *Arteriae Umbilicales*, et vena nomen *Venae Umbilicalis* gerit. Vena haec in placenta eodem modo est diuisa, ac arteriae umbilicales, postquam vero per umbilicum transiit in extremitate ligamenti lati suspensorii hepatis ad hepar, speciatim in finem venae portae foetus abit. Tandem ex finu venae portae nouus canalis, non tamen aequae ac vena umbilicalis amplus, qui per hepar directe ad venam cauam inferiorem abit, et *canalis venosi* nomen obtinet, oritur.

§. 836. Fluidum, quod intra foetus velamenta continetur, quod ipsum immediate ambit et in quo totus quasi haeret,

haeret, vocatur *liquor Amnii*. In vac-
cis hic liquor gelatinosae est consisten-
tiae, saporis blandi, et totum simile
istī fluido, quod in ore, oesophago,
ac ventriculo foetus reperitur; in foe-
tu vero humano hic liquor non
est gelatinosus, nec blandus, sed ad
vrinam magis accedit et totus dissimi-
lis est humori istī, qui in foetus hu-
mani ore, oesophago atque ventri-
culo deprehenditur*.

SCHOLIION.

Liquoris huius quantitas circa medium ge-
stationis tempus est maxima, dein vero
insigniter imminuitur, ita, vt interdum
tempore partus ne libra quidem huius li-
quidi adsit.

§. 837. Mox post conceptionem mo-
tus fluidorum in ouulo adest (§. 817.),
quo fortasse fluida foetus in sanguinem
vel saltem in fluidum, ex parte rubi-
cundum, antequam cum vtero ouu-
lum concrescit, mutantur.

§. 838.

* Mem. de l'Ac. Roy. Ao. 1714. p. 195.

§. 838. Est vero hic sanguis foetus partim tenerioris consistentiae quam maternus, partim quoque magis fluidus quam maternus, necesse ergo est, ut si sanguis maternus foetum intret, hic exigua tantum quantitate, et absque omni fere impetu vasa foetus intret, ne impetu maiore tenerrima foetus vasa laedat, et ut in ipso foetus corpore ad nutritionem foetus aptus reddi queat.

§ 839. Talis quantitas sanguinis ex matre in foetum transeuntis minor obtinetur, exiguitate et paucitate vasorum ex matre in placentam abeuntium. Exiguitatem vasorum horum probat partim facilis in partu placentae ab utero separatio, partim lentus lochiorum in partu sano fluxus. Paucitas vero vasorum ex iis, quae dicta sunt (§. 822.), cognoscitur.

§. 840. Ex his dictis (§. praec.) fluit:

1) impetum sanguinis ex matre in foetum abeuntis admodum esse debilem; adeoque

2) cor

2) cor et arterias foetus vnice esse vires, quibus sanguis, in foetu et placenta haerens, mouetur.

§. 841. Et sic intelligimus (§. §. praec.) rationes insignis copiae et infinitae inosculationis vasorum placentam constituentium.

§. 842. Ratio, ob quam duae sunt datae arteriae vmbilicales, et vna tantum vena, in eo haeret, quod post partum foetui nullum praestant vsum. Post partum enim compressione in membranas vel ligamenta sunt mutanda, quia annihilari nequeunt. Cum igitur vena ob impetum sanguinis debiliorem facilius longe comprimatur, quam arteria, vena comprimenda amplior, adeoque vnica esse poterat, artierarum vero, vt minor quoque in his sit impetus, vi comprimenti cedens, duae minimum requirebantur.

§. 843. Ratio, cur vena vmbilicalis in venam foetus quandam abeat, est, vt sanguis ex placenta veniens circulum subire possit in corpore foetus.

§. 844.

§. 844. Rationes vero, cur vena umbilicalis in sinum venae portae abeat, sunt, quia

- 1) in sinu venae portae motus sanguinis est tardissimus (§. 305.);
- 2) sic miscela sanguinis matris cum sanguine foetus promptior fieri potest (§. 835.);
- 3) sic optime denuo sanguinis materni impetus versus vasa foetus immittitur, et cum insigni sanguinis foetus quantitate liquida materna denuo exacte miscentur.

§. 845. Condensatio sanguinis foetus in foetu aequae est necessaria ac in hominibus natis, quemadmodum enim circulo sanguinis in hominibus natis rarefactio sanguinis exoritur, ita etiam talis in sanguine foetus producit. Cum igitur foetus, quia totus haeret in liquore amnii (§. 836) respirare nequeat, haec sanguinis condensatio in eius pulmonibus, vti talis fit in hominibus natis fieri nequit. Fieri ergo talis condensatio sanguinis foetus debet vel in aliis partibus foetus, vel in placenta vterina,

vel in ipsa matre. Duo priora membra locum non obtinent, quia nullibi corpus frigidum sanguinem attingit, necesse ergo est, ut sanguis, in foetu rarefactus, iterum in ipsa matre, et quidem eius pulmonibus, condensetur.

§. 846. Quia vero ventriculus cordis dexter in foetu etiam est maior sinistro (§. exper.), ideoque sinister non omnem sanguinem, quem dexter retinere potest, recipere valet, quia non condensatur sanguis foetus in pulmonibus (§. praec.), hinc alia adesse debebat via, qua sanguis circulum continuare possit absque eo, ut ventriculum sinistrum omnis intret. Imo quia fibrae pulmonum foetus maxime sunt debiles, cor vero foetus magis, quam pro robore pulmonum erat necessarium, robustum esse debebat (§. no. 2.); hinc quoque euitandum erat, ne cor dextrum totum suum impetum in pulmones exerceret.

§. 847. Effecit hoc benignissimum Numen partim

1) *fora-*

1) *foramine ouali*, quod reperitur in septo auricularum, et cuius ope auriculae vtriusque caua connexa sunt. Est hoc foramen membrana quadam pellucida munitum, quae in vitulis manifestam constituit valvulam, in foetu humano vero non adeo distincte, saltem non in omnibus subiectis, valvulam exhibet; partim

2) *canali arterioso*, qui arteriae pulmonalis atque magnae cauitates connectit, decurrit enim inter truncorum vtriusque arteriae parietes, et brevis quidem est, ast capacitatem fere dimidio arteriae pulmonalis aequalis.

§. 848. Foramen ovale (§. praec. no. 1.) notabilem sanguinis partem ex auricula dextra in sinistram transmittit, ergo non omnis sanguis, qui ex vena caua in auriculam pellitur cordis dextram, ad ventriculum pervenit dextrum, minor hinc est impetus, quo ventriculus dexter sanguinem versus pulmones pellit, quam si omnis

sanguis, qui in auricula dextra haesit, in ventriculum dextrum abiisset.

§. 849. Ratio, cur sanguis ex auricula dextra in sinistram et non ex sinistra in dextram per foramen ouale abeat, est, quia in auricula sinistra adest resistentia minor, est enim non decenter repleta. *.

SCHOLION.

In iis subiectis, in quibus valuula dicta (§. 847. no. 1.) adest, haec quoque simul motum sanguinis ex auricula sinistra in dextram impedit.

§. 850. Quia vero per contractionem auriculae dextrae sanguis in auricula dextra haerens versus foramen ouale non determinatur, alia quaedam causa determinans est necessaria. Forsitan haec est valuula EVSTACHII, haec enim, uti ex eius situ apparet, resistendo sanguinem versus fenestram oualem determinare potest.

§. 851. Eadem est ratio motus sanguinis per canalem arteriosum (§. 847. n. 2.).
In

* El. Phys. §. 119. 120. Schol.

In hoc enim nihil plane valuulofi reperitur: ergo, si solum consideramus canalem, sanguis aequè ex arteria magna in pulmonalem, atque ex pulmonali in arteriam magnam, transire poterit. Si vero consideramus repletionis statum, dicendum erit, arteriam pulmonalem semper esse repletam, arteria vero magna non potest esse decenter repleta, nisi omnem hunc sanguinem, qui in arteria pulmonali fuit, accipiat: si igitur canalis adest arteriosus, tunc demum arteria magna omnem habebit sanguinem, qui in auricula dextra fuit, si isti sanguini, qui a ventriculo sinistro est propulsus, se iunxit sanguis per canalem arteriosum veniens, ergo antequam hocce fiat, arteria magna non erit decenter repleta, ergo sanguis in eadem minus erit pressus, quam in arteria pulmonali, ergo ex hac in istam transit. Et sic hoc sanguinis per canalem arteriosum motu fit, ut circulus sanguinis in foetu continuari queat, quamvis ventriculus cordis dexter maior sit sinistro,

et licet sanguis in foetus pulmonibus non condensetur.

§. 852. Circulus ergo sanguinis in foetu sequenti fit ordine:

- 1) sanguis ex matre veniens in placentam cum alio in placenta haerente, per venam umbilicalem transit in finum venae portae (§. 835.), huius
- 2) sanguinis maxima pars, cum alio iam antea in finu venae portae haerente per canalem venosum, reliquus vero
- 3) ex finu venae portae in ramos eiusdem, et ex his per venas hepaticas in venam caavam inferiorem penetrat;
- 4) cum hoc sanguine omnis ex reliquo foetus corpore rediens ex vena caava tam superiore quam inferiore in auriculam intrat sinistram;
- 5) ex hac maxima quidem pars abit in ventriculum dextrum, pars tamen quoque per foramen ouale (§. 847.)

(§. 847.) in auriculam finistram intrat;

6) sanguis ex ventriculo dextro omniscquidem in arteriam pulmonalem abit, non vero omnis per pulmonales transit, magna enim eiusdem pars, si non dimidium, per canalem arteriosum transit (§. 851. 847.) in aortam.

7) sanguis ex pulmonibus per venam pulmonalem rediens in auriculam finistram, vna cum isto, qui per foramen ovale huc accessit (no. 5.), in ventriculum cordis finistrum penetrat;

8) ex hoc propellitur in aortam, iungitur hic sanguini per canalem arteriosum accedenti (no. 6.) et sic systole vtriusque ventriculi propellitur partim in omnes foetus partes, partim ex duabus arteriis iliaticis in duas umbilicales (§. 835.) versus placentam;

9) in placenta pars quidem parva in venas transit vterinas (§. 822. Schol.), maxima vero in venas pla-

centae, et ex his in venam vmbilicalem, et hinc porro in foetum pro noua circulatione.

§. 853. Magna vasorum vmbilicalium (§. 835.) longitudo erat necessaria

- 1) vt, in quacunque parte cauitatis vteri haereat foetus, nec pondere suo, nec nisu manuum, vel pedum versus vterum vllam vim, qua placenta ab vtero separari posset, exercere queat, et hinc
- 2) vt quoque motus foetus esset liberior, partusque faciliior.

§. 854. Obducenda autem erant tria haec vasa vmbilicalia (§. 835.) comuni quadam membrana satis densa, ne foetus brachio suo vnum alterumue contorquere et sic, circulum sanguinis inter placentam et foetum sistendo, sibi ipsi mortem inferre queat. Praeterea spatium reliquum inter hanc membranam atque vasa vmbilicalia liquore quodam erat replendum, vsque dum funiculus ea gauderet rigiditate

ditate atque crassitie, qua contorsioni funiculi circa brachium foetus sufficienter resisteret. Ne vero dictum fluidum pondere suo in vna funiculi colligeretur parte, gelatinosum et membranae cellulosaе, per totum funiculum vmbilicalem distributae, inclusum esse debebat.

§. 855. Dum itaque circulus humorum foetus dicto modo fit (§. 852.), sanguis foetus non solum ad secretiones omnes atque nutritionem praeparatur, verum quoque actu necessariae absoluuntur secretiones et nutritio.

§. 856. Secretiones, quae in foetu fiunt, sunt

- 1) vel communes cum secretionibus adutorum corporum; vel
- 2) foetui sunt propriae.

§. 857. Ad secretiones priores (§. praec. no. 1.) pertinent chyli secretio ex intestinis adeoque fecum ortus, et secretio vrinae in renibus. Secretiones vero foetui propriae (§. praec. no. 2.) sunt secretio liquoris amnii, istiusque

qui in ore, oesophago atque ventriculo foetus reperitur.

§. 858. Feces actu in foetu produci experientia docet, in omni enim foetu aliquot mensium reperiuntur tales in intestino eiusdem recto, vel etiam in colo, imo in ileo sub *meconii* nomine. Praeparantur vero ex liquore isto gelatinoso in ventriculo atque intestino duodeno foetus reperiendo. Hic liquor gelatinosus est limpidus, homogeneus adeoque parum feculentus, parua ergo *meconii* quantitas intra novem menses ex isto potest produci, quae omnis usque ad tempus partus ab intestinis retineri poterit.

SCHOLION.

Partem *meconii* quoque constituit bilis in hepate secreta et ad intestinum duodenum delata.

§. 859. Longe aliter vero sese habet urinae quantitas (§. 857.). Haec enim satis copiosa in foetu secernitur. Quia hinc vesica foetus tantam urinae copiam, quanta intra novem menses secernitur, capere nequit; urina foetus

tus necessario excernitur. In foetu vaccarum ex vesica transit in allantoidem, in foetu vero humano per eiusdem vrethram modo ordinario excernitur, et sic ad cauum amnii deferitur, vbi partem liquoris amnii constituit.

§. 860. Liquor amnii in vaccis per peculiaria organa praesentia secernitur. Sunt haec corpuscula ista albicantia figurae irregularis, diametri 1. 2. vel 3. linearum, substantiae spongiosae, quae in satis insigni copia, in tunicae vaccarum, amnios dictae, interna superficie ad finem sexti vsque mensis a conceptione reperiuntur.

§. 861. Quod vero haec dicta corpuscula (§. praec.) sint organa secretoria liquoris amnii in vaccis, colligimus

- 1) ex vasis sanguiferis, quae ad haec corpuscula decurrunt;
- 2) ex consistentia, qua gaudent peculiari;
- 3) quia haec corpuscula haerent in cauitate amnii, quorsum nempe liquor

quor amnii abire debebat; et tandem

4) quia corpuscula haec copiosa adfunt, quousque liquoris amnii magna adest quantitas, et contra.

§. 862. In foetu humano liquor amnii ab eiusmodi corpusculis (§. 861.) non secernitur, talia enim in homine non adfunt, sed potius ortum suum debet partim vrinae, quae ad cauum amnii, quando a foetu excernitur in vtero (§. 859.), deferitur; partim vasis lymphatico-arteriosis amnii.

SCHOLION.

Ex his adparet, minime esse probabile, liquorem amnii in foetu humano, in cauitatem amnii delatum, esse consistentiae gelatinosae, vti liquor amnii vaccarum, ob miscelam enim cum vrina nec blandus sapor, nec consistentia gelatinosa conseruari possunt.

§. 863. Vfus ergo, quos liquor amnii (§. 836.) praestat, praeprimis erunt sequentes:

1) bonam foetus conformationem conseruare iuuat, ita enim foetus in

- in tota sua superficie aequaliter premitur;
- 2 efficit, vt foetus per integros nouem menses quidem pondere et magnitudine crescere, toto tamen isto tempore absque exclusionis metu in vtero conseruari possit;
 - 3) tuetur foetum, ne tam facile a vi quadam externa vel alia possit laedi; ac tandem
 - 4) tempore partus exitum foetus, orificium atque vaginam vteri dilatando, promouet.

§. 864. Liquor, qui in ore, oesophago ac ventriculo foetus humani reperitur, est blandus atque gelatinosus (§. 857.) adeoque ab amnii liquore plane est diuersus (§. 862. Schol.). Non potest igitur considerari tanquam liquor amnii, per aperturam oris in has cauitates pressus. In ipso igitur foetu vt secernatur sequitur. Et maxime vero simile est, dictum hunc liquorem secerri partim in glandula thymi ex sanguine foetus et per vasa hactenus incognita, vel in omnes dictas cauitates, vel in vnam vel alteram

ram tantum, et ex his in reliquas deferri; partim in glandulis salivariis, thyroidea, aliisque colli, et circa oesophagum haerentibus.

SCHOLION.

In foetu vaccarum origo huius dicti liquoris est duplex, partim, nempe extra foetum ex amnio, partim ex partibus [foetus internis. Liquor enim amnii in foetu vaccarum maximam habet similitudinem cum humore in ore foetus contento, colligere ergo probabiliter licet, liquorem amnii vitulorum premi successively in os huius foetus et ex hoc per oesophagum semper apertum, dicto enim liquore semper repletus reperitur, in ventriculum.

§. 865. Sanguis maternus est alimentum foetus, minime vero, utilis, est fluidum ad alendum foetum aptum, sed antea hic sanguis in foetu est mutandus in alimentum, quo foetus nutriri potest. Huic mutationi circulus solus humorum, uti in matre, non videtur sufficiens, quia vires mouentes in foetu viribus mouentibus in matre longe sunt inferiores. Necesse

Necessarium igitur videtur, vt, vti alimenta adultorum quiete in loco calido, et inde orta spontanea quidem, per liquores tamen affluentes adultorum definita, mutatione, nutrimentum primum conueniens fiunt, simili modo istud, ex quo sanguis ad praebendum alimentum aptus fieri debet, in ventriculo, et intestinis foetus spontanea, per humores tamen foetus decenter definita, mutatione, praeparetur.

§. 866. Dictus ergo liquor (§. 864.) est alimentum foetus, descendit enim semper ex ore per oesophagum in ventriculum, in quo ulterius mutatur partim sua sponte, quia ex partibus constat heterogeneis, haeret in loco calido, et interna suarum particularum actio motu ventriculi peristaltico augetur, partim quia liquor ventriculi accedit.

§. 867. Liquidum ergo hoc gelatinosum in ventriculum delatum (§. praec.) fit magis fluidum, salia magis

gis euoluuntur, et ad miscelam cum bile magis fit aptum, fit ergo sic chylus, qui, vti in adultis, diluitur a liquore pancreatico et sic ad transitum per vasa lactea praeparatur. Quidquid vero aut in ventriculo non est resolutum, aut a liquore pancreatico non soluitur vel diluitur, per vasa lactea quoque non absorbetur, ergo manet in intestinis, motu peristaltico defertur ad intestina crassa et fit pars meconii.

§. 868. Minime necessarium est, ut foetus eo modo, quo adultus, suum deglutiat alimentum, continuo potius motu, lentissimo tamen, ex ore in oesophagum, et ex hoc in ventriculum descendit. Causae mouentes sunt:

- 1) motus peristalticus ventriculi;
- 2) visciditas liquoris nutrientis;
- 3) pressio linguae.

SCHOLION I.

Ex his dictis ergo est clarum, foetum humanum nutriri per os.

SCHOLION II.

Omnis reliqua in foetu humano praeparatio, ipsaque appositio ad partes solidas seu nutritio, omnisque secretio eodem plane fit modo, quam in adultis.

CAPVT XV.

SECTIO V.

DE

PARTV.

§. 869. Foetus per totum istud tempus, quo in vteri cauo haeret, sphaeroidicam exhibet molem. Tota enim spina dorsi est extrorsum conuexa, caput anteriora versus inclinatum, femora abdomini applicata, et genua ita flexa, vt calcanei natibus sint contigui, brachia vero pedes quasi in suo situ conseruant.

§. 870. Situs vero foetus ratione matris, primis quinque, vel sex mensibus admodum variare solet, et probabile est, foetum istis mensibus saepius suum mutare situm, post sextum vero mensem magis constans esse solet, et quidem talis, vt caput superiorem

Elem. Physiol.

Q q

occu-

occupet locum, facies anteriora versus spectet, et ad horizontem paululum sit inclinata, atque foetus sedere quasi videatur.

§. 871. Postquam ossificatio paululum est perfecta, id quod mense quinto solet fieri, foetus caput et artus suos successiue mouere incipit, id quod in quibusdam grauidis decima septima, in aliis vicesima demum a conceptione septimana fieri solet. Est hic motus quinto mense adeo lentus et blandus, vt vix eum a motu aëris in intestinis mater possit distinguere, successiue vero magis fit perceptibilis.

§. 872. Subsistit sic foetus in vtero materno, in quibusdam feminis ad finem vsque trigesimae octauae septimanae a conceptione, in plerisque vero vsque ad finem trigesimae nonae, vel etiam ad quadragesimam septimanam.

§. 873. Causa exclusionis foetus ex vtero occasionalis est duplex, prima

1) est

- 1) est expansio vteri ad eum vsque gradum, vt omnis tortuositas, siue fibrarum vteri carnearum, siue vasorum eiusdem, cesset. Quousque enim tortuositas adest, fibrae et vasa vteri absque tali tensione, quae spasmus inferat, elongari, adeoque foetus pariter, ac vteri cauitas crescere possunt, nec tamen vterus spasmodice sese contrahit; altera
- 2) est decrementum continuum liquoris amnii.

§. 874. Dum foetus vna cum liquore amnii cauitatem vteri non replet exacte,

- 1) caput foetus supra liquorem eminet;
- 2) ergo hoc, quippe maxime ponderosa foetus pars, ruit suo pondere anteriora versus (§. 869.);
- 3) ob resistantiam circa vteri fundum, ex defectu liquoris amnii imminutam, vterus ibidem primo sese contrahit, caput igitur foetus vltterius deorsum trudit, ita, vt foetus pla-

ne inuertatur, et capite suo fibris vteri anterioribus iuxta orificium vteri internum innitatur, facies vero versus dorsum matris sit directa;

- 4) irritantur igitur fibrae vteri anteriores magis, quam reliquae, vnde hae aut citius, aut saltem fortius, quam reliquae sese contrahunt.

§. 875. Per hanc fibrarum anteriorum vteri contractionem (§. praec. no. 4.)

- 1) orificium vteri partim anteriora versus trahitur, partim dilatatur.
- 2) liquor ergo amnii ab vtero sese contrahente pressus, itemque pondere suo, premit membranas foetus per orificium vteri apertum ob resistantiam hic imminutam.
- 3) cedit igitur ipse amnii liquor per idem orificium, vnde foetus maior pars, quam antea, extra liquorem haeret.
- 4) minus ergo foetus quam antea a fluido sustentatur; maiori ergo agit pon-

pondere', vnde ipsum caput foetus versus orificium apertum descendit, donec toto suo ambitu, orificii vteri ambitum contingat.

§. 876. Antequam hoc fit plenarie, maior liquoris amnii pars maiorem membranarum foetus partem in vaginam propulit, vnde

1) placenta vteri ab vtero, tanquam pars chorii, separatur;

2) membranae foetus in vagina haerentes vel sponte rumpuntur vel ab obstetrice rumpendae sunt, profluit hinc per genitalia parturientis liquor amnii, vagina inde fit lubrica, foetus plane non amplius a liquore sustentatur; ergo iam toto suo pondere agit in vterum, et ob resistantiam circa fundum vteri, per liquoris amnii secessum, magis imminutam, vterus in superiore parte magis sese contrahit.

§. 877. Hac vteri circa fundum contractione placenta magis ab vtero separatur, media enim eius pars ver-

sus vteri interiora pellitur; vasa ergo, quibus media placentae pars cum vtero cohaeret, rumpuntur et sanguinem fundunt. Hic sanguis intra placentam et vterum collectus, magis pellit placentam versus vteri interiora, ergo sic magis separatur placenta ab vtero, nouaque, si non omnia, rumpuntur vasa atque fibrae, quibus placenta vtero connectitur, id est, placenta ab vtero separatur.

§. 878. Multiplicantur ergo causae contractionis foetus occasionales partim per effluxum liquoris amnii (§. 876. no. 2.), partim per maiorem foetus descensum (§. cit.), partim per separationem placentae (§. praec.), partim per actionem foetus maiorem ex pondere (§. 876. no. 2.), partim per contractionem musculorum abdominis atque diaphragmatis, partim per voluntarios matris nifus. Pellitur ergo sic foetus per orificium vteri in vaginam, haec igitur vt et orificium vteri dolorifice extenduntur, vterus itaque magis ad contractionem stimu-
latur,

latur, donec totus foetus vtero sit exclusus.

§. 879. Ipse quoque foetus inter causas foetum in partu mouentes (§. §. praec.) est referendus, quatenus hic pedibus suis versus os sacrum agit, actione enim vteri in nates foetus harum eleuatio non solum impeditur, sed et actio pedum, secundum leges motus compositi, versus caput foetus determinatur.

§. 880. Nominatur haec violenta foetus ex vtero exclusio *partus*. Et si hic eo, vti hactenus expositus fuit, modo fit, specia im audit *partus naturalis*. Requisita ergo partus quam maxime naturalis sunt sequentia, vt nempe

- 1) fiat proxime circa finem noni a conceptione mensis;
- 2) orificium vteri et vagina decenter dilatari queant;
- 3) foetus sit viuus, nec nimis magnus;
- 4) foetus caput primum prodeat, ita quidem, vt facies versus posteriora matris sit directâ;

5) spafmi vteri dolorifici, quibus orificium vteri dilatatur, fint fatis frequentes, fatisque vehementes, fic plerumque totum partus negotium intra quindecim vel triginta minuta prima temporis abfoluitur.

§. 881. Dum foetus excluditur, fi placenta vel tota, vel maximam partem ab vtero fit feperata, ipfa placenta vna cum chorio et amnio, ipfum foetum proxime fequitur, quia partim a foetu ope funiculi vmbilicalis trahitur, partim ab vtero fe fe constringente pellitur. Funiculus vmbilicalis cum chorio, placenta et amnio tempore partus et poft eundem *Secundinarum* nomen obtinuerunt.

SCHOLION.

Reliqua, quae in hac de partu doctrina exponenda adhuc fupersunt, concernunt mutationes, quae cum in matre, tum in foetu poft partum naturaliter fequuntur.

§. 882. Prima mutatio, quae in matre occurrit, eft ligatio abdominis ope fasciae facta. Multos haec ligatio prae-

praestat vsus, potiores sunt sequentes:

- 1) promouet expirationem, haec enim proxime post partum a musculis abdominis maxime flaccidis adeoque ad agendum pariter ac ad resistendum ineptis, decenter peragi non potest;
- 2) vteri contractionem, tanquam vis externa, iuuat;
- 3) dolores post partum praecauet, quatenus intestinorum, ex aëre contento, expansionem impedit;
- 4) contractionem musculorum abdominis iuuat atque accelerat.

§. 883. Altera mutatio, quae in matre post partum animaduertitur (§. 881. Schol.), est *fluxus lochiorum*, qui consistit in haemorrhagia fiente per vterum post partum, et fit, quia per placentae ab vtero separationem in partu omnia vascula ex vtero in placentam transeuntia disrumpuntur. Ordinarie per quinque vel sex dies durat hic fluxus, angustatis vero de-

center vasis, per tres tantum vel quatuor dies nil nisi serum cum paucio sanguine, instar loturae carnis, per genitalia fluit, et nono a partu die plane cessat.

§. 884. Haec vero dicta vasa (§ praec.) angustantur, partim quia sese contrahunt ex elasticitate, partim quia ab utero sese constringente tam ex elasticitate, quam ex vitalitate, magis comprimuntur. Et sic simul perspicimus, quare uterus post partum ad eam usque sese contrahat magnitudinem, quam ante conceptionem occupabat.

§. 885. Tertia mutatio, quam cernimus in matre post partum (§. 881. Schol.), est mammarum ex lacte tumor. Mammae quidem grauidarum iam circa dimidium gestationis tempus ex plethora intumescunt, reliquo vero gestationis tempore parum crescunt. Tertio vero post partum die febricula puerperae corripuntur, et mammae insigniter intumescunt, durae fiunt, et lac continent copiosum.

§. 886.

§. 886. Ratio huius mammarum intumescientiae (§. praec.) reliquorumque symptomatum ex incremento insigni capacitatis omnium vasorum sanguiferorum puerperae est deducenda, intra triduum enim duodecim saltem librae sanguinis ex parietibus vteri sese contrahentibus in reliqua puerperae vasa intrabunt.

SCHOLION.

Plerique quidem Physiologorum hanc mammarum intumescentiam ex nexu vasorum epigastricorum cum mammariis deriuandam esse existimant, verum errant, nexus enim vasorum nullum infert impetum. Demonstrandum igitur ipsis est, quod post partum maior sit sanguinis impetus in arterias epigastricas quam in alias puerperae, quod vero vix fieri posse arbitramur.

§. 887. Quarta, quae in matre post partum observatur mutatio (§. 881. Schol.), est cutis abdominis, quae rugosa et inaequalis fit consistentiae, quia, tanquam pars densior et non musculosa, tantum, quantum partes sub-

fubiacentes musculosae, sese contrahere nequit.

§. 888. Tandem hoc quoque simul est annotandum, quibusdam lactantium feminarum menses nona a partu septimana redire, alias vero eosdem ante finem lactationis non videre, prout nempe magis vel minus sunt succulentae.

§. 889. Mutationes, quae in foetu post partum occurrunt (§. 881. Schol.), et quae adhuc explicandae, sunt:

- 1) initium respirationis;
- 2) vmbilici deligatio et separatio.
- 3) vasorum foetui priorum, articularum nempe vmbilicalium, venae vmbilicalis, canalis arteriosi et foraminis ovalis compressio atque coactilitus.
- 4) meconii exclusio.

§. 890. Quod ad respirationem foetus attinet (§. 889. no. 1.) post partum incipientem, haec sequenti excitatur modo. Dum per genitalia muliebria transit

transit, necesse est, vt ipsius pectus atque abdomen insigniter constringantur. Quodsi igitur caput in partu antecedit, omnes costae foetus deorsum premuntur, et hinc muscoli intercostales externi extenduntur (§.168.) atque ad contractionem irritantur, simili modo ex abdominis constrictione diaphragma sursum pellitur et ad constrictionem irritatur. Primo igitur momento, quo, partu peracto, extensio diaphragmatis atque musculorum intercostalium externorum cessat, hi tanquam irritati sese contrahunt et pectus dilatant, aër ergo externus irruit, pulmonesque expandit. Quodsi vero foetus pedes vel nates primi per genitalia prodeunt, costae sursum versus caput foetus premuntur, hoc costarum motu muscoli intercostales interni extenduntur et ad contractionem stimulantur (§.170.); sequitur igitur, partu peracto, horum et pectoris constrictione, itemque costarum descensus atque intercostalium externorum extensio, et, si quid aëris, vti probabile est, in cellulis pulmonalibus, vel bronchiis

chiis haereat, exspiratio, sequenti vero momento, per musculos externos intercostales irritatos eleuatio pectoris et prima inspiratio. Sequentibus temporibus ex iisdem rationibus ac in adultis inspirationes et expirationes alternatim sese excipere debent.

§. 891. Deligatio vmbilici (§. 689. no. 2.) ideo instituitur, ne periculum vitae tam ex haemorrhagia, quam ex refrigerio, stagnatione et corruptione sanguinis in placenta oriatur. Fit haec deligatio in distantia 4. vel 5. digitorum ab vmbilico, dein supra ligaturam diffecatur funiculus, pars ligata contorquetur, et abdomini infantis imposita fascia circulari, totum infantis abdomen cingente, comprimitur. Sic intra paucos dies exsiccatur et sponte ab vmbilico secedit. Si, foetu excluso, placenta adhuc cum vtero cohaereat, duplex funiculi vmbilicalis instituitur ligatura, et in medio inter vtramque ligaturam diffecatur.

Tab. II.

Fig. 4.

§. 892. Canalis arteriosi coalitus (§. 889. no. 3.) obtinetur per insertionem

nem obliquam canalis arteriosi et maiorem aequalemque vtriusque arteriae repletionem. Ponamus enim *p* esse arteriam pulmonalem, *c* canalem arteriosum, *m* arteriam magnam, tunc in foetu, quando in vtero latet, pars arteriae pulmonalis *p g* quia est magna, nec tamen tantum repletur, quantum post partum (§. 851.), non adprimitur paries *ab* parieti *ak*, quia vero sanguis in *d* ob pulmones collapsos sufficienter cedere nequit (§. cit.), agit versus canalem arteriosum in *c*, et per eundem movetur in arteriam magnam, quippe non tantum repletam ut resistere posset (§. cit.), imo si quoque haec arteria magna sufficienter esset repleta in *m e*, tamen admitteret sanguinem per canalem arteriosum *c*, quia arteriae magnae cedit, dum movetur ex arteriis umbilicalibus (§. 835.) in matrem. Post partum vero pulmones statim per primam respirationem expanduntur, minorem ergo sanguis, ex corde dextro propulsus, in arteria pulmonali, maiorem vero, ob arterias umbilicales ligatas,

gatas, in canali arterioso sentit resistantiam, hinc sanguis maiori quantitate ruit in arteriam pulmonalem, maiori ergo in gradu extendit eam, et sic maxima vi parietem *ab* arteriae pulmonalis adprimit parieti *a k* canalis arteriosi. Sanguis dein maiori copia ex pulmonibus rediens auriculam finistram magis replet, quam ante partum, unde resistantia in auricula sinistra fit maior, et hinc minor longe sanguinis quantitas ex dextra auricula in finistram per foramen ouale (§. 847.) transit; maior ergo sanguinis quantitas iam in ventriculum finistrum deferitur, et hinc maior quoque sanguinis quantitas in arteriam magnam propellitur, agit ergo iam sanguis in arteriam magnam propulsus maiori vi in eius parietes, partim quia maiori copia in ea iam haeret, partim quia vasa umbilicalia iam sunt clausa (§. 891.); extenduntur ergo magis parietes arteriae magnae adeoque sic latus *m n* canalis arteriosi magis adprimitur lateri *k a*, ergo canalis arteriosus durante diastole arteriarum non repletur, in
systole

systole vero arteriarum, quia eosdem habet nervos, ac reliquae arteriae vicinae, vna cum reliquis sese coarctat, hinc nec isto tempore aliquid admittit, statim itaque post partum eius parietes semper sunt contigui, et sic ex hac ratione successiue concreescunt.

§. 893. Canali arterioso compresso (§. praec.) omnis sanguis, qui ex ventriculo dextro proiicitur, in sinistram intrat auriculam, haec igitur, quantum fieri potest, sufficienter repletur. Nihil igitur ex dextra in sinistram, vel ex sinistra in dextram abit, quamvis foramen ouale maneat apertum. Quod si igitur valuulosa adsit membrana, constanter parietibus auriculae sinistrae adprimetur, donec cum eadem concreascit; si membrana quidem, non vero valuulosa, adsit, post huius demum incrementum vsque ad contactum parietum, concretione membranae cum parietibus clauditur.

§. 894. Vasorum vmbilicalium coa-
litus (§. 835.) sequenti fit modo: Per
quemlibet septi transuersi descensum
Elem. Physiol. R r visce-

viscera premuntur contra vasa vmbilicalia per totam eorundem longitudinem, in expiratione vero dicta haec vasa premuntur contra viscera, cum igitur diameter horum vasorum fit minor eorundem longitudine, maior erit compressio, quam dilatatio a sanguine. Comprimuntur ergo dicta vasa, sanguis contentus propellitur in vasa connexa, et post aliquot respirationes absolutas ab omni sanguine erunt liberata, contrahunt hinc sese tam ex elatere quam ex vitalitate, et sic in ligamenta abeunt.

§. 895. Exclusio meconii (§. 889. n. 4.) in infante recens nato fit partim ob meconicum intestina ad contractionem stimulans, partim ob diaphragmatis et musculorum abdominis concurrentem contractionem.

C A P V T XVI.

DE

*SITV PARTIVM CORPORIS HVMANI,
ET QVIBVSDAM PHYSIOLOGIAE
GENERALIBVS.*

§. 896. Cum circa superficiem terrae haereant plantae et animalia, quae
motu

motu suo aërem semper commouent et sonum excitant, et corporum grauium concussiones diutius et longius in terra quam in aëre durent et continuentur, adeoque aërem vicinum ad motum tremulum concitent, auris, ne eius perceptio ab hisce sonis turbaretur, a terra, quantum fieri potest, remota esse debebat.

§. 897. Cum nullum obiectum nimis vicinum distincte cognosci et vicinorum non nisi exigua pars videri queat, oculus quoque tantum fere, quantum poterat, a terra distare debebat

§. 898. Siue nasum consideres, quatenus per istum ordinaria fit respiratio, siue quatenus assumendorum odorem percipere debet, semper locum, quantum fieri potest, altum in corpore humano obtinere debebat; et quidem respirationis causa, vt aërem hauriat vaporibus noxiis concentratis non repletum, assumendorum vero causa proxime supra os locatus esse, imo, cum homines erecta facie, non inclinata,

vt animalia, alimenta assumere soleant, vltra os prominere debebat, vapores enim ex cibis adscendunt, et sic directe in nares prominentes intrare poterant.

§. 899. Oculi in parte anteriori capitis esse debebant, quia motus versus anteriora fit, vt via, et quae corpori nostro, in motu constituto, damnum inferre possent, cognoscerentur. Os loquelaе potissimum causa anteriorem occupat locum. Nasus vero, tam vt assumtorum odor perciperetur, quam quia ipsi incumbere haut licet, in anteriore haeret parte. Cum diametraliter aures sibi essent opponendae nullaue in infima capitis parte, quippe a collo occupata, poni poterat, in alio, quam ad latera capitis, in parte cranii inferiore, non poterant collocari loco.

§. 900. Os ob maxillam, quam requirit mobilem, infimum inter haecce organa habere debebat locum; cumque nasus assumtorum odorem percipere debeat, vapores vero adscendant, et quo

quo magis adscendunt, eo magis dissipentur atque fiant insensibiles, natus vt proxime supra os poneretur necesse erat. Quia vnicum est corpus, secundum leges aequilibrui medium occupat locum, hinc quia partes laterales cauitatibus suis odoratui inferuire debebant, non nisi locus supremus oculis est relictus.

§. 901. Cum omnia haec dicta (§. §. praec.) organa sensoria neruos copiosos requirant et, vt cerebrum, ossibus inclusa esse debebant, commode vna cum cerebro in vno loco ponebantur, ita tamen, vt cerebrum supremum occuparet, quia aliter compressio cerebri adeo periculosa vel alia noxa a frigore et calore assumptorum expectanda euitari vix potuisset.

§. 902. Pulmones locum naso et ore inferiorem occupant, quia alias pondere suo resistentiam inspirationi dedissent, non tamen ab ore valde remotum, quia alias non nisi graues et debiles sonos producere potuissemus et aer nimis calidus ad pulmones per-

uenisset. Cumque pulmones cordis causa pro sanguine refrigerando sint dati, et cor aequè ac pulmones requirant cavitatem, cuius parietes ab aëre exteriori parum vel nihil comprimi possunt, cor quoque in eodem loco, nempe parum infra os haerere debebat. Sic simul obtinetur, vt sanguinis impetus in omnes partes sit aequalis, tametsi enim cor minus distet a capite quam pedibus, et sic maior moles sit superanda, dum sanguis mouetur versus pedes, quam versus caput, huic tamen motui sanguis pondere suo resistit, istum iuuat. Nec poterat cor in medio thoracis haerere, sed in vno tantum latere, quia basis cordis mediaestino erat connectenda, quod absque deformitate vel laesione, alium quam medium thoracis locum occupare non poterat, hinc simul vna ratio patet situs cordis obliqui, quare vero in sinistro praecise latere haereat, rationem specialem dare nequeo.

§.903. Oesophagus post asperam arteriam erat ponendus, partim vt aspera arteria facile ab aëre posset expandi,

pandi, partim verò ne oesophagus vasa ex corde ad pulmones abeuntia comprimeret.

§. 904. Aspera arteria in collo anteriorem locum obtinere, id est, statim sub cute haerere debebat, partim vt aër statim post vocem, in glottide formatam, a lingua denuo mutari et vox articulata fieri queat, partim ne idem ab ambientibus musculis nimium calefiat, partim vt sine impedimento et momento temporis capacitas asperae arteriae, pro sono formando, mutari queat.

§. 905. Ventriculus, intestina, vesica nec in capite, nec in pectore collocari poterant. Sunt enim viscera, quorum moles, eodem die aliquoties, modo maior, modo minor esse debebat. In tali igitur cauitate erant ponenda, cuius vel parietes sunt flexiles, vel reliqua viscera in eadem cauitate haerentia expansioni priorum aut sufficienter resistere, aut sine noxa cedere poterant. Et hinc in infimo ventre erant ponenda, et quidem ita, vt ven-

trculus superiorem, intestina medium, vesica vero infimum occuparent locum, ex ventriculo enim cum cibi etiam pondere suo in intestina descendere deberent, non poterat non ventriculus intestinis esse superior, cumque prae-cauendum esset, ne vrethra comprimi posset, infimum vesica, statim sub osse pubis, debebat occupare locum.

§. 906. Hepar, lien, renes, non solum ex ea ratione in infimo ventre esse debebant, vt semper a motu musculorum agitantur, et sic tam secretio fluidorum in iisdem, quam fluidorum secretorum motus promoueretur, sed et hepar speciatim in suprema parte infimi ventris haerere debebat, vt bilem statim circa initium intestinorum in eorum cauitatem infundere posset, in dextro vero latere est positum, quia sanguinem suum in venam cauam infundere debet, quae, ob arteriae magnae situm, in latere sinistro non nisi in dextro esse poterat. Lien si non superior, saltim hepate non inferior esse debebat, quia suum sanguinem in hepar transmittit, qui si
pon-

pondere versus lienem agere potuisset, vasis lienis tenerrimis facile laesionem induxisset, cum igitur in dextro latere ab hepate, in medio a ventriculo suprema infimi ventris regio iam sit occupata, in sinistro latere erat ponendus. Renes superiorem quidem, quam vesica, debebant occupare locum, altiore tamen quam qui est proximus infra hepar et lienem, secundum dicta habere non poterant.

§. 907. Partes genitales mulierum infimum occupant locum in infimo ventre, partim quia requirunt cauitatem, quae absque vitae periculo extendi potest, partim quia foetus pondere suo exitum suum iuuare debebat, ne vero tam tempore gestationis quam alio, cum in parte inferiore nullum habeant sustentaculum, ex pondere prodirent, ligamenta vteri lata data sunt, vi quorum cum ossibus innominatis cohaerent. Mentula virilis, vt vaginae yterinae immitti queat, extra corpus haerere debebat, et quidem in tali loco, qui antro retroque moueri poterat. Vt rigida fieri queat, ossi cuidam erat

connectenda et contra compressiones externas defendenda Omnia haec requisita in regione infra pubem concurrunt. Eodem mentulae loco id quoque obtineretur, vt vna via et semen et vrina euacuari queat. Scrotum virile cum contentis, vti supra dictum fuit, salacitatis minuendae causa extra corpus haerere debebat.

§ 908. De situ omnium partium generatim tenendum, quod omnes partes solitariae in medio, duplicatae vero aequaliter a medio corporis distantes datae sint, vt aequilibrium conferuetur.

§. 909. Ea quae in toto hoc libello exposuimus, sunt actiones corporis humani, vti in corpore sano et viuo ex partium corporis humani vi insita et conformatione fluunt. Est vero *conformatio* qualitas corporis, quae ex definito numero, magnitudine, figura, positura et connexione partium solidarum integrantium intelligitur.

§. 910. Vocatur doctrina dictas actiones exponens *Physiologia*. Est igitur

igitur Physiologia doctrina de actionibus corporis humani viui et fani.

§. 911. *Vita* ergo est exercitium quaecunque actionis vnius, vel plurium corporis humani, vel organici, ex conformatione, non ex pondere et humiditate, fluentis.

§. 912. *Sanitas* est potentia corporis organici viui, decenter conformati, actiones suae conformationi, aetati, sexui et vitae generi competentes decenter exercendi.

§. 913. Inter istas actiones varias, quae ad statum sanum corporis humani pertinent, quaedam sunt fundamentum omnium reliquarum, quaedam vero tale non sunt. In priori casu audiunt *actiones vitales*. Pertinent ad has circulatio, respiratio, motus sanguinis intestinus, nec non secretio spirituum in cerebello. In posteriori vero casu vel durationi vel perfectioni vitae inferuiunt.

§. 914. Ista actiones corporis humani (§. praec.), quae durationi vitae infer-

inferuiunt, audiunt *Actiones naturales*.
Et hae rursus duplicis sunt generis;
aliae

- 1) vitam et sanitatem indiuiduorum
conseruant, hae sunt omnes secre-
tiones, omnes excretiones, masti-
catio, deglutitio, chymificatio, chy-
lificatio, sanguificatio et fecum ex-
cretio; aliae vero
- 2) vitam generis conseruant, ad has
pertinet generatio.

§. 915. Ista tandem actiones, quae
vitam humanam perfectam atque com-
modam reddunt (§. 913.), saluantur
Actiones Animales. Et ad has referun-
tur sensationes, motus corporis eius-
que partium localis, somnus
atque vigiliae.

S. D. G.



INDEX CAPITVM.

Cap. I. De Partibus, ex quibus Massa sanguinea constat, et eiusdem Temperie.

Cap. II. De Massae sanguineae et fluidi corporis humani quantitate.

Cap. III. De Vasis corporis humani sanguiferis, eorumque extremitatibus.

Cap. IV. De Circulatione seu Motu progressiuo sanguinis.

Cap. V. De Motu sanguinis per pulmones et respiratione.

Cap. VI. De Secretione in genere.

Cap. VII. De Secretione in specie.

Sect. I. De Secretione in Cerebro, Cerebello et Medulla spinali.

Sect. II. De Secretione Serosorum Humororum per glandulas.

Sect. III. De Lymphae absque glandulis, itemque de Muci intestinalis atque viarum vrinariarum, et de pinguedinis secretione.

Sect. IV. De Seminis virilis secretione.

Sect. V. De Transpiratione insensibili et Sudore.

Sect. VI. De Vrinae Secretione et Excretionem.

Sect. VII. De Bilis Secretione.

Cap. VIII. De Nutritione.

Cap. IX. De iis Actionibus corporis humani, quibus quantitas et qualitas humorum conseruatur.

Sect. I. De qualitate corporum, quibus amissae restituuntur partes.

Sect. II.

INDEX CAPITVM.

- Cap. IX. Sect. II. De Masticatione et Deglutione.
Sect. III. De Potulentorum assumptione.
Sect. IV. De Digestione.
Sect. V. De Chylificatione.
Sect. VI. De Sanguificatione.
Sect. VII. De Fecum et flatuum productione,
et ex corpore humano eiectione.
Cap. X. De Sensibus externis generatim.
Cap. XI. De Sensibus externis in specie.
Sect. I. De Tactu, Fame ac Siti.
Sect. II. De Gustu.
Sect. III. De Olfactu.
Sect. IV. De Visu.
Sect. V. De Auditu.
Cap. XII. De Sensibus internis.
Cap. XIII. De Musculorum actione.
Sect. I. De Contractione musculorum.
Sect. II. De Voce, speciatim
De Anhelatione, Stertore, Clamore, Can-
tu, Loquela, Risu, Fletu, Tussi et
Sternutatione.
Sect. III. De Motu Corporis Progressiuo, seu
Locali.
Cap. XIV. De Somno.
Cap. XV. De Generatione.
Sect. I. De Aptitudine hominis ad Genera-
tionem.
Sect. II. De Appetitu Venereo.
Sect. III. De Congressu et Conceptu.
Sect. IV. De Gestatione in vtero.
Sect. V. De Partu.
Cap. XVI. De situ Partium Corporis humani, et
quibusdam Physiologiae generalibus.



INDEX RERVM.

NVMERI INDICANT PARAGRAPHVM.

Absorptio quomodo fiat 285. vascula absor-
ptioni vnice dicata non dantur, ratio. ibid.

Acini hepatici qui nuncupentur 312. in istis
secretio bilis fit, ratio 313-317. quo respectu
referantur ad vasa secretoria et secernentia 317.

Actiones musculorum vid. Musculi. vitales vid.
Motus vitales.

Actiones naturales quae, 914.

Aer, quid sit 152. no. 1. per quas corporis partes
intret, atque exeat ibid. no. 2. inferuit fan-
guinis per pulmones transeuntis condensatio-
ni, refrigerio, respirationi 148-159. sanguini
inhaerens vid. Sanguis.

Aer, pleuram inter et pulmones haerens, quid
efficiat 166.

Aeris thoracici existentia per experientiam pro-
batur Schol. I. ad §. 159. monitis contrariis sci-
te respondetur ibid. Schol. II.

Albini opinio de linguae papillis 494.

Alimenta quae vocentur 360. corpori humano
debent esse aequalia et specificè leuiora 361.
ad diuersas corporis actiones requiruntur
diuersa 362. huc non pertinent mineralia 363.
non aqua, ratio. ibid. sed vegetabilia 364.
non tamen omnia, ratio ibid. no. 1. et seqq.
nec animalia omnia 365. debent antea prae-
parari ac resolui 366. corpora resoluentia
quaenam sint. ibid. quaenam sanitati conue-
niant 367.

Allantois reperitur in brutis, non in homine
Sch. I. ad 834.

Ambu-

INDEX

Ambulatio quid 726. quibus actionibus continetur 727-729.

Ammannus (Paul.) de Surdo loquente Sch. 709.

Amnios quid. 834. no. 2. eius liquor, cuius indolis 836. eius quantitas signatur Sch. ad 836. pl. vid. Gestatio in vtero.

Anhelatio quae appelletur 693.

Anima humana quae 460. percipit mutationes in organis sensoriis 463. 465. mediantibus nervis 464. no. 1. et seq. 466. locus cerebri, in quo anima percipit, ut et modus, quo spirituum actionem cognoscit, ignoratur 466. no. 4. 5. 468. hypotheses allatae variis premuntur difficultatibus 468.

Anima humana habet facultates diuersas 649. no. 1. et seqq. hae facultates ad physiologiam cur referantur 650.

Animalcula spermatica quae dicantur 780. no. 2. vesiculas seminales quomodo irritent Schol. ad §. 792.

Animalia ad alimenta quae pertineant. vid. alimenta.

Animalium panniculi carnosissimi, ex quibus principiis explicari possint Schol. ad 666.

Animi affectus protrahunt vigilias 751.

Appetitus qui vocetur. 649. no. 5. sensitivus qui ibid.

Appetitus ciborum qui 478. a fame quomodo differat 479. cur evanescat cibus decenter assumptis 481.

Appetitus venereus qui 790. unde oriatur in sexu virili 791. 792. quos effectus post se relinquat 793-797. per quae excitetur in sexu sequiori 798. causae adductae, quosnam producant effectus 799. 800.

Aroma-

Aromata moderate sumta, confortant 754. majori dosi assumta, somnum inferunt. 755.

Arteria refertur vasa inter sanguifera 2. sanguinem continet specificè grauiorem, quam vena 3. no. 8.

Arteria hepatica quae vocetur 303. data cur sit 328.

Arteria magna et aorta quae 74. eius proprietates 75.

Arteria pulmonalis quae 73. eius proprietates ibid. no. 1. et seqq.

Arteriae cordis quae 70. earum proprietates 71. pl. vid. Cordis Vasa.

Arteriae cystidis fluidum ad cauum ejus non deferunt Schol. II. ad 323.

Arteriae renales deferunt sanguinem ad vrinae secretionem 247.

Arteriae spermaticae, quid efficiant 260. 261.

Arteriae vmbilicales quae 835. duae cur sint 842.

Aspera arteria conducit ad respirationem 152. no. 1. 153. tōni mutationem 707. no. 2. glandulis mucaginosis obducta cur sit Schol. ad 707. ejus situs. vid. Situs.

Auditus qui vocetur 613. supponitur doctrina de sono 614. item cognitio auris anatomica ibid. sonus, vt producat, requiritur aër 615. no. 1. et seqq. 616. nerui requiruntur acustici, rite constituti 616. 617. hi ne laedantur, conducit meatus auditorius 618. cum membrana tympani ibid. augmentum impetus aërei necessarium obtinetur per aurem externam cum excauationibus, atque eminentiis 619. eminentiae quid efficiant 620. quatenam sequantur consecutaria 621. vt tremor auris variet, efficit lobulus 622. per meatum auditorium tendunt radii sonori

INDEX

versus tympani membranam 623. no. 1. 2.
membrana tenuis et densa claudit meatum
auditorium 624. ad soni productionem con-
currit membrana tympani duplici modo 625.
nec minus cavitas tympani 626. quippe quae
magna esse debeat, et habeat exitum 627.
qui exitus vocatur tuba Eustachiana 628. in
ista neruus acusticus esse nequit, sed in alia
cavitate 629. quae labyrinthi nomen ducit
630. quaeque ex tribus constat partibus ibid.
partium nomina traduntur ibid. no. 1. et seqq.
631. porum ortus et progressus ibid. ad par-
tes dictas quo artificio aër deferatur 632. tonus,
distincte vt percipiatur, concurrunt et ossicula
plura, quae impetum aeris impediunt 633. 634.
et diuersa membranae tympani tensio 635. quae
per musculos mallei, stapedis atque Eusta-
chii contingit 635-639. et tuba Eustachii 640.
et hiatus Riuinianus 641. et stapes 642. 643.
et neruus, et labyrinthus 643. et labyrinthi
pars, cochlea dicta 644. concurrunt denique
et tres canales ossei semicirculares 645. et
scala cochleae inferior, et superior 646. 647.
et fenestra rotunda ibid. ex dictis confecta-
ria quae sequantur 648.

Aura seminalis quid efficiat 813-815.

Auricula cordis est vel anterior, vel posterior
83. ejus orificium auriculare anterius vel po-
sterius ibid.

Auricularum connexio 84. structura 85. ex stru-
ctura hac conclusiones quae sequantur 86.
no. 1. et seqq.

Auris cognitio anatomica, necessaria est 614.
quomodo ad auditum concurrat. vid. Au-
ditus.

Aurium situs. vid. Situs.

Axis visionis quid 547. 548. pl. vid. visus.

B.

Bartholini observatio circa sanguinis quantitatem, ex haemorrhagiis orta, annotatur 51.

Basis cordis cum apice describitur 54. no. 3. non mutatur 66. no. 9.

Bilis cystica quae nominetur 301. continetur in vesicula fellea 318. 322. de hac bile rationes quaedam annotantur 319. ab hepatica quam maxime differt 323. ratio. ibid. no. 1. etc. in vesicula fellea ex arteriis non secernitur Schol. I. ad §. 323. non ex arteriis cystidis. ibid. Schol. II. non ex pondere mouetur 324. vires enim aliae sunt, quae mouent bilem in poris biliariis haerentem 325. aliae, quae cysticam ex cystide in ductum cysticum pellunt 326. no. 1. 2. necessaria quantitas tantum secernitur 327. secretioni huic arteria hepatica non inferuit 328. ratio. ibid. per quae moueatur sanguis post bilis secretionem residuus 329. ad chylicationem quomodo conducat 414-419.

Bilis hepatica quae dicatur 301. 315. secernitur in acinis hepaticis 313. 314. duplici modo 317. n. 1. 2. per quae moueatur 325. n. 1. et sqq.

Boerhauui observatio de lymphae quantitate 6. colore sanguinis rubro 15. vasculorum diuersorum constitutione 208. n. 1. acinis hepaticis 312.

C.

Cachinnus qui nuncupetur 710.

Canalis venosus qui 835. pl. vid. Gestatio in vtero.

Cantus quid sit 701. vnde pendeat 702-705.

INDEX

- Capſula chyli Pecquetiana** quae vocetur 426. pl. vid. chylus.
- Caput gallinaginis** ad vaſa feminalia refertur 265.
- Cardia** quae dicatur 392. a quibus fibris conſtringatur ibid.
- Caſlebohmii Tr. de Aure** citatur 635.
- Catulorum motus cordis** ex quo principio explicetur. Schol. ad §. 666.
- Cerebellum** quid ſit 214. eius cauitas requirit parietes oſſeos 221. eius compreſſionem praecauet dura mater 222.
- Cerebellum** quando comprimitur, mors ſequitur 676. ſpiritus ex eo prouenientes, ad quas partes abeant ibid. n. 3. ſpirituum copia maior ex cerebello, quam ex cerebro prouenit 220. 676. ſpiritus ex cerebello originem ducentes conducunt ad motus vitales et naturales 676.
- Cerebrum** quid 214. eius connexio et progreſſus 215. eius ſubſtantia corticalis ſecernit fluidum 216. no. 10. quod Medici fluidum nerueum, ſeu ſpiritus animales vocant 217. qui ad ſenſus et motus concurrunt voluntarios 216. no. 6. 676.
- Cerebrum** oſſibus includitur, ratio 221. maximum homo relatiue habet 222. dura matre praeditum eſt, ratio ibid.
- Cerebrum ſedes animae** eſt 466. n. 5. 678. locus in quo percipit anima diſtincte, non patet 466. no. 5.
- Cerebri ſitus.** vid. Situs.
- Cerumen aurium** quid 243. eius cauſa, et locus, in quo colligitur, traditur ibid.
- Chordae Willifii datae** cur ſint 223.
- Chorion** quod vocetur 834. no. 1.
- Chylificatio** quae dicatur 414. quomodo perficiat.

ciatur 415-418. breuiori tempore cur peragatur quam digestio 419. no. 1. &c.

Chylus qui nominetur 414. elaboratur in intestino duodeno per liquores varios 415-418. conspicitur tertia post prandium hora in vasis lacteis primi generis 421. intestinis cur adhaereat et penetret 422. penetratio per quae augeatur 423-425. per quae vasa ad capsulam chyli Pecquetianam deferatur 426. per quem liquorem in glandulis mesenterii reddatur perfectior 427. per quae ad capsulam dictam moueatur 428. no. 1. &c. quare et per quae, ne versus intestina retrocedat, impediatur 429. ex capsula defertur ad ductum thoracicum 430. quae nam sint vires 431. ex ductu thoracico ad venam subclauiam sinistram 432. no. 1. et seqq. ne redeat, adest valuula 433. per quae fluido humano assimiletur 434. sanguini arterioso cur non immisceatur, sed venoso 435. ingressus sanguinis in ductum thoracicum, docente B. Wedelio, per valuulam haut impeditur 436.

Chymificatio quae vocetur 388.

Chymus quid 407. quomodo in intestinum duodenum penetret 409. pl. vid. digestio.

Cibus quid 360. antequam adsumitur, debet praeparari ac resolui 366. resolutionum modi varii sunt ibid. in corpore quomodo mutetur. vid. Masticatio.

Cibi in ventriculo contenti, cur non acefcent vel putrescant 403. eupepti aromatici ad stimuli venereos conducunt 791. n. 4.

Cilia quid efficiant 599. vid. visus.

INDEX

Circulatio sanguinis. vid. **Motus sanguinis circulatorius.**

Clamor qui dicatur 695. obtinetur triplici modo 695 - 698.

Cochlea quid sit 644. confert ad auditum. vid. **auditus.**

Coctio vel **concoctio** quae dicatur 388.

Coffee potus **vigilias** protrahit 751.

Color quid 532. no. 19. sanguinis rubicundus unde pendeat 15.

Conceptio quid 801. quando et quo in loco fiat 807. no. 1. et seqq. 812-814. ouulum crescens, in tubam Fallopii quomodo prematur 815. 816. id ouulum quomodo ex tuba in vterum pellatur 817. in vtero quomodo crescat, et nutrimentum capiat 817. 818. pl. vid. **Congressus.**

Conformatio quid. 909.

Congressus qui appelletur 801. foecundus qui. 801. 802. infoecundus qui 802. no. 1. et seqq. inchoatum post congressum cur statim fiat **femini** **ei**aculatio 803. n. 1. 2. haec cum impetu cur fiat Schol. ad 803. penis post eiaculationem cur fiat flaccidus 804. circa congressum foecundum variae proferuntur observationes 805. 806. ex quibus, quomodo conceptio peragatur, concluditur 807. 808. delineatio corporis organici, quo tempore fiat, annotatur 809. 810.

Contabescentiae senilis prima species quae 349. altera 350. tertia 351.

Cor cum partibus connexis delineatur 54. no. 1. et seqq. substantia eius musculosa constat ex fibrarum carnearum stratis 55. strata, quae tria sunt, cum valvulis tricuspidalibus et mitralibus demonstrantur 56-60. fibrae quoque spi-

- spirales 61. nec minus duo ventriculi, quorum dexter sinistro capacior est 62. quatenam ad stratum fibrarum internum haut pertineant 63. connexio facculorum cum orificiis et valuulis semilunaribus traditur 64.
- Cor vasa inter sanguifera cur referatur 65.
- Cordis actiones patefiunt partim per experientiam 66. 67. partim per mechanicas demonstrationes 68. 69.
- Cordis diastole. vid. Diastole.
- Cordis situs. vid. Situs.
- Cordis vasa, arteriae dictae, declarantur 70. earum proprietates. 71. venae, earumque proprietates 72. annotatur arteria, orta ex orificio dextro 73. ex medio orificio 74. cum arteria magna et aorta ibid. cum arteriis ferosis ac lymphaticis, vasculis secretoriis atque excretoriis 75. n. 1. 2. cum venis 76-82. et auriculis. 83-86.
- Corpus *Higmorei* quid 262.
- Corpus humanum quomodo increseat. vid. Incrementum.
- Corpus pyramidale aut pampiniforme quod denominetur 269.
- Corui, experimenta cum istis instituta designantur Schol. ad 23.
- Costae inter pectoris parietes referuntur 160. quomodo concurrant ad inspirationem atque expirationem 164. 165. quomodo moveantur à musculis intercostalibus 167-175. cur singulari modo cum aliis partibus constructae sint et connexae 176. no. 1. etc. 179. no. 1. et seqq.
- Cursus quid 730. in cursu quomodo corporis partes agant ibid. adiuuent 731.
- Cuticula quid 355.

INDEX

Cutis quid 470. in hac dispersae sunt papillae cutaneae 471. hae pressae, quomodo agant. 472. D.

Decrementum corporis quomodo fiat 348-351. eius species tres dantur. ibid. vid. Contabescencia senilis.

Decubitus, qui vel supinus vel ad latus est, declaratur 718-721.

Deglutitio quae appelletur 378. cibi masticati, mediantibus organis, ad fauces protruduntur 376. a faucibus ad pharyngem 377. a pharynge ad ventriculum 378.

Dentes ad masticationem requiruntur 373. in infantibus recens natis ac senibus, cur absint 379.

Dentium qualitates inquiruntur 353-354.

Diaphragma denotatur 161. quomodo efficiat inspirationem atque expirationem 162-166.

Dia stole cordis quid 66. n. 5. observatur in brutorum cordibus, ibid. n. 7. ut ordinate fiat, declarat experientia 67. mechanica confirmat 68. 69. per quae et quomodo fiat 98-112.

Digestio quae vocetur 388. contingit in ventriculo 389. 390. ingesta in ventriculum per pylorum non statim transeunt 391. ratio. ibid. 392. quae momenta considerata sint 394. no. 1. et seqq. eius vires mouentes proximiores quae dicantur, remotiores quae 395-397. in quo consistat 398. ut eo celerior ac perfectior reddatur, concurrere debent liquor ventriculi, ac salivae aliaeque vires ibid. particulae scilicet igneae 399. aëreae ibid. potulenta assumpta 400. salia atque aromata ibid. calor viscerum ambientium 401. pondus fluidorum ibid. motus peristalticus ventriculi 402. cibi in ventriculo contenti, non acescunt vel putrescunt, ratio 403.

Digestionis tempus variat, ratio 404. 405. ordinarie intra tres horas absoluitur 405. fluida prius quam solida digeruntur 406. digestionem transacta, oritur chymus 407. fluida soluta statim transeunt per intestinum duodenum, vi motus peristaltici 408. chymus etiam penetrat in intestinum duodenum, aut per intervalla 409. vi ponderis 410. ac motus peristaltici ibid. vi muscutorum abdominis et diaphragmatis 411. ciborum propulsio cur lente procedat 412. solida in ventriculo adhuc contenta, quomodo digerantur, atque ex ventriculo pellantur 413. corpora dura non digeruntur. Schol. ad 413.

Dodarti Medicina statica Gallica allegatur 271.

Dolor quid sit 474.

Ductus cholidochus qui vocetur 318. eius ortus et progressus notatur ibid. ex eius structura 319. et connexione quid sequatur 320. 321.

Ductus cysticus qui dicatur 318. eius constitutio et locus 322. n. 1. 2. observatio de ductibus hepatico - cysticis, et cyst - hepaticis annectitur Schol. ad 322.

Ductus hepaticus qui denominetur 313. bilis in eodem redditur concentratio 317.

Ductus thoracicus quid sit 430. eius insertio in venam subclaviam ibid. vehit chylum. vid. chylus.

Dura mater data cur sit 222. 223.

Durae matris vasa, cur sinus appellentur 224.

E.

Eiulatus quid 710.

Epidermis ad saporem quid conducat 506.

Epididymis quid 262. semen ulterius praeparat 263

Erectio corporis varia explicatur 722. 723. n. 1. &c. quatenus requirantur, erectum corpus ut conservetur 724.

INDEX

Exspiratio quid 153. per quae moueatur 159.
162. 165.

F.

Fames quid 478. quare ad tactus doctrinam referatur 475. eius subiectum, ortus, et causa 476. et effectus inde fluentes annotantur 477. 478. quomodo differat a nostro appetitu 479. ab acidis cur crescat 480. cur cibis decenter adsumtis euanescat 481. conclusiones quae exinde sequantur 482. no. 1. et seqq.

Feces quae appellantur 443. continentur in intestinis crassis 441. praecipue in intestino coeco, vbi subsistunt, putrescunt 442. 443. ad putredinem quae conducant 444. ex intestino coeco ad colon deferuntur 445. in colo ex vna cellula pelluntur in alteram 446. ibi quoque tarde mouentur, ratio 447. tandem ad intestinum rectum deferuntur 448. resistunt sphincteres, ast modo inaequali ac debili 449.

Fecum propulsio atque exercitio, per quae producat 450. no. 1. et seqq. per quae facilius reddatur 451. confectionaria quae sequantur 459. no. 4. etc.

Femina quae vocetur 754. requiritur ad generationem ibid. vid. Generatio.

Fenestra rotunda que dicatur 647. confert ad auditum. vid. auditus.

Fermentatio quid. 197.

Fermentum quid 197.

Fermenta localia diuersa an dentur ibid.

Fibrae quomodo crescant et pondere, et longitudine 338. 339. et robore 340. nutriuntur per homogenea 341. 342. cur crescant in ratione decrescente 343.

Fibrae spirales quae nominantur 61. earum ortus ac progressus inquiritur ibid. no. 1. et seqq.

Fla-

RERVM.

Flatuum origo in intestinis haerentium quotuplex sit 452-454. propulsio et excretio quomodo fiat 455-457. eruptio, per quae producat 458. ex dictis confectaria quae eliciantur 459.

Fletus quid 710. in quo a risu differat 712.

Fluida in corpore humano varia sunt 50. eorum quantitas vnde determinanda 50-53.

Fluida heterogenea atque ex massa sanguinea secreta quae dicantur 187-189. vnde et quomodo oriantur 190-192. partes ortae variant, prout variat motus intestinalis 193. varietas tam proportionis quam cohaesionis per quae producat 194. motus progressius, per quae mutetur ibid. no. 1. et seqq. prout vires et circumstantiae variant in visceribus, sic et motus progressius et intestinalis 195. vtilia et excrementitia quae 213.

Fluida pro futura secretionem, quo in loco praeparantur 196. n. 1. 2. per quae determinentur 197. pl. vid. Secretio.

Fluidorum qualitates a priori non cognoscuntur, sed tantum a posteriori 198. in genere quid affirmandum ibid. no. 1. et seqq.

Fluidorum secretorum motus per quae fiat 209. 210. itemque mutatio 211. diuersitas dependet a glandulis diuersis 231. pl. vid. Glandulae.

Fluxus lochiorum vid. Lochiorum fluxus.

Fluxus menstruus qui denominetur 756. n. 2. de eo quid notandum 757. no. 1. et seqq. pl. vid. Generatio.

Foetus qui vocetur 821. accipit sanguinem ex matre 819. pro nutritione et conseruatione 820. quomodo sese habeat tempore partus. vid. partus. vid. et Gestatio in vtero.

Foramen ouale quid 847. transmittit sanguinem

ex

INDEX

ex auricula dextra in sinistram 848. ratio 849.
eius valuula quid efficiat Sch. ad 849.
Frigus cur somnum inducat 752. quid vltius
efficiat 268.
Funiculus vmbilicalis cum vasis describitur 835.

G.

Generatio requirit marem ac feminam 754. po-
tentia [generandi certo obseruatur tempore
755. et connectitur cum semine virili 756. n. 1.
cum fluxu sanguinis periodico ibid. no. 2. san-
guis per quanam vasa effluat 757. n. 8. 758. in
ipso fluxu adest vasorum dilatatio 759. dilatio-
nis causa quaerenda non est in resistentia 760.
761. non in obstructione 762. non in celeritate
aucta, 764. ratio. ib. sed in massa sanguinis aucta,
hoc est plethora 763. 765. plethora per quae
augeatur, imminuatur 766. 767. plethora di-
latat vasa genitalia 768. hinc impetus maior
est, resistentia minor 769-772. id quod ex
variis cognoscitur circumstantiis 773. 774. ple-
thora imminuta, cessat sanguinis fluxus 775.
ex dictis quanam sequantur corollaria 776.
fluxus cur sit periodicus 777. senectute inci-
piente cur cesset 778. ad generationem requi-
ritur semen foecundum, 779. 780. no. 1. 2. de-
cens genitalium partium conformatio 781.
penis erectio ibid. penis per quae erigatur 782-
785. per quae rigidus reddatur 786. 787. com-
pressio venarum penis per quae fiat 788. no. 1.
et seqq. sanguinis refluxus ex vrethra per quae
impediatur 789. sub offe pubis, venarum pe-
nis compressio non fit, ratio Schol. ad §. 789.
doctrina de generatione ex animalculis sper-
maricis, premitur difficultatibus Sch. ad 810.
difficultates quanam sint potiores 811.
Gestare vtero quid dicatur 821.

Gestatio in vtero necessaria cur sit 819 821. quo-
 modo fiat 822. no. 1. et seqq. ad quot mo-
 menta respiciendum 823. no. 1. 2. quaenam
 mutationes in grauidis sentiantur circa pri-
 mum mensem 824. circa quintum 825. post
 quintum mensem 826. quaenam mutationes,
 ipsum vterum concernentes, obseruentur 827.
 quippe qui varias subit mutationes ratione ca-
 pacitatis 828. situs 829. ponderis 830. ori-
 ficii 831. no. et seqq. figurae 832. quaenam sint
 partes foetum ambientes 833. quotnam mem-
 branae occurrant in hominibus 834. in brutis
 Ibid. Schol. I. in hominibus additur tertia, fi-
 lamentosa dicta Schol. II. ibid. denotantur et
 alia solida foetum ambientia 835. denotatur
 fluidum foetum ambiens 836. in foetu mox
 post conceptionem motus sanguinis adest 837.
 sanguis hic est tenerioris consistentiae 838.
 quantitatis minoris 839. sanguis per quae mo-
 ueatur 840. no. 1. 2. arteriae vmbilicales duae
 cur datae sint 842. cur vna tantum vena vm-
 bilicalis ibid. vena haec cur abeat in venam
 foetus 843. in sinum venae portae 844. no. 1.
 et seqq. sanguis in foetu vt condensetur ne-
 cesse est 845. condensatio quibus in partibus
 fiat ibid. sanguinis circulatio per quas vias
 continuet 846-848. sanguis cur ex auricula
 dextra in sinistram per foramen ouale abeat
 849. valuula Eustachii cur adsit 850. per ca-
 nalem arteriosum sanguinis motus cur fiat 851.
 quo ordine fiat 852. no. 1. &c. vasorum vm-
 bilicalium longitudo cur necessaria sit 853.
 vasa vmbilicalia cur membrana densa obducta
 sint 854. spatium hanc inter membranam at-
 que vasa vmbilicalia cur repletum sit liquore
 quodam ibid. sanguis foetus tam ad nutritio-
 nem

INDEX

nem praeparatur, quam ad secretionem' 855.
secretiones sunt vel communes vel propriae
856. quaenam pertineant ad communes, ad
proprias quaenam 857. ad communes refe-
runtur feces sub meconii nomine 858. refer-
tur vrina, quae copiose secernitur et excerni-
tur 859. ad proprias secretiones pertinet li-
quor amnii in vaccis per corpuscula peculiaria
secretus 860. haec corpuscula quod organa
sint secretoria, probatur 861. alio modo fit
secretio liquoris amnii in foetu humano 862.
alia quoque obseruatur consistentia Schol. ad
862. liquor amnii quid praestet 863. no. I. etc.
liquor in ore ac ventriculo existens, quomo-
do sit comparatus in foetu humano 864. quo
in loco secernatur ibid. liquoris amnii origo
quotuplex sit in foetu vaccarum Schol. ad 864.
alimentum foetus humani quomodo, vt chylus
fiat, praeparetur 865. 867. meconium quomodo
fiat 867. quomodo deferatur alimentum ad
ventriculum 868. per quae moueatur ib. no. I.
et seqq. foetus humanus per os nutritur Schol. I.
ad 868. reliquae praeparationes eodem fiunt
modo, quam in adultis Schol. II. ad 868.
Glandulae simplices seu conglobatae quae di-
cantur 227. 228. conglomeratae quae 229. ex
earum vasis quid concludendum 230. no. I.
etc. secernentes sexduplicis generis sunt 231.
no. I. etc. quaenam referantur ad glandulas,
fluidum halituosum secernentes 232. no. I. et
seqq. secretum hoc fluidum per quae absor-
beatur et moueatur 233. quaenam fluidum se-
cernant mucilaginosum 234. quod articulos
lubricat et faciliat ibid. quaenam secernant
fluidum saliuale 235. no. I. etc. pl. vid. Sa-
liua. quaenam pituitosum 240. ceruminosum
243.

243. sebaceum 244. fluidorum quoduis varios praebet vsus, 240-245.

Glandulae ilei ac mesenterii quodnam fluidum fecernant 239. quid praestent in chylicatione 425-427.

Glandulae mesenterii a quibusdam inepte vocantur percolantes, ratio. Schol. ad §. 427.

Glandulae sebaceae Meibomii quodnam fluidum fecernant 188. 189. quid impedian 597.

Glottis quomodo conducat ad clamorem 695. 698. vocem 699. no. 1. toni variationem 702-707. 709.

de Graaf (Regn.) observatio de mulierum organis 805: 806.

Gustatio quid sit 492. sensus gustus. ibid.

Gustus quid 489. pl. vid. Sapor.

H.

de Haller figuram papillarum cutanearum pulchre detexit 471. eius dubiis aduersus aeris thoracici existentiam scite respondetur Schol. l. II. ad §. 159.

Hammius in semine animalcula spermatica observauit 780. no. 2.

Haruaeus inuentor sanguinis motus primus est. 87.

Heisteri observatio de vasis lymphaticis in hepate detectis 317. corpore vrethrae glanduloso 798. no. 2. vasis tubae Fallopianae 812.

Heluetii opinio de ventriculorum cordis inaequalitate 121. salivae copia effluente 238.

Hepar cum partibus annexis describitur 300. 301. bilem copiose fecernit 302. ad secretionem hanc conducunt vasa, sanguinem ad hepar deferentia 303. praecipue vena portae cum ramis 303. 304. sanguis huius venae requisita omnia possidet 305-308. conducunt quoque lienis nerui spiritus aduehentes, qui sese cum san-

INDEX

- sanguine, versus hepar abeunte, commiscunt
308. nervi ventriculi atque intestinorum spiritus adducentes 309. qui ad agendum potissimum necessarii sunt 310. fluidi secreti partes speciatim determinantur 311. no. 1. et seqq. huc pertinent acini hepatici. vid. Acini hepatici. Hepatis situs. vid. Situs.
Hoffmanni sententia de Cerebello 676.
Hombergii observatio de quantitate feri, sanguinis. 5. lymphae. 6.
Homo mortalis est, ratio. 352.
I.
Ictus proportio quid 135. unde pendeat 136. eorum aequalitas quomodo intelligenda 137.
Idea quid 649. no. 1.
Imaginatio quid. 649. no. 2.
Incrementum corporis quod vocetur 330. corpus unde augeatur debet demonstrari 331. cur fiat in ratione decresciente 332. corpus humanum quomodo increseat 333. et seqq.
Incrementum ratione molis et ponderis quomodo concipiatur 338. 339. nec minus roboris 340. fit per homogenea 341. 342. in ratione decresciente cur fiat 343.
Incrementum longitudinis circa annum vigesimum quartum cur cesset 344. cur continuet iuxta latitudinem, crassitiem, et robur physicum 345. cur iuxta pondus 346. cur ad statum perducatur ratione ponderis et crassitiei 347. cur in statu rigidum reddatur 348. 349. quomodo decreseat. vid. decrementum.
Ingenium quod appelletur 639. no. 4.
Insomnia quae nuncupentur 753.
Inspiratio quid 153. per quae efficiatur 161-165.
Instinctus naturalis quid. 790.
Intestinum colon, quomodo conducat ad chylicationem

ficationem 415. in eodem vasa lactea quandoque reperiuntur 424.

Intestina crassa necessaria cur sint 441-448. feces in isdem colliguntur. vid. Feces.

Intestina tenuia ad chylicationem quid conferant 415-425. pl. vid. chylus.

Iudicium quod appelletur 649. n. 4.

Iuvenes amant vigilias, ratio Schol. ad 750.

K.

Kaav (Abr.) Perspiratio dicta Hippocrati allegatur 271.

Keilii Medicina statica Britannica 271. observationes de excretionibus alui, vrinae, et perspiratione 773. n. 1. etc.

L.

Labyrinthus quid sit 630. confert ad auditum. vid. Auditus.

Lactin mammis quod dicatur 825.

Lacrymae quae nominentur 589. pl. vid. Visus.

Lancisii opinio de musculosa cordis substantia 55. et seqq. glandulis mediastini et pericardii 232. no. 4.

Lens crystallina ad visum quid conducat 542-543. pl. vid. Visus.

a Levwenhoeck observatio circa globulorum sanguineorum magnitudinem 14. colorem 15. animalcula spermatica 780. no. 2.

Lieberkuhnii observatio circa animalcula spermatica. ibid.

Lien cur nervos contineat magnos et copiosos 308.

Lienis situs. vid. Situs.

Ligamentum Heluetii quid praestet 392.

Ligatio abdominis in grauidis quid efficiat 882. vmbilici cur instituat 891. pl. vid. partus.

Lingua quid sit 494. eius papillae quid sint. ibid. pl. vid. Sapor.

Liquor amnii qui vocetur 836. cuiusnam indolis

INDEX

- fit 836. pl. vid. Gestatio in vtero, refertur ad causas partum promouentes 873-878.
- Liquor articulorum qui denominetur 234. ejus natura et vsus. ibid.
- Liquor ductus cholidochi quid praestet 416.
- Liquor glandularum asperae arteriae denotatur 232. no. 3. duodeni 416. faucium, gastricus, et oesophagi, 236. 398. cum vsu ibid.
- Liquor pancreatis copiose fluit in intestinum 238. quid efficiat 416.
- Liquor pericardii quid conducat 232. no. 4.
- Liquor ventriculi refertur inter vires digestionis proximiores 396. no. 2. 398.
- Lochiorum fluxus in quo consistat 883. quam diu duret ibid.
- Lommii iudicium de pulsu optimo 124.
- Loquela quae vocetur 709.
- Lumen quid 531. no. 2. ad visum requiritur vid. visus. producit vigilias 751.
- Luminosa et pellucida corpora quae dicantur 532. no. 1. notantur varia de luminis directione etc. ibid. n. 2. etc.
- Lympha quae nuncupetur 6. ejus quantitas indicatur ibid. secernitur ex omni fluido 246. 247. eius vasa quomodo constituta sint et maiora 248. no. 1. et seqq. et minora 249. halitiosa ex quibus vasis secernatur 250. no. 1. et seqq. per quae moueatur 251. sanguini venoso cur immisceatur 252. no. 1. et seqq. impedit coalitum viscerum 250. no. 1.
- M.
- Malpighius de ovo incubato allegatur 338. 818.
- Mammæ grauidarum intumescunt atque lac præbent copiosum 885. intumescentie ratio 886.
- Mas qui dicatur 754. requiritur ad generationem. vid. generatio.

Masculi frigidi qui appellentur 267. no. 3.

Massa sanguinea quae nominetur 1. quibus in vasis haereat. 2. de massa ista quid vltius notandum 3. no. 1 - 8. diuiditur in serum ac sanguinem stricte sic dictum ibid. no. 9. pl. vid. Sanguis.

Masticatio quae vocetur 368. huic actioni inferuiunt ambae maxillae 369. 370. muscoli varii 371. 372. dentes, lingua, buccae 373. glandulae salivales 374. saliuam ipsa 375. masticati cibi versus fauces quomodo protrudantur 376. 377.

Maxilla in masticatione quomodo agat superior 369. inferior 370. no. 1. etc. inferior per quae moueatur 371. 372.

Meatus auditorius externus quid 618. v. auditus.

Mechanismus pectoris demonstratur 168. 181.

Meconium quid 858. pl. vid. Gestatio in vtero.

Medulla spinalis cum vsu traditur 225.

Membrana filamentosa quae 834. Schol. II. Amnios. vid. Amnios.

Membrana pituitaria Schneideri quae appelletur 516. conducit ad odorem 516. 522.

Membrana tympani quae 618.

Memoires de l'Acad. des Scienc. 311. no. 5. 822. Schol. ad 836.

Memoria seu reminiscencia quae 649. no. 3.

Menstruus fluxus. vid. Fluxus.

Microscopia quid praestent Schol. ad §. 559.

Mineralia ad alimenta cur inepta sint 363.

Motus corporis progressius denotatur 717. tria in doctrina hac supponuntur. ibid. no. 1. etc. primariae actiones quatenus exponantur ibid.

Motus peristalticus qui dicatur 393. effectus eius recensentur 402. no. 1. et seqq.

Motus sanguinis circulatorius cum viis et viarum ordine annotatur 87-97. vires sanguinis motum promouentes et resistentes tam in sy-

INDEX

- stole quam diastole exponuntur 98 - 110. quo tempore fiat 111. 112. quotnam tempora sint, quibus vires sanguinem mouentes, et alternatiue agentes, suas absoluant actiones 113. 114. celeritas sanguinis motus progressiui variat, 115. celeritas per quae augeatur 116. per quae minuatur 117. per quae in hac vel illa parte mutetur 118. distantia a corde celeritatem motus in corpore humano non mutat 119. ratio. ibid. tempus, quo vna absoluitur circulatio, determinatur 120. 121. fundamentum durabilitatis sanguinis et virium, in quo latitet 122.
- Motus sanguinis circulatorius**, nisi per alimenta partes amissae restituantur, cessat 359. 360.
- Motus sanguinis intestinalis**, eiusque effectus augentur per motum sanguinis progressiuum 139. motus intestini effectus quotnam sint 140. effectus hi vltius explicantur 141-145. sanguis vt condensetur, antequam secundum suum subeat circulum, necesse est 146. condensatio sanguinis in pulmonibus fit 147. vnde cognoscatur ibid. no. 1. 2. condensationis modus inquiritur 148-151. ac refrigerii ibid. requisita huic mutationi conducentia, quaenam sint 152. quomodo agant 154 159.
- Motus mixti** qui dicantur 651.
- Motus vitales** seu spontanei qui 651. 914. voluntarii, seu animales qui 651. 916. dependent a musculis 652. pl. vid. Musculi.
- Mucus intestinalis**, et viarum vrinariarum, quomodo fecernatur 253. quid efficiat 254.
- Mucus narium** annotatur 242. qua ratione accumuletur, exsiccetur ibid. eius excretio cur per neres fiat 525.
- Mucus vteri ac vaginae** quomodo fecernatur 255, cuius indolis fit ibid.

Muschenbroeck citatur 535. 536.

Musculi quid sint 652. quando agunt, produ-
cunt corporis motum 653. eo momento, quo
agunt, mutantur. 66. no. 1-7. 654. quae mu-
tationes, quia certis sub conditionibus locum
non obtinent 655. hinc tria ad musculorum
actionem concurrere debent requisita ibid.
no. 1. etc. quae momenta vltius consideran-
da sint 656.

Musculorum agentium contractio vnde 67. 68.
crassities ac durities vnde oriatur 657. huius
rei ratio non haeret in situ fibrarum mutato
658. ratio ibid. 1. et seqq. sed dependet a flui-
dis in musculos influentibus 658. 659. non a
sanguine solo, vel sero solo 660. ratio ibid.
no. 1. etc. non a spiritibus solis 661. non a spi-
rituum pressione 662. non ab impulsu spiri-
tuum cum motu 663. ratio. ibid. sed produci-
tur a miscela sanguinis ac feri et spirituum ani-
malium 664. 665. inprimis quando spiritus in
motu constituti sunt 666. ad haec praeter san-
guinem requiruntur nerui, spiritus aduehen-
tes, et caua 667. eaque sphaerica 668. muscoli
quando indurescunt, et intumescunt, breues
cur fiant 669. quomodo sese habeant cauo-
rum parietes. 670. quomodo fibrarum muscu-
losarum caua 671.

Musculorum contrahentium vsus in quo consi-
stat 672. 734. antagonistarum actio quare
indefinenter fiat 673. ratio non solum haeret in
peculiari musculorum robore, 674. 675. sed
etiam in spiritibus 674. ex cerebello venienti-
bus 676. hi spiritus sufficiunt ad eorum muscu-
lorum, quibus actiones vitales et naturales absol-
uuntur, actiones continuandas. ibid. de iisdem
musculis adduntur observationes quaedam 677.

INDEX

- quaedam de musculis, quibus animales perficiuntur actiones 678. 679. quaedam de musculis, quorum motus mixti sunt 680.
- Musculorum contrahentium vires, quae triplices sunt, declarantur 681-688. in musculis quibusdam structura digestiva quare obtineat Schol. ad 689.
- Musica vigilias producit 751.
- Myopismus quid 604. qualem oculi structuram requirat 605. eius tres causae traduntur 606-609.
- N.
- Nares ad organa referuntur sensoria 462. ad olfactus organum 516. 517. ad olfactum quomodo conducant concaua narium, pinnae 518. no. 2. 3. 520. no. 1. etc. sinus pituitarii 523. 524. membrana pituitaria Schneideri 516-522. excretio pituitae per nares cur fiat 525.
- Narium situs. vid. Situs.
- Nervus quid 464. no. 1. eo ligato, vel compresso, perit sensus ac motus 216. 464. concurrat tanquam corpus cauum 216. no. 6. 464. no. 2. fluidum nerveum vehens 216. no. 10. 217. 464. no. 2. ad sensationem externam quomodo concurrat 466. no. 1. et seqq.
- Nervi acustici auditui inferuiunt 617.
- Nervi quomodo constituti sint, inferuientes sensationi forti 467. no. 1. debili, ibid. no. 2. et seqq. tactui 474. no. 1. etc.
- Newtoni opinio de Coloribus 572.
- Nicolai demonstrat capacitatem ventriculorum cordis inaequalem 121.
- Noluntas quae dicatur 649. no. 5.
- Nutritio quae appelletur 330. corporis structuram, quae augeri debet, supponit 331. auctio in omnibus aetatibus eadem non est 332.
- Nutritio duplex est, vel solidorum vel fluidorum

rum 333. 334. appositio partium solidarum ex ipsa massa sanguinea fit 335. cur ex legibus secretionis fiat 336. quatenam insuper explicanda sint 337. pl. vid. Incrementum corporis. Nutritio fluidorum per alimenta apta contingit 359-361. alimenta quatenam huc pertineant 362.

O.

Oculus quid 529. ad visum quomodo concurrat vid. Visus.

Oculi situs. vid. Situs.

Odor vel olfactus quid 511. sensus odoris quid. ibid. producitur a salibus simplicibus, ad nares delatis 512. 513. in aëre haerentibus 514. hisque subtilissimis. ibid. in membranam pituitariam Schneideri agentibus 516. actio salis in varia est ibid. no. 1. etc. 517. et augetur a variis causis 518. actio quoque summe exigua est et redditur sensibilis duplici modo 519. no. 1. 2-522. sinus pituitarii ad narium concavum cur pertineant 523. ad odoris sensum quomodo conferant 524. quid nervi membranae pituitariae conducant 525. no. 1. 2. consecretaria quae inde fluant 526.

Oesophagi situs. vid. Situs.

Opium, quare inducat vigilias 751. somnum 752.

Organum sensorium quid 461. eius numerus 462.

Orificia venarum *Thebesii* quae dicantur 78. no. 4. cur data sint 114.

Oris situs. vid. Situs.

Ossa tanquam vectes considerantur 690

Ovarium refertur inter locum conceptionis 807. no. 1.

Ovulum, eius ortus, progressus. ibid. no. 2. 3. differentia, 808. pl. vid. Conceptio.

P.

Palpebrae quid efficiant 587. pl. vid. visus.

INDEX

Pancreatis liquor, vid. liquor pancreatis.

Pandiculatio quomodo fiat 747.

Papillae cutaneae notantur 471. quid praestent 472.

Partus qui denominetur 880. naturalis qui. ibid. requisita quatenus sint. ibid. no. 1. et seqq. delineatur foetus in utero haerens ante partum 869. ratione molis. ibid. situs 870. motus 871. subsistentiae 872. adduntur causae foetus exclusionem promouentes 873-878. promotor partus, foetus ipse est 879.

Partus tempore sequuntur secundinae 881. post partum tam in matre, quam in foetu occurrunt variae mutationes Sch. ad 881. mutatio prima in matre occurrens quatenus sit 882. altera quae 883. 884. tertia quae 885. 886. quarta quae 887. in succulentis quibusdam peculiaris annotatur mutatio 888. mutationes in foetu post partum quatenus occurrant 889. no. 1. et seqq. respiratio foetus quomodo excitetur 890. umbilici deligatio quare instituitur 891. quomodo fiat ibid. canalis arteriosi coactus per quae obtineatur 892. itemque foraminis ovalis 893. vasorum umbilicalium coactus quomodo fiat 894. meconii excretio post partum quare mox sequatur 895.

Pectus requiritur ad respirationem atque ad sanguinis refrigerium 152. eius parietes, huc pertinentes, delineantur 160-166. eius structura mechanica a nemine physiologorum traditur 167. hic autem prolixè et pulchre demonstratur 168-180. ex demonstratione mechanica quid pateat 181. 182. no. 1. et seqq. pl. vid. Pulmones.

Penis ad generationem quomodo concurret. vid. Generatio.

Perceptio quae dicatur 463.

Pericard.

Pericardium quod 54. no. 6.

Pericardii liquor. vid. Liquor.

Physiologia quae appelletur 910.

Pilorum incrementum explicatur 357. 358.

Pinguedo vbi reperiatur 256. cur absque glandulis fecernatur ibid. ex quibus partibus componatur 257. in cellulis diu subsistere nequit, ratio 258. vsum praebet multifarium 259.

Pitkarnii opinio de concoctione miraculosa reicitur Schol. ad 407.

Placenta quae vocetur 834. no. 1.

Potus spirituosus copiose adsumti, somnum inducunt 752.

Potus quid 360. si assumitur, duplici instituitur actione 380. assumptio per os versus fauces quintuplici fit modo 381. modus primus peragitur forbillando 382. forbillationis vsus quinam 383. modus alter fit sugendo 384. tertius ordinate bibendo 385. ex vase inuerso quartus 386. quintus, si fluidum per angustum canalem in os infunditur 387.

Presbyopia quid 610. eius causa 611. senibus familiaris est, ratio 612.

Pulmones conducunt ad sanguinis condensationem 147. et seqq. et refrigerium 149-159. et respirationem 153. et seqq. miscela aëris cum sanguine intra pulmones haut approbatur 184. ratio. ibid. no. 1. et seqq. nec attritio sanguinis fit ab aëre 185. nec chyli 186. quo sensu sint primum sanguificationis organon. ibid.

Pulmonum situs. vid. Situs.

Pulsatio quid sit 123. ex pulsatione cognoscitur status sanus, vel morbosus ibid.

Pulsationes quotnam intra horae spatium obseruentur 121. diuerse variant 130. ratione temporis ibid.

INDEX

Pulsus, iuxta Lommium, optimus qui 124. magnus qui dicatur, et paruus 125. magnus quid requirat 126. no. 1. sqq. paruus quid ibid. no. 9. celer ac tardus qui vocetur 127. per quae augeatur 128. 129. per quae imminuatur 129. 132. creber qui 130. rarus ibid. frequens 131. mollis ac durus 133. plenus et vacuus 134. causae ibid.

Pulsus in statu naturali quomodo sese habeat 130. 135. languidus qui appelletur ac vehemens 136. ordinatus qui atque inordinatus 138. ex pulsibus cognoscitur ordo bonus ibid. ordo quoque malus ibid.

Pupilla quae dicatur 563. quem usum habeat 564. et seqq. quomodo dilatetur et constringatur 564-568.

Q.

Quantitas bilis accurate haut determinatur 327.

Quantitas sanguinis, et fluidi corporis humani, unde determinetur 50-53. Lymphae 6.

Quantitas salivae vid. Saliva.

Quantitas feri variat 5. ratio. ibid.

Quantitas vaporum, aliarumque euacuationum a Keilio tradita, adducitur 273. variat in quolibet indiuiduo 274. no. 1. 2. varietatis causae quatenus ibid. no. 3.

Quies corporis nimia cur somnum protrahat 752.

R.

Ranarum motus cordis ex quibus principiis explicari possit Schol. ad 666.

Ratio quae appelletur 649. no. 4.

Renes ad urinae secretionem quid conducant 287-290. pl. vid. Urina.

Renum situs. vid. Situs.

Respi-

Respiratio quid 153. ista vt modo commodiori
absoluatur ac perfectiori, requiruntur varia
152. et seqq.

Respirationis negotium fluit ex suppositis mecha-
nicis, aliisque causis 181-186. pl. vid. pectus.

Rete mirabile Galeni quid efficiat 218. n. 4.

Rete mirabile Malpighii quod dicatur 73. no. 3.
quid praestet 154-156.

Reuschii Systema Metaphysicum allegatur 463.

Rifus qui dicatur 710. per quae producat
711. a fletu quomodo differat 712.

Rohaulti obseruatio circa extremitates vasculo-
rum placentae Schol. ad 822.

Ruyfchii obseruatio de vasorum minimorum
constitutione 208. no. 1. 2. corticali renum
substantia 288. n. 4. acinis hepaticis. 312. vte-
ro villoso, 806. no. 4.

S.

Salia volatilia assumta cur somnum inducant
752.

Saliua quae dicatur 236. per quae particulariter
commouetur 237.

Saliuae copia in glandulis saliuilibus, tempore
masticationis excreta, illustratur exemplo ab
Heluetio relato 238. quomodo conducat ad
masticationem 374. 375. digestionem 396.
no. 2. 398.

Saltus quid. 732. corpus dum saltus fit, quo-
modo trahatur 733. vigilias producit 751.

Sanctorii aphorismi hic referuntur de transpira-
tione insensibili agentes 271. 272.

Sanguificatio quid sit 437. miscela chyli cum
sanguine quomodo fiat 438. per quae chylus
cum sanguine agitetur ibid. no. 1. et sqq. qui-
bus actionibus peragatur 439. quo in loco fiat,
440.

INDEX

Sanitas quid 913.

Sanguis stricte sic dictus quid 3. no. 9. acquirit per serum fluiditatem 4. est sero specificè grauior ibid. eius grauitas cur per numeros adducta Schol. ad §. 4. eius ac feri differentia in quo consistat 5. 6. quatenam sint partes sanguinem constituentes 7. 13. harum partium proportio variat 13. variat in diuersis hominibus ibid. proportio haec fundamentum sanitatis est. ibid. nec minus unio et miscela sanguinis decens 14. eius color rubicundus vnde pendeat 15. aër inhaerens sanguini, quid efficiat 16. no. 1. et sqq. sanguinis elasticitatem quatenam doceant 17. quid conducant partes igneae 18-27. qua ratione agant particulae heterogeneae sanguini immixtae 28-34. quaelibet partium constituentium proportio ac miscela dat specialem sanguini ad actiones exercendas qualitatem 35-36. qualitas ista dicitur temperamentum. 37. pl. vid. Temperamentum.

Sanguis arteriosus quibusnam gaudeat proprietatibus 75. no. 3.

Sanguis menstruus qui dicatur 756. no. 2.

Sanguinis quantitas. vid. Quantitas.

Santorini observatio de sinibus. 785.

Sapor quid 489. 492. excitatur a salibus 489. a salina vel ab alio fluido solutis 490. actio salium in linguam, in quo consistat 491. actio per quae augeatur 493. no. 1. etc. 494. per quae in saporem determinetur 495. salia in papillam eminentem quomodo agant 496. quomodo agant, quando ardorem vel dolorem post se relinquunt. 497. quando saporem 498

Sapor ordinarius quid 499. quomodo producat ibid. 500. quomodo excitetur a salina actione

actione per intermediam cuticulam 501-505.
membrana mucosa ad saporem quid conferat
506.

Saporum varietatem quae efficiant 507-509. con-
fectaria quae ex dictis hisce eliciantur. 510.

Scrotum virile cur extra corpus haereat 907.

Secretio quid 190. quaenam exponenda veniant
191-199. fluida secreta quae 189. pl. vid. fluida
secreta.

Secretionis primaria vis, adhaesio est 200-
206, miscela quoque fluidorum leuiorum ac
specificae grauiorum necessaria est 206. no. 1.
et sqq. viscera debent esse rite constituta 207.
208. vasa itidem fecernentia ibid.

Secretionis negotium quibus actionibus absolua-
tur 212. 213.

Secundinae quae vocentur 881.

Semen quid 261. quibusnam in vasis fecerna-
tur ac praeparetur 260-263. per vas deferens
abit ad vesiculas feminales 264. per quae mo-
ueatur ibid. cur non in vrethram, sed in vesi-
culas feminales abeat, easque extendat 265.
his in vesiculis motum vltius continuat, ma-
gis magisque spirituosum fit 266. cur non ad-
sit in omni aetate 267. no. 1. 755. in omni-
bus subiectis 267. no. 3. in quibusdam cur
abundet. ibid. 2. requiritur ad generationem
756. n. 1. pl. vid. generatio.

Sensatio externa quae dicatur 463. quae requi-
sita huc pertineant 465. eius modus qua ratione
concipiatur 466. confectaria quae sequantur
467.

Sensus externus quid 463. 648. perit, neruo li-
gato vel compresso 464. vt rite conformetur,
concurrit anima 460. cum organis 461-463.
et neruis 464. no. 1. 2.

INDEX

Sensus interni qui appellantur 650. tractantur in physiologia, ratio ibid.

Serum quid 3. no. 9. eius grauitas annotatur 4. eius quantitas ad sanguinem ab autoribus varie traditur 5. varietas haec vnde pendeat ibid. differentia feri ac sanguinis in quo consistat. ibid.

Sinus durae matris. vid. Dura mater.

Sinus pituitarii delineantur 523. conducunt ad sensum odoris conseruandum 524.

Sitis quid 483-485. causae quaenam sint 486. 487. confectaria quae exinde fluant 488.

Situs auris superior necessarius cur sit 896. itemque oculi 897. nasi. 898. oculi, nasus et os cur in anteriore capitis parte haereant 899. aures cur diametraliter sint positae ibid. os cur infimum occupet locum 900. nasus cur medium. ibid. cerebrum cur supremum 901. pulmones cur locum naso et ore inferiorem occupent 902. pulmonum et cordis connexio necessaria cur sit. ibid. cur in vno latere haereat. ibid. oesophagus cur post asperam arteriam 903. aspera arteria cur in collo locum obtineat anteriorem 904. ventriculus, vesica atque intestina cur in ventre infimo collocata sint 905. itemque hepar, lien, ac renes 906. partes mulierum genitales 907. mentula virilis et scrotum cur extra corpus haereant. ibid. partes omnes commemoratae obseruant leges aequilibrui 908.

Somnus qui dicatur 737-739. oritur a spirituum defectu 735. 736. cessant in somno actiones voluntariae, econtrario vitales et aliae actiones continuant 738. 739. no. 1. 2. per quae fiat actionum vitalium continuatio, per quae animalium cessatio 740-742. calor dor-

- dormientium, cur tempore somni minor sit, quam vigilantium 743. no. 1. minor quoque respiratio ibid. no. 2. secretiones licet imminutae sint 744. attamen secreta fluida rursus restituuntur 745. spiritus quoque in ordinem rediguntur ibid. 749. tempus somni diuerse variat, ratio 750. no. 1. 2. defectus spirituum in somno per quae producat 752.
- Sonus qui vocetur 613. eius doctrina in duas diuiditur partes 614. no. 1. 2. principia mathematica supponit et physica 615. actio aeris pro sono producendo in quo consistat. 616. pl. vid. auditus.
- Sphincterum actio denotatur 449.
- Spiritus animales qui vocentur 217. 464. no. 2. continentur in nervis pro sensu ac motu voluntario 216. 676. nerui agunt, quatenus caui sunt, et spiritus vehunt 216, no. 6. et seqq. 217. alium motum praestant spiritus ex cerebro prodeuntes 676. no. 1. 2. alium ex cerebello ibid. no. 3. animales quomodo fecerantur 218. per quae moueantur 219. secretionis differentia quae 220. in cerebro et cerebello ibid. in medulla spinali 225.
- Spiritus ipsi ad fluida vtilia referuntur, ratio. 226.
- Statio corporis erecta vt conseruetur, quatenam requirantur 724. no. 1. 2. in sessionem mutata, quomodo corpus flectatur 725.
- Sternum cum musculo sterno costali, quomodo concurrat ad respirationem 161-165.
- Sternutatio quid 715. discrepat a tussi ibid. no. 1. et seqq. emundat nares 716.
- Stertor quid 694. vnde oriatur ibid.
- Stimuli venerei qui dicantur 790. eorum causa 791. pl. vid. appetitus venereus.

INDEX

Sudor quomodo fiat 280. no. 3. ad 283. per quae moueatur 284.

Supercilia quid conducant 600.

Systole cordis quod vocetur 66. no. 5. quorundam brutorum corda exercent systolen. ibid. no. 7. non mutat cordis longitudinem ibid. no. 9. decenter quod fiat, docet experientia 67. mechanica ars comprobatur 68. 69. per quae moueatur et resistatur 98. 110. quo tempore fiat 111. 112. pl. vid. Motus sanguinis circulatorius.

T.

Taboris observatio de feri et sanguinis quantitate 5. globulorum sanguineorum diametro 14.

Tactio quid 469.

Tactus quid 469. organon primarium cutis est 470. papillae quoque cutaneae, in cute dispersae 471. 472. eius ope percipiuntur actiones corporeae, et corporum qualitates 473. nervi tactui destinati nudi non sunt, ratio 474.

Temperamentum quod dicatur 37. mutatur omni momento 38. variat modis infinitis 39. cognoscitur ex qualitatibus corporis humani sensibilibus 39. 40. diuiditur in duo simplicia, ibid. et quatuor composita 41. no. 1. etc.

Temperamentum sanguineum vnde pendeat 42. eius signa adducuntur 43. cholicum vnde 44. eius signa 45. phlegmaticum 36. signa 47. melancholicum 48. signa 49.

Tendines ad musculi essentialia non pertinent, ratio 689. praestant usus varios, eosque insignes ibid. 1. 6.

Testiculi continent arterias spermaticas et venas
260. nervos copiosos 261. vasa secernentia,
et simul semen praeparantia 262. corpus
Highbori, atque epididymides 262. 263. vesti-
culas feminales 264. 265. in quibus semen
magis spirituosum redditur ac perficitur 266.
pl. vid. Semen.

Tonus quid 615. no. 7. 701. eius diuisiones 615.
no. 8. et seqq. quomodo fiat fortis ac debi-
lis 703 - 707.

Tonus fibrarum quid 66. no. 1. eius effectus.
ibid.

Transpiratio itemque perspiratio insensibilis
quae dicatur 271. haec neque in cute cessat,
neque in pulmonibus 270. Hippocrati, et
Sanctorio, et aliis iam cognita fuit 271. id
quod aphorismi affirmant Sanctorii 272. Kei-
lii 273. ex adductis, quid concludendum 274.
no. 1. et seqq. partes e corpore secedentes,
quali praeparatione egeant 275. secedunt non
solum ex vasis excretoriis, sed etiam ex cuticu-
lae aliarumque partium poris 276. ad hanc
excretionem parum confert vis cordis et ar-
teriarum 277. sed motus sanguinis intestinus
et progressius 278. itemque aer et integu-
menta 279. no. 1. et seqq. imprimis si aer
qualitates habeat proportionatas 280. no. 1. 2.
si minus proportionatas, sit transpiratio sensibi-
lis siue sudor. ibid. no. 3. 4. id quod diuersis
sit modis 281. no. 1. et seqq. 283. quem
usum praestet 284.

Tuba Eustachiana quae dicatur 628. pl. vid. au-
ditus.

INDEX

- Tubuli vrinarii *Bellini* unde oriantur 289. ad fluidi secretionem quid conducant 290. 291.
Tunica adnata vel albuginea quid efficiat 601.
Tunica cornea quomodo agat 568.
Tunica vrea quae appelletur 563. quid praestet 563 - 567. eius fibrae elasticae sunt Schol. ad 567. pl. vid. Visus.
Tussis voluntaria quomodo fiat 713. a risu quae ratione differat 714. quid praestet 716.

V.

- Vagina vteri fons quoque est, ex quo sanguis menstruus exstillat 757. no. 8. 758. eius vasa in fluxu dilatantur 759. pl. vid. Generatio.
Valuula Bauhini quid praestet 445. coli quid 442. Eustachii quid efficiat 850.
Valuulae conniuentes quae dicantur 420. quid efficiant 422. 446. 448.
Valuulae cordis semilunares quae 64. tricuspidales et mitrales quae 60. ductus thoracici cur datae sint 433. 436.
Valuulae vasorum lymphaticorum copiosae cur adsint 248. no. 1. etc.
Valuulae venarum quomodo constitutae sint 79. no. 2. 81. no. 3.
Varignon *Nouvelle Mechan.* 682.
Vas deferens quorsum tendat 264. 265.
Vasa, in quibus sanguis haeret, denotantur I. 2.
Vasa lactea primi generis quae appellentur 421. eorum ortus et progressus annotatur 424.

424-426. secundi et tertii generis quatenam
sint 426.

Vasa lymphatica designantur maiora, et minora
248. 249.

Vasa umbilicalia quae vocentur 835. pl. vid.
Gestatio in utero.

Vasari observatio de colore sanguinis rubicun-
do 15.

Vegetabilia ad alimenta quae referantur. vid.
alimenta.

Vena cava est vel inferior, vel superior. 77. su-
perior unde oriatur et progrediatur 79. in-
ferior unde 81.

Vena coronaria cum ortu et progressu notatur
77. 78.

Vena portae cum radicibus 80. no. 1. etc. 303.
cum ramis in hepar abeuntibus 304. sanguis
hac in vena tardius movetur, quam in aliis
305. ratio 306. ex sanguine huius venae se-
cernitur bilis. 307.

Vena pulmonalis unde oriatur 76. abit in fac-
cum venae pulmonalis ibid.

Vena subclavia sinistra 432.

Vena umbilicalis quae 835. cur una data sit 842.
in venam foetus cur abeat 843.

Venae facilius, quam arteriae, cur dilatentur
82. earum proprietates uberius indicantur 72.

Venae hepaticae quae appellantur 304. cur da-
tae sint 329.

Ventriculus quid 389. eius structura ac situs de-
claratur 390. 905. ingesta aliquamdiu conti-
net, ratio 391. repletus claudit orificium si-

INDEX

- nistrum 392. pl. vid. Digestio. repletus inducit somnum 752.
- Ventriculus cordis vid. Cor.
- Verheyneii Anatomia citatur 806. no. 3. 4.
- Vesica vrinaria quae dicatur 293.
- Vesicae requisita traduntur 294. 295. per quae obtineantur 296. qua ratione agat vis, vrinam pellens in vesicam 297.
- Vesicula fellea quae denominetur 318. connectitur cum ductu cystico et cholidochi ibid. ex ductuum et vesiculae structura quatenus reddantur rationes 319. no. 1. etc. in vesicula canum vasa lymphatica reperiuntur 323. no. 3. ex arteriis cystidis pars bilis haud discernitur Schol. 1. 2. ad 323.
- Vesiculae seminales annotantur 264. cum situ et usu 264. 266. concurrunt ad appetitum venereum 791. 792.
- Vigiliae quid sint 748. continuatae somnum inferunt 749. earum tempus diversimode variat, ratio 750. no. 1. 2. praecipue in iuvenibus ibid. Schol. per quae protrahantur 751.
- Vinum modice usurpatum confortat 751. in copia sumtum, somnum infert 752.
- Vis absoluta quae dicatur 67. 685.
- Vis physica et vitalis quae 67. virium dictarum agendi modus mechanice demonstratur 68.
- Viscerum discernentium qualitates quatenus sint 207. no. 1. et seqq. duae a Ruyschio aequae ac Boerhaavio confirmantur 208. no. 1.

Visus quid 527. ope intermediu cuiusdam agunt
 corpora in oculi neruos 528. oculus, aliaque
 ad visum requisita, exponuntur 529 531. va-
 ria, quae ad physicam et anatomiam perti-
 nent, supponuntur Schol. ad 531. 532. radii
 lucis ex vno puncto radiante ad corneam
 abeuntes, franguntur in corneae superficie
 ad perpendicularum 533. quod figura illustra-
 tur ibid. figurae huius declaratio vberior
 534- 536. locus vnionis radiorum, ex vno
 puncto radiante abeuntium, retina est 537.
 radii vniti imaginem in tunica retina pingunt.
 538. imago norma est, secundum quam ob-
 iectorum radios, oculum versus determinan-
 tium, iudicamus 539. radiorum collectio in
 vnum retinae punctum cur necessaria sit
 540. radii obiectorum imaginem super re-
 tinam pingentes quoniam sint 541. lens cry-
 stallina ad formationem imaginis supra reti-
 nam parum confert 542. necessaria tamen est
 ad maiorem visus perfectionem 543. ad quae
 momenta respiciendum est 544. cur obiecta
 extra nos iudicemus, cum tamen imago intra
 oculum nostrum sit 545- 548. cur mens ima-
 ginem vnā percipiat, cum tamen in vtro-
 que oculo eiusdem obiecti imago depingatur
 549. per quoniam hoc confirmetur 550.
 coalitum neruorum duorum opticonum in
 vnum quaerere necesse non est Schol. 1. ad
 550. cur DEVS geminum dederit homini
 oculum Schol. 2. ad 550. cur obiecta in situ
 videamus erecto, cum tamen imago subiecto-
 rum externorum supra retinam inuerse pin-
 gatur 551. cur obiectorum insignis magnitu-
 do cognoscatur, cum imago, supra reti-
 nam

INDEX

nam formata, parua sit 552-557. cur visu distinguere possimus, num obiecta remota sint, an vicina 558-561. quaenam, vt obiectum distincte conspici possit, requirantur 562-570. quaenam sint ea, quae potissimum per imaginem supra retinam nostram pictam in rebus distinguamus 571. quomodo distinguatur obiectorum color 572. magnitudo optica 573. locus ibid. figura 574. distantia ibid. motus et quies 575. quae momenta insuper notanda sint 576.

Visus requirit oculum sphaericum 577. qui per quatuor musculos rectos 578. perque duos obliquos mouetur 579. 580. physiologi, qui motum ab aliis deriuant causis, approbandi haut sunt Schol. 1.2. ad 580. tunicae oculorum cur flexiles sint, et fluido pellucido repletae 581. tres oculi humores quid efficiant 582 humorum circulus cur adsit 583. humoris aquei secretio per quae fiat Schol. ad 583. tunica sclerotica quid conducat 584. quid choroidea et Ruyschiana 585. processus ciliares quid praestent 586. quid palpebrae 587. ope musculorum ibid. palpebrarum tarsi cur dati sint 588. palpebrae, ne noxam inferant, data est glandula lacrymalis 589. lacrymae per quas vias abeant 590-594. per quas causas moueantur 595. 596. per quas, ne laesio fiat, impediuntur 597. 598. cilia quid efficiant 599. quid supercilia 600. quid pinguedo bulbum oculi inter et orbitam reperta ibid. no. 1. etc. quid tunica adnata ab aliis albuginea dicta 601. quid denique nerui ad oculum abeuntes 602. ad visum quae insuper referantur 603.

Vita quid sit 911.

Voluntas quae dicatur 649. no. 5.

Vox quae nominetur 691. quomodo fiat 692.
eius locus declaratur cum causis 699. 700.
per quas vias erumpat 708.

Vox articulata quae 709.

Vngues sunt cuticulae continuationes 356. ab-
scissi, crescunt in radice ibid.

Vrachus qui appelletur 834. Schol. 1.

Vreterum constitutio qualis 298.

Vrethrae structura qualis 299.

Vrina quae nuncupetur 286. secernitur ex san-
guine arterioso renali 287. composita est
ex variis partibus quae debent vniri per retar-
dationem ibid. retardatio quomodo fiat 288.
quo in loco fiat vnio 289. quibus in partibus se-
cretio ibid. densitas et durities vasorum secer-
nentium quid doceant 290. fluidum secretum,
per quae vasa transeat 291. per quas causas
moueat 292. colligitur in vesica urinaria
293. 294. ex vesica vt expelli queat, quae-
nam conducant 295. 296. per quae in ve-
sicam pellatur 297. per quae, ne ad renes rur-
sus adscendat, impediatur 298.

Vrinae excretio genitalibus muliebribus non
nocet, ratio 299.

Vterus refertur ad causas exclusionis foetus 873.
seqq.

Vterus fons est, ex quo sanguis exstillat men-
struus 757. no. 8. - 759. eius quoque vagina
ibid. pl. vid. Generatio.

Vterus in grauidis obnoxius est variis mutatio-
nibus 827 - 832. pl. vid. partus.

Vteri

INDEX RERVM.

Vteri crassities in grauidis quomodo se se habeat Schol. ad 832.

Vteri orificium in grauidis quomodo constitutum sit 831. pl. vid. Gestatio in vtero.

W.

Wedelii (Io. Adol.) programma citatur de valuula venae subclauiae ductui thoracico imposita 436.

Wepferi Tr. de Apoplexia 676.

Winslowii opinio de cordis musculosa substantia 55. intestinorum tunicis 420. vas-
sis lacteis ex intestino colo ortis 424. rugis
intestini coli 448.

FINIS.



Elem. Physiol. TAB. I.

Fig. I.




Fig. III.



Fig. II.





Fig. IV.



Elem. Physiol. TAB. II.





Fig. III.

